



BIBLIOTECA NAZ.

XXVII*


A

68

NAPOLI

XXVII* 118
a. 68.
68.





SUAVILUDIA
MUSARUM

Ad Sebethi ripam.

EPIGRAMMATON
LIBRI X.

IACOBI LUBRANI
E SOCIET. IESU
Neapolitani.

115

C
61



NEAPOLI. Ex Typographia Jacobi Raillard 1690.

Superiorum facultate.

Et Privilegio.

AT 11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.

11 A.M.



ILLUSTRISS. ET EXCELLENTISS. DOM.

Bislinianensium Principi,

*Inter Neap. Regni Barones Primo, inter
Hispanæ Aula Summates, supremi
Ordinis Magno,*

D. CAROLO
SANSEVERINO.

IACOBVS LVBRANVS

S. S. D.

DIV me intra silentium continui,
Princeps Excellentissime; tar-
dumque adeo nomen fui, ut
promissi fidem, alijs atque alijs mora-
torijs inducijs, vel abruperim, vel

eluserim . En tandem Epigrammata ;
quæ non gloriolæ captandæ , sed le-
vandæ patientiæ, per intercisi temporis
momenta conscripsi , invito sæpe Musa-
rum Senatulo. Minus quidem solvo, quòd
serius solvam; eo tamen animo id ago, ut
debitum magis augeam , quàm expun-
gam. Exiguum munus est. Quid enim Ma-
gno, nisi parva reddam ? crescent in pre-
tium, si tua feceris. Excuset inopiam , re-
nuitatēq; meā facilitas tua omnibus ex-
posita; & cuiusmodicūque sit, obsequij si-
gnificationē hanc in accepto referat. No-
vimus Te in Poëticen, erudita quadam li-
terarum intemperantia maximè procli-
vem: & tum alacrem, tum denique tuum
esse, cum publicis curis solutus , & liber,
ad Lyram accedis: contra quam plerique
in emollito corporis cultu splendide
otiosi; numquam sapientes, numquam vi-
ri ; qui procul a se habent libros , vel
summis digitis tangunt . Elegans Tibi a
natura ingenium , in condendis versibus
lepidè, magnificèque diffusum; præcipuè
in Odis, quâ felici verborum audacia, quâ
sen-

sententiarum aculeis, velut in Pindari do-
mo natis. Elidorum tuum in scena suspi-
cimus Aulitechniæ scientissimum, præ
quo veteris Aphranij Simulans friget;
nam & versipellem politicæ artis Ambi-
tum ad vivum exprimit, mellitisque can-
tionum modulis ornat, ut detegat. Salva
nunc magnitudine tua demittas Te pre-
cor ad hæc carminum cogitatumculas,
daturus & levibus pondus, & impolitis
gratiâ. Non enim minus studia, quàm stu-
diosos enixè diligis; subditosque tuos vel
ex plebe, si quid ingenuæ indolis præferât,
literis, ac moribus imbuendos scholæ ad-
dicis; nulloq; inopiæ præiudicio, angustè
utentes victu, luculenter alis; habitatio-
numque mercedes, statos etiam redditus
de tuo donas. Supra votum modestiæ
meæ est, non extra spem, piscarij Apol-
linis obsoniolum oblectationi tibi fore,
non fastidio, cum in Hæroum cœnis, oleri
etiam locus sit. Nobiles hodieque fœ-
minæ recentissimas blanditias, & exotica
quædam luxuriæ scitamenta jactitant,
muliebri Mundo in voluptatulæ micro-

cosmum contracto. Scrinia pretiosis
rerum miculis minutim elaboratis exor-
nant; atque ista superflua ostentatio-
ne se censent. Videre est integram su-
pellectilem, curiosæ solatium, an ludi-
brium desidiæ? Mensulas, lagenulas, al-
veolos, quadrigulas, aliasque id generis
argutias in puncta concisas, nec tenui ad
pascendos oculos tantum impendio. Ma-
gnificentius, & utiliùs ages Princeps eru-
ditissime, si vacuæ isthæc pompæ leno-
cinia ad sapientiæ pompam, illecebram-
que trãducas. Pateant tuis in pluteis Epi-
grammatum lusus, quibus a brevitate
etiam, quòd placeant, insitum est. Intelli-
gent profectò omnes, non minimi habenda
Musarum compendia, si Domum tuam
intraverint; in qua nihil a Fortuna non
magnum, nihil a virtute non maximum.
ornabuntur a Te; non Tu ex illis orna-
beris. Amplum mihi erit, si vel unam, aut
alteram paginam legeris, ut integrè li-
brum probes. Atque hìc parcas, si Sanse-
verinæ Familiæ laudes fìleam, cui sum-
mum decus est, numquam satis posse lau-
dari.

dari. Infanire, si vel guttulis Oceanum,
vel faculis Solē cōmendari posse crederē!
Regiam Avorū gloriam ita excipis unus,
ut expleas: nec alio eges elogio, quā Te
ipso. Cū Bisiniansium Principem nū-
cupaverim, omnia ad Generis dignita-
tem, ad Famæ splendorem abundē dixi.
Vale, & Te superstitem Patriæ, Musis!
Superi diutissimē servent, Neapoli. Idi-
bus Iulij MDCXC.



Ad Eundem
Vi emersas e cæno Musas, heroico stylo ad ingenuam car-
minum maiestatem revocet.


Quæ vesana Italiam torquet vertigo Poëta
Indociles ad carmina Musæ,
Si sacra, si Cælum sapiant, castumque pudorem:
Et nugas, atque Orgia ludunt.
Ingenijs tantum una sedet Bœotia, cum res
Divino plaudenda cothurno.
Iratis etiam dicam auribus: omnia nudis
Incestant mendacia verbis:
Miscueruntque Erebum Pindo, Styx Castalin hausit;
Et myrtus jam laurea vatum est.
Phyllis ubique, Lyceque, & Hylas, & penniger Idæ,
Venalesque e fornice Mimæ;
Atque olidam eructant, lituique, Lyræque Suburram.
Nullum moris, & oris Honestum.
Quis legat, aut falios malefido in dramate Faunos,
Et Venerum turpissima Tempus?
Quis non devoteat flammis, si cautus, Adonin?
O age sidereo entheus cæstro
Pierios Scurras, & Apollineos Silenos
Reijce, magnificèque decoram
Uraniam Princeps merito da vivere plectro;
Nam potes. hoc molire. Choragum
Nobilium vatum te destinat Itala Syren,
Et multa calamus imbuat Hybla.

Ad Eundem

*Vi Possim, suam elegantissimè ingeniosam, & lepidam
publicam facias,*

Du cupidis conor Te Magnum attollere Musis;
At desiderio sum minor ipse meo.
Mensuram votum Tuplenus Apollinis imple.
Non nisi de plectro par tibi Fama tuo est,





CANDIDO LECTORI,
AC SAPIENTI.

DA mihi brevem anteloquij veniam. Amoliri duplicem oportet injuriam, quam Epigrammatarijs hebetes ingenio ex Zoilorum familia quidam faciunt; alteram Impudentiae, Dicacitatis alteram: Vtramque bene morato cuiquam, nedum religioso Viro turpissimam. Malam ijs esse linguam Martialis asseruit: quippe qui ex sua, aliorum salivam expenderet. Equidem ut in hoc carminum genere principem arbitror, ubi vel heroica, vel joco seria terse, acutèque pertractat; ita cum Mureto spurcissimum Scurram, ubi honesti moris oblitus, vatem, & hominem prope exuit, obscœnis apertè verbis: & vel auditu nefaria spectaculum facit; quasi parasitis, cauponarijs, meretriculis tantùm scriberet. Neminem unum in-

ve.

venies, nisi Floralibus auctoratum, qui non
 voluulo laboret, subitaque viscerum con-
 uulsione non evomat impura nugacitatis,
 nequitiaeque sensiculos. Apage istos lusus
 ad Erebum, undè nati: non enim minus ex-
 tra Philosophiam, quàm extra Poësim libi-
 do est. Ipsum etiam Catulli nasum putida
 nuce non aestimem, cui perinde fuit lepidè
 loqui, atque impudicè. Quo quid potest dici
 vel perversius, vel ineptius? Itane verò?
 sine piaculo facetum esse non lubet? neque
 ullos argutiarum sales elici, nisi e Ve-
 neris aestuario? O miseram ingeniorum la-
 bem, quibus Heliconis haret aqua, ni sor-
 deat! Prostitutas amant Musas ad illece-
 bram corruptelae: ac sibi, alijsq; videtur sa-
 pere, cum pudorè omnem abiecerint. Quid-
 ni? Chrysostomus horum opellas nominet,
 caravixas odas? Quidni? Augustinus in
 elegantiarum aquè, ac turpitudinum ama-
 tores illud intorqueat? Diabolum ornant.
 Otium multis adblādiri sentio: nec infi-
 cias iverim suis in distichis humili stylo ad
 popularitatem compositis, Bilbilitanum la-
 tere genium: ac serus Calvinus nepos e Fi-
 dei

In Psalm.
 127.

b
 EpiR. 17.
 ad Licet.

dei Larario multa suffuratur cōfarcinan-
dis æquivocis; ac postica in summos Romæ
Flamines sanna petulanter obgrunnit. Ad
concinnandas Epigrammatum stricuras
habemus melioris curæ Auctores, qui scitè
venustèque ludunt citra modestiæ cladem.
Exteros præteream non paucos, inter quos
vel præcipuè nominandus Franciscus Ma-
rinus Insularum Prasul, nitidè pius, ele-
ganter argutus. E nostris multitudo est: Ba-
bustum, Bidermanum Crucium, Cabilla-
vum, Destitum, Sotzuelem, Bovium, ac no-
vissimè Sgambatum docti laudant, opti-
mum, ut si quis, veterum. Horum exempla
vestigijs omnibus insequare: de reliquis ne
manum quidem verterim. Non tantum
mihi sumo, ut æquare confidam; satis erit
pro viribus imitari. Fateor multa mihi ex-
cidisse, quæ ad incudem, limamque revoca-
re gravioribus distentus studijs, senioque
jam acciso non valui: non enim integrum
fuit posse quod vellem. Quædam de indu-
stria inobscuravi, ut Personis parcerem.
Miscui etiam Sæcta ludicris, cùm varieta-
te omnes admodum delectentur: Scitum
illud

*illud delicatorem suspirium: Quousque
eadem?*

*Alterum est, quod purgem. Dedecere for-
tasse inquit, hominem per XL. jam annos
Sacris in Concionibus extritum, ad ver-
sum apinas (hoc nomine Carmen vocant,
quo iucundius nihil, nihil difficilius) men-
tem intendere; assuetumque pulpito, ac su-
percilio, e Calvarij iugo ad Parnasi vireta
divertere. Quid cum Sacerdote piscarius
Apollo? an ut hamatis animos punctiuncu-
lis caperet? Atqui notam hanc ex facili di-
luam. Venit in mentem sapientissimi Viri
e nostra Societ. Petri Fabri dictum: Virgi-
lium, ac reliquos Poetas posse facere Chri-
stianum, & Evangelistam. Nimirum Veri-
tas sine aliquo leporis intinctu vix obtu-
sum, surdumque fastiditis palatum excitat;
ac moribus castigandis festiva potius sunt,
quam censoria. Petri retia iacimus, non
Vulcani; & vitiorum iugulum iocosa inter-
dum linea petimus. Secundum hac, desu-
dandum in edenda Panegyricorum centu-
ria, atque una, vel altera ex Quadragesi-
mis. Interim expedire me poeticis tricis*

volui, ne apud Sodales in deserti vadimo-
nij fraudem inciderem. Certè quidem id
saltem assequar, ut discant doctuli, Musis
non deesse honestam voluptatem, si Virgi-
nes sint. Quibus aliud est iudicium, a pa-
ginis istis abstineant.



CUm decem Epigrammaton libros, in scriptos, *Snaviludia Musarum ad Sebethi ripam*, à P. Jacobo Lubrano Societatis nostræ compositos, aliquot ejusdem Societatis Theologi recognoverint, & in lucem edi posse probaverint: potestate à R. P. N. Thyrsò Gonzalez Præposito Generali ad id nobis tradita, facultatem concedimus, ut typis mandentur, si ita ijs, ad quos spectat, videbitur. In cuius rei fidem has literas manu nostra subscrip-
tas, ac sigillo Societatis Nostræ munitas dedimus Neapoli die 23. mensis Julij 1690.

Octavius Caracciolus S.J. Prov.

EMINENTISS. SIGNORE.

IL P. Giacomo Lubrano della Compagnia di Giesù supplicando esponde à V. Emin. come desidera dare alle Stampe un suo Tomo di Epigrammi intitolato *Snaviludia Musarum ad Sebethi ripam*, per tanto humilmente la prega à degnarsi di commettere la solita revisione, e l'haverà a gratia ut Deus.

IN Congregatione habita coram Eminentiss. Domino Cardinali Pignatello Archiepiscopo Neapolitano sub die VII. Januarij 1690. fuit dictum, quod Rev. Canonicus D. Carolus Celano videat, & in scriptis referat eidem Congregationi.

SEBASTIANUS PERISSIUS VIC. GEN.

D. Eligius Caracciolus C. R.

EMINENTISS. AC REV. DOMINE.

Libentissimè legi, Emin. tua jubente, librum cuius Titulus *Snaviludia Musarum ad Sebethi ripam*, Auctore Adm. Rever. P. Jacobo Lubrano Viro hac in tempestate omni literarum genere nemini secundo, & in eo licet inter Musarum Ludia, nihil auditur, quod Fidem, vel bonos mores offendat. Imò ludendo serias, ac firmas exhibet eruditiones, & dum Ingenii flores demonstrat, optatos dat sapientiæ fructus. Ideò imprimi posse reor, si ita Dominationi tuæ videbitur. Neap. die 10. mensis Martij 1690.

Emin, tuæ Rev.

Humill. & addictiss. Servus.

Canonicus Carolus Celanus.

Nea-

Neapoli die VIII. Julij 1690. fuit provifum coram Eminen-
tiffimo Domino Cardinali Pignatello Archiepifcopo Neapoli-
tano, quod ftante fupradicta relatione Domini Reviforis

Imprimatur.

SEBASTIANUS PERISSIUS VIC. GEN.

D. Eligius Caracciolo C. R.

ECCELLENTISS. SIGNORE.

IL P. Giacomò Lubiano della Compagnia di Giesù, dovendo dare alla luce un fuo libro di Epigrammi, intitolato: *Suavia India Musarum ad Sebethi ripam*; fupplica unilamente V. E. che fi degni imporne la folita revifione, a chi refterà più fervita; e l'haverà à gratia ut Deus, &c.

Rev. Pater Jo: Baptifta de Benedi&is videat, & in fcriptis referat.

SORIA R. GAETA R. MOLES R. MIROBALLUS R.

JACCA R.

Spectabilis Regens Carrillo non interfuit.

Provifum per S. E. Neap. die 9. Decembris 1689.

Anaftafius.

EXCELLENTISS. DOM.

Legi, ut juffifti, non attente folum, fed avide volumen *Epigrammatum P. Jacobi Lubrani*, nihilque in eo reperi, quod vel Regi Jurisdictioni, vel moribus officiat. Quin etiam opus cenfeo numeris elegantix omnibus abfolutum, authorifque fui ingenio, ac famæ respondens, quodque inter id genus fcriptiones nulli fit de laude conceffurum, cum prifcas innocentia vincat, recentes acumine. Digniffimum propterea judico, quod typis mandetur.

Excell. Veftræ.

Addi&iffimus famulus

Jo: Baptifta de Benedi&is S. J.

Imprimatur, verum ante publicationem ferveatur

Regia Pragmatica.

CARRILLO R. GAETA R. MIROBALLUS R. JACCA R.

Ill. Marchio Crifpani non interfuit.

EPI.



EPIGRAMMATON

LIBER I.

Ad Momum.

I.

Lusimus hæc juveni fugitiva per otia plectro,
Quà pigra Sebetho Naxos amne fluit.
De fuit heroo mihi linea ductilis hamo,
Actiaque Euboico reria plausa mari.
Desipiunt insulsa tuæ si, Mome, salivæ,
Parce libens: tenui in flumine nil salis est.

I I.

De paleis vario opere in segmenta vermiculatis.

Quisquiliæ segetum stipulas, stabulique saginam
Erudit in lepidas ars operosa genas.
Erumpunt in florea sæta virentibus umbris,
Et steriles picto in germine Chlorin alunt.
Cæruleamque maris faciem, Sirenas, & Argo
Velivolo Cereris parturit alga sinu.
Ipsæ equitum, peditumque acies, mavortiaque arma

A

Spi-

2 EPIGRAMMATON

Spicarum è vacuis profiliunt sagulis.
 In tabulis quidquid solers molitur Apelles,
 Niliaca quidquid sedula Persis acu,
 Dædaleo effingunt paleæ subglutine, nec jam
 Vilia, sed gemmis æmula dona nitent.
 Hæc hominum votis deerat quoque bruta voluptas,
 Ut faceret pecudum ganea delicias.

I I I.

Herba Mimosa.

Americis sua luduntur proscenia sylvis,
 Mima ubi comædos annuit herba modos.
 Occiduum pallet Solem, noctuque senescit;
 In juvenem primo florida mane redit.
 Si tangas, refugo se complicat hispida vultu:
 Exerit audaces, cum sibi sola, comas.
 I, mirare hominum simulantia pectora, quando
 Vel caulis dubios Histrio fallit agros.

I V.

De Heteroclito Galeani genio.

IT raso capite, atque in umbilicum
 Promissà Galeanus usque barba,
 Decrescuntque comæ, additurque vultus,
 Et mento gravis est, levisque mente.
 Olim si sacer Augur eruiſſet
 Hoc glebà caput abditum Quirinà,
 Nunc Romæ, puto, Barbitolium eſſet.

De Parisio sordidissimo.

VEr nitidum, Cæloque æstas eat ufa sereno;
 Ingruat Autumnus, nubila ningat hyems;
 Parisius semper pluvixque, & pulveris hares
 Illusam tunicam fert, saturamque luto.
 Seù pedibus metitur iter, currivè citato;
 Sive sedens in equo, vel rate, sordidus est.
 Frustrà Alpes superare per ardua nitat. in uno
 Parisio possum cernere Lutetiam.

VI.

In Gratorem plagiarium.

INter Rhetoricæ partes Ruffinius unam
 Difficilem cûris asserit esse suis.
 Omnia par Romæ, par omnia dicet Athenis;
 Hanc Topicen doctæ dent modò nosse scholæ.
 Ex quinis quænam ? posces. Inventio. rides?
 Vix inventa sibi est concio, cùm recitat.

VII.

De Calvino carpente vocabulum, Trinitas.

SOnat obsoletum, & turpe Barbarismum olet
 Calvo Magistro Trinitas.
 Latratque plenis faucibus Tricerberus,
 Triademque sciscit Atheus.
 O Tulliano dignus, ex quo Græculus
 Latiam excucullavit Fidem.

Ad Septicianū de Maurilio verborū parcissimo usq; ad risū

E Licies prius eroso de pumice fontem,
 Quàm de Maurilij paucula verba sinu,
 Panthoidas supra tacitus, pelagique colonos
 Nil ait, & vultu multa tegente, stupet.
 Omnibus arcanam sub pectore condit Eleusin,
 Cui facit, & tosto munera farre litat.
 Huic ego non fidam. fatuis reor esse propinquos,
 Qui tota sapiunt, Septiciane, die.

IX.

In Promachum Quietistam.

B Arbaricum orandi morem, similemque veterno,
 Cui mens non actis oscitet usa suis.
 Putidulæ obgannit sublestus Opilio Berthæ,
 Polluat ut fatuis otia sancta dolis.
 Spemque Agathenque animis arceat, Triademq; beatam,
 Totus in ignavam decubuisse Fidem.
 Quis ferat in Latiis hæc lectisternia templis?
 Non nisi fert Erebi somnia bruta Quies.

X.

Fortuna, vel cum optima, malè feditur.

Miramur Holmum ex divite indigum, exhaustum
 Pallere vultu. Prædia, Titulos, Censum
 Fasces avitos hasta subdidit fisco;

Ara-

Aranearum aulae vestiunt muros.
 Nullus familiae, nullus est domus cultus,
 Vacuaeque nullis oscitant togis arcae.
 Culina longas gelida ferias ducit,
 Mensaeque ructant caepe, nauticum panem.
 Male penulto semitectus in lecto,
 Vix nictat oculis, cum timet diem, & chartas
 Densamque creditoribus, malam turbam.
 Sic est in orbem prona se rotat mendax,
 Et neminem Fortuna scribit heredem.

X I.

*In faeminarum mammas impudenter exertas, a Summo
 Pontifice Roma proscriptas.*

Prima recens natae praebent quae munera vitae,
 Turpiter in Lamias ubera nuda tument.
 Lac abit in virus, dedignaturque videndo
 Funeris altrices jam pia Roma Lupas.
 Hinc sacris Fidei Pater interdixit, & aris;
 Nempe ubi Poppae, multus in Urbe Nero est.

Vbera stral-
 licè poppe
 dicuntur.

X I I.

In ascititiam crinium imposturam.

Temporis hoc frustra Dalilae constringa labores;
 Non sacra nunc virtus insidet ulla comis.
 Furta comis insunt, & olent evulsa sepulchrum;
 Et male crinitos pestere Moecha solet.

X I I I.

De Labullo lentissimè frigido.

D Esidiæ vernam, testudineumque Labullum
 Pigra sub Arctoo sydere fudit hyems.
 Sensit & a cunis rigidæ torpedinis ictum;
 Quæque bibit lactis juscula, viscus erant.
 Verba decem vix terdenis singultiet horis;
 Si Jano incipiat scribere, Martius est.
 Pransurus mappam dùm lentius explicat, & se
 Incernit, stricto fercula jure gelant.
 Non priùs emungit naso nungente placentas,
 Pendula quàm siccam stiria tangat humum.
 Argutis quamquam fodias calcaribus, unum
 Non addet, Cœlo jamque ruente, gradum.
 Par satagit stupido, vigilat par larua veterno;
 Cochlea cursorem vinceret in stadio.
 Affricuitque moram Fatis quoque; nulla senectæ
 Ruga, nec in cano calvula crine riget.
 Phœbe, vale. erosus quid perdimus unguibus annos,
 Si redimit vitæ tempora Segnities?

X I V.

*In obitu Patris Eligii de la Marra Sapientissimi Viri,
 qui extracto vesica calculo paulò post interiit.*

E Ruerat trepido lapidosam è corpore pestem
 Docta Machaonia ferrea cuspis acu.
 Vivida cùm subito de vulnere profiluit mors:
 Merisque succenso in sanguine vita, fuit.
 Naufraga mortalis quin tempora credimus ævi?
 Nascimur ad lacrymas, frangimur ad lapides.

Idem

X V.

Idem Argumentum.

Suevit iter certos olim signare vetustas
 Per lapides, foret ut semita dura minùs.
 Sic quoque nos annos metimur euntibus horis;
 Humanæ lapis est meta suprema viæ.
 Humanæ sed meta viæ brevis imminet: uno
 Hecù dolor! à vitæ dissita mors lapide est:

X V I.

Idem.

Dùm fibris innata silex languentibus hæret
 Altius; & medica vellitur æcta manu,
 Illicet immitti dolor increbrescit ab ictu,
 Et perit artifice vulnere vita fugax.
 Disce hinc, quàm mendax narretur fabula Pyrrhæ;
 Non pariunt hominem jam lapides, perimunt.

X V I I.

Idem.

FAllor? an obruimur miseri labentibus annis,
 Infita si vitæ saxea fata rigent.
 Calculus è venis divulsus hiantibus unus,
 Stravit ad interitum calculus unus iter.
 Cedite magnetis miracula, cedite mortis
 Ferrea qui trahat & spicula, jam lapis est.

XVIII.

Idem.

Interclusam altè tenero quid viscere caute
 Eruit audaci Pæonis ira stylos
 Sæva tuis alium superingerit ictibus ictum
 Atropos, ad fletum surdior in lapide.
 Hei mihi! non tantum lapides vertuntur in urnam,
 Funera nunc pariter fert lapis, & tumulum.

XIX.

*Divi Augustini Baculus in frustra scissus
 non diminuitur.*

*Colebatur
 in Africa.*

Servat adhuc animam Baculus, quo cælitis Afri
 Dextra olim Hipponæ contudit ora dæ.
 Scinde, nec imminues; seges ipso è vulnere vivit;
 Et vegetum in sterili stipite germen agit.
 Par calamo certat, sapiat nisi victa theurgo
 Hæresis ingenio, vapulet à baculo.

XX.

*Manuarius Sclopus in Crucifixi formam mutatus, Si-
 carium a S. Ludovici Beltrandi cade reprimat.*

Beltrandi ad cædem truculentior irruit Orci
 Filius, & Cypriæ Manadis arma movet.
 Et jam jamque brevi latrat vis ignea sclopo,
 Pulvereamque Alex promicat icta necem.
 Horruit improvisa nefas at fistula, clavisque

In-

Induit affixam Numinis effigiem.
Tanti erat incolumem Lodoico impendere vitam,
Ut passo redimi posset & una Deo.

X X I.


*Sanctus Franciscus Paulanus sine remigio Siculum
fretum traiecit.*

L Anea Paulanum veheret cū cymbula Typhin,
Obstupuit Siculo Nereis alta freto.
Navifragos Scyllæ rictus, flexumque Charybdis
Turbineum placido sopiit aura metu.
Dives ab Oceano timeat sibi Pinus avaro:
Nil habuit pelagus, quod raperet Minimo.

X X I I.

*Nundinale Scortum ad duellum egressis pacem
conciliavit.
Ad Lucinum.*

Q uod nec Sancta Themis, pietas nec conscia recti,
Nec potuit summi Numinis urna minax,
Indixisse odiis metamque, modumque duello,
Prohpudor! ausa olim est fœmina prostibuli.
Insanos minùs Allophylos, Lucine, fatebor;
Porca quibus sanxit fœdera, cæsa tamen.



XXIII.

De Alexandro Magno.

R Ex Macedum luget, nec dum satur Orbe vorato,
 Democriti mundos esurit innumeros.
 Pene putes profugum, extremos dum cogitat Indos.
 Tam deiecta animi vota dolentis hiant
 Unam ex Oceano, domitaque e Perside palmam
 Rettulit, insanis mœstítiam lachrymis.
 Si post regna gemit, minor è Magno, adde triumphos,
 Adde Asiæ Americen, buccina, nullus erit.

XXIV.

Poetis licet ex antiquis furari.

Vltimum
 poculum
 Mercurio
 Sacrum.

N Os etiam facimus vates & vota Lavernæ,
 Aoniis ἐπηὶν sæpè sitimus aquis.
 Virgilius veneres cecinit furatus Homero,
 Et Theocritæo carmine duxit oves.
 Et risus, soccolque Terentia musa Menandro
 Surripuit: lacrymas Euripides Sophocli.
 Pindaron exhaurit Flaccus, cum sternuit Ohe,
 Ditavitque inopem Cynthia Callimachum.
 At venia indulgenda: juvant ubi docta rapinæ
 Lucra, nec invito damna ferunt domino.

XXV.

Eva ex Adamo.

E Varecens Adæ latus exiit, & sine sensu
 Dùm premeret tacitus lumina mersa sopor.
 Quàm

Quàm facile est, nisi diu vigilet vir conjugis Argus,
Ut vaga vel clausos exeat illa lares!

XXVI.

Caliculi ex ebore minutim effliti.

EX atomis, videntur ut calices tornantur eburnis,
Guttula ubi dubio non capit una mero:
Ipsa microscopiis acies vix libat acutis;
Tam nulla exinguis crustula rebus inest.
Hauriat hos inhians pœnali Tantalus æstu,
Sentiet illusam sicciior usque sitim.
Quàm fatuis certant hominum vota ebria curis;
Cum sitiunt, oculis non nisi puncta bibunt.

XXVII.

Pandari Morologia.

ORatorum apices super, & fastigia famæ
Surgeret arguto Pandarus eloquio.
Sæpius hoc jactat: tantam tamen abstinet artem,
Quòd neque sit rerum, nec memor ipse sui.

XXVIII.

Quandoquidem musis hæc otia fecit Apollo,
Non sitiam fontes, Aonis unda, tuos.
Grandior in tenui mihi sat Sebethulus alveo,
Plurimus hic patriis Pegafus hincit aquis.

Hippodro-
mum regiū
Sebetho
proximè si-
tum est.

X X I X.

Geta Imperator ex initialibus litteris dapes ad convivium apponi jacebat.

EX alphabeti formula gulæ Princeps
 Sibi parandum prandium Geta edixit.
 At litterarum in ferculis odor tantum.
 Dabat Alpha dubiæ multiplex caput mensæ,
 Acipenserem, attagenas, altilemque aprum.
 Quis non Getæ Rabinicam gulam credat,
 Cui gutturales litteræ forent omnes?

X X X.

Ad Ponticum.

Calculosus binos in Italia adamantes ejecit.

Pontice, quæ narras Italæ portenta nephritis?
 Glebane flammatis renibus Inda latet?
 Olpius adnatos fibris adamantas hiulcis
 Emisit. scissi vulneris in pretium.
 Corporis an scabies albo signanda lapillo est?
 Ditescunt nostris an quoque Fata malis?
 Effera Naturæ ludunt an munera? fallax
 Illecebris pestes oblini, ut noceant.
 Calculus hinc cupidus jam plus imponet Avaris,
 Si vel cum doleat, gemmeus esse potest.

XXXI.

*Philippus IV. Hispaniarum Rex immanem Lupum
venabulo confodit.*

DEvius in sylvas hasta ulciscente Philippus
Indomitum effreni vulnerat ore lupum.
Infremit en præceps, quâ quâ rapit ira cruentum;
At fuga plus properat saucia mortis iter.
Occidit. Augustum miror quod fugerit hostem,
Cui decus aurati pectoris Agnus erat.

XXXII.

*Echo Heptaphona
In laudem D. Dominici de Aquino, ob Etruscum poema,
cui titulus, Tybris coronatus.*

MAjestas quàm blanda tuæ, quàm dædala Musæ
Gloria, Sirenum vincere nata melos.
Carminis ad nutum fluvii Rex imperat, & se
Major adorato in murice Tybris ovat.
Invidet Eridanus, superis quanquam additus astris;
Nempè tuis largè clatior iret aquis.

XXXIII.

VAtibus elicit jam Pegasis ungula fontem,
Unde suos biberet fabula graja sales.
Majus prodigium calamo debemus Aquino,
Humida qui potuit subdere regna Tybri.

X X X I V.

Euphratem altiùs assurgentem in vincla coëgit
 Pellæi virtus imperiosa ducis.
 Scilicet Oceanum mox vela daturus in Indum,
 Flumineo didicit pōnere frena mari.
 Tu trabeas Tyberi, fascesque, & regia vindex
 Jura, coronato dās fluere alta vado.
 Auguror hinc alium, Phœbo gaudentē, per Orbem
 Metra vches Epicæ, Typhis Aquine, tubæ.

X X X V.

Victor in Erruscos stetit olim Cocles, & unus,
 Quā tremuit dubio Tybridis unda metu.
 Aude animis, Italum vinces in carmine famam,
 Regia si Tyberi, te duce, ferta virent.

X X X V I.

Desine Naumachiam velis jactare superbis,
 Fama, tuam, & mimio fingere bella mari.
 Gaudia quæ fluerent fastu secura tyranno?
 Gaudia Romuleæ naufraga gentis erant.
 Mæonio majora canit certamina plectro;
 Atque triumphantem Nais Aquina Tybrin.
 Fluminei properant ad cæcula classica mætes,
 Alter & in Latias Annibal ardet aquas.
 Sequæ supra attollunt, simul & sua vota perorant,
 Ut tumidis pressent lubrica sceptrâ minis.
 Tandem humili jubet Oceanus succumbere fluctu:
 Hinc Honor, hinc Pietas adstat, & inde Themis.
 Intonat & sacrum, atque hilari Tyberina tumultu

Ripa coronatas necit opima comas.
 Non opus est podio. dabit opportuna legenti
 Singula Pieriam pagina Naumachiam.

XXXVII.

Viderit arcanas hyemes pendente sub arcu
 Roma per aërios transfiliisse lacus.
 Nunc nova miretur latii miracula Pindi;
 Nullus ad hoc potuit surgere Cæsar opus.
 Appia defossis non ducitur unda cavernis:
 Claudia in Euripos non ruit unda breves:
 Non Tepulæ vibrantur in ancipites convalles;
 Non scatebris pauper fles; Aniene, tuis.
 Ingenii vis una jubet, trans Temporis Alpes,
 Ite coronatum in postera secla Tybrin.

XXXVIII.

Nillus inaccessso caput exerat, arduus alveo:
 Corniger in surdas mugiat Apis aquas.
 Præcipiti rapidus Tygris hauriat impete Medos;
 Ossaque Peneo verberet astra lacu.
 Immensumque ruat, ripæque auscultet adestæ
 Ister, & Æmathias inflet ad arma tubas.
 Militet Auroræ Ganges, & Memnona pulset;
 Et renovent Libycos Aufida stagna metus.
 Imperium Tyberi, & jus altum in flumina vindex
 Firmat Aquiniaco carmine læta fides.
 Hæresis, hinc calvos, luteos hinc abjice momos:
 Non facit ad fatuam Romula lymphæ sitim.

Antonii Vxor Ciceronis linguam acuatim fauciat.

Fulvia divulsam Romano è Nestore linguam
 Ultrici, quantum fœmina, fixit acu.
 Usque adeò fatum est, quod Tullia lingua laboret,
 Si nimium incisus vibret acuminibus.

XL.

*De Limonia arbuscula Neapoli donata Eminentissimo
 Ignico Cardinali Caracciolo.*

Quæ tibi parva domi Limonia pullulat arbor,
 Anteit Hesperidum fertilis una nemus.
 Dissimili simul indulget suâ pômâ sapor:
 His acida, his vegetum sudat aprica favum.
 Idem habitus, color idem ambit, sed succus utrisque
 Non idem: in viridi cortice Janus inest.
 Naturæ ingenium quis fœderat annulus artis?
 Aut quis Hymen dulcem miscet amaritiem?
 Gloria purpureæ famæque, & Gloria mythræ,
 Cui famulas Siren Itala subdit aquas,
 Ignice, regnandi curas dum dividis urbi,
 Præsulis hinc partes discere jure potes.
 Una præest quanquam inflexo Prudentia vultu,
 Sæpe sapit Chariten provida, sæpe Themis.
 Si sceleri insistat vindex, gustum indit amarum:
 Mellea virtuti munera mitis alit.

XLI.

In Callippum scientissimum ex ore suo.

O Mnia scis, Callippe, vagam quæcunque per urbem
Credula furtivo murmure Fama jacit.

Scis inimicitias , & femina prima nocendi:

Scis loca vefanis pervia Monomachis.

Scis, quora contigerit nuptæ dos scripta Marillæ:

Altilis, an pingui sub cute macra fiet.

Et legum tabulas, & testamenta resignas,

Emptaque Vulturii judicis arbitria.

Anne Ceres desit furnis exhausta recoctis;

Bellica an in * Caligas oscitet arca suos.

Scis etiam, Odryſio quid ganniat aula Tyranno,

Dum timet Adriacas in sua fata rates.

Vistula quo rumeat, Tamesis quo fluctuet æstu;

Quo tunc in Budam Pannonis ora metu.

Nos tamen obrundis, Callippe: ubi pauca rogamus,

Novi, ais: at nequeo dicere, quæ scierim.

Hoc si scire putas, facile te vincere possim,

Encyclopædiâ doctior ipse tuâ.

Astrologos supra, Mystasque Matheseos omnes,

Archiatros supra, Causidicosque sciam.


Quod nuper folium exciderit fatale Sybillæ,

Quæ nec dicta sciam, quæ neque picta sciam.

Si modo poscenti, hoc unum repetam; omnia novi,

Juratus nulli fidere, tum fileam.

* Milices
gregarij.



X L I I.

*In Himerensi Sicilia Collegio sitiens Asinus,
adulto Julio, noctu inridit in putealem foveam, magno
domesticorum tumultu.*

Icta Cleonzo dum sydere deflagrat æstas,
Præcipitem putei sorbuit unda asinum.
Ne misero insultes. Phæton quâ devius ibat,
Merferunt etiam flumina Solis equos.

X L I I I.

Idem.

Extudit æquoreis altè Neptunus ab undis,
Æmula quò torsit tela tridentis, equum.
Hanc sibi molitus genescim, ni fallor, asellus,
In tacitas putei se tumulavit aquas.
Luctatus tamen ad superas ipsissimus auras
Emersit, madidam perdidit invidiam.

X L I V.

Idem.

Æstivo puteos frigescere tempore ne quis
Hæreat, hoc asino discere teste potest.

X L V.

Idem.

Flammivomo Trojanam urbem subvertere casu
Irrita post Grajùm prælia novit equus.
Totam Asinus nuper putealibus obrutus undis
Terruit attonitam, nocte silente, domum.
Urbe minor domus est, minor est metus igne sed alter
Hinniit armatus, alter inermis erat. *Idem*

XLVI.

Idem.

SE se asinus noctu in puteum devoverat inum,
 Sessilis ut rabidam mergeret unda sitim.
 Jam poto mors ingruerat, cum cannabe torta
 Eductus, medio in funere sentit opem.
 Semianimemque artus, & vix genua ægra trahentem
 Vinosis aluit frugibus hausta Ceres.
 Vna pares asinis fecit Natura Bibones:
 Cum biberint, pereunt; cum periere, bibunt.

XLVII.

Idem.

DEmocritus quid adhuc madida rimetur Abolla,
 Ut Veri scatebras hauriat e puteo?
 En bene lorus aquis, & tersis auribus, alto
 Prodiit e puteo, nec minus est asinus.

XLVIII.

Idem.

CEntum operæ puteo infossum nituntur in altum
 Ferre asini, pietas summa, natantisonus.
 Addunt & scalas, & iniquo lora capistro:
 Vi trahit hic aures, vi trahit ille pedes.
 Hærentem scopulis mersurus in æquora puppim
 Plura Syracosius non velit arma senex.
 Ergo hyemes udi tandem eluctata sepulchri
 Extulit emersum bellua tarda caput.
 Durum adeo est asinum fluidis subtraxe periclis.
 Herculis ad famam defuit iste labor.

XLIX.

Idem.

L Abitur in puteum, gressu fallente, dolosum,
 Quis? (calamo lacrymæ profluit) asinus.
 Protinus ad tantam jacturam accurritur, & vi
 Suspensum intortis funibus inde trahunt.
 Parcunt fata asinis, non parcunt fata Tyrannis.
 Scilicet his siccâ morte perire negant.

L.

Epitaphium Carbonis Librarii apoplexia correpti.

C Oncolor extincto lapis hic Carbone nigrescit,
 Quem subito meruit funere gutta brevis,
 Epigraphen tumulo licet inscripsisse: superstes,
 Dii facite, ut cineri Carbo sit usque suo.

L I.

*In Silvanum novarum rerum studiosum, & antiqua
 familia jactatorem.*

O Mnia Silvanus gaudet nova, stemmata præter,
 Et genus, & gentis nomina magna suæ.
 Imbricibus nondum tectas novus hospes in ædes
 Migrat; ab humenti nil sibi calce timet.
 Primitias hortorum inhiat, frugesque recentes.
 Noxia sint, oculis si nova, lauta satis.
 Non bibit, expument nisi vina novitiâ bullis:
 Ut reor, antiquam musteus odit aquam.
 Bis induta humeris jam penula sordet, & arctè
 Cum nova non refugos mordet aluta pedes.

Pres-

Nobilium tamen antiquissimus ambit haberi,
Fumosisque tumet totus imaginibus.
Jactat ab Evandro Majorum exordia. miror.
Inter Avos, abavos inter, homo novus est.

L I I.

*America vermiculi, vulgo Cocciniglie, Purpuram
tingunt.*

S Aucia puniceum revomunt Conchilia coccum:
Regius, est sanies sanguinis, ille color.
Americis nunc Erucis lux additur ostro;
Fulgēt & exūctis Purpura reptilibus;
Tam prope sunt nudum mortalia vōta sepulchrum.
Vermis olent adipem serica, verme rubent.

L I I I.

*Philippus IV. Hispaniarum Rex
in adversis constantissimè magnus*

P Ingere quæ pingi nequeunt olim ausus Apelles,
Æolon, & celeri fulmina rauca sono.
Vincere quæ vinci nequeunt, laus magna Philippi,
Improbæ fortunæ versilis arbitria.

L I V.

*In honorario eiusdem funere post quatuor menses ab
obitu 17. die Septembris.*

Vere novo posuit cunas jam Flora Philippo,
Hesperiumque Ceres detulit imperium.
Autumnus tumulo, maturumque addidit astris.
Fletibus hinc nostris nubila meret hyems.

L V.

*Stellati equites, periclitantur Messana sub
Gallorum patrocinio.*

Insignes Equitum Stellæ, grassante tumultu,
Ni mitis redeas, Hespere, dispereunt.

L V I.

*De Dindymo in comitalem morbum lapsa ob coturni-
cium esum frequentem.*

Hospes in Ortygiis Caprearum Dindymus oris,
Extra coturnicum pinguis sæpe vorat.
Has olim Ausoniis damnavit ganea mensis;
Nempe venenatum ad pabula semen amant.
Incidit in morbum tandem, quo lumina torpent,
Caligante animo, nec vel aperta vident.
Cum redeunt, tamen a vetitis non abstinet escis.
Ingeniosa aliis, cæca aliisque gula est.

LVII.

Ad Demylum nova, & ficta scripturientem.

Fare age quid rerum? nam scribere cuncta fateris,
 Quæ canit ad certos nuncia fama dies.
 Tonstrinas etiam, & cauponas Demyle iustas;
 Hinc nova corradis credulus, atque bibis.
 Materiem tibi dant facilem merdacia vulgi,
 Despuat hæc scenis Histrio, Scurra viis.
 Si desunt narranda, in utramque & Phantasmus aurem
 Substituit somnos, ludicra spectra, suos.
 Dum calamo insudas, & totas scripturis horas,
 Rem magam facies, Demyle, si sapias.

LVIII.

De Bibliotheca Osci imperitissimi.

Risimus, & cur non? stertentis in ædibus Osci
 Lautæ nitet pictis Bibliotheca typis.
 Causidicos, Physicos, hinc Rhetoras, inde Poëtas
 Ornat inauratis purpura marginibus.
 Historicis adsunt numerosa volumina fastis.
 Dives adest gemini baiulus Orbis Atlas.
 Paginulam tamen e loculis non egerit unam;
 Discit & ex ipsis desipuisse libris.
 Censores titulum hic inscribite. Palladis amplam
 Oscus habet galeam, sed caput est Fatui.

L I X.

In Tappulum genibus flectè laborantem.

Quæ nova morborum te, Tappule, symphysis urget?
 Ad Sacra si pietas destinat, æger homo es.
 Genua solo vel firma times curvare: peristi,
 Ni cerebrum emungas, hæc capitis Gonagra est.

L X.

In Corbilianum efrontem.

Os pugilis! veterem cunctis te fingis amicum,
 Lautæ quibus res est, atque opulenta domi.
 Protinus & nummos, togulamque, & commoda rhedæ
 Poscis adulanti, Corbiliane, dolo.
 Difficiles si forte negent, tamen improbus instas:
 Et dilata putas dona, iterumque rogas.
 Nullus inest votis pudor, irritantque repulsæ:
 Frons tibi spem, tibi opes sænerat: Os pugilis!

L X I.

De Crellio Plautum lætitante.

Sedulus in Plauto noctuque diuque terendo
 Crellius, haud Latios eruit inde Sales.
 Non nisi derosas abava rubigine voces
 Carpit, & in rugas desita verba putres.
 Æmula Virgilio laus hæc præpostera certat.
 Ex auro Plauti stercore colligere.

L X I I.

*Statua Fortuna Muliebris locuta in via Latina.
ex Livio.*

C Redite. Fortunæ Muliebris sculptile signum
Eis olim Latine verba dedisse viæ.
Lubricus hæc linguæ repetit miracula sexus.
Muta vel in vacuo, fœmina, turba foro est.

L X I I I.

Nihil venali misericordia turpius.

Quæ facilè Pietas auro tantum annuit aurem,
Carnificum ferro durior illa riger.
Nil tam turpe Foro, Nemesisque indignius ipsa,
Quàm male nummatis parcere flagitiis,
Hinc scelera seges; hinc pingui crux nulla latroni,
Si sibi, si Scribis, Causidicisque rapit.

L X I V.

Vana Monilium Anomalia.

EX quo crispatis lactuca monilibus alfit,
Magnificum variant colla subinde jugum.
His pars interulæ in largum sese exerit orbem;
His placet Hispanæ strictior ansa gulæ.
Sunt quibus & strophium tergendis naribus aptum
Pendeat, insertis nobile cuspidulis.
Ah miser! hæc pompæ quid luxus anomala gaudes,
Si jugulum dare Mors omnibus æqua, jubet.

L X V.

*Ad Serenissimum Genuensium Ducem
Franciscum Mariam Lercari,
saeculo maiorem suo.*

TE Genus, & magnis Virtus heroica votis
Augusto Ligurum debuit Imperio.
Vel cum flammivomis ardesceret obsita nimbis,
Patria Te vigilem sensit adesse Jovem.
Immotamque animis mentem, vultumque Serenum
Visus es ad piceas explicuisse neces.
Sic densis suffusa atomis Ornatur, & Ornat
Alta Coronatum Purpura Solis Halon.

L X V I.

Luceia vel centenaria, Roma hystriioniam exercuit.

ULtra Hecubæ Luceia putrem Pyrrhaque senectā,
Rugosam rhodino sinegmate lota cutem,
Orchestra subit, soccos induta jocosos,
Callida spectantes fallere Mima Procos.
Rarum hoc exemplum veteris pudor innuit ævi;
Nunc in fœmineis plurima scena genis.
Cumæ non una annos egressa Sibyllæ,
Factitio juvenem vultu Amaryllin agit.

L X V I I.

Ad Firmum in Divine Prædestinationis freto astuantem.

IRritus exploras arcanam Numinis Arcton,
Unde regas dubiæ pendula vela viæ.
Pervigil e puppi nautis facit otia clavus;
Fida tuæ clavos Crux dabit una rati.

Tu-

Tutus in hoc Pelago, vel Syrtes inter, & æstus,
Qui vehat ad Portum, naufragii metus est.

L X V I I I.

*De Cratino commodatitiam suppellectilem ostentante
ad fastum.*

Qui lautam ingreditur domum Cratini,
Miratur variam subinde scenam
Aulæis, Tabulisque, Sellulisque,
Flandri stragula pectinis, tapetes,
Mensas delicias Palatiorum;
Argentoque abacos graves, & auro,
Et sculptum lepidis ebur figuris:
Pompæ hanc synthefin, omniumque pictas
Murorum phaleras, ab his, ab illis
Per mensem sibi commodata jactat,
Ecenſu velut enatent avito.
Si credas oculis, parem eſſe Crasſo;
Fundum conſule, mox putabis Irum.
Nam luxu ſeritur voluptuoſo
Arbor * Corticis, inſolens ſupellex.
Tanti eſt gloria Suberem videri.

Ex Plinio.

L X I X.

In Galbam ſenem vinoſum podagra extinctum.

Vivax e vino ſenium ſibi Galba ſpondit,
Quod pretium e ſenio condita vina bibant.
Omnibus his votis Semeleius, ebria tandem
Senſit in epotis fervere fata ſcyphis.

En

En podagræ in pectus vis irruit, & pede claudo
Ocyus in tumulum jussus abire suum.

L X X.

Latine loqui in Iudiciis refrixit.

A Bove rem repetam, cum dicere vellet, ab Ovo,
Ancipitis actor litis, Alcestes, ait:
Tanta Togis superat linguæ jam cura latinæ,
Adesse se Boario, ut credant, Foro.

L X X I.


Lusoria Horiperdarum Charta.

I Acta laceffitis quæ luditur alea punctis,
Tempus, opes, animam perdere sæpe solet.

L X X I I.

*Gorgias Epirota natus ex matre, dum cremaretur
in rogo. ex Valer. lib. I. c. 8.*

G Orgian incensæ genuerunt busta Parentis:
In cunas potuit degener ire rogos.
Tantum audent, & fata cinis prælusit ad ortum;
Flammaque maternas induit ipsa vices.



LXXIII.

De eodem.

Quæ nova dat pietas spectacula? nascitur infans,
Cum jam nulla Parens deflagrat in cinerem.

LXXIV.

Idem.

Gorgiadem in lucem maternus prodidit ignis.
Verè Epiroten, cui pyra, vita fuit.

LXXV.

*Rosa umbratilis,
In phyla Hermeticè medicata.*

Hiscentem e cinerum busto, flammisque colonis
In nova puniceam germina cerne Rosam.
Hæres ipsa sui, Naturæ insultat avaræ,
Et redit in virides, cum flagrat usta, comas;
Nam quæ guttatim lachrymis tabescit odoris,
Clausa vel in vitreis vivere discit aquis.

LXXVI.

*Lugduni Batavorum
Hæreticus Sartor se Regem justitia nunc pavit.*

Fluxa fides Batavis, fluxumque per æquora regnum.
Jura quibus dixit publica Sartor acu.

In

L X X V I I.

In tumultu Domitiani.

Qui fuerat licitor muscarum Cæsar & auceps,
Hic parit & muscas, & sibi patris alir.

L X X V I I I.

Valetudo firmior felle carentibus.

Cui nihil est fellis, vivax & longior ætas.
Naturæ placidum munus id esse reor.

L X X I X.

De S. Thyrso Martyre.

Ne domitum Thyrso Gangemq; & Memnonis oras
Ebria vitigeno sanguine sistra canant.
Diluit hæc portenta Fides: & vindice Thyrso
Tænarios Erebi terruit ausa Deos.
Barbariemque minacem armis, Regumque Tyrannim,
Ipsa etiam Thyrsi subdidit astra cruor.

L X X X.

Curtius Roma se projecit in voraginem.

Horrendam in foveam, miscens sua fata sepulchro,
Se dedit audaci Curtius actus equo,
Tristia cesserunt sic omina. Debuit uni
Ne rueret, vitam Patria Præcipiti.

Ad

LXXXI.

Ad Amicum nimio studiorum labore tabidum.

Sitollere assiduam nequis,
Minuas laborum sarcinam.
Quibus perimus integris,
Sectis valemus viperis.

LXXXII.

Aurum liquatur in Crassi os infusum a barbaris.

Assyrias auri glebas si Crasse sitisti,
Lauta auti Parthus fercula fudit in os.
Votum ultra, quod edas etiam dant fata, repellat
Una sitim tibi mors aurea, & una famem:

LXXXIII.

Austriaca plebs.

Pervios debet Mundos Europa Columbo:
Catholicos Aquilis debeat Austriacis.

LXXXIV.

De Mutio Scavola.

Supra hominem implevit magnæ decora omnia fame
Scavola, cum potuit vilior esse sibi.

L X X X V.

*Martia Matrona Romana
Cælo tacta, se salva, peperit infantem mortuum.*

Æ Gra ferens uterum, vi fulminis icta repente
Extinctum incolumis Martia fudit onus.
At morti fœcunda, & Medææ obsita fumo
Creditur iratum plus voluisse Jovem.
Viventem seque ipsa odit, bustoque superstes,
Nate, inquit, Genitrix integra plus perii.

L X X X V I.

Ad senem assa voce affectatè balburientem.

Dimidias voces, blæsæque crepundia linguæ,
Blandula si pueris, putida sunt senibus.

L X X X V I I.

*Manlius Consul filium occidit, etiam victorem ob iniuf-
sam pugnam.*

Manlius in Natum poruit strinxisse bipennem,
Adde triumphantem si libet, adde ducem.
Nam fuit injussæ crimen victoria pugnæ;
Atque redux victo visus ab hoste reus.
Imperium Consul meritis quoque prætulit armis,
Non soboli, at Patriæ maluit esse Pater.

LXXXVIII.

Apicius in Africam navigat locustarum gratia.

Vela facit Libycis, quis credat? Apicius undis,
 Nec vada navifragis syrtibus alta timer.
 Urget amor grandes ubi ubi captare locustas:
 Non satis ad cœnas Lyris alumna suas.
 Gutturis ad portas hic Annibal imminet unus:
 Squilla sibi ciet hæc dapilis una tubam.
 Quàm vesana hominem decoxit ganca! cui vix
 Africa monstrosam pasceret hausta gulam.

LXXXIX.

Cæsar allatum ad se Pompei caput flevit.

Cæsar ad abscissum Magni caput, indice fletu
 Hoc doluit, manibus non perijsse suis.

XC.

In tortatiles calicum figuras ad computationes.

Pocula vix mordent fauces blandita Bibonum,
 Si niteant levi Massica vina vitro.
 Tortilis in Filices, vel acutis asper echinis
 Mentorea varius fingitur arte calix.
 Qui propior frangi, manibus ciet usque timorem,
 Plus sapit. hanc sanam credimus esse sitim?

X C I.

*Dionysio iuniore Sicilia Tyranno ob temulentiam ex-
cato, Aulici se nihil videre simulabant.*

Efferus in Siculas sævit Dionysius urbes,
Alterutro captus lumine, mentis inops.
Bacchus inest oculis vindex, atque ebria cæcum
Vis agit in subitas, præcipitatque minas.
Hinc & adulantes Ophthalmica reddidit omnes,
Aula metu pætos, cæcillosque dolo.
Nempe ubi fert Leges ferro temulenta Tyrannis,
Nulloculum qui se finxerit, Argus erit.

X C I I.

In Hermum pauperem gloriosum.

Quis toto non splene tumentem irrideat Hermum,
Cui famulam turbam servulus unus agit?
Hunc alio atque alio compellat nomine: cœnæ
Tempus adest: lautas instrue, Gorge, dapes.
I Maurille, statos e villis exige census:
I, fer caufidico Xenia, Rulle, meo.
Actutum properare, Lyson, Nasulle, Petili;
Venandum est: huc huc Nappa, canes, & equos.
Par agitur passim hæc mutatis fabula soccis.
Multa tegunt Procerum nomina pauperiem.

XCIII.

Ad Rufum in mimos, & Copreas prodigum.

Quamquam facietis multa vernulis dones,
Plura esurire, & allatrare non desunt
Vorata, numquam, Rufe, saturiunt scurræ.

XCIV.

Augustus imperio felix, sua familia miser

Felicem foris Augustum fecere triumph;
Hæsit in æumnis gloria tanta domi.
Merfa libidinibus male sorduit Aula pudendis.
Prostituit patrem filia, neptis avum.
Usque adeo minus est domitis insistere regnis,
Quàm vigilem laribus consuluisse suis.

XCV.

Ad Lesbium de libris proscriptis.

Sæpius ex vetito pretium est authoribus index
Clara vel obscuris nomina pœna facit.

XCVI.

In Celsum projecta temeritatis.

Nec pelagi rabiem, nec hiantem fulminis ictum,
Sed neque si trepidet concita terra, times
Lethifero rides etiam contagia rictu,

Et premis audaci fœtida busta gradu.
 Multus amas certis famam captare periclis;
 Et nisi quod stultus, cætera, Celse, vir es.

XCVII.

*Anaximenes vinctus à Thebanis, combustis ad ignem
 vinculis fugit.*

Captus Anaximenes admotis ignibus arsit
 Vincula; se tacita proripuitque fugà,
 Semiustis alacer pedibus. dulcissima res est
 Libertas etiam saucia præ laqueis.

XCVIII.

*Lazarus sepulchralibus institis illigatus et tumulo
 prodiit.*

Lazaridem Mors vincta manusque pedesq; sepulchro
 Extulit. ah lachrymas viderat ire Deo.
 Vita redux numquam graditur recto integra talo,
 Ni ferat elapsi funeris exuvias.

XCIX.

*Venetis per aestatem cymbularum excursus cui nomen, i
 Freschi.*

Plurima cymbarum Venetis cursuque, recursuque
 Uda cohors jugulat Sole latrante diem.
 Æstivis tantum constant placida otia curis:
 Vna emitur scisso frigoris aura mari.

C.

Μηλομαχία, seu ludus pomorum iactu, ab Alexandro institutus prope Babylonem.

Ludicra quæ prope pomiferos certamina saltus
 Jussus Alexandro præstite miles agit?
 Poma vices jaculi subeunt, & belligera vi
 Jacta hilari faciunt vulnere poma metum.
 Heu ludum hunc ubi ludit Adam, mors ingruit Orbi.
 A Pomo in nostrum funera nata genus.

C I.

Margaritum in Conchili.

Cerne hilarem Conchæ lachrymâ: sit gēma tegēdo:
 Ni lateat, minimi guttula roris erit.
 In pretium sic clausa coit mens casta: videri
 Lubrica, defluxæ forma pudicitix est.

C I L

*In Oratorem ineptè verbosum & sacris abutentem
 litteris.*

Cum res agenda, putidum est nimis longam
 Crambem erudita recoquere arte verborum.
 Quid sacra nugis frigidissimis misces?
 Vacuamque causam aut prodis, aut loquax perdis?
 Magna est disertæ pars silentium linguæ.

CIII.

*Ad Carolum Celanum , Principi Ecclesiæ Canonicum
eruditissimè sapientem .*

C ELANS , o Patriæ elegans voluptas ,
Cui summæ studium eruditionis ,
Et vis ingenij sagax , disertus
Excussit Tripodas scientiarum .
Non Te Peripati latent recessus :
Divinæ quoque Pallados Theorus ,
Et Mystes Themidis , Fori , Polique
Mentem judicij habes paratam .
Cursorum * resides & involutas
Scrutatus schedulas Tabellionum ,
Quantam moribus exhibes palæstram ?
Derides vel ineptias supinæ
Turbæ , vel Procerum jocos & iras ;
Et sannas Sciolorum , & obsoletum
Fortunæ male blandientis astum .
Argutique Sales , & eloquentes
Delectant lepidò , docentque Phœbo
Per Compendia Curiositatem .
Nunc Censor , rogo , candidus sine ullo
Palpo , corrigere hos velis libellos .
Si vel pauca probaveris , probabor .
CELANO placuisse , summa laus est .

* Libram
edidit , cui
nomen
avanzì del
le Poste .



EPIGRAMMATON

LIBER II.

I.

Ad Ruffinum Grammaticum

*Qui Cometem masculini generis, nihil mali parare per
jocum dixerat.*

Quin trepidas Ruffine? marem licet esse Cometam
Declament serulæ, parturit ille tamen.
Gorgoneà Thebas tumet, & tumet Ilion umbrà.
An tibi grammaticus funera ludus erunt?
Fœminei generis cauda est, Ereboque marito,
Ni superi avertant omina, fert uterum.

II.

Idem.

Ducere quam latè spectas, Ruffine, Cometem
Esse putas barbam sideris, anne Comam?
Alterutrum sci scas, & teste, & iudice Cœlo,
Qui modo grammaticus, jam mihi tonsor eris.

I I I.

Idem.

Lurida fatali quæ turbinat Hesperon astro;
 Flamma Climacterici temporis omen habet.
 Nostrorum afflatu scelerum, non æris arsit.
 A terris Cælum mutuatur, unde furat.

I V.

Post diuturnam terra siccitatem emerfit.

En nova seditio Cælum tenet. arsimus eheu!
 Arsimus exusto pallida turba solo.
 Pulveræ puteis perierunt Naiades imis,
 Hæserunt Libycæ flumina passa sitim.
 Nunc aliam flammæ aciem, Ruffine, dolemus,
 Quam ciet in dubios præfica Stella rogos.
 Mascula quid scholijs nugax solatia narras,
 Una fugat lacrymis has Metanæa faces.

V.

Ob altitudinem observari non potuit.

Optica lex licet hunc obeat dimensa Cometen,
 Anceps in vitreum non cadit umbra forum.
 Altiùs ascendentem a se spectavit Horizon,
 Et tropicos ultrà transilisse gradus.
 Unde trahat genesium malus ignis, & unde colorem,
 Quanta sit accenso in firmate cauda, later.

Am-

Ambiguo sepelit custos Natura recessu,
Quæ nescita juvant astra, timenda juvant.

V I.

In Pictorem Plagiarium.

NE timeas, si te quis fortè vocaverit in jus.
Pictori Tabulam cedere, lege ratum est.

V I I.

Ad Sisaram.

QUò raperis? vitanda tibi plus Hoste, Jàëlis
Pocula; olent bifidæ naufraga philtrea necis.
Altera te belli manet alea; nempe sopori
Multus inest Barach, Debora multa siti.
Quære fugæ rimam: Cymbæ si fœmina Clavum
Admover, in tepido lacte Charybdis erit.

V I I I.

Ad Ædilem lascivum Poëtam.

Ingeniosus eras quòd amares Ædile, Musas;
Venales quod ames jam Phyllidas, ingenio sus.

I X.

Ad amicum de improvisa Cinna morte.

Quid tibi Nestoreos spes credula crocitat annos.
In punctistitio vivimus, & morimur.

Mors

42 EPIGRAMMATON

Mors vitæ conviva epulis filicernia miscet.

Non unilessum dapnulis esca facit?

Ecce super patinas, lautæque tragemata Mensæ

Evomuit subito funere Cinna animam.

Hoc tu doctè obitu sapias. Os inter, & offam

Sæpe sibi inveniunt ultima fata viam!

X.

Ad Euphorum.

Quæ tibi sit ducenda, iterum me consulis, uxor;
Euphore non oculis delige, non digitis.

X I.

Ad Cypsum Adolescentem.

ÆTatem in vitio sumus, atque impendere nugas

Malumus imberbes, non sine fraude, dies.

Annorumque hyemem virtuti, ægramque senectam

Mens vover, insanis bruta cupidinibus.

Pessima quæ resident in fundo, Cypsole, marcent.

Egeris ut vitam, sic & ages animam.

X I I.

Ad Pollum verbo sum sine penu, & pecunia.

Verborum phialas his illis, Polle, propinas;

Et vacuis oneras pntidus officiis.

Nunquã rem loquetis. jacitur nunquã anchora linguz,

Nulla quæ promissis pondera, nulla fides.

Do-

Dona velim *χειρῶν*, non ampullantia *χειλῶν*,
 Accepto, quod non das referam, & taceas,

XIII.

*Ad Eminentissimum Principem Petrum Aloysium Caras-
 fam, Legatum Inferioris Germania. sacra pur-
 pura insignitum.*

Aucta tuo latè Germania splenduit ostro,
 Visa hilari mæstas solvere Sole nives.
 Quantus eras tumidi per bellica frigora Rheni?
 Præsul ab Austriaco Cæsare quantus eras?
 Te duce detonuit Lutheridis ambitus Hydræ;
 Romuleos didicit degener ara focos.
 Purpureæ hinc serò tenuisti culmina Famæ,
 Vestus Hyperboreo desidis axe rotæ.
 Gloria Carafis Heroibus eliquat Ostrum,
 Lentiùs, ut meritis purius inde fluat.

XIV.

In Mopsum Tibicinemebriosum.

Sæpe bibas, sitias cùm sæpius, hoc ais, arti
 Fas liquidum, bucca turgidiore, mæ est.
 Diluit hæc ratio si pocula multa, quid audis
 Tibicen? Siticen, Mopse eris, & Bibicen.

XV.

In Maurilium piceatis manibus.

Quo tu cunque loco obviam salutes,
 Vultu Maurilius severiore,

Hoc

Hoc unum auribus improbè recantat :
 Quodcunque est satis, ad manum est, remotos
 Frustra solliciti moramur Indos.
 Censum curta parabilem creat res.
 Non posset melius Cato ; sed uncam
 Aiunt Maurilio manum renasci.

X V I.

De Rosa Centifolia.

U Na nemus florum, saturo Rosa Punica fastu,
 Mollè tumens famulis imperat arcolis.
 At nimium dum vernat, odoratosque penates
 Explicat, in Tyrias ambitiosa comas;
 Cantharis adrepat, frondosoque incubat ostro,
 Et citò nil vegetæ tabida lucis habet.
 Claude focum, Rosa: tota peris, si tota videris.
 Pulchrior ut diù sis, dimidium placeas.

X V I I.

In Thempalum.

Cùm nullum facias, nullum experiaris amicum,
 Sæpe rogas, mecum, Thempale, sepe doles.
 Bellus homo es, totusque ex pyxide: seria, nugas,
 Omnia Philologi litterionis habes.
 Mens tibi acuta, gravis geritur persona; sed in te
 Circumflexam odit, Thempale, quisque fidem.

XVIII.

Ad Mercurij statuam.

Mercurius manibus truncum miraberis, hospes.
 Institor est furum: fœnerat ille manus.

XIX.


In Equites alieno are obstrictos.

Ceras Quiritum, Scuta, Tesseras, arcus,
 Incisa magnis Ducibus arma, fastosque
 Regum superbos, Caesarumque lemniscos,
 Et fama quidquid turgidis crepat bombis,
 Ad sæculum hoc vix æstimem duos asses.
 Gliscente luxu, nobiles obarati
 Majora jactant nomina: omnibus debent.

XX.

Ad Rusticum occultantem alterius pedis vitium.

Altera pars tunicæ talos tibi serpit ad imos,
 Altera suspenfa corripiturque manu.
 Cur non tota fluit, vel tota reducitur? alter
 Est brevior pede pes, inquis. agis metricè,



X X I.

De Euno.

A Misisse putet, libros qui commodat Euno.
 Digerit in pluteis non secus atque suos.
 Si reperas; reddam, jurat. nonnulla supersunt
 Carmina, quæ studio seduliore legam.
 Excusatque moram vario sub schemate. menti
 Exciderant; cras, jam nunc faciam, ut redeant.
 Vertamus, precor, Eune, vices. Si forte reposcis,
 Librorum Dominum te rear, utar ego.

X X I I.

In duellorum insaniam.

NE properes fuscum Lachesis torquere morantem;
 Palæstra cædes ludicra per artem docet.
 Qui dirimat lites, & equestris jurgia famæ,
 In jus vocatur ensis, & pugilum furor.
 Monomachis verè mors ultima linea vitæ est.
 Honoris uno terminatur punctulo.

X X I I I.

*Lepidum Anglica Matrona commentum, qua Maritum
 in arca libraria occlusum ex Hollandico carcere
 liberavit.*

Captivo miserata vicem quæ coniuge, cistam
 Ægra gravem simulat ferre, referre libris.
 Penelopen præit una, suoque retexere Vlyssi

Pal-

Palladiis potuit libera Fata typis.
Quod memores, vix maius habes hoc, Fama, triumpho.
Prodigium est, ut amans femina plus sapiat.

De eadem.

ORba dolens cari divortia coniugis Vxor,
Quem premit Hollandi carceris umbra reum;
Librorum segetem sub operta condidit arca,
Et simul in speciem mulieris ipsa tulit.
Depositumque virum hoc cippo complexa redemit,
Insomnes vigilum fallere cauta minas.
Indeprensa oculis latuit nam sarcina. Sponsus
Nempe inter libros non nisi liber erat.

X X V.

Idem Argumentum.

INfartam libris molitur Aquilia capsam,
Eximat ut Batavo e carcere mæsta virum.
Excubiis dolus imposuit, rectumque sub illa
Asseruit Patriis officiosa focis.
Subrisit, plausitque fidem. Fortuna maritum,
Quod tantum e libris hauserit ingenium.

X X V I.

In pumicatos huius temporis mores.

N Vlla viris barba est, sed acutæ virgula barbæ,
Femineis sordent moribus, ore Phryges.

Lincolam mystax fruticat monogrammus in unam,

Quam levis obliquo torqueat igne calybs.

Eutropios alit aula, Duces Bellona Spadones;

Et Cathedræ sine mento, & sine mente Sophos.

Ipse etiam imberbem vultu mirata Senatum

Curia, conscriptos abnuat esse Patres.

Inunc, & doleas Fortunæ incommoda Calvæ,

Si magis ad luxum depilis illa facit,

XXVII.

In Rhetorem delirio correptum, dum Abjalonis tra-
gadiam scriberet.

Insanis, juvenem insanum dum mente revolvis;

Et furis, in refugum dum turit ille Patrem.

Par ambos finis, par exitus excipit ambos:

Illà comà periit, tuque peris capite.

XXVIII.

In Rullum Vociferantem e pulpito.


Centum raucorum vocem, incudemque Cyclopum,
Dum sacra conscendit Pulpita, Rullus habet.

Lenè ubi flexanimum lacrymis, gemitumque petit res,

Altiùs hirritu semitonante latrat:

Nilus inest labris, & nimbisonæ Catadupæ.

Qui sapiat surdis auribus, natus hic est.



XXIX.

In Famofum Latronem, cui nomen, Diluvium.

Diluvium fur unus agit, fur unus in omnes
 Naufraga Campanos funera verfat agros,
 Nullus ad insultus latet, infidiasque Viator:
 Nulla vacant damnis oppida, nulla metu.
 Divinare libet: defit quamquam Arca Noëmi,
 Diluvio huic, triplici sub trabe finis erit.

XXX.

In Maledicum Pòetam.

Incipit iratis epigrammata scribere Musis
 Brontius, & cynico jurgia dente vomit.
 Affectatque sales, quibus æstuat unda Salonis,
 Æmulus arguti vincere vatis opus.
 Atqui upupam canit. inſpexi ſi culta lateret
 Bilbilis in calido carmine, bilis erat.

XXXI.

Ad Chryſopææ ſtudioſos.

Huc huc adeste fumivenduli, huc omnes
 Adeste. vultu Grunnius favilloſo,
 Et Lulliano denigrator furno,
 Volaticum olim, neſciumque deſigi
 Habet ſub ictu ſemiſaciumque Hermam.
 Arcana Naturæ ad ſuum patent lychnum;
 Midamque ſupra ſarrit aureos montes,

Domique natas Pervæ Indicas glebas.
 En quanta cinere lucra jam recentato
 Rettulit ab ollis, fumo, & igne. decoxit.

XXXII.

Ad Callippum ridiculè splendidum in cœnis.

L Autitiam, pompamque epulis facturus, in orbem
 Ire alia, atque aliâ pocula fronte jubes.
 Si quis idem mensis imprudens verna reponat,
 Ferte novum, clamas imperioſe, vitrum.
 Vina tamen redeunt eadem, quæ sorbea gustu
 Vitis Abellano parturit ægra solo.
 Si biberent oculi, gemmâ tornatus, & auro
 Adderet illecebras ille, vel ille calix.
 Murrhina non addunt naſum pretioſa Falerno,
 Qui bibit his vappam, catiùs inde ſitit.

XXXIII.

De Lampade in navis effigiem efformata.

L Ampas in artifice, viden? hæc quæ navigat Argo,
 Ipſa Helicen ſibi ſat lucet, & ipſa Pharon.

XXXIV.

De Mutio Scævola ad Porſenam.

S I tibi, Rex, falſo vitam non abſtulit ictu
 Dextera, dedecori militat uſta tuo.
 Mentito, quòd vivis, habes a milite. vultu
 Ni Regem exueres, Porſena, funus græs,

De

XXXV.

De eodem.

Invidus eripuit flammæ cùm Porfena dextram,
 Eripuit Famæ Porfena dimidium.
 Vincere pugnam rara est si gloria Regem,
 Rarior est mortem vincere posse suam.

XXXVI.

In Vappium.

Omnia ab eventu metitur Vappius uno.
 Quàm scitè? stultis nempe Magister hic est.

XXXVII.

*In Harpalum acceptas a summis Dynastis literas
 ostentantem.*

Mente alogus, res nosse omnes putat Harpalus, & se
 Dignatum augustis jactat epistolijs.
 Accipit a Latio sacrorum arcana Senatu,
 Quæ nec sopito somniat amne Tybris.
 Europæ, Libyæque Duces sibi plurima scribunt;
 Et vultu in speciem parturiente legit.
 Hæc Messeniâque Pylon, captamque Methonem
 Littera fert, Veneris succubuisse tubis.
 Annulus Austriaci quam signat Cæsaris, omnem
 Funeream Budæ nunciat Iliadem.
 En binæ a Perua, binæque a Memnone chartæ;
 En aliæ a refugis finibus Vtropiæ.

Navari-
 num.

Ut ruat hæc fatuis tandem Carthago tabellis,
Vna manus satis est, scipio si properes.

X X X V I I I.

In Galbulam telescopio tenus mathematicum;

Volueret immanem cum rupto e vertice fumum
Vesuius, & tetro rudera adesa chao.
Galbula prospectans, rimante per omnia vitro,
Spiramenta, sinus, fulgura, spectra, minas;
Pulvereamque iterum dimensus in àère nubem,
Tandem, ait, hanc regerit non nisi flamma lucem.
Macte vir ingenio: duce te penitissima montis
Novimus; unde cinis vibret? ab igne cinis.

X X X I X.

Ad Fusculum de verbo, Parere.

Aseris ingenio parere absurdum una Latinis
Fœmina in hoc verbum jus habet, una parit.
Pallada cùm peperit, cerebri dehiscente lacuna,
Androgynum dices ergo fuisse Jovem.

X L.

Ad amicum vatem Capua ramice laborantem.

O Quis agit Vulturum æstus per saxa fragosus?
Pallida quid rauco murmurat unda vado?
Assonat ah Lucinne, tuis singulstibus amnis;
Et pietas de te plurima tangit aquas.
Assueras numeris Tiphatem, umbrasque virentes
Mu-

Musica Orpheæ flectere lege Lyra.
 Nunc morboſa lues plectrum inficit. emoritur vox,
 Triftior una hæret Pegasus in lacryma.
 Sanguinei introrſus vepres, rabidæque mariſcæ,
 Averſi vitiant ulceris epiphoram.
 Subſiliunt punctim venæ, vibrante capillo,
 Multaque ramosis iſtibus urget acus.
 Ulceris appendix locus eſt: inſiſta dolemus,
 Si qua ſubit refugo lumine damna pudor.
 Hæccine, Phœbe, tuo debetur Laurea Vati,
 Cui male pro merita Daphnide ficus hiat?

XLI.

De Monetis reſectis.

G Rex pecorum tibi dat percuffa pecunia nomen,
 Hinc puto te toties tondet Avarities.

XLI.

Ad Lyſum dentibus laborantem.

L Yſe doles tibi decíduos tabeſcere dentes,
 Vulſæque deſertæ cornua labra gulæ.
 Qui ſuperant, trepidi ludunt oſcilla molares;
 Aut gelidi ſenſu languidiore ſtupent.
 Alituum non eſt carptim libare minural,
 Et cerebrum Mullis ſindere, & extra Scaris.
 Solenas, mituloſque & hiulcis oſtrea pinnis,
 Turbinei non eſt mandere poma maris.
 Empritijs fruſtra reparas oſſibus. unum
 Hoc reliquum eſt; Pappam conſule, Lyſe, Jovem.

X L I I I.

In Hermippum senem actuosum.

Vix regit Hermippum baculo defecta senectus
 Jam tripodem, gressu ne ruat ipse suo.
 Immodicusque moræ tamen omnes ambulat horas,
 Sive viæ tumeant pulvere, sive luto.
 Quamquam vertigo tentet caput, itque reditque,
 Nec medico sese colligit arbitrio.
 Ni sapiat tandem, moremque hunc desinat ultrò.
 Fatalem quadrupes incidet in tumulum.

X L I V.

Fœminarum garrulitas.

Si fatuos a fando olim dixere Latini,
 Scire velim, quænam fœmina non fatua est?

X L V.

*Caryophyllum mense Januario, Principi donatum, post
 Hæresim eiuratum, Scholam ingresso.*

FRondeus hic Phœnix, & odoræ gratia lucis,
 Pat tibi festino murice munus hiat.
 Impatiens tepidis pubescere noluit astris;
 Noluit Aprili pandere Sole comas.
 Floruit hibernus, vicini transfuga Veris;
 Apra tuæ melior nectere ferta fugæ.

X L V I.

In personatos sub mortis larna.

O Ra laboratis simulat gens ebria spectris,
Ante it insanis & sua fata iocis.
Credideris Salios errare per Oigia Manes,
Vivaque per medias ludere busta vias.
Vna hæc ad fatum deerant dispendia luxum;
Cariùs ut constent funera, Mors emitur.

X L V I I.

Idem Argumentum.

I Ndeprensa alijs, nativæ transfuga famæ
Qui malè nugaci lumina morte præmis,
Bis miser es, vultu simulas dum fata bifronti,
Et vitæ redimis gaudia, dum moreris.
Nimirum plus mortis habet mors ludicra; quando
Ipsam etiã mentem demere fîcta potest.

X L V I I I.

In Eosdem.

O diræ facies! pictæ sub imagine mortis
Saltat ad incestos Enthea turba choros.
Et patia exigui longissima prospicit Ævi,
Cum ferat obductis illita fata genis.
Mortales nimium certè sumus; ipsa fugaci
Delicias Vitæ funeris umbra facit.

X L I X.

*Ad Lalium.**Cur promissam de hyemali Rosa Oden non miseris.*

Dona Rosæ poscas cum vivida, tabida singis,
 Et tumulum cunis nacta repentè parem.
 Falleris; ingenio floret quæ culta colono,
 Non brevis in celerem statque, caditque diem.
 Censuram, emunctæque timet vim naris, aquosæ
 Nam soboles hyemis, non nisi frigidum olet.

L.

In odoratum luxum cœnarum.

Nasus inest, o monstra! gulæ, cœnisque paratis
 Vincta fragrant variam fercula Seplasiæ.
 Moschus in argento natat, & natat ambar in auro.
 Mollis odorata Naiade mappa mader.
 Ipsa etiam eliciunt Arabum plumaria nimbos,
 Ne qua brevi pedat musca susurra tubæ.
 Quæ delira epulis mens est? qui glutit odorem,
 Nonne solæcismum gutturi ille facit?

L I.

In Jambulum de vexa atate vino obrutum.

Mitte scyphos, paterasque: satis Jambule, bibisti,
 Ne totus pereas, collige vasa senex.
 Hæc surdo cecini: subitoque apoplecticus ictu
 Eracuit thyrsis ebria fata suis.

Hau-

Hauferat immodicus vites, ipsumque Vesevum,
Gusta merobibulos diluit una dies.

L I I.

In obscenas picturas.

Quis ferat obscæno pictas tor Taidas ausu?
Venalesque malo in lumine prostibulas.
O ubi se Cyprijs emerget fluctibus, haurit
Si pudor ex ipsa naufragium tabulà?

L I I I.

Mors sculpta in succino.

Ingenium mortis viden? hac phaëntotide gemina,
Merfit ubi Magnos, ridet & in lacrymis.

L I V.

In Scolpum.

Cubiculi dum quis sui fores pulsat,
Securioris Scolpus otij vindex,
Jubet ingredi, digitoque signat intento
Quasi cœpta, non expleta pensa Psalmorum.
Si læta narret hospes, & vacet nugis,
De codice manum tollit: altiùs figit,
Si teter, & morosus, & silet torus.
O mimicè pium, & licenter urbanum!

L V.

In Arcamum.

Clamosi Lamiam fori togatam
 Præfert Arcamus; abdit, exeritque
 Venales oculos, Reisque totus
 Nummatis vacat, explicatque lites.
 Si quis paupere supplicat libello,
 Barbam palpat, & abnuente vultu
 Secum mullitat; Augurumque formâ,
 Has voces, Alio die; videbo;
 Ni res aurea tinniat, videbo;
 Ni munuscula rulliant, videbo;
 Hanc cramben recoquit laciniosis,
 Et Sellariolis, macræque turbæ.
 Vis dicam tibi quid velint Clientes
 Ut tandem, Arcame, desinas videre.

L V I.

Asceticum Monitum.

Vis omnem complecti animo, Stoamque, Licæumq;
 Hæc duo, nec cures cætera, disce, memor.
 Terminus a quo quid signet, quid Terminus ad quem,
 Ille vices vitæ suggerit, hic cinerem.

L V I I.

*In Bibonem nasutissimum qui bibendo scyphum
infregit.*

Pessime nasorum, nasutorumque, bibendo
Vina voras, simul & frangere vitra potes.
Flabra ne turbinei distas horrentia Cauri?
Cymbia tu, cymbas obruit ille mari.
Quàm vellem signata forent hæc Consule vina;
Vt male te virgis cæderet ille suis.

L V I I I.

Eiusdem excusatio.

Dum bibit, extremoque inhians allambere naso
Nititur in vitreo Maslica vina Scypho,
Improvisus, ait, rictu distensus hiulco,
Cur etiam sua non pocula nasus habet?
Æqua dedit nares nobis natura gemellas,
Posset ut hauriri sorbilis inde liquor.
Unus odoretur jentacula nasus, & unus
Tantaleam subeat sicior usque sitim!
Dixerat, & calicem sese demersit in imum,
Protinus in rimas dissiluitque calix.
Nasus in hoc meritam effudit, me judice, bilem;
Fas est qui toties mungitur, ille bibat.

L I X.

Conficiendi tabaci officina conflavit.

VI subita exarsere ædes, ubi publica prælis
 Ars molito Brasilum germine lucra facit.
 Parce queri Quæstor: minor est iactura periclo,
 Qui fuerat census pulveris, est cineris.

L X.

Idem.

HÆc rata lex olim, plausuque excepta sequaci,
 Ut malè qui fumum venditar, igne luat.

L X I.

Curiositas delusa.

Deliciosus
 locus pro-
 pe Panor-
 mum.

Quà Cererem sulcis, & Pallada comit olivis,
 Et tumidis Bacchum * Baxaris ora botris
 Reliquias Urbis saxa inter hiulca sepultæ
 Indicat in viduo posthuma fama jugo.
 Venimus huc abrupta per ardua: nil nisi vepres,
 Lappaque dentatis visa rigere rubis.
 Non pes, non caput Urbis erat, non busta ruinæ,
 Vel quæ oculos saltem pasceret umbra meos.
 Carduus & silices, hæc Tempia, Theatra, Colossi
 Balnea, Cryptæ, Arcus, carduus & silices.
 Pagina Cardani saperet plus, una Petronj,
 Pro nihilo tanti cura, laborque stetit.

L X I I.

De Picturatis Polidori adibus.

SI quis adit rigidam Polidori Judicis aulam,
 Symbolon hoc legit in limine; Lex, & Honor.
 Et Nemefin, strictasque crepant aulae secures,
 Picta unam spirat Bibliotheca Themin.
 Militat hæc lucro species, & scrinia spectat.
 Quid quid agit laribus discolor, emptus agit.
 Justitiam facilis labor est appingere muris:
 Justitiam causæ reddere, difficile est.

L X I I I.

In Astacum immodicè sternuentem.

NOn buccinæ, non tympana rabidi Martis,
 Non æneis explosa flamma tormentis,
 Non nemora cornibus ululata Faunorum
 Immanè sternutantis Astaci bombos
 Æquare possint. turbines procellarum,
 Scissæque nubes fulminum minùs strident:
 Minùs allatratas Scylla devorat syrtes.
 Ætæ Cyclopes, & timentur incudes,
 Vbi nasiperticatus iste vix barrit.
 Excussa tellus fluctuat, lares vibrant,
 Undante motu, sellulæque, lectique
 Pluteique lychnique, matulæque nocturnæ
 Saliunt, dehiscunt, turbinantur in gyrum.
 Binas tabaci absumit in diem libras;
 Cunicularem pulvis hic facit nasum.

L X I V.

*In Ollum Hebraici sermonis magistrum imperitum, &
negligentem.*

Ollus Jesseæ docet incunabula linguæ,
Et multo gravidam numine Grammaticen?
Nil tamen in toto sonat indoctissimus anno,
Quàm pictas vario schemate litterulas.
Radices verborum, & sensa latentia punctis
Præterit, ignavæ sedula larva scholæ.
Dispercam si primum * Aleph intelligit, aut * Berib;
Nescit enim in libris esse; vel esse domi.

* Doctrina
* Domus.

L X V.

In obsoletam Theologiam Felini Typis interdictam.

Fastidita abavis glossemata Gymnosophistis,
Quæ propè Palladio in pulvere funus olent,
Destinat ad prælum Felinus, & omine fausto
Iam parat excusis cornua picta libris.
Atq; opere in toto Tò Tò monogrāma pererrat,
Singula plus quæcies pagina Tò repetit.
Tò physicè verum est, falsum moraliter, & Tò
Univocè sonat hic, æquivocè sonat hic.
Militat in cunctis Totilas sine casside gnomis;
Et Tomyris multo sanguinis utre tumer.
Si numeres Tò, fulmineis per iuania bombis
Penè tonitralem reberis esse Iovem.
Plaudite io Scioli, conscribit biblia simplex
Syllaba, si varias digerit una Theses.

Ad

L X V I I.

Ad Fasanium de Torquati Tassi pòemate in Neapolitanum sermonem traducto.

ARma piumq; Ducem, atque assertam Numinis Urnâ
 Vix imitandum Itali nobile Vatis opus;
 Das iterum famæ, patriisque tumescere musis
 Bella Sionëis diu celebrata tubis.
 Tantaque in arguta latet ars & gratia linguâ,
 In numeris tantam vim Gelasius habet;
 Major ut Autographo se assurgere gaudeat; & plus
 Nescio quid lepido in carmine Tassus amet;

L X V I I.

In Decrepitum libidinosum.

CAnitiem genio indulget, fatique sub ipsa
 Falce calens, pergit luxuriare Chremes.
 Accisam morbis animam, bustoque propinquam
 Prostibuli pellex noctua Laïs habet.
 Quis furor hic? vitiis etiam silicernia nubunt;
 Et prope cum desunt vivere, plus pereunt.

L X V I I I.

Vindemia in Vesuviano effusus imbris perijt.

Vitifero flueret ne lachryma multa Vesuvo,
 Quis credat? pluvix vos vetuistis aquæ.

L X I X.

In funere Dianæ Caracciolo, cui magnificè Neapoli parentatum in Templo Societatis Jesu.

L Una laboranti si decolor orbe nigrescat
 Ingeminant radios astra serena suos.
 Dianæ ad tumulum magni argumenta doloris,
 Ut magis ardescant sydera, cerea sunt.

L X X.

Idem.

D Egenerem in cervum jactis Actæona lymphis
 Vertit inaccessu Delia visa lacu.
 Hæc oculis data pœna; tuæ dum funera lucis
 Prosequimur nostris rapta Diana plagis,
 Vt dolor atratæ constantior hæreat Vrx,
 In Nioben mæstis induc nos lacrymis.

L X X I.

Idem.

L æta puerperiis, quæ vitæ insigne ferebat
 Syrmate nunc viduo tecta Diana later.
 Mors rapuit, tædamque rogi convertit in usum,
 Ausa simul rigida tollere falce manum.
 Fallor? an in falcem curvari sueta, sequestri
 Omnia fert secum funeris ipsa sui?

LXXII.


*In eruditam floridamque D. Petri Casaburi
Poësin.*

Aonidium decus, ac Tusci lux maxima Pindi,
Cui fuit in lepidos Castalis unda Tagos.
Imperiosum animis afflant tua carmina Phœbum,
Dant propè divinos musica plectra modos,
Omnia par Orpheo; superas quin Orphea cantu:
Ille Feras traxit, tu trahis & Charites.

LXXIII.

Ad Infantem Archiducem Austria multi nominem.

Qvina coronatus sortitus nomina Divum,
Quæ fuerant Atavis singula, solus eris.
Magnus Iesseæ Coniux Heroidis, in Te
Nescio quid taciti numinis omen habet.
Qui lævum Hispanis Zebedejus intonat oris,
Archiduci simul & fulmen & ensis adest.
Exciet augustumque animis Ignatius ignem,
Vindice quo Batauùm palleat Hydra fugax:
Eustachius flammæ natali Sirion astro,
Cogat ut in prædam Thracia regna tuam.
Tot puer Indigetum titulos implere merendo
Num poteris? Puer es Cæsaris, ergo potes.



LIXXIV.

Ad eundem Julio mense natum.

Nocte satus, Phœbo Nemezum urgente Leonem
 Parvulus Alcidis parva trophæa præit.
 Austriaco signat felix bene Iulius ortum,
 Scilicet Augustos colliget unus Avos.

LXXXV.

Ad Leopoldum Casarem.

Tertia dat sobolem Cæsartibi Nupta: Trigono
 Nempe beat cunas sidere fausta Venus.

LXXXVI.

*De Cincio**In concinnandis Clepsydri occupato.*

Clepsydra Romanorum Abavis addicta disertis,
 Docta per alternas didere tempus aquas;
 Cincius illecebram veteri, & decus addidit arti,
 Seque laboratis suspicit usque vitris.
 Nempe canaliculos salientibus imbuit undis,
 Atque susurranti gaudia fluxa ioco.
 Clepsydra, fac numeret raucis hæc litibus horas,
 Non deerit Gracchis fistula, nam resonat.

LXXVII.

Ad Eundem.

C Lepsydra quæ curas tibi versilis occupat omnes,
Non tibi meretur, subripit illa diem.

LXXVIII.

In Lycum gulamancipium.

C Vr Lycus exclamat toties, ò Tempora ! dicam :
Quattuor ille odit Tempora, ventriloquus.

LXXIX.

*Nequissimus Grassator vulgo dictus, Abas Cæsar, cuius
caput abscissum sub chartacea corona ad ludibrium
Neapoli prostitutum.*

C Allidus ad cædes sibi cernere visus acutum
Cæsar, & infami subdere regna dolo.
Tendiculas has fraudum & cæca sophismata præceps
Debuerat laqueo solvere furca brevi.
At scelorum ambages celeri pila diluit ictu.
Glans animam extorsit plumbea, Verris erat.
Ingenium Fari logicum est in Barbara furax,
Collige quàm merito in Cæsare cæsus obit.

.I. LXXX.

De eodem.

Cæsar hic, an Brutus? neutrumq; & utrumq; videtur:
 Cùm potuit raptò vivere, brutus erat;
 Cum capitis minor interiit, gestare coronam
 Iussus, & hoc habuit Cæsaris, erubuit.

LXXXI.

De Eodem.

Nominis imperiosam umbram tādē exiit, & jam
 In medio foetet putrida calva foro.
 Famosaque latrociniiis, & cædibus, unco
 Vindice, fortunam Cæsaris hasta tulit.

LXXXII.

Cicada fœdicia.

Evnemus in lepidos dum fila lacefferet ictus,
 Æmulus argutæ vincere bella lyræ.
 Altera multiplici digitorum incisa recurva
 Chorda, verecundo pectine dissiluit:
 At volat improvisa, brevique innixa lacunæ.
 Afferuit fidibus cauta Cicada fidem.
 Fortunæ lusus, cecinit Cytharæda triumphum,
 Quæ creat æstivis auxibus exitium.

L X X X I I I.

In Phobum nequissimè furacissimum.

V Orago fraudum multiplex;
 Proteus rapinarum Phobus,
 Privata, publica abstrahit;
 Fruges Colonis abstrahit;
 Nautisque nassas abstrahit:
 Viduisque dotes, Orphanis,
 Fiscoque census abstrahit.
 Nec crimini id vertit sibi.
 Nullum esse censet è schola
 Mendacium Abstrahentium.

L X X X I V.

In Tappulum fite ruffientem, & vino dedilum.

D Um te sicca quatit ruffis, lenire Lyxo
 Plus caperis. medicè hoc, Tappule; pota mader.

L X X X V.

In Thaidem suggesta florum ornatam.

G Emmarum tutulis, & odoro flore capillum
 Nectit ut emptores comptula Thais emat.
 Fert Cybele turrim, pictumque Semiramis hortum,
 Fert & Amalthæas prodiga frontis opes.
 Si quæ plus gestat, magis est formosa Venustas,
 Fæmineum vincet cista vel una caput.

L X X X V I.

In Horologio Solari.

Falleris, imponit lentum tibi tempus in horas;
Non est quod mendax indicat umbra, fuit.

L X X X V I I.

Aliud.

Quam breve sit fluxæ spatiumque volatile vitæ,
Occiduum tenui linea signat acu.

L X X X V I I I.

*Adulta æstate noctu pluit ante deditionem Nekefel
Capræ Duci.*

Excidium Nekefel præijt cur nubilus Æther
Densus, & in pluvium nox properata Jovem?
An pudor occuluit refugam formidine Lunam,
Et sibi funereum palluit ante diem?
An ruit oblectas Capræ dum sidus in arces,
Sævijs æstivæ nuncia cladis hyemæ?

L X X X I X.

De inauratis Cubilium tabulis, ad Candidum.

Non satis illuso radiat cortina sub auro;
Non satis intexto culcitra Gange tumet.
Inque pedes ipsos, thalami que cupressina fulcra

Ar.

Artifici linitur fusilis unda Tago.
 Quæ nova sopiti capiunt hinc gaudia sensus?
 Non est hoc cimum consuluisse focus?
 Otia præ curis constant, Procerumque libido
 Plus fatuè dormit, Candide, quàm vigilat.

X C.

Ad Publium de inopum superbia.

Quis ferat hoc Publi? multos argente camino
 Altior in fastu paupere fumus obit.

X C I.

*Ad Serenissimum Hungaria Regem Josephum Januario
 mense in Romanorum Regem inauguratum.*

Omnium Amor, Romæ Rex omnibus inclyte votis
 Spem quantam Latij provehis Imperij?
 Ante diem erudit virtus innata triumphis,
 Funeret Odrysium fidus ut ante diem.
 Assonet Arctois gens Romula plausibus, & se
 Maior eat Domino Tybridis unda suo.
 Tarpejam semel olim Arcem vigil Anser, at Ales
 Austriadum pectora sæcula servat adhuc.

X C I I.

Ad Eundem.

Bina tibi si flos primæ dat Regna Juventæ,
 Incipis Augusti vincere vota Patris;
 Ergo opus est Axem mutet, currumque Bootes;
 Verrat & in celeres ad nova scepra rotas.

X C I I I.

Idem.

S Alveo Pannoniæ Romam largite Coronæ,
 Austriaco sælix omine Jane biceps.
 Lunigeras victo noctes Rex merget in Hebro:
 Gallicinos Rheno merget in amne dies.
 In sobolem totus migrat si Cæsar, utrique
 Angustus, nisi sese ampliet, Orbis erit.

X C I V.

Excellentissimo Principi D. Francisco de Benavides Sancti Stephani Comiti, ac Neapolitano Proregi.

S Umma tuos nectit Benavidie, gloria Fasces;
 Dum tibi dat Regum substinuisse vices.
 Fausta Gigantæo molitur fræna Peloro,
 Nulla rebellanti fluctuat unda freto.
 Parthenope nummis jam dudum exhausta recisis
 Una Numas in Te gaudet, & una Titos.

X C V.

Mors Chrystallina.

C Oncolor argento, & pretiosi frigoris altrix,
 Gemma sub Arctois nata rigere jugis,
 Dædalea sudata manu, scalproque magistro,
 Vi vîda mentitæ Symbola Mortis habet.
 Et rapit incisa nive sculptilis omnium amores;
 Quò magis est frangi lubrica, blanda magis.

uf-

Usque adeo casura placent Mortalibus: ipsa
In pretio mors est, si periisse potest.

XCVI.

In otium Pausilypanum.

Cæcula Pausilypi collem quâ nubilat æstas,
Multa per æquoreas ganea fumat aquas.
Hic geminant se Fara; & censum, annosque supinos
Sedula Mors uno devorat in * Scopulo.

* Hoc
nomen
Mergelli-
næ fluvii

XCVII.

Hostilis navis, cui nomen, Inferno, Siciliam infestat.


Quis furor o velis audacibus induit Orcum?
Et ruit in messem, Sicelis ora, tuam?
Ah cave, ne Stygiæ fias dos nupta rapinæ:
Te satis hoc Cereris filia rapta docet.

XCVIII.

In Lycephronem luscum, & maleficum.

O ffusis Lycephron oculis vel somnia, vel quæ
Nulla, sagax rigido nunciat acta foro.
Dij facite, ut nebulae aut cæcas densentur in umbras;
Aut oculos obeat * Gutta Serena suos.

* Affec-
tio oculo-
rum quæ
foris non
apparet.



XCIX.

*In Troiulum Leguleium
Locupletis causa clamorū, inopi raucum.*

Phlegmaticam simulās anginam, & gutturis æstum,
Si tenui vacuus supplicet ære cliens.
Nolenti tibi nulla sonat, vox multa volenti:
Vox abit in varias rauca, vel alta vices.
Omnia nam calles quæ sunt in corpore Juris;
Et modo jura liquent, & modo jura gelant.

C.

In Eumdem.

Troiule cum tumeas vultu sat Crassus opimo,
Niteris exigua fingere voce Macrum.
Stentoras, Enceladumque tonas, ubi Curia lucro est;
Una silent causis obruta verba piis.
Hæc nova vis morbi: fatuo ne crimine pecces,
Unciolam salis & iudicii, Recipe.

CI.

In Cinnam doctrinarum omnium compendium in Rubricarum vestigatione censentem.

Nil relegis, nil & loqueris nisi, Cinna, Rubricas;
Seriùs has, nugax has opulenter oles.
Cætera derides veterum commenta Sophorum;
Non tibi Peripaton, non tibi Stoa sapit.
Euclidis sordent elementa, aphorismata Coi;

Nul-

Nulla fluit genio Pegasis unda tuo.
Una Rubricarum laudas si dogmata, possum
Te natum e ligno dicere Mercurium.

C II.

In Munnam absurdè gulosum.

O Esophagum fert Munna oculis, cœnasque colorat:
Plus sapiunt, si plus fercula picta, gulæ.
Encaustæ radiant, patinæque, & cultra, salinumque,
Adriacæ faciunt Iride vitra sitim.
Multus & in Rhombis later histrio, multus in Apris;
Multus & altilium iuscula fucus obit.
Dum videt hæc, vorat hæc, nocturnas exedit horas;
Carior est somno ganea blanda suo.
Pratogenem dices comedonem accumbere Mensis;
Nempe manum nescit tollere de Tabula.

C III.

In Ponticum ferentem phaseolos in florum hortulo.

A Reolis ubi jam tulipas mandarat amœnas;
Scriptaque multigenis caryophylla comis;
Ponticus & siliquas sevit, vilemque phaselum.
Totus & in cochleas degener hortus ijt.
Accidit hoc passim: si quis Floralia ludat,
Cornea nata domi germina messor alit.

CIV.

De Vespa in Succino.

Vixit morte sua, tumuloque obducta bigemmi,
 Enumerat nitidos Succina Vespa dies.
 Degener in pretium sic cælitis omina vitæ
 Elicit e lacrymis culpa sepulta suis.

CV.

Libido, & avaritia aquè noxia ad Cotilum.

Fœda Venus dolor est, dolus est sacer ambitus auris.
 Parturit hic lites, parturit illa luem.
 Vrit Acidalias famosa pudendagra curas,
 Et semesa stupris ilia putrè fluunt,
 Sordet Avarities, censumque auctura nepotum,
 Fœnerat in damnum ditior ipsa suum.
 Cotile, quò redimas animam, unum hoc imprime votis,
 Parce tenax loculos condere, conde oculos.

CVI.

In Tuccam ineptissimè negotiosum.

Pragmaticus, rerumque capax vult Tucca videri,
 Qui neque de filo differat, atque pilo.
 Explicat hinc apochas, simul explicat inde libellos;
 Non secus ac triplici debeat acta foro.
 Multa per incinctos dependet pagina lumbos.
 Multa onerat digitos syngrapha, multa sinum.
 At quod agit; peragit numquam, Scribonius alter;

Nil

Nil sapit, & Cursor iure Papyrius est.

Siqua secanda instat lis, immemor æstuat, hæret;
Scripta habeat quamvis plurima præ manibus.

CVII.

Opes Adiaphora, seu indifferentes.

Divitia ex animo pendent, variantque vicissim.
Si bonus es, bona sunt: Si malus es, mala sunt.

CVIII.

De Natta Haretico Magistello Calvitiem occultante.

VT nuda redimat vitia depilis calva,
Domi, forisque Natta pransus, impransus,
In veste cranium pileo tegit curto.
Libros revolvat tacitus, aut palæstritis
Doctam Sophorum raucus expuat tussim;
Stertat supinus oscitator in lecto,
Nunquam recalva fronte penulam solvit.
Vibrante cerebro febriat, æstuet totus,
Sinesianas usque surdus ad laudes,
Galeam expilato vertici premit fixam,
Ad Sacra tantum capite nudus accedit.
Vna arguit, nil miror, Ara Calvinum.

CIX.

In Galbam Vinosum, & iracundum.

ET rabit, & * Scævam post ebria pocula latrat,
Hinc biberet medicas Galba, sed horret aquas.
Ad

* Canum
furor dum
ringunt.

C. X.

*Ad Pandarum vitrarium Mathematicum, irridentem
vocem Decanatus in Planetis.*

PAndare, cur Martem & Solem quandoq; Decanum,
Cum neque vim capias nominis, ire negas?
Ringeris in Socios, cum Cœlo totus aberres;
Et geminum censes, astra Decana, Canem.
Euge, nihil supra: ravidam sapis, euge, Mathesim.
Debetur fannis Cœna canina tuis.

C X I.

In Bassum flatuosum indecenter.


Dux Romæ
nus Par-
thorum vi-
sor ex Tro-
go.

MOrbū habet hūc Bassus, ciet undiq; & undiq; flatus.
Nec dubitem Bassum dicere Ventidium.

C X I I.

*In Oppium per astatem prope Puteum, effusè
nugari solitum.*

PVteolis nugax infistit, & oscitat horas
Oppius; hinc Baias non nisi verba sonant.



CXIII.

Idem.

Æ quoreos olim ad fluctus Demosthena narrant
 Et linguam, & gestus erudiisse suos.
 Garrulus in puteum fatuas eructat Athenas
 Oppius, infano pinguis aqualiculo.
 Ac tot sacundis glomerat mendacia gerris,
 Ut nec vasta satis clepsydra sit, Puteus.

CXIV.

De Aqua molendini.

Quæ Cererem refugos molit irrequieta per orbem
 Vnda, sitimne levat versilis, anne famem?

CXV.

Ad Celsum de Fannio divitiarum cupidissimo.

Torus in augenda male Fannius obruitur re.
 Lucra remetitur, prædia vendit, emit.
 Celse, quid inideas? votis inflige securim.
 Qui nimium lucet, luget & ille magis.
 Fac capiat penus Oceanum, Mundumque supellex.
 Multæ epulæ, virus; penula multa, labor.
 Dulce bibes, si parca tuæ sint pocula cœnæ,
 Integra si potes dolia, naufragium est.



EPIGRAMMATON

LIBER III.

I.

*Fatnorum Principum Princeps Heliogabalus in Euripis
vino oppletis navales Circenses exhibuit, occisus per
cloacas ductus, & proiectus in Tiberim.
ex Lampridio.*

MVsteus ingenio, Fortunæque ebrius æstro,
Thædas ad Circum duxit Aquariolas.
Doliaque in naves, in prælia præla migrarunt;
Velaque Thyrsigeram ludere visa Thetin.
Neptuno famulum Semele non passa Lyæum,
Fulminei petiit tela marita Jovis.
Obruor Euripis, inquit, tua: consule Gnato.
Arida vinoso Cæsare Roma sitit.
Juppiter hæc: pereat madidus, Tyberisque rependat.
Vnda, sepulchralem naufraga Naumachiam.

II.

Carolus V. abdicat Imperium.

* Trium-
phalem. **H**ospitem ubi votis ingentem, armisq; * Tropeucum
Thebais Aufriadem vidit Ibera Ducem,
Ob-

Obstupuit, tenui posset ne angusta recessu
 Abdere, cui geminus non satis Orbis erat?
 Nil faciem sylvæ, nil Carolus horruit umbram,
 Laurigerum assuetus diu coluisse nemus.
 Cùm patuit, Reges sese super extulit omnes;
 Se super, & maior Cæsare, cùm latuit.

III.

De eodem.

Vlâtricem Imperio dedisse lucem.
 Fœlix Austria Carolum fatetur.
 Europen, Libyemque tot triumphis
 Quot bellis domuit; iugoque Reges
 Pressit Dux animo, manuque Miles,
 At dum cauta receptui tubarum
 Virtus concinuit sono, vel ipsum
 Cælum vincere visus, abdicatis
 Regnorum phaleris; suusque Sortem
 Risit sphæromacham; fugæque laus hæc
 Heroæ, præiit subactam & Arcton,
 Thracumque, Batavumque, Pannonumque,
 Et victum Ammericæ latentis Orbem:
 Omnes ante Duces. Avosque, Magnum
 Angusti latis incolam, atque Eremitæ
 Primum ex Cæsare regium Satorem
 Fœlix Austria Carolum loquetur.

I V.

De novitijs Pyrotèchnia ingeniis ad Polum.

Quòd Demiurgo cudad in dies ausu
Tormenta Mars flammata, & alites Ætnas,
Pugnetque pugnas igneus nitto pulvis,
Nil, Pole, miror: militum manus frigent.

V.

Ad Rusticum

De Anselmo Mario Pinto fatuè ridiculo.

Quæ Pintum famæ tam cura binominis uris,
Ut prope famosis destinet Anticytis?
Dixeris Anselmum, Marium simul ipse reponit:
Anselmum replices, & replicat Marium.
Alterutrum deinas, subita incandescit ab ira.
Ni gemino appelles nomine, surdus erit.
Compositis gaudet simplex caput: & sibi plaudit,
Redditur ut voto consona biga suo.
Rustice, quam faciles sumus ad deliria? mentem
Cum vix bina premunt nomina, decoquimus.

V I.

In Bassum Misantropum.

Valeant ne rectè quotquot obviam spectat
Acri iuventa fervidos, rogat Bassus.
Vultuque fluctuante, temporum damnat,
Et vim maleficam astrorum, & horridos Austros.

Urbanus ad fastidium. facit tanti
 Salvam salutem, Civiumque fortunas?
 Necrophorus * ille est; ferre non potest vivos.

* Vespil-
 io, mor-
 tuorum
 baiulus,

VII.

Ad Volsoneum integrè Atomistam.

Si paleis par & Cereri, Volsone, medulla est,
 Atque eadem species omnium, idemque genus.
 Nil pecudi invidas: dabit horrea, follis arista;
 Et tua centabit ganca cum stabulis.

VIII.

De Musico Eunuchio iuris lauream adepto.

Non absurdè olim tractabas musica: mutum
 Nunc te Causidicum Curia nomen habet.

IX.

Idem.

Si dare Cantores, & vendere verba fatemur,
 Et dare Causidici, & vendere verba solent.

X.

De eodem.

Legitimos inter Patres quis censeat: & quis
 Audeat Eunuchum dicere Patritium?

X I.

Ad Lygdum.

Lygde quid oblitum, & sub inertī sūdere natum
 Te quereris, nullis Fascibus esse parē?
 Ne doleas; animum pelago solare Magistro,
 Enata; in summa non nisi suber aqua.

X I I.

In Cinnam domi ieiunum, foris ornatis usum vestibus.

Atralicas ut emat tunicas, sua prædia vendit;
 Et macer in satūra sindone Cinna riget.
 Sic pro veste cibum Bombyx habet:arque ubi lucet
 Sericus, in nitido discit egere globo,
 Stragula delirant, stomachi plectuntur inanes.
 Quod genus hoc Monstri est? luxum alit esuries.

X I I I.

De Religioso valetudinario prope Templum translata.

Mortis triste suburbium,
 Sedes hospita funerum,
 Morborumque Colonia,
 Templo proxima sistitur:
 Ægris scilicet omnibus
 Aut Arâ, aut Tumulo est opus.

Ad

XIV.

Ad Xilinum Pòetam de Syllaba male producta.

Produxti semel atque iterum, Xiline, Peponem;
 Scilicet ut saperent Lesbica metra salem.
 Falsus es: irrepfit nam longa cucurbita metris,
 Nec còndita, brevij insulsior & pepone.

XV.

In Oberatum & furem.

ÆRe gravis, nova quid cumulas tibi pondera furtis?
 An * Sparto staticen scire Fabulle cupis?

* Quana-
 rum pon-
 deris ferat
 sumi do-
 cet.

XVI.

Hortensius ob intensam in dicendo vocem interiiit.

Dum Periclem tonat e rostris Hortensius, & se
 Fulmineum plauso velite rhetor agit,
 Efflandæ momentum animæ vox excita clausit;
 Mœstaque funereis clepsydra fluxit aquis.
 Aruit effusi vi sanguinis eloquij flos.
 Actor & ipse sui funeris, ipse cliens.
 Æmulus an Tullij moriens quoque visus? utrique
 Lingua laboratam debuit alta necem.

XVII.

In Gulosum Simulatorem.

N Il est putidius, nihil est insanius Euclio.
 Se fingit ægra fronte mortuissimumi.
 Iliadem in lumbis, & fingit in ossibus Ossam;
 Vigilique somno stertit, esurit satur.
 Oblitus unguentis olet unus funera centum,
 Suoque figas ostio illud: Sanitas.
 Lautius hinc cœnat, villisque potitur amœnis;
 Simulatur auceps & voluptatis dolor.

XVIII.

*Ad P Bartholomæum Beverinum in Lucensi Academia,
 argutum & lepidum in epigrammatis.*

A Rgutos Epigrammaton lepores
 Cum totus relegam in diem, salesque;
 Et lambam Latium mel, & Sûadam,
 Concinnamque penum elegantiarum;
 Ni Lucæ pius Augur eruditæ
 Aris, & Superum choro vacares,
 Te Pindi Pugilem vocare possem,
 Et Vatem, Beverine, Martialem.

XIX.

De Punctis Inflatis.

A ddideris puncto si punctum, Extensio crescet.
 At negat hoc Socijs alta Stagira Sophis.

Per-

Perneget. irrumpat multus, punctimque laceſſat,
Nonne culex tumidum reddet Ariſtotelem?

X X.

De Pomis qua gemella in ſortum coarent.

P Hæbus ineſt nemori. vegetam mirare pœſſim,
Arboreis pendent Diſticha poma comis.

X X I.

Vetula Panormi, ſub ruina penſiliſ Horſi periit.

C Onditur hæc Pyrrhæ ætatem per menſa gemellam,
Supra Hecubam, rugis horrida, glabra genas.
In juvenem rediit, frondofis obruta fatiſ;
Aruerat vitæ, floruit in tumulo.

X X I I.

*De Pandaro ad Balnea quotannis tranſmigrante ꝑ
otij Arthritim.*

F Lemmeus æſtiyas priſ dum Julius horas,
Navigat ad viridem Pandarus Inarimem.
Non tamen huc revocat vel Gurgitis aura calentiſ,
Acta vel in medicos mollis arena ſcrobis.
Prandia amat, nullis piſcoſa, volatica turdiſ;
Et ſudare putat tutius ad patinaſ.
Hippocrates coquus eſt: gelidoque rigentia Batcho
Vitra parant nerviſ balnea pota ſuiſ.
Quid tibi cum Thermiſ? valeaſ ut Pandare gratis,
Ganea fac agræ frigeat una gulæ.

Vulgo
Gurgitellæ

X X I I I.

De Simeone Salo sanctissimè fatuo.

Vivitur Anticyris; nucibusque impune jocantur
 Cum famulis Domini, cum puerisque senes.
 Parturit innumeros ætas vel singula Faunos,
 Quos tacitus Fatuæ coniugis urit amor.
 Hic sua navifragis fudit patrimonia Cauris;
 Chymicæ & hic fumo divite pauper hiat.
 Ille per armifonos cessantia fata tumultus.
 Provocat, & picta in casside funus emit.
 Si genis tam blanda sedet dementia, lucro
 Stultitiam pietas vertere mima docet.
 Ludicra virtuti indulsit Floralia Salo:
 Exigit hunc assem, desipere ut sapias.

Fatuam
 Deam fin-
 gere Fauni
 conjugem

X X I V.

Omnia vanitas.

Omnia si quæras vitæ solatia, quid sint?
 S, unum apponas, Myrtile, somnia sunt.

X X V.

Juditha caput Holoferni obtruncat.

UT vindex Holophernios amores
 Ausu Juditha perderet decoro,
 Excepit digitis comam annulatis,
 Unoque Assyriam peremit ictu.
 Si tantum valuit potens in hostem

Or-

Ornatu manus integrè pudico,
 Quam cladem pariet malo Venustas
 Pellex ingenio? unus est ab armis
 Custos fœmineis, metus pericli.
 Blandi qui caver aleam duelli,
 Vivit: dat fuga Tesseram triumphii.

XXVI.

Ad Fuscum

Sancius nervis maximus est dolor, minor recisus. Ex Plin.

Si ferias, immane dolent ad vulnera nervi;
 Mitior inflicta cuspide pœna secat,
 Non secus indomitos Fatorum ingentibus ausis
 Sæpe malum torquet, Fuscule, quod minus est.

XXVII.

S. Germanus Episc. Parisiensis sua Tunica filo morbos curabat.

Dum tunicæ filum Germanus munerat ægris,
 Secta redorditi fila jubet Lachesis.
 Hæc modo si Galli vitalia stamina nerent,
 Lilia quàm Regum nobiliora forent?

XXVIII.

Ad Catum de Temporis natura assidue speculantem.

Quid tempus studio laborioso
 In partes, Cate, dividis minutas?
 Cum nunquam sibi constet, incitumque
 Nil præsens habeat sui, perinde est.

Instans quod numeras; fuit, futurum.
 Hoc unum juvat, ultimam morari
 Horam; si redimam diem fugacem
 Virtutum meritis. Stoæ, ac Lycæi
 Vltrò argutiolas, levesque tricas
 Jejunis Dialecticis relinquam.

X X I X.

Ad Tardulum otiosissimè actuosum.

Tardule morosis acuens hypocondria nugis,
 Nulla paras Musis oria, nulla foro.
 Stare gradu nescis, properasque retrogradus idem;
 Vel cum solus amas stertere, turba domi est.
 Euclidem jactas tamen, omnigenamque mathesin;
 Et multus tecum est circinus in digitis.
 Credimus ingenio, plus morbo credimus. in Te
 Hic motum invenit, Tardule, perpetuum.

X X X.

In Branchum pessimum Cocum.

Semefas epularum apinas, saniemque culinæ,
 Quæ cynicam possent vix acuisse famem;
 Ad cœnam ut redeant, Ceteris galeata cucullo,
 Turbinat immani Branchus avaritia.
 Reliquias hæc cum, & olentes sæcula fungos;
 Rancida thunnini suminis esta legit.
 Et legit asparagos, sed acephala fila, resectos,
 Et vacuis ruptum capparin exuviis.
 Additur & qui passa acinus marcescit in uva;
 Futilis oblitum quod tegit olla cicer.

Omnia

Omnia in orbiculum miscentur facta farina,
 Et tumet a tantis sordibus artocreas.
 Hæcipe tu mensis obsonia, Branche, reponis,
 Quæ libata oculis sunt prope ventris onus?
 Digne tuo pereas furno: bona verba, quid hiscam?
 Non modo Branchus alit, sed facit & stomachum.

X X X I.

Ad extemporaneum Pòëtam, & insulsum.

Diceris insomni velox epigrammata Phæbo,
 Atque elegos una cudere nocte duos.
 Rara venus venæ hæc: madidis Natura sub ulmis
 Vix tanta fungos fertilitate beat.

X X X I I.

In Papilum sapissimè sternuentem.

Sternuis assidue, & crepero quatis àëra bombos
 Sive oriens sit Sol, Papile, sive cadens.
 Arque alium naso nasum addis hiante sinapi,
 Utdaque betonico fulmina caule cics.
 Frustrà: nam cerebri licet ictibus ostia pulses,
 Quæ mens auscultet, Papile, nulla domi est.

X X X I I I.

De Olo podagrigo & libidinoso.

L Ac asinæ bibit Olus acerba Cypride tortus,
 Quò rapidæ bilem diluat hinc podagræ.
 Nulla tamen strictum minuit medicina dolorem:
 Nam simile ut peragat, non agit in simile.

XXXIV.

Calculosus sub lingua a Pareo Medico curatus.

Hæserat Hermippo sub lingua calculus ima,
 Vulsus & ingenio, docte Paræe, tuo est.
 O utinam hæc medicis constent miracula cultis,
 Ne furat in nostram Zoila sanna chelyn.
 Vesicam querimur multis inolescere linguis;
 Mos quibus obliquo scommate saxa loqui.

XXXV.

De muscis in reticulo fæminarum.

Fæmineis obducta Venus muscaria velis
 Gaudet in incestas subiliisse genas.
 Sordefcit non forma satis fucata veneno,
 Ipsæ inhiant muscæ, putris ubi pudor est.

XXXVI.

De Vappio ignavissimo.

Incruditum Vappium
 Ignaviæ quis arguat?
 Vitam historicè ducit suam.
 Cui vota Velleium sonant:
 Lex unica, Svetonium:
 Florumque in hortis esurit.
 Tacitumque dormit abditum;
 Uni vigilat Salustio.

XXXVII.

Ad Messaniam urbem turbatam a factiosis, quibus nomen, Turdi, ut redeat ad Hispanos.

Inter aves Turdus, lautæ dos prima popinæ,
 Apposuit Siculæ non nisi cultragulæ.
 Heu ruis infelix Zancle; simul ureris, alges.
 Defectis tandem viribus ægra peris.
 Non Salicæ leges, non * Gallinaria Pinus,
 Nulla tuis fumat cædua sylva focus.
 Argentum latibus sorbes, arlsque liquatum,
 Nec medicam sentis Mercurialis opein.
 Unum hoc antidotum superest, & jure paratum,
 Fac rectoquat Turdos Hesperis olla tuos.

* Lorne
 in quo fures late-
 bant, apud
 Juvenal.

XXXVIII.

Parcendum est culpam suam fatentibus.

Sub mediam fas est vires incidere brumam :
 Dum gemmant, ferro cædere, sævitia est.
 Sic ubi se lacrymis redimunt, ne crimina plectas,
 Effluit ex oculis desita culpa suis.

XXXIX.

Ad Lullum astrologicis curis involutum, in quibus plus periculi, quàm compendij.

Mitte laboratas studia inter inania noctes,
 Lulle, quid abrosis unguibus astra notas ?
 Quantum fata sinunt, tantum simul illa minantur ;

Et

Et variant subitas infidiosa vices.

Quæque dies atra est; volueri quicumque recurſu
Sol oritur, vitæ, Lulle, Cometa tuæ est.

X L.

*In funere D. Diana Caracciola, quam Luna comparavi-
mus Eclypſim paſſe.*

Diana Caracciola domina Burgensiae

Anagramma.

Ah bona Luna, Accendi amica fidera rogi.

Atina Princeps filius ad Matrem.

Sidera amica rogi accendi plus, ah bona Luna;
Ardent mille tibi lumina, mille madent.

Aliud Anagramma.

Mater ad Filium.

Argentea Luna abij, occidi, dona aram.

X L I.

Occidi, & orbe abij modo Luna argentea, dona
Aram: restituent vota, præcisque decus.

XLII.

Claudus fulguris vi convaluit.

CRura dolens cunis distorta Charillus ab ipsis,
 Præsentem a medico fulmine sensit opem.
 Exiliit, rectisque potens incedere talis,
 Obtulit innocuo mascula thura Jovi.
 Res nova, nec nova res. Cælo sit tangimur, omnes
 Vel Clodii, sacra discimus ire viâ.

XLIII.

Argentum Salinum furto sublatum.

Qui multiformi scalpente ausus argento
 Rapere Salinum, non videtur intulisse
 Fecisse; plus trium ille litterarum vir.

XLIV.

De Anemone, cui nomen Diabolus.

Quæ rubet ex nigro, viridique Anemona capillo,
 Induit immmani nomine Diabolum.
 Ergo alius timor est: pictis lateret Orcus in hortis;
 Frondosamque timet Chloris amœna Stygem.
 Si violas inter Cereris Natam abstulit Ennæ,
 Ora gerens Pluto florida, quot rapiet?

X L V.

Tumulus Alberti Valdesthein Fridlandi Ducis.

Conditur hoc saxo Albertus, dum Saxonas urget;
 Non tamen est albo in marmore pura fides.
 Cæsaris Imperium molitus, Cæsaris arma,
 Vertit in Austriacos Austria tela Duces.
 Fulmen in authoris recidit caput. Aulicus Aulæ
 Fidere, condiscat fidere & Aula suis.

X L V I.

Famosus Carnifex furcis additus Neapoli.

Pendet ab infami tandem trabe furcifer Anthus,
 Qui toties laqueo presserat ante Reos.
 Ars odiis operosa malis, atque improba lucro,
 Jure in venalem sæviit artificem.
 Curta, ais, hæc vindicta simul sceleri, atque scelesto:
 Suspensus tantùm cavit ab officio.

X L V I I.

De Aldo insolenter monomacho.

Mars Gladiatorum, quin Marte ferocior ipso,
 Alpha duelligeræ gymnadis, Aldus eques.
 Præfidens manibusque, lacertosæque juventæ,
 Prensat inoffensis singula bella minis.
 En ciet Alcinoum multis ad prælia rugis,
 Qui propè monoculo lumine cæcus erat.
 Jus facit armorum, brevibus concurrere sclopis
 Emi-

Eminus, aut stricto cominus ense velit.
 Ille ferens ægrè ampullantia verba Lanistæ,
 Si modo stes pacto, congregiamur, ait.
 Unum velle oculum, paribus certemus ut armis,
 Alea sic æquè lusca duobus erit.
 Hæsit ad hæc, oculusque sibi, quem velleret Aldus,
 Defuit: alterutrum dempserat ante Furor.

XLVIII.

*Colossæa Neronis effigies in tela, succensa fulmine
 conflagravit.*

Numquam tam similis Nero creditus esse Neroni,
 Quàm cùm depicti Cæsaris umbra fuit.
 Alta colorati arduus ambiſt ora Colossæ;
 Nempe superficies, & sine mente, hominis:
 Icon ultrici tandem vi fulminis arſit.
 O nimis immitem, tardi gradumque Jovem!
 Debuerat Cælo vivens periſſe Tonante.
 Sic lueret cineres, ignea Roma, tuos.

XLIX.

De Eupolo morosè prandente.

TAmquam ad concilium redactus, altas
 Inter fercula cogitationes
 Lentà ruminat Eupolus salivà.
 Subsistit dubius; rigetque vultu
 Paulùm vel renuente, vel supino:
 Mox lances jugulat, voratque ad ipsam
 Usque internecionem; & exulentis
 Nec parcit tunicis, & ossa rodit.

Si forte in patina Annibal lateret,
 Unus vincere maximus Gulonum
 Hic posset Fabius morâ; sed omnem
 Censum absumeret, & domesticis rem.

L.


*In funere Hyacinthi Cicula adolescentis, qui adulto ve-
 re ob sanguinis hemorrhogiam interijt.*

Appulerat Zanclem, Calabris Hyacinthus ab oris,
 Viseret ut patruos, hospita recta, lares;
 Feralemque hyemem pluviis, gelidosque Aquilones
 Passus, ab Aprili funera sole tulit.
 Disce vices, tua res agitur, quicumque iuventæ
 Flore viges: ætas dum feritur, metitur.

L I.

Idem Argumentum.

Ictus Ulyssæo quâ vulnere concidit Ajax,
 Induit in florem saucia busta cruor.
 Fabula. funerea jacet hac Hyacinthus in urnâ,
 Quem tumidis merlit sanguinis unda genis.
 Ne totus tamen intereat flos nominis, ipsum
 Fama parentali carmine tristis hiat.



LII.

De eodem ad amicum Silvinum.

GEmmarum flos, florū Hyacinthus gemma, sub uno
 Nomine quān fragiles ~~cecidit~~ ille vices?
 Posthuma ne desint decora, & solatia luctus,
 Lacryma numquam oculis areat hausta tuis.
 Non opus est terramque levem, Silvine, precari.
 Gemma sibi tumulum, flos dabit inferias.

LIII.

De divite Heluone damnato ad Inferos.

EXtremum digitum, damnatæ vernula flammæ,
 Affusis Epulo cur sibi poscit aquis?
 Unde pudor precibus, tenuique modestia voto?
 Temperet an tantos gutta pusilla rogos?
 Durat adhuc misero mala mens. terrena sitirer,
 Non unum peteret faucibus Oceanum.
 Hoc scelerum ingenium est: cœlestia sibi bona poscar,
 Vix amat extremis lambere de digitis.

LIV.

*Ad obiectum S. Agatha velum Æthna friget
 incendium.*

ÆThna tonat, pluvioque Erebum vis ignea fumo
 Evomit, horrendo circumululata chao.
 Jam totum furit Enceladum: nat naufraga ponto
 Hinc Tethis, hinc stygio turbine merfa Ceres.

Amittitque diem Sol, præcipitique tumultu
 Oppida nil oculis sunt, nisi busta, cinis.
 Sume animos, Catane; incolumem te Flammea reddent,
 Flammea virginea reticulata manu.
 Nexuit hæc Agathe, Diti factura timorem;
 Sæpe Cyclopæas vincere sueta faces.
 En trepidus vaga per divortia se fugat ignis;
 Atque suo immoriens uritur ipse rogo.
 Signa præit vitæ, & quæ se portatile velum
 Explicat, ardenti in funere ridet ager.
 Felix Trinaeria, o felix, cui munera Divæ,
 Quò velata magis, sunt & aperta magis.

L V.

In Galbulam diseritè improbum.

Digestis, Titulisque, & Codice fartus utroque,
 Corpus juris habet, Galbula, non animam.

L V I.

De Nevola pulchritudinem affectante in senio.

Cùm numeret plusquam sexagenarius annos,
 Rugosamque ferat Nævola canitiem;
 Gaudet adhuc dici bellus, lepidaque phrenesi
 Unus & Anchisen vivit, & Ascanium.
 Lotus odorata se Naiade tergit in horas:
 Dum madet os, visu lubricus ille quidem est.

LVII.

De Prisco plagiaro Pictore.

P Inxerat hinc immanem ululata in valle Gigantem
 Priscus, & Isacii militis inde metum.
 Et pastoriciæ victricia spicula fundæ,
 Dejectum & saxo vindice frontis Athon.
 Circum hilares Pæanas, Idumenidumque choræas,
 Nexaque Jessæo laurea ferta Duci.
 Ergo opere in tanto dum se circumspicit, omnes
 Hæc ait artificum Icon habet una manus.
 Ingenuè dictum credas; nam furta colorar.
 Nil natum in tabulis, archetypumque suis.

LVIII.

In Cassum miserè divitem.

A Ngitur infelix, & avaro sordet in auro
 Cassus; alunt avidam fœnera, lucra famem.
 Idem animo macer, idem fert pinguis arca,
 Pauperis esuriem, divitis invidiam.

LIX.

Ad Pannicum ante prandium sternuentem.

P Ransurus decies longo diu, Pannice, tictu
 Sternuis, hæc mensæ nolula signa præit.
 Cur caput exoneras potius, quam Pannice, ventrem?
 An caput in ventrem desijt? est ratio.

L X.

Ad Justitia Libram.

Quæ tibi sunt lances Æqui Dea provida juris?
 Cur levior gravis est, cur gravior levis est?
 Aucta salit sursum nummis nam causa: deorsum
 Si caret argenti pondere, causa ruit.

L X I.

S. Cataldus Prasul Tarentinus iniecta terra, quam effo-
diebat, in mortuum, suscitavit.

Lucis ad usuram redeat quò vita sepultis,
 Eruit extinctos imperiosa Fides.
 Altior insiluit virtus divina Cataldo,
 Busta iterum jussit vivere, dum tumulat.

L X I I.

De eodem.

Pressit ut exanimem aggesta Cataldus arena,
 Protinus est reduci reddita vis ani mæ.
 Peccantem placuit tumulo sic plectere Casum,
 Ut lueret præceps ipsa ruina nefas.
 Oubi jam lateam, Mors, inquit, territa? Manes
 Si citat ad vitam pulveris umbra meos?

L X I I I.

De Batto in orandis causis furacissimi ingenij.

E Dicta, Legem Cinciam, forum vendit,
Seque ipse; & unctis Battus incubat causis:
Oditque raucas litigantium chartas,
Nisi involutz missili crepent auro.
Naves clientum partium impetu quassas,
Securiores ut ferantur in portum,
Funditus ad imam exonerat usque sentinam.
Nec pedibus in sententiam ire se jurat;
Rem agit suorum manibus, aut suis omnem.

L X I V.

Sub Circumciso Jesu militantibus patiundum est.

V T potiar, patiar, pretium est a vulnere nam quis
Stigmatico renuat saucius esse Deo?

L X V.

De Mutio Scavola.

M Utius in jugulum sortitus vulnera Regis,
Irrita mox doluit tela, satelles erat.
Deceptamque manum foculo devovit Hetrusco,
Plesteret ut crimen lucida pœna suum.
Ira tamen, licet errantem, non perdidit ictum;
Saucius hoc animi Porfena, plus perijt.
Consulere æternos ignes jam desine. Regnis
Roma tuis una hæc sospita flamma lat est.

L X V I.

Ad Lycidam, animal gloriæ.

NE mihi te jactes Lycida, quod viceris omnem
Invidiam; hoc miseris accidit, & fatuis.

L X V I I.


Ad B. Virginem a Rosario.

DIva fave votis, venient in vota Coronæ,
Annuis ad nostras si bona Diva preces.
Exitium pomi flos diluat: edita pomo
Mors vetito est; sacris insita vita Rosis.

L X V I I I.

*S. Catharina V. & M. ab Angelis post mortem in Sinai
montem elata.*

FUnus, Alexandræa, tuum par ire triumpho,
Astius infractis vidimus ire rotis.
Baiula te Superum famulis Gens extulit alis,
Quæ summi intonuit Numinis umbra Sinam.
Niliacis si jura Sophis divina tulisti,
Quin nisi Legifero conderet urna jugo?



L X I X.

Ad Nellum artis metrica studiosum.

Corripere in numeris, producere verba docemur,
 Ufus ad hoc vatum, Nelle, laborque iuvat:
 Longa sit, anne brevis penultima syllaba vitæ,
 Nulla unquam docuit Metrica, nulla docet.

L X X.

*De Fure suspensio ob syngrapham pecuniariam dolo
 sublatam.*

Nimmarix dum furta syngraphæ gaudet,
 Celerique scriptos exigit gradu flavos,
 Pecunioso captus in dolo, longam
 Sese rigillo litteram Lycus fecit.

L X X I.

*S Petrus Martyr cruento pollice moriens inscripsit
 in saxo, Credo.*

Plaude tuo, Verona, Duci, tibi Romula debet
 Alterum in occiduo nomine Fama Petrum.
 Cui vox prima Fidem sonuit, vox ultima sanxit;
 Inque sua gessit vulnera, vota, manu.
 Nicomachus lapidi inscripsit pœana cruento,
 Unde vel in faxis Hæresis erubuit.
 Nempe parem quisnam titulum fecisse triumpho
 Posset, ni digitis sculperet ipse suis?

L X X I I.

Mortalis Calva e paleis in Tabaci theca.

Consita funeream bene fixit aristula Calvam:
Si scæni flos est vivere, mors palca est.

L X X I I I.

Ad Celsum.

Mutua promittis facili lautissime vultu,
Mexica dum mecum pocula, Celse, bibis.
Inque diem expectas Indo de littore glandes;
Saccara de Siculis, cinnama de Batavis;
Attulit optatas en Pinus Iberica fruges:
Jam poteris gratas reddere, Celse, vices.
Dissimulas? venient, inquis, meliora: habeo te:
Quæ potas, nec emis, tu meliora putas.

L X X I V.

S. Sifinnius Martyr anea tuba necatus.

Supplicio præcone Sifinnion intulit astris
Buccina, quæ resono perculit ære caput.
Nulli unquam Heroum majus post funera nomen,
Quàm cui mors famæ præbuit ipsa tubam.

L X X V.

*S. Benedictus in Casino monte Apollinis simulacrum
prosterne.*

Gloria Nursiadum, Faunos, Lemuresque Casini
Deijce, Divino Numine verte jugum.
Sylvarumque inter vepreta sepultus Apollo,
Lugeat amissum, pulveris umbra, diem.
Auguror hinc, radio mox omnia Solis in uno
Sese oculis subdent regna fruenda tuis.

L X X V I.


In Concionatorem ex alieno disertum.

Rhetoricis fartum patinis, & ad omnia pransum
Ingenium, linguæ plurimus, Odde, crepas.
At nunquam in Topicis habitas, pluteisque laboras.
Quod recitas, mappam credimus Hermogenis.

L X X V I I.

De Sevino rapacissimo Scriba.

Ad sanguinem usque emungit in foro lites,
Propola fraudum, nummulique derafor
Sevinus; & se vivere in diem clamat:
Hic mos latronum, de die in diem vivunt.



L X X V I I I.

In Turpilianum.

LYnx Delatorum, pravi tum moris & oris,
 Se lippum simulat Turpilianus, & est.
 Elicit a socijs, referat quæ crimina Fisco,
 Proditor & testis Turpilianus, & est.
 Idem, aliusque novo Polyandrum saltat amictu,
 Dissimilis, similis Turpilianus, & est.
 Non tamen hæc obiecta pudet. tunc ardet in iram,
 Cum ruptum appellas, Turpilianus, & est.

L X X I X.

In splendida librorum vestibula.

ILLita tot sciolis ornantur limina libris,
 Bracteolis laudum tinnula, picta typis;
 Deferere ut possis vadimonia Lector; at intus,
 Aut nihil, aut nihilo proxima verba latent.
 Annonam tincis debent, atque horrea blattis,
 Symposium debent muribus, atque lares.
 Quid primis opus est hederam suspendere chartis?
 Pagina fert titulos, si sapit ipsa, su os.

L X X X.

*S. Quadratus Martyr infans a nubibus nutritus, capite
 minutus fontem elicit.*

SEmianimem Quadratum utrisque Parentibus orbū,
 Dum sua deserto in pulvere fata gemit,
 Nu-

Nutrivere humili inter opaca volumina Cœlo
 Fasciolis nubes, uberibusque suis.
 Strenuus hinc didicit tantis altricibus Infans
 Sacra diu in Strygiōs bella tonare Joves.
 Nec timuit pœnis generosam impendere vitam;
 Nempe erat astrigenis debita vita plagis.
 Atque ubi fusus humum cruor imbuir, exilijs fons:
 Quin daret irriguas nubis alumnus aquas?

L X X X I.

*In furiiva Venere deprehensus Cottula l. C.
 interfectus est.*

E Gerat e rostris causas in lucra disertus,
 Ambiguumque dolis Cottula vulturium.
 Mox nidum insiliens alienæ coniugis, ipso in
 Crimine fatalem sensit adesse diem.
 Non claudō Nemesis properat pede; iura piantur
 Læsa fori, pretio; læsa thori; jugulo.

L X X X I I.

Absalon suspensus e quercu.

P Ræcipitem votis, Regique, Patrique rebellem
 Jessiadem vindex extulit umbra reum.
 Induit in laqueum ramos mors consona culpæ,
 Infanas auri tonsilis ulta comas.
 Ambierat patriam scelerato Marte Coronam,
 Crinibus implicuit debita pœna caput.

LXXXIII.

Nobilium etiam in obitu luxuria.

ET lacrymas, risumque ciet quæ scena Dynastis
 Exequias fatuo seria more parat.
 Aurea circumambit gelidum cortina cadaver,
 Dives opum, Phrygio vermiculata thoro.
 Par nitor aulæis muros vernantibus ornat,
 Multus odorata e pyxide spirat Arabs.
 Gaudia sic nuptis luduntur Hilaria tædis:
 Sic novus optata coniuge plaudit Hymen.
 Nugalem efficiunt luctum, ne tetrica vultu
 Mors animis memorem fulminet ipsa metum.
 Quam Procerum pompis metam sperare licebit,
 Si luxus medio in funere vivit adhuc?

LXXXIV.

Chiromantia vanitas.

INspiceret cum forte manum Cheromanticus Aulo,
 Fers, ait, ærisoni plurima signa Ducis.
 Ad palmas te bella vocant, & fortia facta;
 Vivida nam tumido linea Marte rubet.
 Ergo sagis, galeisque inhiat; tuba dividit horas;
 Strenuus in digitis claudere fata suis.
 Jamque ibat; podagræ visco cum tortus acuto,
 Funereos duxit, Cochlea lenta, dies.
 Non ego iudicium vatis, non criminor artem;
 Ille manum, non dum viderat ille pedes.

LXXXV.

Ad Balthasarem Pisanum vatem & causarum Patronum disertissimum.

Raucifonas inter lites, Pisane, Clientum
 Visus Apollineo dicere jura foro.
 Enthæa quòd lepidum cieas ad carmina Pindum,
 Cætera par, unum hoc non Ciceronis habes.

Tullius ad
 possim
 ineptius.

LXXXVI.

De Sue altili Collegiũ Neapolitanum noctu percurrente.

Addictas Musis, & Mercurialibus ædes,
 Grundules noctu vidimus esse lares.
 Proripiens Sus e latebris sese efferus, omnem
 Terruit excursu, dum silet hora, domum.
 Macti animis, socij: Studijs florentibus omen
 Auguror hoc, vestrum quisque Suarius est.

LXXXVII.

Idem Argumentum.

Gens ubi Palladijs incumbit sedula curis,
 Exciit immanes sus, acuitque metus,
 Ceu foret aut Lemurum species, aut Seriger Orcus,
 Aut simulans rabidum Dæmonimiles aprum.
 Bis denos suis dat ganea lauta saporibus:
 Adde alium; doctis imposuisse viris.

LXXXVIII.

De eodem.

Sacra ubi Partheniam posuit sapientia sedem,
 Et dociles Musis pandit amica scholas;
 Diu pastus siliquis, tacitam sus transfuga noctem
 Assiluit, somni dum monet umbra vices.
 O brutum in primis animal! sus anne Minervam?
 Pinguis hebet; siccis mens sapit ingenijs.

LXXXIX.

*D. Silvestro Fusco Sacro Oratori in SS. Panegy-
 ricis eloquentissimo.*

Densa inter nemorum, formidatosque recessus
 Nescio quæ taciti numinis umbra latet.
 Garrijt antiquæ sic olim fabula Stoa.
 Silvestri decus hoc nomine Fusce regis.
 Eloquio divina sapis; cui plurima fandi
 Gratia de supero non nisi fonte fluit.
 Indigetes Cæli Cives quò Fama coronet
 Nititur e Silva carpere ferra tua.

XC.

Ad Burrum arumnis obnoxium.

Adversam vacuis Fortunam ulciscere votis,
 Ut minus hanc timeas Burce, minus cupias.

XCI.

*Alexandri Magni cuna lacte manarunt, mors vino
properata.*

L Ac tepidum e cunis rorasse recentibus olim
Finxit Alexandro garrula Fama suo.
Victricem ut Magni fortunam, & ad ardua natam
Prodigijs aleret sedula gloriolam.
At Fati illecebris nunquam bene fiditur; & quæ
Liba parant gustu præcoce, virus habent.
Pocula nascenti dederant cui lactea cunæ,
Herculeo mortem vina dedere scypho.

XCII.

*Sancta Rosa, Pervana Virgo, clavis caput excruciat
sub florum corolla.*

M Atris ad imperium Rosa quamquã invita iubetur
Florida Parthenijs neçtere fecta comis.
Supplicio luxum plus fallere cepit amœno;
Et sua crinalem ad vulnera strinxit acum.
Centum ex ære truces, & acuta cuspide clavos
Implicat, in pœnas ingeniosa suas.
Hoc pietas, hoc sancta Fides jurata pudori,
Telifer hoc passi Numinis egit Amor.
Roma, tuas olim trabeas, fastumque Quiritum,
Purpura tot clavis anteit una Rosæ.

XCIII.

De Nappo Atomista.

CRedite, Philosophum fecere trihoria Nappum,
 Qui neque Grammaticæ noverat alpha scholæ.
 Leucippique vomens corpuscula, Democritique
 Materiam primam purgat Aristotelis,
 Tanta atomisne latet virtus, ars tanta docendi,
 Ut nulla valeant erudiisse mora?
 Sic est: fortuito coeunt, ceu pulvis, acervo,
 Et miscent subitis casibus ingenium.

XCIV.

S. Athenagoras M. in catasta ignis Hymnographus.

URitur, Uraniemque pijs ciet entheus ausis,
 Metra canens Solymi Regis Athenagoras.
 Lætus olorinas, Phœnix ad carmina flammæ
 Erudit, ad melicos ignea Fata modos.
 Indica stramineum sileas jam Fama Calanum,
 Cui pyra non potuit reddere muta lyram.
 Tantum audet Romana Fides: sibi namque triumphum
 Musica degeneri præcinit una rogo.

XCV.

S. Saturninus indicto Idolorum statuis silentio, obmutescere iussit oracula.


SAturnine, Jovem nequicquam rauca tonantem
 Fulmina, vel nutu conticuisse iubes.

Har-

Harpen Mercurius, cytharamque amisit Apollo;
Visa Medusæo Pallas ab angue premi,
Defuit os tibi Jane biceps, tibi buccina Mavors;
Herculis obstupuit vis, Bromijque furor.
Sculptæ Pythagoram larvæ didicere silentem,
Nam Figulus Samios fecerat ante Deos.

XCVI.

Ad Murcum Ciceroniano stylo obirectantem.

NE Latij Suadam, ne mella forensia Tullj,
Murce, Lycambæo tingere felle velis.
Iudicium ni vertis,  tibi repet in aurem;
Quisquis in hoc Asiam carpit, Asinius est.

Asinius
Pollio ini-
micus Ci-
cer.

XCVII.

Ad Rusticum oculis laborantem.

FAllimur, imponunt oculis obiecta supinis.
Quæ plus lucis habent, plus quoque noctis habet.
Flammarum Xiphias Oriona promicat umbris,
Hæret in abscisso dum putris ense liquor.
Penula vipeream ex viridi tegit aurea pestem:
Fulgurat illustri Lampyris ala luto.
Straminaque, paleæque, olidoque mapalia limo,
Uda per ambiguas hiscere visa faces.
Ipsa etiam mimo excurrunt quæ phasmata Cælo
Ludicra, sunt fatui luminis exuvix.
Ergo hebeti tantum doleas ne Rustice visu?
Si minus aspicias, decipiere minus.

X C V I I I.

De Gentilitia Moro Didaci Morales J. C.

Tædia post hyemis, rigidæque pericula brumæ
 Florida dat cupidis gaudia Morus agris.
 At quæ sera comas aperit, secunda pruina,
 Ante alias sætu præcoce poma parit.
 Judicii genesim Natura sub arbore pinxit:
 Quàm bene consultum, tam bene prodit opus.

X C I X.

Ad Gorgum immani strepitu excreantem.


Excreat, an bombos Gorgus molitur ahenos,
 Cum ciet explosis arida spura labris?
 Centum hyemes sine tulle, graves centum egerit Austros;
 Et prope in angustis faucibus Orcus inest.
 Viscera mucoso timet intabescere visco;
 Ni trahat ex imo gutturis epiphoram.
 Lentius infossam Pervæ glebam eruit Indus:
 Surdius arboreum grando lacessit Athon.
 Non tantus pavidam latè tremor excutit Ætnam,
 Dum iussa assiduus sudat in æra Cyclops.
 Non ita vi deturbat in Æthiopas Catadupos
 Turbinceo præceps impete Nilus aquas.
 Fulmina quid quereris pluvio strepere horrida Cælo?
 Argue ne nubes; una saliva tonat.

C.

In Vestibulo Regia Domus amplissima.

Vix Magnos capit hæc domus, & par eminet Urbij,
Par etiam Cælo, sed minor est tumulo.





EPIGRAMMATON

LIBER IV.

L

*Ad imperis libris maximam benefici faminis
dantur.*

S Edula Amabilios relegit Claudina libellos,
Cum pectat primas castior illa nives.
Jam jam miserabit Venerem molliissima curis;
Ingens iam iam, credite, Lais erit.
Effluet ex chartas sensim pudor omnis amantes;
Et paruas disset ludere vafra minas.
Quamquam oculis adini sera claudat & auribus omnē,
Verba quæ loquitur pagina, lena domi est.

I L

De Niobippo Pindarum carpente.

B Accipit vena, lausque poculorum,
Quodvis, quicquid, caditque uetus,
Niobippus sicut & bibit sed uno
Blasphema multiplices meti dicitur.

Idem

Idem thyrsigero facetus æstro,
Graia Pindaròn uberem Sùadæ
Insulsum vocat, & malum Pòetam.
Causam quæris? Aquam optimam canebat.

De lafa Critonis Phantasia:

DEpositus flet mente Criton, spissatque querelas,
Credulus infaustum nomen inesse sibi.
Non hilarem faciunt medicarè in pocula gemmæ,
Oria non lepidis liberiora iocis.
Spectra oculis ubicumque bibit, cœloque sereno
Atros una facit nominis umbra dies.
In gemitum, in suspiria, in attonitos singultus
Totus abit, refuga si sonet aure Criton.
Contra latitiam omnem haurit, satutosque cachinnos,
Quo tu cumque voces nomine, non proprio
Unius hunc fatuum ne morbum dixeris:
Est nostri vitium, desipere in Titulis.

I V.

In Bibulum logomimũ ad dicẽdum publicè ineptissimum.

Quem, quem dicentem audierit, feliciter audax,
Ore, manu Bibulus Rhetora multus agit.
Omnium habet voces, vultum, lachrymasque modosque
Sensiculos, gnomas, Nestoreosque sales.
Pulpita si subeat, bipedum insulsiſſimus hæret:
Occiput, elato sinciput ungue fricat.
Nil meminit, flet, erigitur, sedet, æstuat anceps.
Mentaque detergit stœica linteo.

Exiit ingenium, cum se induit, alter & idem;
Optimus estypus est, pessimus archetypus.

V.

Ad Pannicum Chymica studiosum.

Quò te, Pannice, quò rapit
Incertæ alea Chymicæ?
Carbonarius heluo,
Fæcem & sulphura digeris,
Fletumque ipse bibis tuum.
Frustra Hydragyron excoquis
Curtæ ludibrium. spei ..
Insanus volat hic liquor
Gutta lubricus alite.
Ollas deserit, & focos
Sudantesque lucernulas.
Quid nugas Paracelsias
Inflas improbe follibus?
Fumo divite pauperem
Reddet Philosophus Lapis.

V I.

*S. Rosa Pervana ad Hortum accedenti sese acclinans
arbores.*

O Peruæ portenta Rosæ! cui prodiga Cæli
Gratia fidereis risit amœna iocis.
Dum colit hortensem latebram, angustamque tægultij,
Nulla sibi, Mundique exul, & una Deo;
Illam omnes Dryades ramis plaudentibus, omnes
Mirantur, viridi subsiliuntque choro.

Silva

Silva solo acclinata (piæ mens addita silvæ)

Accinit argutis obsequiosa modis.

Malus in hoc decus est, quàm fabula lussit in Orpheo:

Muta loqui didicit arboris umbra Rosam.

V I I.

De eadem Culices ad divinas laudes excitante.

Divinis afflatam auris, & dulce latentem
Impetit ah culicum turba susurra Rosam.

Exacuitque sono dentes, atque otia curis

Nulla sinit, pugili sibila dissidio.

Frustula vix vitæ, tenuique pusillula rostro,

Sanguinis extimulant irrequieta sitim.

Æstivos parit hos Lemures pugnacibus alis

Quæ madet ignavo sordida gleba situ.

Articures cessere Rosæ; docilique volatu

Non audent teneræ figere rela cuti.

Quin certant audire sacras, & reddere voces:

Et simul in Roseas assonuisse preces.

Quæ Fidei non, Diva, tuæ miracula plaudent,

Si culices etiam jusseris esse pios?

V I I I.

Ad Lesbum Luculli cœnas laudantem.

Diphnologum te, Lesbe, facit famosa Lesbos
Ganea, Apollineos inter opimæ lăres.

Unica non Procerum laus hæc: in Apolline cœnat,

Ad Solem quoties crustula pauper edit.

I X.

*Amens ob lapsum menti redditus, quam qui bellissimè
valuit.*

C Ipsius insana dudum torquente phrenesi,
Ex alto præceps culmine convaluit.
Quis dubitet Iovis e cerebro iam Pallada natam,
Maniacus fractò si sapuit capite?

X.

In Antiphum circumforaneum.

Tecum habita; exilium curis dicture molestis,
Antiphe: mitte τόπον vertere, verte τόπον.

X I.

De Dario in Regem inaugarato ob equi hinnitum.

H inniit ad Solem sonipes, faustumque Dario
Omen, Achæmenium fecit ad imperium.
Cui fortuna parat Fasces & inertia regna,
Bruta implent meriti vota perinde vicem.

X I I.

Industria, & labore opusest ad Sapienciam.

Nemo sapit teneris instructus ab unguibus infans:
Quàm rudis ad cunas vagiit ipse Plato?
In nemus e parvo se semine parturit arbos;

Ros fuit in conchis Indica gemma suis.
 Ingenium labor addit, & hac venale sub hasta est:
 Docta que solertes poscit arena viros.
 Archytæ * Platagen molire, & deinde Columbam.
 Quæ sudata venit gloria, magna venit.

* Crepi-
 taculum
 terrendis
 pueris ab
 ipso inven-
 tum.

XIII.

In Arminium ex avaritia prodigum.

Æ Stuat idem opibus, frigetque miserrimus idem
 Arminius, sano dum vacat esse sibi.
 Prædiaque & villas, & apricas empturit arces:
 Emptis non fruitur, cochlea fixa domi,
 Argentoque abacos onerat, cœnaturit herbas;
 Et bibit ex ipso plumbea vina cado.
 Arca laboratam vix synthesein excipit auro,
 Undecies fartam ventilat ipse togam.
 Quid numerem census, quid sœnera? paupere vultu
 Mœret obarato putidior Cynico.
 Incidat in febrim, gemmâ bibit, incubat ostro:
 Delectant oculos quæ pretiosa suos.
 Dona parat lautè, sextertia spondet amicis:
 Prodigit in famulos, prodigit in Medicos.
 O larvæ cerebrum quin vivere desinis? æger
 Si tantum sapis, a funere plus sapis.

XIV.

Ad umbram Bethlemicæ Speluncæ.

I Llecebris radiorum, & amœno discolor astro,
 Hospita Bethlæam quæ regis Umbra specum,

Di-

Divinis vigilem cunis da sistere noctem.

Nil moror Auroram, si mihi Sol Amor est.

X V.

*In Pontilianum Curionem Calvinistam, qui Missionario
Jesuita sepulchrum contendit.*

Quid rabido allatras Jesitæ funus hiatu,
Nec tumulum pateris Pontiliane brevem?
Hoc Natura docet, dare pacem, & Manibus urnam;
Invida an in cineres hæresis ardet adhuc?
Non, inquis, dolor est, unum mandare sepulchro:
Quod simul hos omnes non tumulem, doleo.

X V I.

De S. Maria Magdalena silvarum indigena.

Massilijs nemorum se Magdalis abdidit umbris;
Exemplo traheret forsan ut ipsa Lupas.

X V I I.

De S. Mauro super aquas ambulante.

Vicerit obsessi trepidas ad Tybridis undas
Belligeros uno Coelice Roma metus:
Majorem retulit Mauro vincente triumphum;
Visa super tumidum tuior ire lacum.
Hostibus alter, aquis alter mora: confer utrumque,
Hic laudem meruit Numinis, ille Ducis.

XVIII.

De Eodem.

Cum Placidus iustante anima per iniqua lacunæ
Undivagam biberet naufragus ore necem;
Et quæ prærupta brevis amphora fluxerat ansa,
Iam prope demersi funeris urna foret;
Maurus in immanem se ferre voraginem aquarum
Ausus, & exanimem subripuisse vado.
Parce palus, oneri tanto non apta vehendo:
Ille Peloræo debita præda mari est.
Imbuet & minio piratica tela beato,
Ne latret in Latiam barbara Scylla Fidem.

XIX.

Ad D. Vrsulam.

Ursula millenos quod duxerit una triumphos
Ambigis? inverso nomine, Laurus erat:
Hunnorum per tela mori, quàm nubere Regnis
Maluit, augustos spernere cauta procos.
Occidit Arctoæ niveum decus addita bigæ,
Excubet ut Latio fidior Vrsa Polo.

XX.

*De Epistola B. V. ad Messanenses scripta, a Magistro
Spada Dominicano polemicè laudata.*

Quam veteres Fasti, quam postera tradidit ætas,
Littera Virginei pignus amoris habet.

Quo

LXXXVIII.

De eodem.

Sacra ubi Partheniam posuit sapientia sedem,
 Et dociles Musis pandit amica scholas;
 Diu pastus filiquis, tacitam sus transfuga noctem
 Assiluit, somni dum monet umbra vices.
 O brutum in primis animal! sus anne Minervam?
 Pinguis hebet; siccis mens sapit ingenijs.

LXXXIX.

*D. Silvestro Fusco Sacro Oratori in SS. Panegy-
 ricis eloquentissimo.*

Densa inter nemorum, formidatosque recessus
 Nescio quæ taciti numinis umbra latet.
 Garrijt antiquæ sic olim fabula Stox.
 Silvestri decus hoc nomine Fusce regis.
 Eloquio divina sapis; cui plurima fandi
 Gratia de supero non nisi fonte fluit.
 Indigetes Cæli Cives quò Fama coronet
 Nititur e Silva carpere fæta tua.

XC.

Ad Burrum arumnis obnoxium.

Adversam vacuis Fortunam ulciscere votis,
 Ut minus hanc timeas Burre, minus cupias.

XCI.

*Alexandri Magni cuna lacte manarunt, mors vino
properata.*

L Ac tepidum e cunis rorasse recentibus olim
Finxit Alexandro garrula Fama suo.
Victricem ut Magni fortunam, & ad ardua natam
Prodigijs aleret sedula gloriolam.
At Fati illecebris nunquam bene fiditur; & quæ
Liba parant gustu præcoce, virus habent.
Pocula nascenti dederant cui lactea cunæ,
Herculeo mortem vina dedere scypho.

XCII.

*Sancta Rosa, Pervana Virgo, clavis caput excruciat
sub florum corolla.*

M Atris ad imperium Rosa quamquã invita iubetur
Florida Parthenijs nectere fersa comis.
Supplicio luxum plus fallere caput amœno;
Et sua crinalem ad vulnera strinxit acum.
Centum ex ære truces, & acuta cuspide clavos
Implicat, in pœnas ingeniosa suas.
Hoc pietas, hoc sancta Fides jurata pudori,
Telifer hoc passi Numinis egit Amor.
Roma, tuas olim trabeas, fastumque Quiritum,
Purpura tot clavis anteit una Rosæ.

XCIII.

De Nappo Atomista.

CRedite, Philosophum fecere trihoria Nappum,
 Qui neque Grammaticæ noverat alpha scholæ.
 Leucippique vomens corpuscula, Democritique
 Materiam primam purgat Aristotelis,
 Tanta atomisne latet virtus, ars tanta docendi,
 Ut nulla valeant erudiisse mora?
 Sic est: fortuito coeunt, ceu pulvis, acervo,
 Et miscent subitis casibus ingenium.

XCIV.

S. Athenagoras M. in catasta ignis Hymnographus.

URitur, Uranicæque pijs ciet entheus ausis,
 Metra canens Solymi Regis Athenagoras.
 Lætus olorinas, Phoenix ad carmina flammæ
 Erudit, ad melicos ignea Fata modos.
 Indica stramineum sileas jam Fama Calanum,
 Cui pyra non potuit reddere muta lyram.
 Tantum audet Romana Fides: sibi namque triumphum
 Musica degeneri præcinit una rogo.

XCV.

S. Saturninus indicto Idolorum statuis silentio, obmurescere iussit oracula.

Saturnine, Jovem nequicquam rauca tonantem
 Fulmina, vel nutu conticuisse iubes.

Har-

Harpen Mercurius, cytharamque amisit Apollo;
 Visa Medusæo Pallas ab angue premi,
 Defuit os tibi Jane biceps, tibi buccina Mavors;
 Herculis obstupuit vis, Bromijque furor.
 Sculptæ Pythagoram larvæ didicere silentem,
 Nam Figulus Samios fecerat ante Deos.

XCVI.

Ad Murcum Ciceroniano stylo obiectantem.

NE Latij Suadam, ne mella forensia Tullj,
 Murce, Lycambæo tingere felle velis.
 Iudicium ni vertis, *ov* tibi repet in aurem;
 Quisquis in hoc Asiam carpit, Asinius est.

Asinius
 Pollio ini-
 micus Ci-
 cer.

XCVII.

Ad Rusticum oculis laborantem.

FAllimur; imponunt oculis obiecta supinis.
 Quæ plus lucis habent, plus quoque noctis habet.
 Flammarum Xiphias Oriona promicat umbris,
 Hæret in abscisso dum putris ense liquor.
 Penula vipeream ex viridi tegit aurea pestem:
 Fulgurat illustri Lampyris ala luto.
 Straminaque, paleæque, olidoque mapalia limo,
 Uda per ambiguas hiscere visa faces.
 Ipsa etiam mimo excurrunt quæ phasmata Cælo
 Ludicra, sunt fatui luminis exuvia.
 Ergo hebeti tantum doceas ne Rustice visu?
 Si minus aspicias, decipiere minus.

XCVIII.

De Gentilitia Moro Didaci Morales J. C.

Tædia post hyemis, rigidaque pericula brumæ
 Florida dat cupidis gaudia Morus agris.
 At quæ sera comas aperit, secunda pruina,
 Ante alias sætu præcoce poma parit.
 Judicii genesim Natura sub arbore pinxit:
 Quàm bene consultum, tam bene prodit opus.

XCIX.

Ad Gorgum immani strepitu excreantem.

Excreat, an bombos Gorgus molitur ahenos,
 Cum ciet explosis arida sputa labris?
 Centū hyemes sine tulle, graves centum egerit Austros;
 Et prope in angustis faucibus Orcus inest.
 Viscera mucoso timet intabescere visco;
 Ni trahat ex imo gutturis epiphoram.
 Lentius infossam Pervæ glebam eruit Indus:
 Surdius arboreum grando lacescit Athon.
 Non tantus pavidam latè tremor excutit Ætnam,
 Dum iussa assiduus sudat in æra Cyclops.
 Non ita vi deturbat in Æthiopas Catadupos
 Turbineo præceps impete Nilus aquas.
 Fulmina quid quereris pluvio strepere horrida Cælo?
 Argue ne nubes; una saliva tonat.

C.

In Vestibulo Regia Domus amplissima.

Vix Magnos capit hæc domus, & par eminet Urbis,
Par etiam Cælo, sed minor est tumulo.





EPIGRAMMATON

LIBER IV.

I.

*Ab impuris libris maximum honestis fœminis
damnum.*

Sedula Amadisios relegit Claudina libellos,
Cum præeat primas castior illa nives.
Jam jam miscebit Venerem mollissima curis;
Ingenio iam iam, credite, Lais erit.
Effluet in chartas sensim pudor omnis amantes;
Et patruas discet ludere vafra minas.
Quamquam oculis aditū sera claudat, & auribus omnē,
Vernula quæ loquitur pagina, lena domi est.

II.

De Nothippo Pindarum carpente.

Bacchi verna, lanista poculorum,
Quadris, gutturiis, cadisque natus,
Nothippus sitit, & bibit sub uno
Haustu multiplices meri diotas.

Idem

Idem thyrsigero facetus æstro,
Graia Pindarōn uberem Sūadæ
Infulsum vocat, & malum Pòetam.
Causam quæris? Aquam optimam canebat.

I I I.

De lafa Crisonis Phantasia:

DEpositus flet mente Criton, spissatque querelas,
Credulus infautum nomen inesse sibi.
Non hilarem faciunt medicatæ in pocula gemmæ;
Oria non lepidis liberiora iocis.
Spectra oculis ubicumque bibit, cœloque sereno
Atros una facit nominis umbræ dies.
In gemitum, in suspiria, in attonitos singultus
Totus abit, refuga si sonet aure Criton.
Contra lætitiā omnem haurit, saturosque cachinnos,
Quo tu cumque voces nomine, non proprio.
Unius hunc satuum ne morbum dixeris: ævi
Est nostri vitium, desipere in Titulis.

I V.

In Bibulum logomimū ad dicendum publicè ineptissimum.

Quem, quem dicentem audierit, feliciter audax,
Ore, manu Bibulus Rhetora multus agit.
Omnium habet voces, vultum, lachrymasque modosque
Sensiculos, gnomas, Nestoreosque sales.
Pulpita si subeat, bipedum intulissimus hæret:
Occiput, elato sinciput ungue fricat.
Nil meminit, silet, erigitur, sedet, æstuat anceps.
Mentaque detergit Roica linteolo.

Exiit ingenium, cum se induit, alter & idem;
Optimus cętypus est, pessimus archetypus.

V.

Ad Pannicum Chymica studiosum.

Quò te, Pannice, quò rapit
Incertę alea Chymicę?
Carbonarius heluo,
Facem & sulphura digeris,
Fletumque ipse bibis tuum.
Frustra Hydragyron excoquis
Curtę ludibrium. Spei .
Insanus volat hic liquor
Gutta lubricus alite.
Ollas deserit, & focos
Sudantesque lucernulas.
Quid nugas Paracelsias
Inflas improbe follibus?
Fumo divite pauperem
Reddet Philosophus Lapis.

V I.

*S. Rosa Pervana ad Hortum accedenti sese acclinant
arbores.*

O Petuę portenta Rosę! cui prodiga Cęli
Gratia fidereis risit amęna iocis.
Dum colit hortensem latebram, angustamque tægultij,
Nulla sibi, Mundique exul, & una Deo;
Illam omnes Dryades ramis plaudentibus, omnes
Mirantur, viridi subsiliuntque choro.

Silva

Silva solo acclinata (piæ mens addita silvæ)

Accinit argutis obsequiosa modis.

Malus in hoc decus est, quàm fabula lussit in Orpheo:

Muta loqui didicit arboris umbra Rosam.

V I I.

De eadem Culices ad divinas laudes excitante.

D Ivinis afflatam auris, & dulce latentem
Impetit ah culicum turba susurra Rosam.

Exacuitque sono dentes, atque otia curis

Nulla finit, pugili sibila dissidio.

Frustula vix vitæ, tenuique pusillula rostro,

Sanguinis extimulant irrequieta sitim.

Æstivos parit hos Lemures pugnacibus alis

Quæ madet ignavo sordida gleba situ.

At cicures cessere Rosæ; docilique volatu

Non audent teneræ figere tela curi.

Quin certant audire sacras, & reddere voces:

Et simul in Roseas assonuisse preces.

Quæ Fidei non, Diva, tuæ miracula plaudent,

Si culices etiam jusseris esse pios?

V I I I.

Ad Lesbum Luculli cœnas laudantem.

D iPhnologum te, Lesbe, facit famosa Ludo
Ganea, Apollineos inter opima lares.

Unica non Procerum laus hæc: in Apolline cœnat,

Ad Solem quoties crustula pauper edit.

IX.

*Amens ob lapsum menti redditus, quam qui bellissimè
valuit.*

C Ipsius insana dudum torquente phrenesi,
Ex alto præceps culmine convaluit.
Quis dubitet Iovis e cerebro iam Pallada natam,
Maniacus fractò si sapuit capite?

X.

In Antiphum circumforaneum.

Tecum habita, exilium curis dicture molestis,
Antiphe: mitte τόπον vertere, verte τόπον.

XI.

De Dario in Regem inaugarato ob equi hinnitum.

H inniit ad Solem sonipes, faustumque Dario
Omen, Achæmenium fecit ad imperium.
Cui fortuna parat Fasces & inertia regna,
Bruta implent meriti vota perinde vicem.

XI. I.

Industria, & labore opusest ad Sapientiam.

Nemo sapit teneris instructus ab unguibus infans:
Quàm rudis ad cunas vagiit ipse Plato?
In nemus e parvo se semine parturit arbos;

Ros fuit in conchis Indica gemma suis.
Ingenium labor addit, & hac venale sub hasta est.
Doctaque solertes poscit arena viros.
Archytæ * Platagen molire, & deinde Columbam.
Quæ sudata venit gloria, magna venit.

* Crepi-
taculum
terrendis
pueris ab
ipso inven-
tum.

XIII.

In Arminium ex avaritia prodigum.

Æ Stuat idem opibus, frigetque miserrimus idem
Arminius, sano dum vacat esse sibi.
Prædiaque & villas, & apricas empturit arces:
Emptis non fruitur, cochlea fixa domi,
Argentoque abacos onerat, cenaturit herbas;
Et bibit ex ipso plumbea vina cado.
Arca laboratam vix synthefin excipit auro,
Undecies fartam ventilat ipse togam.
Quid numerem census, quid fœnera? paupere vultu
Mœret obarato putidior Cynico.
Incidat in febrim, gemmâ bibit, incubat ostro:
Delectant oculos quæ pretiosa suos.
Dona parat lautè, sextertia spondet amicis:
Prodigit in famulos, prodigit in Medicos.
O larvæ cerebrum quin vivere definis? æger
Si tantum sapias, a funere plus sapias.

XIV.

Ad umbram Bethlemicæ Speluncæ.

I Llecebris radiorum, & amœno discolor astro,
Hospita Bethlæam quæ regis Umbra specum,
Di-

Divinis vigilem cunis da sistere noctem.

Nil moror Auroram, si mihi Sol Amor est.

X V.

*In Pontilianum Curionem Calvinistam, qui Missionario
Jesuita sepulchrum contendit.*

Quid rabido allatras Jesta funus hiatu,
Nec tumulum pateris Pontiliane brevem?
Hoc Natura docet, dare pacem, & Manibus urnam;
Invida an in cineres hæresis arder adhuc?
Non, inquis, dolor est, unum mandare sepulchro:
Quod simul hos omnes non tumulem, doleo.

X V I.

De S. Maria Magdalena silvarum indigena.

Maffilijs nemorum se Magdalis abdidit umbris;
Exemplo traheret forsan ut ipsa Lupas.

X V I I.

De S. Mauro super aquas ambulante.

Vicerit obsessi trepidas ad Tybridis undas
Belligeros uno Coelice Roma metus:
Majorem retulit Mauro vincente triumphum;
Visa super tumidum tutior ire lacum.
Hostibus alter, aquis alter mora: confer utrumque,
Hic laudem meruit Numinis, ille Ducis.

XVIII.

De Eodem.

Cum Placidus luctante anima per iniqua lacunæ
Undivagam biberet naufragus ore necem;
Et quæ præruptâ brevis amphora fluxerat ansâ,
Iam prope demersi funeris urna foret;
Maurus in immanem se ferre voraginem aquarum
Ausus, & exanimem subripuisse vado.
Parce palus, oneri tanto non apta vehendo:
Ille Peloræo debita præda mari est.
Imbuet & minio piratica tela beato,
Ne latret in Latiam barbara Scylla Fidem.

XIX.

Ad D. Vrsulam.

Ursula millenos quod duxerit una triumphos
Ambigis? in verso nomine, Laurus erat:
Hunnorum per tela mori, quàm nubere Regnis
Maluit, augustos spernere cauta procos.
Occidit Arctæz niveum decus addita bigæ,
Excubet ut Latio fidior Vrsa Polo.

XX.

*De Epistola B. V. ad Messanenses scripta, a Magistro
Spada Dominicano polemicè laudata.*

Quam veteres Fasti, quam postera tradidit ætas,
Littera Virginei pignus amoris habet.

Quo

126 EPIGRAMMATON
Quo minus id dubites Zancleis invidus Aris,
En potuit nodos solvere Spada tuos.

X X I.

Idem.

SVb gladio pinxisse ferunt & morte propinqua
Protogenem audaci sæcula prisca manu.
Addebat tabulis lepidam metus arbiter umbram;
Et pictæ merces Iconis Ensis erat.
Spada tuis tandem Jesseia Diva Tabellis
Indidit arguto lumina quanta stylo?

X X I I.

Sub Effigie D. Bernardi Crucem amplexi.

QVantum feliis habent divinæ insignia cædis,
Tantum Bernardi mellis ab ore fluit.

X X I I I.

*S. Thomas Aquinas lenocinantem Pellicem seminato
fugat ligno.*

TVrris Aquiniadem dum subdola flammæ Amorē,
Prætulit ultricem in prælia torris opem.
Quàm nova! quam fælix generosæ Tessera pugnae!
Quæ Cypriam domuit Mænada, tæda fuit.

XXIV.

In effaminatè tonsos.

Alterutram barbam supraque infraque recisam;
 Expilat hircolis ars quoque laura viris.
 Canitiem in fictam recoquit tonsrina juventam;
 Et focer & Patruus quisque fit ore nepos.
 Ridet ad hæc Lachesis ludibria, & acrius instat;
 Ætates hominum nec facit illa pili.

XXV.

Idem.

Fœmineo vultuque Equites, habituque reudent
 Ambigui: væ, væ sæcula, si pariant.

XXVI.

In Tyberis inundatione.

Mergere dum tumidis conatur fluctibus Urbem,
 Submersus Tybris est fluctibus ipse suis.
 Vndifono siquidem dudum quæsitus in alveo,
 Inventus fluvius non fuit, æquor erat.

XXVII.

De Asino ab Apibus interfecto.

Mellea dum segnes ad recta fricaturit artus,
 Excijt hostiles bardus asellus apes.

Ili-

Ilicet erupere minacibus agmina telis,
 Visa cruentato ludere de corio.
 Ille olim ad cursum prope Cyllarus, hæsit ad ictus;
 Mox alio, atque alio vulnere fusus humi est.
 Qui rudis ætatem, qui tympana posthumus inflat,
 Iure susurrantes occidit inter apes.

XXVIII.

De Eodem.

Displosis Onager vexans alvearia rhonchis,
 Credidit insano fugere mella labro.
 Acrius insultanti, & hiulca nare frementi,
 Intulerunt volucris cuspide funus apes.
 Incultas discant pecuaria carpere lappas:
 Sollicitent brutam quid melimela gulam?

XXIX.

Idem.

Pigror ad viridem nemorum cum sterteret umbrā,
 Sesquiasinus patulis auribus, ore minax,
 Calcibus intextas sudato nectare cellas
 Impetit, in vigiles hiscere multus apes.
 Aligeris periit rudis hæc insania telis;
 Sauciaque exanimis verbero terga tulit.
 Aoniam potuit vix fundere Pegasus undam;
 Atque asinus pedibus fundere mella velit?

X X X.


*In Pandarum otiosum, & Porticensis villa frequentem
hospitem.*

O Tia cū saturas, studijs aversus acutis,
Philosophum simulas, Pandare, Porticum adis.

X X X I.

*In Bellium Apostatam malignum impurissimum
SS. Patrum.*

Niger e cucullo transfuga.
Claustorum amurca, Bellius
Temulentus in Lemanicis
Bene lotus undis nupturit;
Jam jam parat crepundia,
Infantulis lactantibus.
Mammas at inter & tatas,
Obelos, & ungues, & rogum
Græcis, Latinis Patribus
Calvus minatur carnifex,
Sanctasque mutilat paginas;
Secat, exoculat, exenterat,
Unde, unde tantum odium in Patres?
Pudet fateri: a filijs.



XXXII.

*Ad Baldinum laudantem Vesuvianas ad pocula
lacrymas.*

Quæ tibi Pierios ad carmina Lacryma risus
Elicuit, liquidæ munus amicitia;
Heliadum hanc præfers lacrymis, Baldine; bibenti
An quia dat Soles cernere posse duos?

XXXIII.

Ad Domitianum in subterranea crypta latitantem.

In crustas vitreo suffossa peristyla saxo
Cæsar, & in vigili fornice regna locas.
Hostis ut a tergo si quid tibi subdolanus ausit,
Adversis paries prodant imaginibus.
Videris ut faciem, videas quæ corda tuorum?
Proxima quæ tingens sanguine, tela latent.

XXXIV.

In Luxum Muliebrem.

Auroræ coit ad primos quæ candida rores.
Gemma, iterum in rores liquitur acta novos,
Thais ut hinc possit niveo impallescere vultu,
Languet & nitido lubricus orbe decor.
Turpe nefas, Cleopatrarum mage turpius haustu.
Inquinat heu! Cæli lacryma luxuriam.

XXXV.

Neroni bibenti excidit crater ob fulminis impetum.

Cum biberet Nero gemmanti cratera Falerno,
 Et trepida rapuit fulminis ala manu.
 Non fuit hæc bruti mens fulminis: abstulit iræ,
 Ne rabidam faceret sanguinis ista sitim.
 An Semele Bacchum tonitru jam nixa marito,
 Attonuit Matris fulmine carnificem?

XXXVI.

*Nobilis quidam ut ad ludicrum certamen nummos cor-
 raderet, vendidit ius sepultura.*

Personam ludis acturus equestribus aptam;
 Nec satis ad sumptus res sibi curta domi;
 Vendidit Anthropompus aviti iura sepulchri,
 Invidus in cinerem scilicet esse suum.
 Macte Heros; ubi fata vocent, nullo abdita cippo,
 Ipsa dabit Manes Mors equitare tuos.

XXXVII.

In Lycam. Heteroclitum.

Lubricus irasci, violentus, ad omnia præceps
 Improbatur hoc, probatur hoc; nusquā, & ubiq; Lycas.
 Totus ad arbitrium sine lege, sine ordine, nullam
 Vel minimam patitur post sua jussa moram.
 Cessantes famulos ad verbera signat, eodem
 Ni redeant & cant temporis articulo.

132 EPIGRAMMATON

Dimidias voces celer expuit, & vorat idem;
 Excæcatque brevi plurima verba sono.
 At testudineus, mensæque pigerrimus hospes,
 Penè Cato est inter pocula, non properat.
 Dixeris insano mentem debere palato.
 Heluo sit tantùm manderet, Herma foret.

XXXVIII.


*Excusat se Auctor quod in lucem non dum dederit
 Sacras Conciones.*

Quod nihil ediderim, tacitoquè inglorius æstro,
 Ipse mihi, & musis carmina surda canam;
 Desidiæ vertis, cessantemque Æmile carpis.
 Ne meritis fraudem publica vora typis?
 Bracteolas famæ mihi pollice plectis utroque;
 Et volucrem singis docta per ora virum:
 Ut volo non possum, ut possum nolo: addere gibbum,
 Aut tunicam piperi, futilis ambitio est.

XXXIX.

De Portu Messanensi.

Gallica Zancleum timeant sibi Lilia Portum:
 Falcifer ad florum funera curvât aquas.



X L.

Salivarum ductus in humano corpore a Thoma Warthono reperti.

Warthoni laus est, fateor, non parva, sagaci
Arte salivales elicuisse vias.
Nil tamen ad mores hæc Jatrice; & unde salivæ
Ingenijs, semper nesciet Anatome.

X L I.

*De Lamproferarum mansuetario, qui ab araneo morsus
inserijt.*

Hercyniæ qui monstra, Urso, sævosque Bisontes
Ad Domini potuit supposuisse pedes;
Horrentem & maculis domuit cum Tigride Patrum;
Quæque creant Libyæ funera, quæque minas;
Lamprus arachnæo suspensa pericula filo
Nil metuens, periit morsus araneolo.
Exigit haud magno mors turgida colla veneno;
Sæpius exigua in cuspide Fata latent.

X L I I.

Theodosius Imperator venia proximus cum irasceretur.

Sese Theodosius certantibus extulit armis,
Vt minimus fastu, maximus Imperio.
Ultra omnem tamen hoc laudem, quod vindicis iræ
Mitior erudiit vim, sapuitque furens.

X L I I I.

Somnians se Capitonem sibi Principatum auguratur.
Artemid. lib. 1. c. 18.

SOpitus qui grande caput sibi gliscere spectat,
 Nobile Fortunæ principis omen habet.
 Ut nunc sunt xvi mores, hæc ludicra possunt
 Addere vim dictis Artemidore tuis.
 Sæpe magistratumque capit, rerumque potitur,
 Cui faciunt magnum somnia sola caput.

X L I V.

In Lavinum affectatè gravem, & vino deditum.

INstar habes magni in speciem Lævine Catonis.
 Grata foris tibi nam * Seria, grata domi.
 * Vas vi-
 DATIUM.

X L V.

Ad Thessalum
De fortuita Atomorum concursione.

COngeries Atomorum, olim delira voluptas
 Democriti, in sciolos cusa, recusa typos;
 E tenebris iterum emerfit cariosa sepultis,
 Phœnix, anne scholæ noctua monoculæ?
 Hæc rerum matrix, Casu fecunda marito
 Parturit insectis omnia particulis.
 Innatum est atomis motu vibrare perenni,
 Caucaëis etiam si coiere jugis.
 Et solidas in aquis innare, frementibus Austris

Ipsam.

Ipsamque in Niobem vertere Nereidem.
 Fortuito sese immiscent per inania ductu,
 Fibula contiguis necitit amicitijs,
 Mox ubi multiplici refugas trahit uncinus ictu,
 Et piceo sociat glutine viscus iners;
 Naturæ genesim renovant. dos una figuræ est
 Sidera seu niteant, tubera seu tumeant.
 Anguineis repant fluidè si flexibus, implent
 Eridanos, Ganges, Oceanumque patrem.
 Horrentesque pilis dant capripedes Silenos:
 Nec speciem tamen in se, variantve genus.
 Gibbosæ in cochleas abeunt, & in ova rotundæ.
 Conficitur longis pertica, mensa quadris.
 Conflatum his ne apinis credes existere mundum?
 Crede libens mundum, Thessale, Chartesium.

L X V I.

De Cicadis.

P Rodigium apprimè mirum: vox alta Cicadæ
 Sole calet, si mas; fœmina muta silet.

X L V I I.

In Apotheosi S. Francisci Borgia a Cle-
 mente X. in sacris fastis recensiti.

Mater D. Francisci Affixiatis Zona praeincta, peperit.

B Orgiolum obliquo genetrix ægerrima nixu
 Affixa peperit cannabe vineta latus.
 Ambijt his puerum virtus Ecliptica nodis,

Vt genesim fastu pauperiore daret.
 Victuros Cælo, ad mortalitædia vitæ
 Scilicet invitos non nisi vincla trahunt.

X L V I I I .

*Accipitrariam venationem in magisterium virtutis
 vertit.*

L Vdit in àërio dum subdola prælia circo
 Accipiter, pavidas carpere multus aves;
 Flexibus obliquat gyros, infraque, supraque
 Vnca per aligeras turbinat arma minas.
 Iam fugat has, rapit has, jam jam pendente sub ictu:
 Quònam oculos flectis Borgia? præda ruit.
 Oubi non pœnarum auceps! sudata propinquæ
 Cædis in articulo gaudia si jugulas?

X L I X.

*Inter venandum, Divini Viatici campanulam, vel longis-
 sime absens obaudis.*

I Nvia per nemorum Dux Borgius erudit auceps
 Accipitrum volucres ad sua bella dolos.
 Interea vescum præeat si nolula Numen,
 Dissita silvosis excipit æra locis.
 Nec mora: pennigeræ oblitus momenta rapinæ,
 Hæret adorato cernua præda Deo.
 Nobilis hæc Procerum solatia disce voluptas,
 Ad pia non surdis quæ properent oculis.

L.

Cum officio deesse non posset, aulicis interfuit scenis alienato animo, ac cilicium indutus.

Ante lares adeat quam Borgia Principis Aulæ,
Non parat officiis byssina verba suis.
Horrentem setis loricam indutus acutis,
Nuda cruentata membra flagellat acu.
Idaliam eludes Pudor o secure pharetram.
Ne timeas Venerum Gorgonas, Ægin habes.

L I.

Non ad hoc saculum Princeps censorio vultu.

Borgiadæ vel muta oculis censura perorat;
Acrior e vultu Nestore Suada fluit.
Non phaleras amar, & pictæ mendacia linguæ;
In vitium tacito fulminat ore minax,
Irrita Prætorum clament edicta scelestis,
Ne facito: plus est dicere, non facio.

L I I.

*Isabellam Augustam in pheretra contemplatus, ob deformationem tantæ maiestatis se totum Deo
mancipare statuit.*

Sidus Aragonidum, pulcherrima Reginarum,
Heu quantam invidiam mortis Elisa tulit!
Ipsa, nec ipsa, suæ vestigia perdidit umbræ.
Horridus in larvæ desijt oris honor.

Borgius occasum Dominæ miratus acerbum,
 Aula, ait, ah quid adhuc ludimur? aula vale.
 En novus Indigetum ex alieno pulvere Phœnix,
 Cui vitæ auspiciū cælitis, Vrna fuit.

L I I I.


Abiecto Principatu, Societ. Jes. se vovet.

G Andiacæ Trabæ, & Lombai insignia Regni,
 Hactenus ad scenam lusimus, ite, sat est.
 Me tandem adscribat Loiolis Tessera Cælo.
 Nil fatui sannam pollicis, Aula, moror.
 Hoc unum precor Ignati, tuus exiga Ignis,
 Indidit Augustæ quæ mihi vota cinis.

L I V.

Publicè asserit, se Nihil esse.

Nunc demum linguis faveas tumor Aulicæ iurat
 Borgia per multas se Nihil esse theses.
 Censur, honor, tituliq, & magni nominis umbra,
 Purpura, Fortunæ, gloria, grande nihil.
 Illecebræ Venerum, & mendax nil dulce voluptas:
 Nil putre sunt vitæ gaudia post cineres.
 Omnia de nihilo in nihilum casura residunt:
 Qui studet hoc lucro vertere, nonne sapit?



L V.

Adulationes, & sugillationes Aulicorum contemnit.

Æ Re suo pauci censentur: Opinio famam
 Ut libet, ad genium cudere mima solet.
 Borgius averfis surdissimus auribus, Aulæ
 Sistra, tubas, Momos risit, & Archilocos,
 Omnia palponum risit mendacia. Magnus,
 Qui sua virtuti nomina debet, hic est.

L V I.

*Ex obeso corpore macerrimus ob ieiunia, sua ut se pello
 lumbos adstringeret.*

C Orporis in maciem extenuat se pinguior olim
 Borgius, in vacuum cogit & ossa cutem.
 Lancinat hæc distenta, voluminibusque plicans se
 Mille tegit vitæ vulnera, mille neces.
 Militiæ fuerat, tensis si pellibus acrem
 Ferre hyemem; hoc etiam prætulit ipse Ducis.

L V I I.

Idem.

Æ Theraque, & terras Equitum gula turbat, & undas;
 Navigat in nostras India lauta dapes.
 Gandiacus mappas, cane peius, odit Apicj.
 Mens fusa in longas, ganea tota, preces.
 Hinc libare datum vel opertum Numen in arca,
 Debuit hoc pasci nectare tanta fames.

L V I I I.

Lapillos calcis subijcit ad supplicium.

Qui tibi clam soleas acti passim asperat ictu,
 Enumerat palmas calculus ille tuas.
 Ima pedes quotquot lacerat strictura lapillis,
 Tor serit in meritum debita ferta caput.
 Non alijs opus est alis, ut ad æthera tendas;
 Saucius ad gressum, Dive, satis properas,

L I X.

*Centies in diem orat, & mane binas integrè horas
 pronus in terram.*

Franciſco vel sæcla diem labuntur in unum.
 Dat numerum precibus sc̄ctilis hora suis.
 Centenis se se vicibus prosternit, & imo
 Apprimat illoto tabida labra solo.
 Jam putret os, vocale Deo vel dentibus expers,
 Et sapiunt sacrum, marcida verba melos.
 Præmia promeruit pugil hic tor Olympica victor,
 Emerito quoties pulvere fusus humi est.

L X.

Septies quasitus ad Purpuram, religioso fastu reiecit.

Illusasque Tago trabeas, & sceptræ, Coronasque,
 Et proavæ fugiens Borgia fortis opes;
 Quamquam Ignatiadum latebris se vovit, Honori
 Nequa umquam voto vindice rima foret,

Non

Non tamen in vili potuit latuisse lacerna.

Nulla tegit magnum decolor umbra Ducem.

Insequitur fugientem ostro Fortuna Quirino;

Inque caput mythræ Principis Iris hiat.

At stabilem obfirmans animum, ad divortia Famæ,

Plus odio sprete muricis erubuit.

L X I.

Ad Juda proditoris pedes se abijcere assuetus, recessit, procumbentem e cœna contemplatus Deum.

Fœda quid insistis bifidi vestigia Judæ?

Prodroma Divinæ funera cædis olent.

Eumenidum furijs pateat, Libyæque chelydris

Hæc sedes, alios Borgia quære lares.

Ergo abis, hospitiumque timet spectabile, postquam

Demissum memorat procubuisse Deum.

Quo fugies? jam nulla tibi dat Terra Penates,

Angeris exul, inops; quam benè non habitas?

L X I I.

Literis subscribit: Peccator.

Borgia ais ne? datis audes jurare tabellis,

Te miserum, & multi criminis esse reum.

Credimus. ambisti nihili quòd nomina, peccas:

Carnifici peccas in tua terga flagro.

Tartara quòd refugo censes tibi debita, peccas.

Peccas quòd vulgi jurgia surdus ames.

Et Latij peccas quòd Muricis oderis ostrum.

Qui tamen hæc peccat pessimus, optimus est.

L X I I I.

*Podagricus oblatum renuit lac a Filia
Lerma Duce.*

Hæserat articulis acri diu flammea visco
Vis podagræ, rumidos urere lenta pedes.
Nara Patri medicum e mammis lac obtulit ægro:
Leniat hæc, inquit, Pægonis unda luem.
Abnuat infidam a sexu, timuitque medentem,
Ne candor rueret, Borgia, lactis opem.

L X I V.

*Febri correptus, ad B. V. Lauretanam interfaciens,
convalluit.*

UNa oculis domus hæret, & assonat auribus una,
Fausta ubi Virginea Daphnide tecta nitent.
Borgius huc properat febris flammatus acuta,
Quam passim gressu jam propiore fugat.
Tandem sanus init, sanctisque dat oscula muris.
Hic sua, cœu Mundi publica, parta salus.

L X V.

*Gravi veterno pressus, nec admoto rubente calculo exci-
tatus, ad Eucharistia presentiam vigilat.*

BOrgiada generosam animiam mors instat agenti,
Funereusque premit lumina mersa sopor.
At remigrat vigil ad sensus, & se sibi reddit,
Admonitus Sacro Numen adesse favo.

Sopitisque oculis, & nullis viribus Heros,
Si Deus exciret Dapfilis, Argus erat.

L X V I.

*Accusam derelictis in aris Sacram Hostiam in-
trospicere solitus.*

Nulla liquefcenti vigilet pia lampas olivo,
Nullus ab aurata Pyxide vibret honos.
Non phrygius niteat per nuda Ciboria cultus;
Nubilaque informi sordeat Ara tholo.
Si lateant, divina intropiscit Azymâ supplex
Borgius, & vesco mellea liba Deo.
Cæca Fides alijs mysteria laura propinet:
Huic oculos uni præbuit illa suos.

L X V I I.

Principi filia densam excisum in mensa restituit.

Debilis, an casu Gnatae dens excidit, Indo
Par ebori, & conchis Oceanina tuis.
Ergo dolet, seniumque, & adest dedecus oris
Ingemit, informem mæsta subire notam.
Borgius excussum gingivæ infixit inermi:
Mox ait, hic cineri posthumus unus erit.
Unus in extincta potuit dens vivere calvâ;
Temporis & rabidam perdomuisse gulam.
Prodigij præco credam quod vicerit ævum,
Invida ne tantum Fama sileret opus.

L X V I I I.

Iter faciens, sub dio sacrificat, ardesciente Calo.

M Vltus inest Cælo Phaëton, & mordet anhelam
 Flammea latratis solibus aura diem.
 Borgia campestem Mystes operatus ad aram,
 Divinam patitur rem, simul unus agit.
 Sudor it in lacrymas, & lacryma sudat in ignes;
 Dum litat ipse sui victima cordis amor.
 Ringere succenso Canis æthere. gratior ori
 Scilicet oblatis Numinis Agnus erat.

L X I X.

*Consputus a socio per totam noctem in diversorio can-
 ponula, immoto silentio tulit.*

P Auperis hospitij vili sopitus in umbra,
 In sua dum Socius despuit ora senex,
 Mucosamque ignominiam, saniemque salivarum,
 Immota, vix est credere, fronte tulit.
 O factum bene tantum instar cùm Solis haberet,
 Ad decus has Virtus imposuit maculas.

L X X.

Morbis imperat, ut desinant.

I Te procul febres, & olentes funera pestes:
 Imperat hoc præfens Borgius, ite procul.
 Auditur. Morbi Lachesi fugere relicta;
 Vena nec insanis ictibus ulla salit.

Hippocratem divina latent hæc pharmaca: Vitam,
Vna potest Divum dicere vox, Recipe.

L X X I.


*Tempestatem Pelagi sublati in Calum oculis statim
sedat.*

B Orgiadem vehit Ausonias quæ Pinus in oras,
Fluctuat adversis jam prope merfa Notis:
Non juvat Ars; & vela ruunt inflante periclo.
Ergo oculos supplex vertit ad astra suos.
Nec mora, præcípites subito posuere procellæ;
Et placidis patiens Æolus hæsit aquis.
Exuerat Magnum Pietas ignara tumoris,
Hinc etiam inflatum terruit Oceanum.

L X X I I.

*Ad faderandos Reges Hispania, & Gallia in Turcam,
a Pio V. cum Legato mittitur.*

V T sacra belligeri coeant in fœdera Reges,
Threijciamque premant fœdera Barbariem;
It tantorum operum Fecialis; & auspice Cælo
Borgius in classem prætulit astra Piam.
Dent meritas alij laudes victricibus armis;
Qui tamen hæc potuitnectere, major erit.



L X X I I I.

*Calcem, & camenta conuectat ad Ognatenſe
Collegium.*

ARdua plus humili virtus ſe ſe explicat auſu,
Ipſaque lux umbris emicat aucta ſuis.
Baiulus e Duce Gandiaco camenta ferendo;
Jecit ad Heroum culmina ſumma baſim.

L X X I V.

Precatoriam corollam donat Matia Medicea.

GAllorum Regina iterumque, iterumque roganti
Virginis in roſeas conſita ſerta preces;
Borgius indulget globalis tornatile buxum,
Cui tot Mediceis Orbibus arma nitent.
Pauperies hoc ſancta decus mirare, Corollam
Ambit Maieſtas imperioſa tuam.

L X X V.

*Anno, & menſe, quo moritur, novum in Caſſiopæa
Sidus apparuit.*

EMoritur merito propior cum Borgia Cælo,
Aucta tuo lux eſt Caſſiopæa Cy clo.
Sydereæ decus hoc Cathedræ ſubluxit ab illis
Olim de Nihilo, quas docuit, Theſibus.

LXXVI.

In Patronum ab Hispaniarum Rege Madriti eligitur.

Sume parem meritis felix Hispania fastum,
 Aurea non uno circum obeunda Tago.
 Quamquā inopē lambit jam Cantabris unda Pyrenem,
 Nec fovet antiquum glebā rēfossa Midam,
 Aurum de pluvio ditissima fossile Cælo
 Si tua Bos subigat Borgius arva, dabunt.

LXXVII.

*Petrus Faber primus S. Ignatij Loiola socius, Lutherano-
 rum malleus.*

Islæbiæ Faber hic nova cornua contudit Hydæ.
 Linea cui Divum cultus; amussis, amor.

LXXVIII.

D. Gaspar de Haro Gusmantis Carpen-
 sis Marchio, &c. Prorex Neapolim
 ingreditur Epiphaniorum die.

Ad Fabritium Pintum

*Salerni cum primis Advocatum, qui tantum Principem
 funebri oratione immortalē Posteris reddidit.*

Bethlemiz qua luce Oriens uxoriū umbræ
 Obtulit Infanti Regia dona Deo,
 Ingredieris Princeps Divæ Crateridis oram,

Magnus Avis, a Te major, & Urbis amor.
 Nempe animi prudens, facilisque, & Dives in omnes,
 Nobile par cunctis Regibus omen habes.

L X X I X.

De eodem.

EXere muscosum lacrymis caput, exere Syren;
 Naufraga jam ponunt æquora, Castor adest.
 Castor adest; summi quæ nuncia Numinis olim
 Stella, tui præiit Principis illa viam.
 Auguror hinc, inopi dabit aurea sæcula Regno,
 Myrrhea flagitijs funera, thura sacris.

L X X X.

Post aridissimam hyemem, sub ejus adventum pluit.

URit hyperboreo campos dum bruma Sereno,
 Et sata non ullo deficit imbre Ceres;
 Parthenopen intras, & protinus ubere nimbo
 Solvitur in pluvias Hesperis umbra vices.
 Mox iterum tepido riserunt lumine Soles;
 Spes segetum vernos herbida pinxit agros.
 Temporis hæc facies, normam diversa regendi
 Innuat, ad mores nubila, læta tuos.
 Fulmineum pœnis te crimina sola timebunt;
 Te Virtus hilarem sentiet una Jovem.

L X X X I.

*Ejusdem Principis humanitas erga nobilem Virum, cui
inter salutandum perspicilia exciderant.*

O Fficijs tua dum supplex Eques ora salutat,
Vitreæ labuntur lumina luminibus.
Tollere humo hæc Princeps nutu dignaris amico;
Atque humili dominam flectere lege manum.
Nosse suos Virtus si maxima Principis, ultra est
Laus, oculos etiam reddere velle suis.

L X X X I I.

*Ejusdem munificentia ob fraga a Rustico oblata
mense Januario.*

N Ata sub argenti quæ fraga recentia Jano
Floruerant celeri murice, grata magis;
Largius effuso cum dulce rependeris auro,
Pleniùs a nummis erubere tuis.
Scilicet hoc animum pretio dimensus, amasti
Non rem, sed præcox muneris ingenium.

L X X X I I I.

In domesticum furem.

R Eticulis, tenuique argentum ductile filo,
Cui decus, & pretium Lipsana sacra dabant,
Clàm tulit, & lepida factum fur arte salinum;
Multus ubi forma dispare Mentor erat.
Et simul addictum mensis cratera secundis,

Quo bibitur genio liberiore salus,
 Sacra Jovi, Sal Neptuno, sua pocula Baccho
 Subripuit, non est fabula, Mercurius.

L X X X I V.

In impurissimum Pòetam proscriptum.

V Appius obscæno molitus carmina plectro,
 Novus e cloaca Graculus;
 Fornicis illuviem eructat, sæcemque gomorrhæam;
 Stylusque Camarinam movet.
 At benefixit opus Prætoris Theta nefandum;
 Vetuitque prælis imprimi.
 Scilicet hæc ut eant in lucem propudia, unus
 Pro torculo caminus est.

L X X X V.

*In exoticam crinium imposturam male ominosam
 mulierum pudicitia.*

A Rdua fœmineos ambit quæ Lunula crines?
 Anne, caput, vir sit conjugis, ambigimus.
 Si quoque flet pluvium cum comitur Iride Cælum,
 Conica cincinnis fimbria luctus erit.

L X X X V I.

Idem. Argumentum.

I N lacrymas libet ire, perit frons ipsa pudori,
 Nempe per ampullas vanuit aucta novas.
 Crinalem vitæ fert multicoloribus orbem,

Mena

Mendax & vacuæ pensile mentis onus.
 Quæque Helenen simulat Parides factura capillo;
 Heu vereor, ne sit Troia futura procis.

L X X X V I I.

Idem.

Imposuit capiti mytram Bethulis Amazon,
 Et cinerem casto miscuit ausa dolo.
 Sic Holopherniadæ vitamque, harpemque minaci
 Eripuit, Patriæ sospita Diva suæ.
 Phyllidas at nunc turrigeras ciperarius ornat
 Luxus, in obsessas ære premente domos.

L X X X V I I I.

Idem Argumentum.

Ad Maritos.

VOs, quibus Uxores tutulato in vertice ridenti;
 Et prope pinnatis frons volat alta comis,
 Dum redeunt ad tecta, molestis pareite; nam cum
 Exuerint pompam, dimidium his caput est.

L X X X I X.

*Ad eruditissimum D. Nicolaum Federicum a S. Sever.
 usitatè, nitidèque scribentem.*

*De Battulo, qui in pangendis Italicè versibus, exoletas,
 & jam silentes voces captat.*

Battulus exangues tussit sine sanguine versus,
 Atque Hecubas tantum deperit Aonidas;
 Se purum putumque hausisse e fontibus Arnum.

Somniat, Etruscis vix male lotus aquis.
 Et Pindum Dantis ferula quassante *Magistrat*,
 Et *Macritudinibus* intumet ipse suis.
 Fac legat arguti vim carminis, *Obstrigillat*,
 Nec nisi rancidulis plaudit onocrotalis.
 Peierat in vatum censu *Longiscere* Famam
 Exuctis, quisnam *creduat*? ingenijs.
 Me tuba Torquati, chelys & nitidissima Testj;
 Me rapit Argivis Ciampolis Hybla favis.
 Vendere quisquiliis tibi habe hoc ius, Battule, putres:
 Non *Titivillitio* cultior usus emet.

X C.

Funebre Encomium Venetæ Minervæ, Helenæ
 Lucretiæ Corneliæ Piscopiæ, acerbo fato
 præreptæ, tùm virtute, tùm sapien-
 tia clarissimæ.

Purpuream Veneti mentemque, jubamque Leonis,
 Dum radijs Helene comeret aucta suis,
 Tabuit heu, flammæque afflante per æthera Phæbo;
 Sensit Hercules lucida fata Feræ.
 Credibile est Solem puduisse, quòd impare Cœlo,
 Victa minor sua tunc cerneret astra Leo.

X C I.

*In ea studium litterarum, quantum quibus est
 maximum.*

Quò nam Helene raperis, lepidissima cura Tuorū?
 Una amor Adriacæ Gentis, & una Dolor.
 Vernat adhuc flos Partheniæ, geniusque iuventæ;
 Inque genis nulla confusus arte rubor.

Siccine depereunt viduis sua gaudia Musis?
 Siccine sœminei spes obit ingenij?
 Invidiam Fati, an Divum rear esse rapinam,
 Non poterat Cælum Te caruisse diu.

XCII.

Amplissima Corneliorū Familia stemma moribus expressit.

T Essera cyaneo Cornelia fulgurat auro;
 Hanc Helene vultu pinxit, & ingenio.
 Idem oculis color, idem animo; complexa gerebat
 Quà censum Aonidum prodiga, quà Charitum.

XCIII.

Nuptias repudiat q̄b virginitatis votum.

G Audia quid tentant blandis Hymeneia philtreis?
 Virgineam hæc Helene deperit una facem.
 Usque sui victrix, thalamos, lucemque jugalem
 Odit, inaccessæ nupta pudicitix.
 Setosamque humeris tunicam, Zonamque rigentem
 Induit, ingenio cœlibe vineta latus.
 Plaude pudor, tantoque age deme silentiæ voto
 Cestum Helenæ timuit tangere & ipsa Venus..

XCIV.

*Authori concionanti in D. Laurentij Templo num-
 quam defuit.*

M Ens Helenæ ad summū quò tēderet enthea Verū,
 Non nisi divinam servida nosse Themim,
 Assi-

Affiduas sacris dabat Oratoribus aures,
 Inter Purpureos arbitra visa Patres.
 Et pensare gravem potuit vel sola Senaturn:
 Cui tantum annueret libera, Nestor erat.
 Quanta hæc fœmineis accessit gloria fastis?
 Audiit una Foro Roscius, una Cato.

X C V.

*Sacellum domi habuit magnificè ornatum, erudite
 pietatis exemplar.*

A Ra domi florens, & amœno discolor auro,
 Ad tacitas Helenen flectere sueta preces,
 Distinuit, vigili studiorum pondere pressam,
 Ut sibi vel fluerent otia plena Deo.
 Non alium novit Mundum; speculique disertam
 Picta dabant summæ Virginis ora vicem.
 Extima ne numeres lepidæ miracula Formæ.
 Intima si quæras lumina, Diva fuit.

X C V I.

*Patavij, hoc est in Italia Athenæo obiit, quasi amasset
 ibi condi, ubi literæ florent, & in D. Justina
 Templo sepulta.*

Q Vo colitur Justina, & Diva Scholastica Templo;
 Lacteaque hinc vernant lilia, & inde Rosæ;
 Par Helenæ, par Lucretiæ dotale sepulchrum,
 Fama suâ sculpfit Relligiosa manu.
 Pro titulo locus est; ubi tanti funeris index
 Mœsta aget æternum Gloria Justitium.

Idem

XCVII.

Idem.

CONDIDIT Antenor ductuquam Palladis Urbem,
 Altera in Euganeis Troia revixit aquis.
 Prima Helenæ raptaſ luit olim obnoxia flammæ;
 Promicat hæc Helenæ clarior a Cinere.

XCVIII.

Idem Argumentum.

MORTALES exuta genas, atque addita Cælo
 Dic Helene quò jam nomine ſidus ages?
 Gnoſſias an merite referes inſigne Coronæ?
 Nempe decent patrium regia ſerta genus.
 An pietas animique nitor caſtiſſimus, Aræ
 Aſſeret? ad mores par facit Ara tuos.
 Si Cathedræ dant aſtra locum, hanc implere magiſtrà
 Luce potes, ſuperis Caſſiopea plagis.

XCIX.

Cauſaria mortis valetudo vix a Mediſis intellecæ.

CVr Lachæſis properans Helenæ fata ultima, ferrû
 Abdiderit, dubium funeris uſa dolum?
 Non Aponi hæc culpa, aut rabidi vis ignea Solis.
 Pæoniæ nullum deſuit artis opus
 Erubuit ſcèvire palam, & mors pulchra videri
 Dum cuperet, tacita vulnere fixit acu.

He-

C.

*Helenium Nepenthes ad Patrem S. Marci
Procuratorem.*

MAnibus ingratas Pater o compesce querelas,
Sarmaduit luctu mollior urna tuo.
Vivit adhuc Helene, vivet meliore superstes
Parte sui, Famę nobile delictum.
Si rapram doleas terris, Superumque beatis
Sedibus illatam, non dolor, Invidia est.

C I.

*Tanta Heroïna non lacrymis, sed laudibus
parentandum.*

Flebat inexhaustis ubi Tyndaris exul ocellis,
Emicuit tepida flosculus e lacryma.
Ite oculi in fletus, Helenęque inspergite Manes.
Forſitan has iterum floreat inter aquas.
Fallimur heu: ſteriles oculis dolor elicit imbres.
Inchoet ut vitam lacryma, non redimit.

CII.

Epithaphium.

QUæ jacet hic Helene formâ; Lucretia voto,
Numinis aligeros non nisi passa Procos.
Non multum est oculis pulchram placuisse; sed ingens
Tarquinis castam displicuisse decus.





EPIGRAMMATON

LIBER V.

I.

Ad D. Blasium.

Qui ducendæ animæ vim das, mitissime Blasi,
 Accipe devoti carminis obsequium.
 Deciduis mihi lingua genis, nervisque solutis
 Audet adhuc balba si cecinisse lyra;
 Muneris hoc est, Dive, tui; cui debeo vocem,
 Quid gratum possim reddeere, si fileam?

II.

*De Bethlemÿs cunabulis sub Ara in Nobilium Sodali-
 tio magnificè continnatis.*

Cætus ubi Procerum famulis ciet æthera votis,
 Dædala Bethlæos exprimit Ara lares.
 Textilibus sudata virent ubi Mænala sylvis;
 Vernat Arachæa serica Chloris acu.
 Multa repercusso trepidat quæ bractea vitro,
 Penè vides rigui serpere fontis aquas.

Quam-

Quamquam oculos Puer unus alit, Puer unus amores,
 Qui tegit humano pulchrior ore Deum.
 Ah timeo Solymum subeat ne victima ferrum,
 Proxima si cunis emicat Ara suis.

III.

De Infante Deo inter nives.

Alget Amor rigida nive sancius, & tremit artus:
 Prodigus ah flammæ Cœlitis alget Amor.
 Aspera divino quò bruna tepescat Amori,
 Ingenuas calti pectoris adde nives.

IV.

De Fide depicta ad Pictorem.

Arte nova, nitidaque Fidem cur luce coloras,
 Cui decus arcana non nisi nocte subest?
 Obscuram melius pinxisset dextera; quando
 Visa Fides oculis, desijt esse Fides.

V.

*Paulus vipera demorsus, Melitem ab anguibz
 immunem facit.*

Paulus ubi Melitem prope naufragus appulit, angues,
 Vulneris hæc merces, iussit abesse solo.
 Tuta venenatos non jam timet Insula rictus;
 Nulla per innocuos vipera serpit agros.
 Officij memorem testata nepotibus umbram,
 Emicat in linguas eruta gleba breves.

Paule novam, mordemur adhuc, molire medelam:
 Multa sub humanis dentibus aspis hiat.

V I.

Bongus Astrologus fulmine iñus.

Afflatum memorant tonante Cælo
 Mysten sidereum, arbitrum futuri,
 Bongum Judiciarium, & disertum
 Erionem magis omnibus planetis.
 Eventus varios & his, & illis
 Divinabat in antecessum; & omnes
 Fati noverat ambulationes,
 Illustri perijt repentè pœna,
 Qui peccaverat insolens in astra.
 Dum spectas cinerem, hospes, insepultum,
 Unum illi Lapidem Jovem precare.

V I I.

In Brontium, Leporem galeatum.

Mille fremens Erebos, furijs accensus inultis,
 Arma minax acuit Brontius, arma tonat.
 Æolius tamen in lingua Mars æstuat: at cum
 Res agitat, gelido detumet ira metu,
 Stringere quem simulat, nil ense modestiùs ipso;
 Nunquam oculos patitur nudus, & ora caver.
 Consuleret famæ melius, si cautior arctam
 Vaginam verbis inderet usque suis.

VIII.

*Ad Mallimum**Cur ab Vrbe Aquila tardius Neapolim venerit.*

O Cyus ut properem, nec me prærupta morentur
 Aut nemora, aut dubio flumina cæca vado;
 In tabula pictos ostendis, Mallime, calles;
 Quos operit scythico Saminia terra gelu.
 Et celeri signas compendia pollice, tanquam
 Tot juga sint unà prætereunda die.
 Suavis homo es; breue iter si pagina monstrat, cuncti
 Non eadem est mulæ semita, quæ digito.

IX.

*Tuccia Virgini Vestali in argumentum pudicitie, aqua
 fluvialis non effluxit e cribro.*

O Uæ super effusas fuerunt transmittere lymphas
 Guttatim varijs cribra foraminibus;
 Virgineo fecere fidem non fluxa pudori;
 Castaque suspensis Tuccia vicit aquis.
 Pervigiles Vestæ quòd non peccasset in ignes
 Fixa satis firmum præbuit unda vadem.

X.

*Octaviano Casari super mensam Aquila pa-
 nem rapuit.*

O Craviano rapuit unca prandenti
 Ale's Tonantis regium e manu panem.

L

Hxc

Hæc prima Regni auspicia, primus hic gustus
 Iam iam futuri Cæsaris; & in utrumque
 Potentis Orbem: quippè Principem signat,
 Si larga populis dextra præbet annonam;
 Et administris munerum utitur pennis.

X I.

Ad Telephum.

Mortalitatis memor mortem non extimescit.

SI memor es cineris, primaque ab origine stirpem
 Ante oculos habeas Telephe, tutus eris.
 Decertat nostro cum Mors in pulvere, victæ
 Dicimus hoc animi digladiantis, habe.

X I I.

*De Turcico exercitu ad Dravum Pannonia fluvium
 profligato.*

ODryfios latè timor obruit, & sua certant
 Castra vel indecori præripuisse fuga.
 Nulla laborantem juvat Iſis rinnula Lunam;
 Surdaque funesto murmure ſiſtra gemunt.
 Iam Thracum vocat ad cœnam Proſerpina Regem;
 Cui mox boletos Austria Buda dabit.



XIII.

Ad P. Nicolaum Giannettasium.

*De nova Nautica epico carmine elegantissimè scriben-
tem, quam Acerrarum Comiti dicavit,*

D. Carolo de Cardenas.

I Bit, io, plenis victrix in sæcula velis,
Arse te Nauphylacem Nautica nacta Ducem.
Phœbus, Acrostolixque micant in puppibus omnes
Pierides, clavum dirigit ipsa Charis.
Fama dabit faciles, hilarique celeusmate ventos;
Nempe Helice fausto in Cardine fixa præit.

XIV.

*Ad Lullum Quartana continua laborantem, &
Medicis insulantem.*

SI quis ab aure Asini tres guttas sanguinis haustas
Potet in hemina duplicis æger aqua;
Febrem Amphemerinam putri compescit in æstu.
Ut valeas aures exprime Lulle tuas.

XV.

De Lycindo emptitijs dentibus concionante.

DIceret ad populum intensa cum voce Lycindus,
Et propè jam surdis auribus obstreperet;
Ex ascititijs compagem dentibus omnem

Despuit, exossi conticuitque metu.
 Pareite, mox inquit, blæso consultus hiatu;
 Lingua vel innocuo plectitur usa dolo.
 Quid potuit melius, si plus clamasset ⁊ abunde est.
 Nil emptum in sacri Rhetoris ore decet.

XVI.

*In Harpalum cecidentem horti arbores sola deli-
 ciarum conscientia.*

Quæ tibi sæcundum tumet, Harpale, bilis in hortū,
 Scetilis ut viduis oscitet usque comis?
 Religio est, ramos in juncea vincla spadones
 Cogere, ne florum gaudia parturiant.
 En sterilem vegetas animas expirat in umbram;
 Te male tonsorem devovet Antiochum

XVII.

Ad Lupercum octogenarium dissimulantem annos.

Cum dextrâ propè computes peractæ
 Vitæ Solstitia; asperæque, rugæ
 Dent præsagia funeris propinqui;
 Annofo capiti facis juventam,
 Cirris atricapillus undulatis.
 Octo te numerare lustra, non plus,
 Audes dicere vicies in horam.
 Verum est, credimus. hoc idem mihi olim
 Narrabas puero, Luperce, verum est.

XVIII.

Ad Polienum odiosè munificum.

A Ngeris, & vultum ducis, propiorque coacto,
 Paucula si præstas mutua, penè negas.
 Muneribus peccas, nec gratos reddis amicos.
 Plus donant oculi, quàm Poliene manus.

XIX.

*Epithaphium Sculchij.
 Strenuissimi Ducis in Hungarico bello.*

S Culchius hic situs est, podagra concisus acuta,
 Strenuus ad Thracum funera, Martis honor.
 Dum celeres ad bella manus Moïs ipsa timeret,
 Quod nunquam fugerent, perculit ante pedes.

XX.

*S. Barbara Diæcorum patrèsi fugiens, in apertam
 petram se abdidit.*

B Arbara sævitiem eludens, odiumque Parentis,
 Sensit ad impressam mollia saxa Crucem.
 Et decori metus, & fuga profuit, hospita montis,
 Prodigium! rupes induit ipsa Patrem,
 Excepitque sinu! tanti est fortuna Pudoris,
 Ut redimant vitam sibi sepulchra suam.

X X I.

*In eiusdem Parentem carnificem, fulminis igne
absumptum.*

CRudelis genitor debet tibi filia nomen,
Et pudet; hoc tantum Barbara, quod tua sit.
Illam, illam immitti potuisti abicindere ferro,
Quæ potuit rupem reddere Diva piam?
At bene ferali mox fulminis igne peristi,
Cor tibi si scythicas duruit in silices.

X X I I.

Cantatrices Mima, hominum perditio.

ORpheus Eurudicen stupido subtraxit Averno,
Dum chelys Aonium funderet icta melos:
Nunc Erebi ad Manes obscæno ludicra cantu,
Fœmina præcipites non trahit una viros.

X X I I I.

*Tumulus candidissimæ catella sub Augustum mæn.
sem extincta.*

Quæ jacet hic nivibus Mellissa nitentior ipsis,
Alba sub alpino nata catella jugo est.
Fata per æstatem læsere secuta colorem.
Non potuit rabido nix nisi Sole rapi.

XXIV.

In Euclum gracissantem barbarè.

Cecropias vatum veneres in carmine captas,
Indocilis Latix tangere fila lyræ.
Ebrius insanis; nec totum potus Ho-merum,
Cauda hæret numeris, non caput, Eucle, tuis.

XXV.

In Follinum turpissimis amoribus, & laqueo miserum.

Vecors nepotum vappa sordidatorum,
Lustris, rapinis, crapulisque diruptus,
Exulceroso gallicarneus tabo,
Follinus, olidis sulphuratus unguentis.
Centum mephites ructat, & tamen prurit.
At, at scelestum funis extulit morbum:
Per colla sanies fluxit, & statim sancto
Convaluit hausto per malam crucem, ligno.

XXVI.

*Phàèton sculptus in gemma, & currus, & equi,
ex Galeno.*

Qui malè Signiferum præceps Auriga per axem
Debuit Eridanis flammea busta vadis;
Rursus in hac equitans Phàèton Gangetide gemma,
Non timuit fluidum sculptilis arte rogam.
Desinite Heliadum luctus: soror altera fratri
Gemma, genus redimit Solis, & una diem.

XXVII.

De marmorea Veneris statua sub cœnoso fontis arcu.

FOntapi Venerem insculptam sub fornicis arcu,
Turpe pudicitia cernere funus erat.
Nata mari gaudebat aqua saliente renasci,
Eliciens niveo e marmore nuda faces.
Illuvie tandem, muscosoque oblita limo,
Purior est, quò plus fœdior ipsa Venus.

XXVIII.

Ad Maurum iniuriarum impotentem.

Quò ruis obliquo perstrictus scommate? quò te
Ira rapit? brutis moribus adde moram.
Discute Naturam: nimium indignata fatiscit.
Quàm brevis est ætas fulguris? ultra perit.
Iurat in hoc Ratio; potior vindicta ferendo est,
Maure creas hosti gaudia, si doceas.

XXIX.

S. Columba in lupanari ab Vrso defensa.

Fornicis ad sordes feritas obscœna Columbam
Devovet, ut mortem sentiat ante Pudor.
At Fid ei custos fremit Ursus, & unguibus horret,
Ne paveat stygias candida Diva manus.
Signifero potuit Cœlo certare lupanar,
Cum dederit comites Virginis ire feras.

Ad

XXX.

Ad S. Januarium Apotropeum cuius Sanguis effervescit ad capitis occursum.

Dum refluent rosæ, venarum munera, lymphæ,
Et tuus in vitreo subsilil orbe cruor,
Sponte etiam vitam Mors induit ipsa perennem,
Ne subeat vivi sanguinis invidiam.

XXXI.


S. Colmannus e Regibus Anglis oriundus, suspensus ab arbore, floridam reddidit.

Purpureis hiemem quæ floribus induit arbos,
Mortem habuit verni geminis agricolam.
Extulit extinctum Colmannum; atque insita vitæ
Æterni genesis stemmatis alta dedit.
I Furor, Heroas Fidei suspende; rependet
Pœna coronatas pulchrior inferias.

XXXII.

De S. Francisco Affligate stigmatico.

Parce, tuo minor es famulo, Rex maxime Divum.
Non odium, tuus huic stigmata fecit Amor.



X X X I I I.

Opus musæum ex lapillis picturatis.

OMnia miscuimus. pingit sculptrura, supinamque,
 Hinc secat, hinc effert mimæ superficiem.
 Praxiteles abit in Zeuxin, multusque renidet
 Parrhasio Phidias, multus Apelle Myron.
 Dividuis lapidum crustis simul æquora, sylvæ,
 In plano emergunt prælia, castra, Duces.
 Nil adeo rude, nil durum non proficit Arti.
 Si velit, in subitum Prothea saxa migrant.

X X X I V.

*Ad Æmilum, quòd oden de Rosa hiemali
 non miserit.*

AD te negligerem? bis scripsimus Æmile; sed quæ
 Poscis, adhuc curæ sedulioris egent.
 Delicium brumæ, Rosa natà rigentibus Euris,
 Subruber in pluteis semiadaperta meis.
 Distulimus misisse, oculis ut culca legatur.
 Nulla hæc, si critico carpitur ungue, Rosa est.

X X X V.

In Ardalum absurdè divinantem.

Fert somniorum pensilem Ardalus collo
 Quassatque tripodem Fabulinus, & vatem
 Imaginosis augurem crepat gerris.
 Minetur hiemes imminente jam Cælo;

Innubis æther ridet : aureæ lessum,
 Famemque Cereri præcinat, sitim Autumno,
 Annona sælix uberes alit glebas.
 Sic vera mendax loquitur : & suis fidam
 Antiphrasis una pondus asserit nugis.

XXXVI.


S. Agnes in prostibulo magistra pudoris.

TEn' capiant nivibus par Diva recentibus Agnes,
 Quæ redolent mœchas turpia tecta lupas?
 Divinis age fide animis ; ubi sacra Pudori
 Mens nitet, in medio fornice Partheneum est.

XXXVII.

Ad Buphagum factiosa lingua, & sublesta fide.

SI quis in os dicit tibi, Buphage, *Fusce Pharètra*,
 Durius accipis hoc, quàm decet ingenuum.
 An fuscus color offendit ? sed fuscus Amyntas :
 An pharetra ? hanc humeris alifer aptat Amor.
 Cur faciat bilem Calabri breve carmen Horatj,
 Vis dicam ? mores arguit oda tuos.
 Nam parui, pravique animi, quæ blandula cudis,
 Infuscata nigro spicula felle tument.



XXXVIII.

*In obitu amicissimi P. Caroli Florilli, qui peste affectis
inservierat sine damno, & verno tempore
obintisam sepius venam interijt.*

Funereo didici quæ sævior impetat Hydro
Febris, & in celerem serpat anhelæ necem,
Hippocrates si fallat in observata supinos;
Et dubijs altè fluctuet insidijs.
Sic properè te succisum, Florille, dolemus;
Florida dum verno gaudia sole virent.
Imposuit mentita lucem Pleuritis acutam;
Mersaque ter fuso in sanguine vita, fuit.
Transierat rabidæ quem falx innoxia pestis;
Messuit ars medicis sedula lanceolis.

XXXIX.

*De eodem, qui festo S. Januarij die post Kal.
Maias obiit.*

Sanguineo votiva sui quam Cœlitis ostro
Concelebrat Syren Parthenopæa diem.
Gratulor hanc, Florille, tibi illuxisse supremam;
Pignus inoccidux prodroma lucis haber.
Martyris o quantum fert posthuma Purpura vitæ,
Unde metus refugæ mortis, & unde rubor.
Æternà refluit scatebrà, Cœlumque propinat,
Cum liquet in gemino sanguinis unda vitro.
Arueris quanquam Maio, Januarius imber
Te poterit superis inseruisse Rosis.

X L.

*In Burrum modica litteratura, qui supercilio sumpto
eruditionem iactaret.*

MAvult haberi Burrus omnium gnarus,
Non esse; si quid abditum, insolens audit,
Suo notatum memorat in palimpsesto.
Cum fortè librum fingerem haud typis cusum;
Nescire renuens aliquid, improbè mendax,
Decem ante se annos lectitasse juravit.

X L I.

Horologium Solare in Villa.

FIdite ne Socij nimium silvestribus horis:
Has ferit, & volucris demetit umbra stylo.

X L I I.

Aliud.

Ludicra sunt miscenda pijs solatia curis;
Lincolam ducat singula ut hora suam.

X L I I I.

Idem.

Non eadem redit hora, fugax ruit indice ferro.
Quæ sequitur, certam non habet una fidem.

X L I V.

*In publicum Latronem furca multatum, cui nomen,
Centum anni.*

Incidit in furcam, qui vivere Nestoras ausus,
Mendax annoso nomine Sæculum erat.
Pœna nefas ultura, nigro caput obtulit Orco;
Et sua fictitio fracta juventa seni est.
Ut lueret raptum fur centenarius ævum,
Mors bene fatalem substulit ante diem.

X L V.

*xvij. Kal. Septembris, qui dies fater est SS Rocho, &
Hyacintho, a Lotharingio Duce Turcarum profli-
gatus exercitus est.*

Indiget Gallum Deus, Indigetemque Polonum
Iussit in auxilium Cæsaris ire Duces.
Hinc Rochus pestes Arabum, Lernamque rebellem
Compulit ad trepidam morte inhiante fugam.
Hinc pedes immanem demuit qui Vandalon undis,
Danubias Getico sanguine vertit aquas.
Æmula, quamquem absint tela auxiliaria Regum,
Fortunæ Cælum militat Austriacæ.



X L V I.


*Ad Victorialem Leopoldo Cæsari Augustum
Mensem.*

Plaude age Pannonijs felix Auguste triumphis,
Nunc meritum tanti nominis omen habes.
Sydera Sextilem aspectum mutasse Trigono
Vidimus, & fausto signa præisse cyclo.
Ismara fatalem luxit bis Delia noctem,
Nec patitur Soles jam fugitiva tuos.
Nectere laurigeros ne desine Cæsaris annos.
Austrius, o quanta hæc gloria! mensis eris.

X L V I I.

*Ad Eminentiss. Beneventi Prothemysten Cardinalem
Vrsinum libros perlegentem inscriptos, Man-
na animarum.*

Sydereas Cœli lacrymas, & fusile nectar,
Vnde animas vesto Numine pascit amor;
Et genus, & Virtus, & Sacri muricis ostrum.
Dulcia dant votis pensa legenda tuis.
Gusmanis Vrsina sitit Rosa consita claustris,
Non nisi divini lambere roris opes.



X L V I I I.

*In diruendis SS. Martyrum sepulchretis murali pila
traiectus miles.*

ERueret Divum cum cœmeteria miles
Aggeris in vallum, belligerasque moras;
Ænea glans Cinerum vindex exarsit in ictum,
Et male fulmineo pulvere merfus obit.
Parcere si bustis hominum abnuis impie, sacris
Manibus, & Cœlo parcere disce Futor.

X L I X.

S. Apollonia sponte se in flammâ coniecit.

O quis Apolloniæ calor incidit Heroinæ,
Ut fatum, & sexum vinceret ipsa suum?
In medios, mora nulla, libens sese impulit ignes,
Carnificum tumidas ludere prompta minas.
Divinis inhiantem animum, & Cœlestium amantem,
Abripuit festæ pronuba flamma necis.
Friget ad hæc Mutj jam dextera: fortior hausit
Majus ab imbelli Virgine Roma decus.

L.

Explicandis litibus maximè conferunt dona.

APta perorandis lex est MANILIA causis;
Si digitos ungas Iudicis, una satis.
Arbitrijs ubi se dubijs immiscuit aurum,
Ius liquet. O quantum muneris ingenium est!

L I.

*De Pontico in primis avaro, qui cum præcoces ficus pro
Symbola spondisset ad prandium, binos au-
reos expendit, derisusq; parcissimè edit.*

Quæ tibi lanx ficus addixit prima recentes,
Illa fuit cœnæ pes, simul illa caput.
Cætera fastidis obsonia Pontice; nec te
Aureolis captant fercula lauta tuis.
Immo debueras plus indulgere palato:
Empta sapit faties, desipit empta fames.

L I I.

In Oscum absurdissime Sciolum.

Ut nimium sapiat, nimium omnia desipit Oscus.
Ingenij dos est maxima, Sobrieras.

L I I I.

*Se Sancto Simeone Stylita, qui ulcerum vermes in
gemmas vertit.*

Stylitem àeriæ civem miremur Eremi,
Cui facit augustos Pyramis alta larès.
Solem, hyememque ferens, & fulmina, verminat æstu
Ista cutis, stricto verminat ulla gelu.
At fluit in saniem Ganges; & munera Regum,
Memnonijs vermes emicuere genis.
Ingenium vitij est, ipso putrescere fastu:
Virtuti gemmant ulcera, census inest.

L I V.

*In Pappum imperitissime exscribentem libros .
compendij causa .*

Cum neque vix Tiberin. Pappus, vix noverit Arnū,
Et Latio atque Italo scripturit usque stylo.
Deque suo nil est, rapit omnia, & omnia farcit.
Hæc olet & Titium pagina, & hæc Tatium.
Una lucri docet ars, alieno vivere furno.
Mens tota extremis exulat in digitis.

L V.

Mors Corallina.

Purpirat algoso mors hæc quæ dura corallo;
Si tua pallescant crimina, mitis erit.

L V I.

*In Gabbulam sub hispano collari & habitu, latrocinij
vacantem, ad triremes damnatum.*

Hispano strictim nectens dum colla monili
Causidicum exprimeret Gabbula, furem ageret;
Ad remos, ut erat, vultu damnatus eodem,
Furta catenato diluit uda foro.
Laurea Mercurijs sedet hæc, ut complice arctè
Ad scelus aligeros ferrea vitta pedes.

L V I I.


*S. Pegasus M. inter tormenta canebat: Quoniam apud
se est fons Vita.*

Pegasis Aoniam dum plauderet ungula rupem,
Ad Vatum salijte protinus unda sitim.
Fabula prolusit Vero. Vitalia Divum
Elicuit moriens flumina Pegasus.

L V I I I.

*S. Irene V. & M. in Tagi profluentem demersa, Angeli
marmoreum sepulchrum struxere; recedente quo-
tannis fluvio in modum fornicis; ut po-
pulis pateret accessus.*

Mergitur Irene, Superæ chorus aliger Aula
In tumulum famulo flumine sculpsit aquas.
Quin & in obsequium se pensilis extulit arcu,
Ad festam tantæ Virginis unda diem.
Pulvereo patuit pede semita trita precantum,
Dum vitreo Pietas itque reditque vado.
Contra aurum titulo hoc tumeat Tagus: Urna sepultæ
Nascentem potuit vincere Gangis Eon.



L I X.

*S. Charitina Virgo in mare proiecta, saxo ad collum al-
ligato, solutis vinculis, super undas ambulans
evasis.*

C Incinnus Charitum tenax pudoris,
Damnatur Charitina fluctuanti
Undarum barathro; premuntque collum
Ingenti numerosa vincla saxo.
At non ambigno soluta gressu,
Vicit supplicium voraginosum;
Et sicco pede naufragam procellis
Elusit rabiem. Vadum in periclo est;
Est & Virginibus fuga ipsa Portus.

L X.

Thanatosophiam cunctis unice discendam.

D Iscitur heu paucis Mortalibus ars moriendi;
Quæ trahit æternum ars una bonū, una malum.
Incertum nam fallit inevitabile fatum:
Nec reditus, erres si semel, error habet.
Hic sapit, extremam quisquis timet anxius horam.
Atra dies menti, fausta dies animæ est.



L X I.

*Ad Firminum ob charta donum litteras sorbentis,
ac transmittentis.*


Quam mihi misisti bibulam, Firmine, papyrus,
Hydropem scapis occulit ægra suis.
Nec patitur calamum; subitisque adversa lituris
Egerit in nigram singula verba picem.
Ergo nil referam pro munere, nempe caducis
Arrum quid saperet pagina litterulis.

L X I I.

*S. Myrops V. in carcere, canentibus Angelis, Sanctus,
Sanctus, Sanctus, suavissimè obiit.*

Sensim animã dū vincta Myrops sub morte trahebat,
Quà flet horrendo carceris umbra chaos:
Insonuere hilari divina Trisagia cantu,
Unde soporatis sensibus occubuit!
O nimium sælix! hæc * Phonoïatrica Divum est.
Erudiunt pœnis musica fata suis.
Virginibus somnus fatuis si funeris auspex,
Inchoat æternum vivere, si sapiunt.

* Medi-
cina per
musicos
modos.



L X I I I.

Ad Maximum.

*S. Philippus Nerius Aulicos Romæ revocat ab ambitu;
utens bisyllabo: Quid tum?*

Proiectoria regnat ars in Aulis;
Nam Fortuna dolo pecunioso
Captat blanda pedes; opima verbis;
Nunquam rem loquitur: per alta præceps
Imis æquat arenulis colossos;
Sacra hinc Nerius emphasi disertus
Sermonum phaleras perosus omnes.
Veri Suada, medullæ gratiarum,
Binis carmine syllabis, biformes
Delevit fatui strophas Honoris.
Romæ vota facis cliens. Mathesis
An te siderè ducit auspicato?
An census, & imagines Avorum?
An dos mentis, & eruditiones?
Sit factum bene: ad Infulas via hæc est.
Quid tum? culmina summa Vaticani
Ascendes, triplici potens Tiara:
Quid tum? Maxime, jure mortuali
Debebis cinerem putrem sepulchro.
Æquè plebs Tyberina, Præsulesque
Marcent exigua pares in Urna.

L X I V.

*S. Charterius M. totus effluens aquis ignem
extinguit.*

Plaudite iò superi. piceos delectus in ignes,
Charterius toto e corpore fudit aquas.
Funereumque rogam vitalibus obruit undis;
Merfaque nec fumi tædia flamma subit.
Rûpete Rex Erebi. plus te, quàm Tartara, quàm Styx,
Ussit adorato frigidus imbre cinis.

L X V.

*Ad Ginnarum de Archimedis Helico, seu vita
perpetua.*

Consilij Helicen Siculi prætende Magistri;
Ginnare, quæ sine vi vis agit, hæc peragit.

L X V I.

Ad Lesbium ut obstrmet animum in virtute.

Site severæ, Lesbe, cum vacas vitæ,
Suspiciosum ridet otioforum
Pingui cachinno turba, cui pudor nullum
Justitium edaci, feriasque dat ventri;
Ne verte mentem: displicere discinctis.
Compendium est honoris. oderint lucem,
Non altiore nocturæ diem lædunt.
Iniuriam intellecta non timet Virtus:
Ab improbis, cui tuta fama, nesciri.

L X V I I.

*In Artemidorum avarum patrem familias, omnia
conniventem uxori.*

A Nnonæ fallentis habet faciem Artemidorus.
Videris hunc, ipsam videris esuriem.
Accisam queritur segetem, camposque relictos;
Nullam oleis, nullam vitibus esse penum.
Ne properent dentes, dura omnia, & ossa gnatis
Apparat, & Cereris nautica frusta nigræ.
Cruda iterum redeunt, semesaque mespila mensæ;
Et vacuæ lepades, gobiolique putres.
Decoquit, in tunicam si tres expenderit asses;
Sive duos obulos solverit in soleam.
Non tamen uxori gemmas, non denegat aurum;
Crinales tantum quæ male novit acus.
Undè tenax soboli simul est, & largior uni?
Nescio quid vellem dicere, sed taceam.

L X V I I I.

In obitu Clyti invidissimi.

M Ystes invidiæ nigras ad oras
Tandem tandem obiit Clytus, Volonum
Ingens turba sequuta fannionum;
Hirritusque canum, trucesque rictus;
Et pallor, maciesque, fascinique
Tabescente oculo nocentiores:
Nunc luctu miser uritur perenni,
Quòd nullus sibi possit invidere,

L X I X.

*In Galbulam de familia Grandionum, & sui
jactatorem.*

Corporis immanem sortitus Galbula molem;
Quæ posset Pervæ vincere Patagonas;
Mentem Agamemnoniam jactat, torvumque superbis
Penè supercilijs arduus astra ferit.
Desipit, ingenium palmo dimensus inepto;
Plus adamas pretij, quàm juga montis, habet.
Oblonga Vacuum est in arundine, curta Sicanos
Canna medullifero nectare ditat agros.

L X X.

In Pòetas criticè lascivos, ad Roscillum.

Quid rogo, quid factum est? regnant alvearia vespæ;
Præcinat argutis noctua Luscinijs.
Et dolor, & pudor est. pendet sub fornice laurus;
In vitium præceps Orgia Pindus agit.
Carmina si morem inficiant obscæna, leguntur,
Legerit hæc pietas, clamet; aquam manibus.
Culta stylo sapiunt, dices, & Apolline multo:
Ars placet in satyris, Bilbilicique sales.
Non minus argentæ foetent, Roscille, latrinæ;
Fœdaque gemmato in nectare mors bibitur.

L X X I.

*Nero e voluptuaria specula gladiatorum pugnas
smaragdo spectabat.*

IMmane monstrum, sanguine & luto fictum;
Nihil in Nerone non nefarium crimen,
Vel nomen ipsum: rabies in animo gliscens,
Mænades in oculis: dimicantium pugnas,
Saniemque Circi, blandiente gaudebat
Viscere smaragdo. dum virent, Tyrannorum
Gemmæ timentur; pretia cædibus miscent,
Hilaresque faciunt vel cadaverum strages.
Crudelitas se potuit ipsa mirari,
Oculata peior sub Nerone, quàm cæca.

L X X I I.

Tiberius tonante Cælo caput lauro cingebat.

Tempora laurigerà munire Tiberius umbra
Svevit, in aduersum, dum tonat æthra, Jovem.
Nam neque secessus Caprearum, & speluncarum
Fulmineum poterant abstinuisse metum.
At vindex Cælo tangi fortuna timentem
Extulit, & terram nec dedit ad tumulum.
Demersosque Tybri Manes immiscuit undis,
Tandem ubi Biberius desijt esse Mero.

LXXIII.

*Ad Regulam * philantia mancipium.** Sul
amantem.

Q Uod tua, te palpes, & ames, sit fastus amoris;
Quod sine rivali, Régule, stultitia est.

LXXIV.

De Iride rixas excitante inter Physicos.

E Xcussit cerebrum multis hæc quæstio: an unquam
Iris in aspectu tota minetur agris.
Dimidio, censent alij, se cornuat arcu.

Quà minus obliquo nubila Sole nitet.
Perque suos oculos alijs sanctamque Matheſim
Jurant, quod pleno visa sit ipsa cyclo.
Sic acuunt sannas, & acerba * glortyde mussant.
Sic Cynico Cœli gaudia felle pluunt.
Quam dabitis pacem terris o Numina; si lux
Nuncia jam pacti fœderis, arma ciet?

* Lingua
espentat.

LXXV.

In Casserium impostorem Toga candidatum.

E Surijs, dum Scriba foret Casserius olim,
Sordida vix beræ prandia; potus, aquæ.
Sic prensare Togam studuit jejunos, & Aulæ
Imposuit, sicca Stoicus hypocrisi.
Judicis ad fasces en venit, & helluo cœnat.
Ars nova flagitij hæc, ambitiosa famēs?

L X X V I.

*Nero, cuius inventum fuit, aquam decoctam refrigerare,
brevis moriturus, duos calices e crystallo fregit.*

Imperij occasum stolidæ Nero prodigus iræ,
Frustra decoctis illachrymatus aquis.
Bina solo allisit crystallina pocula vindex,
Pocula Phidiaca diu vigilata manu.
At gratum hoc superis: sitias ne Roma Neronem,
Reliquias calicum jam tibi Fata negant.
Vitrea Fortunæ discant hinc dona Tyranni.
Ut bibat, in cyathis frangitur ipsa suis.

L X X V I I.

De Nivatis per æstatem potionibus.

Brumæ delicias voluptuosæ
Augustis gula provocat Kalendis,
Sub Cælo glacies Caniculari
Per cœnacula sumptuosiorum
Lutam fert hiemem, Alpiumque pœnæ
Ningunt gaudia diviti popinæ.
Frigescunt patinæ, calentque fauces.
Convivæ Rhodopen bibunt, eduntque
Mixtam ad pocula rasilis falerni.
Callosumque acunt gelu palatum,
Exor bentque sitim. Sagaxne tantum
Ausa est ganea blandiente luxu,
Ut nix urere posset helluonesæ.

L X X V I I I.

Lacedæmones Templum Morti posuerunt.

QUæ Lacedæmonijs Mors culta est supplice Tēplō,
Saxea mentitæ Mortis imago fuit.
Nā quo quemq; loco perimit Mors vera, sepulchrū est;
Tam sua,quàm tellus tenditur,Ara patet.

L X X I X.

De Cimicum Medicina.

QUām scædum cimicum nomen, dictuq; pudendū
Millia distatę funera pestis olent.
Horror ad excubias somni clam flammæ inertes;
Quas ubi fortuito presseris ungue, doles.
His tamen innocuę mitescunt aspides ictu;
Hausta nec arcana cęde venena tument.
Nil adeo Naturā parit, quod inutile vitæ.
Damnatis etiam in rebus operta salus.

L X X X.

Mons cinereus superiore saculo enatus prope Puteolos.

INter sulphureāni solō Dicærchin,
Bajarumque sinus, silente Luna,
Emersit subito minax hiatus
Mons, noctis soboles, & æstuosi
Excrementum Erebi. nigre bitumen
Glebę parturijt, cinisque molem.
Circum Nereidasque, Naiadasque

190 EPIGRAMMATON

Excussit metus; & propinqua luctu
Hæc tum Parthenope, Satis Vesevi
Ardentem heu! patior rogum furentis.
Quid montes cinerum tumore surgunt?
Vt nostris nova sit querela terris,
Et casu fata defleam sepulchra.

LXXXI.

In Lygdamin fuco oblitam.

Templorum in foribus lustralem attingere lymphā
Vel summo refugit Lygdamis ē digito.
Ne gypsum & stibium, cerussatumque ruborem
Diluat, & pictos gutta caduca dolos.
Jam nullus dubitem, similes Ereboque gemellas,
Sancta quibus metus est unda, putare genas?

LXXXII.

Ad Marcellinum ineptum ad studia litterarum.

Quod faciles musas, & prima elementa Sophiæ
Non capias, tardō patēimur ingenio.
Perfectæ cerebrum tibi, Marcelline, figuræ est.
Nulla vel in puncto tangere plana potest.

LXXXIII.

Ad Lollium unicē a febre metuentem.

Febri fugam medicæ mendicat pyxidis artem
Lollius, & pulsu semimicante tremat.
Prægustatque uno confossos vulnere cævos;

Tri-

Tritaque theriacis cornua potat aquis.
 Plura etiam nectit geminis epithemata carpis;
 Armillasque onerat pulvere vipereo.
 Stultus in hoc; vel naufragium, vel fulminis ignem
 Exoret sibi, qui vult sine febre mori.

L X X X I Y.

In Hermum inexpletè saturum.

PRansus amas mensæ diu lingere, si qua supersunt,
 Conijcio ex vultu quid velis Herme? famem.

L X X X V.

Verona in marmore ad vivum expressi sine arte pisces.

LVdente casu sculptiles duos vidit
 Verona pisces, lapidis e sinu natos,
 Squamis recentes, & micantibus caudis;
 Ut pelagi alumnos Tethys ipsa jurasset.
 Oculis gulosi omnes adeste pransuri:
 Saxatiles hic verè habebitis mullos.

L X X X V I.

Cæcus ocularijs utens specillis.

ULtra Tiresiam cæcus, talpasque sepultas,
 Fert oculis Lycophron incubæ vitra suis.
 Stulta sub hæc simulat collyria mimicus Argum;
 Atque per urbanas itque, reditque vias.
 Quin tabulas laudat pictas, & amœna vireta:
 Præ reliquis sibi res gratior una, color.

Democritum rumpit, saxi ubi mutua reddit
 Officia, & nutu supplice dicit, Ave.
 Sic umbras geminat mendax insania: & ipsis
 Mens etiam vitris exoculata subest.

LXXXVII.


In Pontacum.

VBi gravis hemicranio
 Cephalæa vexat Pontacum;
 Odit Medicorum pyxides,
 Capos ligurit altiles
 Pinguesque cortis pullulos.
 His esculentis plumeis
 Levissimum reddit caput.

LXXXVIII.

In Scribas nummirapios.

Pragmaticis si parva cliens aut publica donet,
 Damnatum censent legibus esse nefas.
 Non ita si tacitum nummaria deferat aurum
 Pagina, clamoso charior una foro.
 Causarum hæc caries, Rectique novissima labe
 Justitiæ violat syngrapha cæca decus.
 Quæ redimit chartis signata pecunia lites,
 Ipsa fidem furtis addit, & ingenium.



In Funere

*Augustissimi Hispaniarum Principis
Balthasaris:*


*Sub Leunculi allegoria laudati, cui illud
Genes. c. 49. aptavimus.*

Catulus Leonis Iuda: Ad prædam Fili-
mi ascendisti; & quiescens
accubuisti, ut Leo.

*Symbolum heroicum
Urna insculptum.*

*Leo semiapertis oculis dormiens,
cum lemmate.*

Cubat, an excubat?



L X X X I X.

Virtus militaris fulgure armata.

Tympanaque, lituosque, tubasque, hilaresq; tonitrus
Lugubris in querulos tibia flecte modos.
Occidit, Austriaci fax occidit una Gradivi,
Nata triumphales una præire dies.
Fulgura quid jactem? cursu magis acta citato
Dispereunt, quò plus fulgura lucis habent.

N

Po-

X C.

Politica cum clavo & Anchora.

Dum mihi Castor eras, Maurū ultra, Indumq; latet
 Victrices libuit praterijſſe vias.
 Nec maria horreſcunt, ſilet aura, ſilentque procellæ.
 Dum cadis heu ! lacrymarum ingruit Oceanus.
 Ne percat, tumuli de pulvere fiſte carinam.
 Anchora non puppes viſa, ſepulta juvat.

X C I.

Magnanimitas, cuius in dextera Cor.

Sunt votis anguſta meis latera ultima mundi,
 Sol numquam Hispanis occidit imperijs.
 Nunc animi cecidere. premit brevis urna meum cor :
 In cinerem noſtri peſtoris aſit amor.
 Immorerer comes ipſa; meam ſed vividus implet
 Magnanimi famam nominis ipſe Dolor.

X C I I.

Securitas columna innixa.

Quam vereor ne lapſa meæ decora alta columnæ
 Ad caſus jaceant, Auſtrie magne, tuos.
 Illa Indis, illa Æmathijs oneranda trophæis
 Invida mors atram in pyramin ire jubet:
 Mors auſis ne fide. meas futura ruinas
 Marmora vel tanti funeris urna dabit.

XCIII.

Sapientia cum Noctua in galea.

AD tumultum vocor, Hesperijs quæ Pallas Athenis
 Florebam Austriaci vertice nata Jovis.
 Flebilis elicerem ad tantos maria omnia luctus,
 Abnueret pelagi ni mea vota Deus.
 O ego Cæcropiæ sprevissem insigne Minervæ!
 Ante diem hæc cecinit funera Noctis avis.

XCIV.

Amplitudo Imperij.

AD dederam Gangemque Tago, & te Gadibus, Oeta,
 Unicus ad famam nec satis Orbis erat.
 Nunc piget antiquæ fortunæ, & nominis ampli,
 Austriaden brevior cum tegat urna meum.
 Ah timuit Mors, nulla videt dum limina Regni,
 Transiliat metas ne quoque vitæ suas.

XCV.

Claritudo Imperij.

Splendor ubi trabes? Regnique? ubi Principis aulae
 Phosphorus? Austriadæ sidus Alexis ubi est?
 Vibrat inexhaustum radijs, Phœboque gemellum
 Inter olympiacos addita flamma globos.
 Ergo umbris umbras juvat addere. prodiga lucis
 Astra sub obscura non nisi nocte nitent.

X C V I.

Stabilitas Imperijs.

Constitant si regna tuo Puer inclyte nutu,
 Debuerant nutu sistere fata tuo.
 Heu malè quàm celeri præceps ruit impetus ævi!
 Heu trabæ Regum quàm leve pondus habent!
 Austriade victura tuam prope firmior urnam,
 In Nioben lacrymis obriguisset velim.

X C V I I.

Religio qua flammæ fert.

Odor! exanimis gelida meus ignis in urna est.
 Unde suos rapiet Romula flammæ dies?
 Flammæ cadat, maiora manent compendia lucis,
 Illa sub hoc niteat dum rediviva rogo.
 Si qua meas arsuræ umquam fax desit ad aras.
 Austriacus se se vertet in astra Cinis.

X C V I I I.

E M B L E M A T A.

Sol Leoni insidens.

Flammivomo radiantem ausu, volucremque Leonem
 Attonito Titan æthere sessor agit.
 Commentum veteris famæ, raperetne Leoni
 Ambigeres, phaleras luminis, an ne daret?
 O puer aurigæ trahat Austrius effeda lucis,

Quan-

Quantus in occiduo rideat orbe dies!
Hunc si tractasses trabeatum Phœbe Leonem,
Quattuor hic unus prænituisset equis.

X C I X.

Achilles extincti Leonis medullis alitur.

Quò teneros alat Æacides terroribus annos,
Nuda Cleonæ pascitur ossa feræ:
Semianimesque minas membrorum, & hiantia mandis
Viscera, bellaci dona cruenta fami.
Carolus, Attriadumque animos, moresque Leonum
Hauit, inexhaustis crescere multus Avis.
Hinc facili dum dulcè ferox micat indole virtus,
Et sibi Pelides, & sibi Nestor erat.

C.

Agamemnonis scutum, in quo Leonis caput.

Qui munire potest fictis rugitibus Ægin
Horridior torvæ Gorgonis ore Leo;
Per volucres telorum ignes Agamemnona texit,
Graia ubi Pergameo prælia Marte tonant.
Maius at Austriadæ Maestas viva Leonis
Tegmen erat regnis, Hesperis aula, tuis.
Obvia Maurigenum Libycos simul iret in arcus,
Hæc simul impleret fulminis una vices.

C I.

Leo in cervum irruens ante victoris Cæs. statuam.

Phidiaco, viden? hæc hospes fudata labori
 Signa? triumphantis Cæsaris instat habent.
 Actiacis illum exuvijs, palmisque comantem
 Irruere in cervos sic voluisse ferunt.
 Carole vixisses, irent tua præda Triones,
 Victa catenatis Solibus iret Eos.
 Non tibi Cervorum, sed sanguineo ebria bello
 Cornua Threycij fideris icta forent.

C I I.

Leones, qui Samaritas cadant.

Pœna comes scelerū est, en transfuga Numinis horret
 Samaris ad rabidas gens male nata neces.
 Præcipiti vindex fremit impete turba Leonum,
 Unguibus hos petit, hos effera dente vorat.
 Parceret Invidiæ mors, agmina Martis Avernī
 Regius Austriaco sterneret ungue Leo.
 Ipsa etiam caderet tæcundi funeris hæres,
 Quæ furit in Latiam Bistonis Hydra Lupam.

C I I I.

Ovis qua Leonem lactat recens natum.

Quæ nova ludentis Naturæ monstra? Leonem
 Villosa genitrix ubere pascit Ovis,
 Immanesque pati rictus, natumque iubat

Ausa

Aufa, vel Oleniæ provocat astra Capræ.
 Blandior ingenio, vultuque Leunculus arsit
 Austrius, altrices par habuisse Deas.
 Maior in hoc Charitum lusus, nam dives honorum,
 Velleris hic aurei quot peperisset Oves?

C I V.

Cybeles currus Leonibus vectus.

Quadrijugos ubi picta ciet sub fræna Leones
 Impositis Cybele turribus alta comas;
 Antra sonant ululata, jugo fremit Ida supino;
 Infanosque iterant Enthea sinistra modos.
 Quale tibi decus, o Pietas, dum Regius Infans
 Subderet ad currus Austria colla tuos?
 Impatiens astrorum, albet quæ semita Cœlo,
 Lapfa tuis voluit subsiluisse rotis.

C V.

Nilus exundans sub Leonis signo.

Indomitis rugit dum Solibus igneus æther,
 Ocyor æstivos dum pavet umbra dies.
 Aggreditur ripas, & rura per obvia Nilus
 Fert hyemes, rapidis fervere major aquis.
 O tumeas Sebethe, & Partheneis lacrymarum
 Fluctibus extremum vince vel Oceanum.
 Regnorum seges his constet, si Regia vibrat
 Austriades Superis additus astra Leo.

C V I.


Hillus Herculis filius, Leo appellatus,

Amphitryoniadæ soboles non degener Hillus,
 Qui Nemeæa novo terruit antra metu.
 Insignes meruit titulos, famamque Leonis,
 Fervidus indomitum vincere laude Patrem.
 Par genus Austriade tibi, par & fama; Philippis
 Si potis Alcides æmulus ire tuis.
 Plurimus his ultra Thulen se se explicat Orbis;
 Hesperijs Orbem clauferat ille plagis.

C V I I.

Pompei simulacrum cum Leone pugnantis.

Cerne laborato spirantem in marmore Magnum,
 Quem petit arrepto fatifer ore Leo.
 Principis ad mentem, generosæ hæc symbola dextræ,
 Doctus adulanti finxerat arte Myron.
 Talis & Austriades Infans ante ora Philipporum
 Arduus, Hispani spem secat Imperij.
 Hic Numidis rapere arma, Indis rapere arma pharetris
 Visus, & in Reges eminuisse metu.



CVIII.

Timor sub figura Leonis , ex Pausania.

Prodigium formæ ! Timor induit ora Leonum,
 Quæ Lacedæmonio perstrepat aula foro.
 Devotasque nocentum animas citat Arbiter æqui,
 Exanimis præceps promere fata Reis.
 Quantam Erebo cladem Leo voverat Austrius? & quæ
 Funera, quæ Mauris busta cremanda rogis?
 Palluerat scelus omne . rebellis lubrica Belgæ
 Penè sub hoc dederat Principe terga Fides.





EPIGRAMMATON

LIBER VI.

I.

Ob expugnata Buda Victoriā omnibus gaudendum est.

INsanite hilares in mutua gaudia Musæ,
 Mox famulum, Cælo teste, biberis Hebrum.
 Vicinus indomitæ vi ferrea mœnia Budæ,
 Mœnia flammivomum fundere visa Chaos.
 Regalem, Græcamque Albam si vincimus, actum est;
 Asseret Auroram Cæsaris una dies.

II.

Ad Augustissimum Leopoldum Cæsarem ob partam Buda Victoriā IV. Nonas Septemb.

HÆc superis, hæc bella placent, quæ vindicæ Cælo
 Libertatem Aris asservuere pijs.
 Odrysiumque Erebum ferro populantur, & igni,
 Nequa Quirinalem terreat umbra Fidem.
 Victor io Leopolde, potes sub Virginis astro
 Hungara jam Dominæ subdere regna suæ.

Idem

III.

*Idem Argumentum.**September Vulcano olim sacer.*

Septembrem, cui cura fuit defendere mensem,
 Multiber hunc vovit Cæsaris auspicijs.
 Clauda iterum sibi præcipiti ne fata timeret,
 Cæpit & Austriaco cudere tela Jovi.

IV.

*Constans per multos menses serenitas in Buda
 obsidione.*

Quattuor in menses Cælum aruisse serenum;
 Et semel innocua nube pluisse Jovem,
 Indulsit superum Genius, nimborum triumphis
 Tempora ne facerent invidiosa moram,
 Thracum Luna oculo spectavit calibe clades,
 Candida vel fuso in sanguine. prodigium!

V.

Bis ex vano nunciatum; Budam esse captam.

Nuncia bis faciles animos nos Fama fefellit;
 Captaque bis mendax fabula, Buda fuit.
 Irrita festivis animantur testa favillis,
 Irrita campanis turribus æra sonant.
 At dolus in lucrum cessit; plus gaudia ridens,
 Quæ spes sollicito parturit emptæ metu.

V I.

Ad CAROLVM Lotharingia Ducem.

S Vnme Ducum ceptis ultra majoribus aude.
 O quantum augusto in pectore Numen habes?
 Threiciæ pete spem Mundi, Solymemque Tyranno,
 Hæc Generi par est laurea, solve jugo.
 Ni Bizantinæ subeant ad templa Sophiæ,
 Parta tot auspiciis prælia non sapient.

V I I.

Ad Eundem.

P Arva putes Budæ jam diruta Regna Sicambæ:
 Non satis ad laudes Pannonis ora tuas.
 Res in vota fluunt. Sic Austria Cæsaris Ales
 Plus tibi, quam Galli subtulit Aula, dabit.

V I I I.

Ad eundem sæculo majorem suo.

I Nferius Te nomen habent, quos Punica tellus
 Extimuit belli fulmina, Scipiadæ.
 Nec memorat Magnum Pellæi fama laboris;
 Nam pudet, haud Palmis scilicet æqua tuis.
 Multiplicem aggressus Budæ insuperabilis Hydram.
 Dux ades Imperio, miles & ipse manu.
 Herculeæ tantum dextræ, cum viceris omnes,
 Da veniam, si te dicimus ire parem.

IX.

Ad Eundem . de Buda capta.

O Rpheus è saxo riguos sudavit in imbres,
 Cū Macedum in Persam Rex ciet arma Thetini.
 In Thraces dum bella tonas, non Orpheus unus,
 Carole, Threicio sanguine regna fluent.

X.

*Ad utriusque Bavaria Ducem, recentem a nuptijs, in
 Buda obsidione pugnantem.*

A Vdax res Amor est, densisque uxorius armis,
 Nulla caver Campi fulgura, nulla timer.
 Mira loquor; Bavarum per summa pericula Martem,
 Vix thalami expertum gaudia duxit Amor.
 Insiluit Pæan animis, tædæque iugales
 Maluit ignitis posthabuisse globis.
 Debeat hinc uni meritos Lucina triumphos;
 Vni rivalis gloria semper eat?

XI.

Ad Eundem Archidapiferum S. R. Imperij.

M Agne propinasti Dapifer si Cæsaris Urbem;
 Altera si ponas pocula, Regna biber.

X I I.

*De Tesserarjjs Rhombis caruleis, & candidis Bavara
Domus.*

Bo iugenum si nexa nitent insignia Rhombis,
Quin timeas Regnis Ismara Luna tuis?

X I I I.

De Eiusdem Nomine.

Maxima quod moliris, habes hoc Maxmiliani:
Quod tecum Deus est, Emmanuelis habes.

X I V.

*Ad Lotharingium, & Bavarum Duces, ob Buda
victoriam immortales.*

Postera Septembres signat quæ fausta kalendas,
Bistoniis cecinit fata suprema dies.
Paraliquid non ulla olim conabitur ætas.
Vista triumphali milite Buda ruit.
Bòius hinc luctantem arcem, Lotharingius Heros
Cominus hostiles contudit inde minas.
Othomanum quod nūquam armis furor omnibus ausit,
Magna fides, geminos hoc potuisse Duces.

X V.

Ad Eosdem.

I Te Duces, quò fata vocant, atque ardua Virtus.
Vel parvam renūunt publica vota moram.

Austria iam vestris fiducia nititur hastis.

Exigit & vestras iam pia Roma manus.

Victrices Aquilas in Eoum mittite Mundum.

Abluat infantem Tybridis unda diem;

Audendum est: quæ nam vobis non maxima Cælum

Annuat, Indigetes si numeratis Avos?

X V I.

De iisdem

Inter cuniculares flammaram eruptiones intrepidis.

Flammato quâ Buda solo vomit abdita Phlegmam,
Atque Erebo stragem subsiliente sonat;

Ultrò instant operis, indignanturque timorem,

Audaci hinc Lotharus, Boicus inde manu.

Ambigimus cum tela inter flammæque triumphent,

Utrum plus habeant Herculis, an ne Jovis?



XVII.

Ad Lotharingium Ducem Casariani exercitus, & Morosinum Venetum Ducem & Militia supremum Architalassum ob insignem Victoriam Buda, & Nauplia.

Sipomum, & vellus Getico vi rapta Draconi
Buda dolet terrâ, Nauplia victa mari;
Alter & Alcides nobis erit, alter Jason!
Et nova mox Cœlo sidera uterque dabit.

XVIII.

Ad Morosinum Victorialem Heroem.

OThomanem poteris totum iam vincere Xersem,
Si Veneto pugnant milite Thermopylæ.

XIX.

Ad Venetias de expugnata Nauplia ob aquarum inopiam.

NAta mari, desponsa mari, vallaribus undis
Jamdudum victrix Adria iure tumes.
Nunc maior patriis accedat gloria fastis;
Nam tibi defectis Nauplia cessit aquis.

X X.

Arcadia Venetis Armis subiecta.

Reddiderint Venetis cum puppibus Arcades Arcton,
 Sospita felici fidere Classis erit.
 Nobiliore licet Trabea nunc ire Senatum,
 Et pedibus Lunam supposuisse suis.

X X I.

*Venetia alloquuntur Morosinum ob victoriarum cele-
 ritatem praestantissimum.*

Roma suum fileat Fabium: mihi restituis rem,
 Sed sine pugnaci Dux Morosine mora.
 Nil mirum, famulis si victa Pelasgia fatis,
 In Mori folium didita, praeda tua est.

X X I I.

De Buda Victoria.

Quae fuerat diu Lunae indeclinabile Cornu,
 Jam patitur casus Buda subacta suos.

X X I I I.

*Fabricius Romanorum coquinarius Polemarchus, Pyrrhi
 Regis munera despectui habet.*

Ardua Fabricij virtus exterruit hostem,
 Sprevit ubi Pyrrhi foedera, sprevit opes.

210 EPIGRAMMATON

Sedulus ad foculum vicit, meruitque timeri
 Dum manibus rapum scinderet ipse suis.
 Outinam Odrysijs Epulum qui funebre regnis
 Accelerent, Superi hos dent tibi Roma coquos.

XXIV.

*Pindarus Parcas λευκόσολας dixit ex Clem.
 Alexan. l. V. Strom.*

INDUIT immites cur synthesis alba Sorores,
 Quæ cita nent vitæ stamina, neta secant?
 Aptior ornaret vel penula concolor umbræ,
 Vel ferrugineo nexilis ære chlamys.
 At benè habet: miseri tot funera vivimus ævi,
 Possit ut in votum transilijſſe, mori.

XXV.

*De Caio Fimbria Oratore turbulento & prapostero, qui
 maximis clamoribus utebatur.*

CAIUS fulminea cum Fimbria voce tonaret,
 Et vomeret rauco Thyadas ingenio;
 Inter Causidicos ad Rœmula Rostra disertos,
 Infano stupuit Tullius esse locum,
 Mens Oratorem facit, & lex æqua Decorì.
 Blanda sonat Suadæ vox, ubi Lex loquitur.
 Lentus alit segetem, tacitè si decidat imber;
 Si violentus, agros perdit, & agricolas.

XXVI.

*Ad Federicum Meninum Jatrophyficum & Pòetam re-
condita Eruditionis.*

Iussit Alexander ditissima Persidis Aulae
Mæonij tegerent scrinia Vatis Epos.
Ipsum cor Charitum, meritæque tuba aurea Famæ,
Ut tua diù servant carmina, signat Honor.

XXVII.

Ad Lausum, Lana Pinnule donum.

Pileolum dedimus Pinnali textile lana,
Quo tegeres brumæ tempore, Lanse, caput.
Calceolos etiam dabimus, nisi forte reposcas
Debilior stomacho, Lause, maris Soleas.

XXVIII.

De Sossilo malignè suspicioso.

Quidquid per nebulam obliquè, rimamque ructur
Stultividus, nigro Sossilus ungue notat.
Arguet immersum Bromio, si pharmanon hauris.
Tanta oculos vitiat sordida lema suos.
Vivere juravit nostris in sedibus Orcum,
Quòd picta Lemures viderit in tabula.

X X I X.

Liberalitate non effusè utendum.

ARs est , munifici modus Decori,
 Non præceps Genius Potentiorum!
 Ne larga nimium manu profundat
 Ultrò divitias ; simulque totum
 Censum exhauriat , Aulicis fluentem
 Acclamantibus impetum Dynastæ.
 Immanemque pecuniam , aureosque
 Fortunæ vomitus , in Histrionum,
 Scurrarumque sitim , tumultuoso
 Æstu gloriolæ in diem det unum.
 Lascivis male vitibus superstes
 Incumbit macies , & hausta facem
 Multis Dolia fistulis propinant.
 Qui rem prodigit , hic sibi jocatur
 Lautæ Prodromus esuritionis.

X X X.

Qua optima Principum Administra.

ET Solij comites voluit, Rectique sequestras,
 Hinc Themis, hinc Legum Juppiter Eunomiam.
 Non aliter Regnis Pax, & Fortuna perennat:
 Horrea sic Populo, sic calet Ara Deo.
 Publica res votum hoc felix appendat Hygiæ;
 Ne latera ægra sui Principis indoleant.

XXXI.

De aurea Callimachi Lucerna.

C Allimachi ex auro lychnum, sacrumque Minervæ
 Garrula divinum prædicat Hellas opus.
 Quippe oleum numquam nisi lapso absumeret anno,
 Uberinexhausti luminis ingenio.
 Nunc quoque hætilibus brevis est annona lucernis;
 Nunc quoque lux, si plus aurea, plus vigilat.

XXXII.

Rosa Passionalis, vulgò Granadilla.

F Uneream passi scenam qui pingit Amoris,
 Mexicus o quantum Flos pietatis habet !
 Vincla virent, dumique, atque aspera lora Columnæ;
 Ipsa virent fixis vulnera claviculis,
 Ah pudet: Ausonij's Tulipæ dominantur in hortis,
 Discolor hibernis aut Anemona comis.
 Una memor Solymùm, & vitalibus ectypa pennis
 Chloris amans, sibi vel barbara, Numen alit.

XXXIII.

Extrema senectutis incommoda.

Q uam verè Antiphanes gravem senectam
 Aram censuit omnium malorum !
 Vitæ intermorientis obsoleti
 Tabescunt animi, vigorque mentis;
 Et crudæ macies haruspicinæ

Mystes , assiduo litat dolori.
 Adde insomnia , sensuumque cædes.
 Lippos nox oculos premit diutna;
 Et surdo mala pituita visco
 Aures obstruit , & putres placentas
 suspendit gelido caduca naso.
 Quid narrem oris edentuli salivam?
 Cum nec mandere , nec vorare possit,
 Quin arctæ timeat gulæ Synanchen.
 Tussim prætereo molestiorem;
 Et testudineos pavens ad ictus
 Nudum Calvitium ; artuumque nervos
 Dissutis propè fibulis tremantes.
 Squalent & species scientiarum,
 Quas morso vigil ungue tot per annos
 Certatim labor hausit ad lucernam.
 At mirum simul , absortumque dictu,
 Hæc ætatula moribus piandis,
 Curandæque animæ aptior videtur.
 O præpostera vota ! flos juventæ
 Obscænis teritur sacer popinis,
 Virtuti silicernium paramus.
 Nec lapsam pudet inchoare vitam,
 Dum vix semihomini vacat perire.

X X X I V.

In Mustium fastuosè insolentem.

Cui rus obiectes, patremque, socrumque Menalcæ,
 Et sparto insutas caligas , olidumque cucullum ,
 Mustius, ex fatuo se ridicularius usu
 Hinc circumspicit , inde superciliumque supinat.
 Incessu crispante , gradum simul urget, & hæret;

Appia

Appia nec capit inflatum, Regina viarum.
Mente etiam tumet; & glébis módo natus Jason
Sciscit jura foro, raucæ μεγαλέμπορ^Ω Aulæ.
Unde tumor, dicam. Microscopio utitur, in quo
Et sua, seque videt galeato in tubere fungum.

X X X V.


De Brassica florida.

Transijt ad Procerum lauras quoq; Brassica cœnas,
Floreæ cyrratis brassica protoromis.
Hem! ne pauperibus viles nascantur & herbæ,
Nobile jam pretio ganea fecit olus.

X X X V I.

Ad Charinum militandi avidum.

Sim quamquam Empyricæ rudis palestræ,
Nec fumariolis nigrescam, & ollis;
Cum te gloriæ amor periculosam
Ad belli vocet aleam, docebo,
Possis unde, Charine, martiales
Præstò educere spiritus: ab auro.



XXXVII.

Ex Astrologorum placitis, monitum Pudicitie.

Cum Venus accedit nascentem proxima Cancrū,
 Eliquat in pluvias nubila signa minas.
 Innuba spiciferæ signum si Virginis intrat,
 Lenè serenatum ventilat aura Jovem.
 Credimus Astrologis; nec opus rimante Dioptra.
 Quæ lasciva, putrent; quæque pudica, nitent.

XXXVIII.

De Sextilo ineptissimè ridibundo.

Seria cum loquimur, cum vel mœstissima, ridet
 Sextilus, insulsi Scimia Democriti.
 Si poscas aliquid, risu respondet opimo:
 Si moneas, albis dentibus hinnit idem.
 Sæpe jubet Socios tremulis salvere cachinnis,
 Et putat hos lepidis moribus esse sales.
 Ingenium, ni fallor, habet Diaphragmate septum;
 Et fluit e cerebro splenica vena suo.
 Quamquam ægris leviora creet deliria risus,
 At sanis, mentis funera risus olet.

XXXIX.

In Rullium ex opulento Cive mendicum Nobilem.

EX quo Nobilium locuples conscriptus in albo est
 Rullius, exhausta cæpit egere penu.
 Dives privato jam vixerat ubere censu;

Nunc

Nunc miser in fastu paupere friget Eques,
 Quàm vercor ne non titulo tabescat inertī,
 Prudens Scianum nī citō vendat Equum,

X L.

Carolus V. Imperium abdicat.

Clarior abiecta Sol hic Retrogradus Aula.
 Respuere Imperium plus est, meruisse minus.

X L I.

Vlysses Polyphemum interfecit monoculum.

Fulmineum solers ferijt Polyphemon Ulysses:
 Consilij feritas indiga, victa dolo est.
 Bina juvant, Vis, & Ratio nam luminat: grandem
 Frustra oculum pugnax prætulit, unus erat.

X L I I.

*De Vanda Polonia Regina, qua se in Vistulam
 flumen demersit.*

TAm mala præcipitē potuit mens vertete Vandam;
 Ut felix etiam mergeret Imperium.
 Usque adeò miserum est, nil amplius esse quod optes
 Fortunæ arbitrio; plurima, quæ timeas.

X L I I I.

De eadem.

CLælia cede minor. patuit tibi turpè timenti
 Servitium; ad tacitam Tybridis unda fugam.
 Vanda potens populorum, Aquilisque evecta Polonis,
 In sua flumineo funere fata ruit.
 Hic virtutis apex: ne perderet innuba Regnum,
 Incolumem casto velle perire thoro.

X. L I V.

De eadem.

Vanda quod in rapidum præceps sese impulit amnè,
 Non furor, at Regni funera luasit Amor.
 Audiat immiti quamquam temeraria voto;
 Magnæ plenam animæ sæcula nulla negent.

X L V.

In illud cap. 13. Iudith & percussit bis in caput eius.

Non semel illudum Bethulidis ira puellæ,
 Sed bis inflicto messuit ense caput.
 Alter sævitiam eluit ictus, & alter amorem;
 Debuit in geminum vulnere bina nefas.
 Cui scelerum cervix Holophernia turget, in unum
 Non satis est feriat si Metanoea diem.

XLVI.

Amitum mones de prono oculorum lapsu.

NI cautè obvertas oculos, invitus amabis:
Bruta animæ pars hæc nescit, ὁρᾶν, & ἰσθᾶν.

XLVII.

*Ad Federicam Meninum Medica, & Pòetica Artis
scientissimum.*

SI quis fortè tuos latret libellos
Ingratissimus, invidissimusque est,
Federice, nitent utroque Phæbo.
Seu ludens Veneres, Cupidinesque
Blandi per juga culta Pausylipi
Ad myrtum allicis integrè pudicam;
Seu Pindi nemus, invixque Cyrrhæ
Carpis Pæonio vireta plectro.
Naturæ solium vel imperantis
Monstruosam genesim, trucesque morbos;
Vel miracula mima fabularum,
Aggressus lyricen, metro alligasti
Quæ numquam chelys aufa doctiorum.
Succis te Charitum novis, suoque
Implet Pallas anhelitu canentem.
Hanc cum luseris aleam, triumph
Jus, io! tibi Fama debet uni.

X L V I I I.

Ad Eumolphum, quem Advocatum in litibus velit.

L Inguà eruditum, industrium,
 Memorique mente strenuum.
 Ad undecim usque clepsydrat,
 Eumolphe, Principem fori
 Censes Patronum: falleris.
 Ille optimos supra mihi est,
 Qui causam agat, nec exigit.

X L I X.

Ad Philomelum.

Innatum cuiquam in renibus ex pituita vitrea margaritum. ex Rondelet. de Testac. c 35.

Portentum. Natura inopem molitur Erythram;
 Ex quo hominem vitiat ditior, ægra magis.
 Densa ubi nam gelido concrevit arenula tabo,
 Vitreus & renes lancinat humor acu;
 Versilis in gemmam riguit pituita nivalem,
 Qualis in Eoo carpitur uda mari.
 Hoc pretium ne malis? albo, Philomele, lapillo
 Mors quoque fatales signat avara dies.



L.

Bisextilem Annum 1688. Neapoli fatalem ob Terramotum queritur.

A Nni intemperiem dolemus omnes,
 Siccam passi hyemem, rigente bruma,
 Ver Austris tumidum, imbribusque mersum.
 Æstatem Medici febriculosam,
 Et nigram tunicam minantur ægris.
 Heu quantis premimur malis! hiantes
 Nam spectavimus in sepulchra terras,
 Mortemque ante pedes: ubique luctus,
 Et terror. nihil est in urbe tutum.
 Rimis saxa crepant revulsa, & Aræ
 Fecerunt vitium; piacularem
 Ulciscente Deo fidem, & profusam
 Sentinam scelerum. Pudet fateri;
 Inter præcipites adhuc ruinas
 Lascivire vacat: procax in ipsis
 Fatorum Venus excubat lacunis.
 Ut mos est pueris per angiportus
 Ictis ad numerum ossibus joculari.
 Væ, væ Parthenope tibi, tuisque.
 Pœnæ immane genus, miserrimumque est,
 Peccare admonitam, imminente & Orco.



L I.

*Baldus Jurisconsultus, in labro morsus a catella, quam
in delitijs habebat, quartum post mensem in ra-
biem actus, obiit.*

Iurisconsultæ celeberrima gloria Sectæ
Baldus, & in gemino maxima fama foro,
Suaviolis mulcet tepidis dum forte Catellam,
Sensitque tenero dente latere necem.
Latravitque diu rabido lymphaticus æstu
Delicium ipse suum, supplicium ipse suum.
Quis vocet in jus Fortunam? monet illa peritos,
Abstineant brutis oscula, ne pereant,

L I I.

*Ad Moschum semper secretò insusurrantem
ad aures.*

SEcubitum quæris, si quid mihi Mosche susurras,
Reris & hoc fidæ pignus amicitiae.
O utinam muscas semel experiaris amicas;
Ut tandem surdis auribus invideas.



L I I I.

*Aurifex Memphis, pulicem aurea illigavit catenula,
laute muneratus a Populo. Leontius de Reb.
Aphric. c. 8.*

Asfurge tandem Nile: non Bovem Memphis,
Sed efferatum, sanguinis avidum monstrum
Devinxit auro nexili catenatum.
Horresco referens: vincla Pulicem torquent.
Auxere Populi munerario censu
Victoris artem, vos Lares Togatorum
Spectaculum hoc non invidetis Ægypto.
Minutiores Plebis infimæ lixas
Aut capite crux, aut fustuario plectit.
Quæ nassa furacem angit ulla Pistricen?
Aurata Legum lina vinciunt Scombros.

L I V.

*In Hispaniola vix unum peponem ferre quis potest, ex
Oveto Sum. Ind. c. 81.*

Nil Hispaniolæ pepones admirot obesos.
Turget enim insulis typhos in ingenijs.

L V.

In Cestinum liguritorem, & inexplata gula.

Pransus adhuc inhias epulis Cestine secundis,
Et pudor est, saturæ prodere vota gulæ.
Ocyus hæc mussas mittenda, & laudibus efferis;

Et

Et fuerant cœnæ dignius illa caput.
 Lingere amas digito sparsos in fercula flores.
 Ureris. O age dic fortiter, esurio.

L V I.

In Impostorem Gorbylum.

PLurima promittis, vultuque in verba diserto,
 Secus ais mendax Gorbyle, secus agis.
 Eximium morum mangonem, aut sphynge vocarem,
 Sed quis ad ambages Oëdipus ille tuas?
 Ludebant, cum natus es, unco hinc Scorpius astro;
 Cancer & obliquis inde fugax radijs.
 Si jurato aliquid tibi fas est credere, jura
 Vivere te vivam Gorbyle decipulam.

L V I I.

Quo die capta a Venetis Athena, Templum, quod superat Palladis,, conflagravit.

EFfera saxificæ quæ vicerat ora Medusæ,
 Saxea pulvereo fulmine Pallas obit.
 Quæque tridentiferum Neptunum elusit oliva,
 Materiem flammis præbuit ipsa suis.
 At felix iterum doctis nascetur Athenis,
 Si Venetis reddant Gnoſſia regna Jovem.

LVIII.

Ad Philotimum pendente diu lite anxium.

UT tua bisdecimos anceps Philotime per annos
 Lis labyrinthæis enatet acta vadis,
 Non Thesei filo sese alliget anchora: circum
 Nauticus aurato e vellere funis eat.

LIX.

Ad Amillum, ut sua carmina corrigan.

Tantum exscripta, nec expolita torno
 Hæc præludia mittimus; severas
 Multis fige notas Amille mendis,
 Si vel disticha longa, vel Decembri
 Frigescunt male siderata vultu.
 Fastidis operam, otiumque nostras
 In nugas terere abnuis? valete
 Ergo Pierides, valete: lessum
 Supremum recinam: metus, pudorque est.
 Cordylis, tunicamque, scriniumque,
 Et tentoriolum parare blattis.

LX.

*Asparagum crevisse in crassitiem, & longitudinem
 Indica canna. Strabo lib. 17.*

AGricolæ in vepribus quidni jam gaudia quærant?
 Asparagus Brasilis certat arundinibus.
 Obduremus ad hæc miracula rustica Terræ;

Si decus hirsutis dat mora longa rubis.
 Altius excrefcit Virtus obnoxia duris;
 Major & in sterili gloria sæpe loco est.

L X I.

Ad Gallicum.

De Neotericis

qui litteris nihil sanantibus vacant.

Ingenij labes paulatim irrepsit acutis,
 Ethica Partheniæ spernere sensa Lyra.
 Ad pueros mittunt levioris poma salivæ,
 Quæ pia ter magno Biblia Sole nitent.
 Evoluunt arcana Arabum, magicamque mathesin,
 Fœda vel Idaliæ carmina nequitia.
 Chartesium, Boylemque, & olentes sulphura libros,
 Si tumeant atomis vermiculata, legunt.
 Quin Molinæ lambunt omenta popinæ;
 Fartaque Calvinis ventribus esca, mel est.
 Cumque scholæ potius, quàm vitæ discere certent,
 Multa sciunt, fateor Gallice, nil sapiunt.

L X I I.

Sub imagine Judæ Iscariotis.

Cuncta vorax lupus hic, Agni post liba dapalis,
 Vel Pastorem ipsum proditor esuriit.

L X I I I.

De sacrilega multorum in Templis irreverentia.

Cum Mystræ faciunt, & Numinis Hostia Magni
 Ipsa etiam Superum vota, oculosque rapit;
 Sunt qui nec caput inclinent, fixique superbo
 Vix tumida obliquent colla supercilio.
 Ad Veneris tantum se pulvinaria flectunt,
 His brutam quis non juret inesse fidem?
 At scelus invisum hoc pecudi Præsepia clamant.
 Relligio docuit prona Bovem, atque Asinum.

L X I V.

In Cæcum & maledicum conviciatorem.

Quamquam oculis captus, linguæ non desinis, esto
 Mille tumens Momis, dummodo nil videas.

L X V.

*Ad Varum de Nevolo Ludimagistro, qui
 Φιλοτάριχος non nisi salitas epulas
 appeteret.*

Siccam innasci animam sapientibus Heraclitus
 Censuit, & crassum pinguibus ingenium.
 Nevolus hinc doctæ quærens compendia Famæ,
 Siccantem obsonat sedulus usque salem.
 Exterebat digitis ad fercula quæque salinum:
 Nec satis ad gustus una Salina suos.

Poma salit, quamvis acido pollentia succo;
 Omphacinas uvas, mespila, sorba salit,
 Sectaque rancidulis etiam salit ilia thynnus;
 Et pulpam veteri de petasone salit.
 Lautior in Neptuno, non in Apolline cœnat:
 Sic alijs falsus, sic sibi falsus homo est.
 Desipit at Salacon: Salomon si forte videtur,
 Ex facili dabimus, Vare, sed in patinis.

L X V I.

*Zeuxis, dum deformem vetulam a se graphicè depi-
 ctam miratur, effusissimo risu obiit.*

P Inxerat ad vivum ingenti conamine Zeuxis
 Canitiem Vetulæ, deciduasque genas.
 Stillabant oculi tabem, frons hispida rugis;
 Centum Hecubis vultu par erat una suo.
 Splen crepuit, dum ridet opus, turgente cachinno;
 Effususque abiit spiritus in tabulam.
 Nunc alijs patet Ars fati; cùm Taidas ornat
 Nuda coloratas, enecat Artificem.

L X V I I.

*De minuto ornamentorum Choragio, quod Hispani
 Escaparates, Itali Carabattole vocant.*


Illudit quæ lena oculos angusta supellex,
 Induat ut nullis usibus apta lares?
 Ne sua fœmineo desint compendia Mundo,
 Hoc Procerum jactat stulta Mathesis opus?
 Arte laboratas tenui sub pegmate gazas,
 Quò magis alliciant, Adria vitra tegunt.

Inspicere est argutiolas tornatilis auri:
 Tuberaque, & glandes, Perua gleba, tuas.
 Germinat insertis & villula culta smaragdis:
 In tulipæ cinnos mimula Chloris hiat.
 Quàm varias simulant segmenta corallina nugas?
 Alveolos, abacos, fercula, cultra, scyphos.
 Quidquid & in torno ars Myrmecidis audet eburno;
 Quidquid in exiguis Belgica lima typis.
 Enceladum nam sæpè adamas angustat in artus.
 Ignea sæpe crepat gemma Vesuviolum.
 Nautæque, aurigæque (mora est si singula harrem)
 Succina dant currum; murrhina sculpta ratem.
 Census in hos Genij struices impenditur; & quæ
 Ludrica sunt pueris gaudia, fastus emit.
 Te pudeat tandem Natura, quod æmula certet
 Luxuries etiam tota vel in minimis.

LXVIII.

De nimio nivium abusu.

Nimbifonas Boreæ lacrymas, brumamq; decēbrem
 Mancipat æstivis ganea delitijs.
 Excipiunt depressa hyemes hypogæa rigentes;
 Et tegit infossam sessilis umbra nivem.
 Nulla gulæ venia est; uni si debeat Orco,
 Candida quæ Cæli ex ubere dona pluunt.



L X I X.

*Otho pane madido solitus faciem oblinere, ne bar-
bas umquam esset.*

L Evis ut imberbes Princeps Otho transigat annos,
Nititur humenti tergere fruge genas;
Et ne glabra pilis ori seges horreat hirtis;
E tritico subigit mollior offa cutem.
Falleris o demens, bene te Proserpina novit,
Cui salit in faciem sepius uda Ceres.

L X X.

*Ad Annibalem
post Cannensem pugnam factu inflatum.*

F Elici quid Marte tumes? qui sanguinis index
Annulus est, Fati versilis omen habet.
Quamvis ad Cannas Romanum viceris hostem,
Scipiadae Libyam vinciet una manus.

L X X I.

De Aurilli sordide avari Chiragra.

C Hiragra in Aurillum quid ni furat acris avarum?
Intortis redditus supputat articulis.

LXXII.

Hortatur Urbicum ad animi culturam.

URbice ne censum properes impendere Villis;
Exiit hic Dominos, induit agricolas.
Felix ut vivas, edisce Georgica morum;
Qui sibi vult litem cudere, prædium emat.

LXXIII.

Gerontomania.

INSanire Senes docet experientia. Sunt qui
Sæcula derugant, canitiemque nigrant.
Impatiens caret erosus qui dentibus, offas
Nec molitas rictu præcipitante vorat.
Non unus trepido stadium decurrere gressu
Audet, & in grallis Hectora claudus agit.
Quin etiam plaudunt ad musica gaudia surdis
Auribus, & numerant sidera Cæcilij.
Varrus at insanos præit insulsiſſimus omnes;
Centum post hyemes consulit Astrologum.

LXXIV.

*Ad Lolium non nisi vino madidum. poeticiſ
vacantem studijs.*

CARmina plus falso conseribis acumine Lolli,
Ebria cum tremulis erura labant pedibus.
Valerium Potum, si sæcula prisca redirent,
Credat adhuc fastis vivere Roma suis.

L X X V.

Ad Callistratum Procuratorem.

NE vivam si te stolidum Callistrate dixi,
 Erravit duplex syllaba, stoicus es.
 Et baculum, & peram præfers; hæc muneris illex:
 Si nihil emungas litibus, ille minax.

L X X V I.


Ad Amicum.

Vitrea cur Flacco dicta olim Fama, reposeis;
 Mendax hæc hominum respicit in faciem.

L X X V I I.

*In Ursulum Philosophum bibonem, & Metricæ Artis
 imperitum.*

DErides Metricæ leges, & dolia potas;
 Et tibi vocalem littera muta sonat.
 Quæ brevibus gaudent, longo producis hiatu;
 Potanti metus est, incidere in brevia.
 Delipis arbitrio, ferulæque obnoxius audis:
 Ursule quid tendis bibere? prima brevis.



LXXVIII.

*Divus Stephanus Levita,**Anag. purum.**En vivus lapidatus est.*

N Omen Coronis inclytum,
 Ostroque onustum Sanguinis,
 Quàm bene triumphales notas
 Interferit pœnis suis?
 Inversa tantùm grammata
 Lege. Vivus en lapidatus est.

LXXIX.

*Post Neapoli terramotum, e puteo densissimus fumus, ob
 viciniam spelunca, in qua palca combusta,
 terrorem incussit.*

E xilijs præceps puteali e margine nubes,
 Et propè fumosis Vesuvius arsit aquis.
 Panicus hinc animos timor obruit, & nova cladis
 Tentamenta, nigro surgere visa chaos.
 Scilicet hæc signant Terræ præludia motum,
 Ebria cum multo sulphure gleba tumet.
 Imposuit stipulis at proxima flamma perustis,
 Contiguum fumo subter hiantè specum.
 Heu nimium miseri; non solum vera dolemus
 Funera, sed vacuis irrita fata minis?

L X X X.

De pupillari etate.

Sic est. Causidicos cunis pupillus in ipsis,
Cum sua res raptim mungitur, orbus alit.

L X X X I.

*Rosa aurei coloris, & ingratiſſimi odoris.**ex Matthioli.*

Flava Rosis facies frondoso concolor auro,
Nullus ubi rubor in germine, foetet agris.
Loricæque, Togæque etiam decora empta profusis
Divitijs, quamvis aurea sint, male olent.

L X X X I I.

*Hieronymus Cardanus Medicomathematicus prævi-
sam ex themate natalitio sibi mortem
acceleravit.*

Cardanus ne latum unguem ultra excederet ætas
Quem sibi fatalem scripserat ante diem;
Eripuit Lachesi nondum damnabile pensum,
Fatidicam præceps asseruisse fidem.
Ergo deficiens poru jejunus & esu,
Ipse sui lessum funeris esuriit.
Astra quid in Genesim, & Mortem Ars insana lacessit,
Una fames certos si facit Astrologos?

LXXIII.

Ad Eumelum nimio Algebra studio insanientem.

Artis arithmeticae vestigans Eumele fontes,
Quò recidis fato vindice, mentis inops
Ingenij miseret. Nihil infelicius illo est,
Cui numeros inter defuerit ratio.

LXXIV.

*In Jo: Sturmium e Calvini calculis erutum, qui novam
sectam appellavit, mediam viam.*

Scurra ædilitius, calvi collega magistri,
Per mediam docuit Sturmius ire viam.
Nempe per aëriam; qua quis stultissimus ibit,
Transfuga nil Fidei, plus Phaetontis habet.

LXXV.

*Cæna qua ferebatur ad Neronem, tacta fulmine
conflagravit. ex Dion.*

Dapsilis ad rabidum properans cur pōpa Neronem
Disperit subiti fulminis hausta rogo?
An quia Troiugenæ spectans incendia Romæ,
Debuit ardentes extimuisse dapes?
Innuit an Cælum, cineri quod proxima fumer
Ganea, regnorum si magis urat opes?

L I X X X V I.

Ad Alcimum verbosa liberalitatis.

• A ista
manu,

Verba facis lacerare. Mihi gratius Alcime donum
Vel breve, si græco nomine δῶρον erit.

L X X X V I I.

*Castissimus Joseph impudentem Dominam fugiens, pal-
lium dimisit, ac maluit cedere, quàm cadere.*

Lascivientis pellicem
Exosus impudentiam
Castæ Josephus indolis,
Fuga periculum diluit.
Non philtrea Dominæ, non preces
Movere; vestem a se procul
Amantis infectam manu
Abiecit, & contagium.
Sacra Pudoris in schola,
Qui pallium exuit, sapit.

L X X X V I I I.

*In Enniam in extrema atate nuptias
appetentem.*

Lusca oculis, asciticio male compta capillo,
Ennia; jam vitæ turpe Cenoraphium.
Cum peteret tædas iterum nuptura maritas,
Hispidam ne macidam ruga notaret anum;
Exhibuit sese pictam multo ante puellam:

Ar-

Atque ait, hæc formæ testis imago meæ.
 Stultitiam hanc uni non est ut deprecet. annos
 Mentitur fictos fœmina quæque suos.

L X X X I X.

In Turbulum otiosa Hætica laborantem.

Æ Ger es in speciem; si quid res poscit agendum.
 Morborum subitam despis illuviem.
 Lubricus ad nugæ verbosæ insistis arenæ:
 Seria si revocent, Turbule te retrahis.
 Ut verum fatear, Flaccus Pomponius in te
 Ad crisin emoti commigrat ingenij.

X C.

Ad Rebellum.

Patientia in adversis Virum probat.

V Imque, modumque tui disces in facta Rebelli,
 Omina Fortunæ si nigra ferre potes.
 Lentescens in fila micat dum tunditur aurum.
 Tunde vitrum summo pollice, dissiliet.
 Sic vel tela inter sese explicat aurea virtus:
 Sic vitreæ mentes dilacerantur acu.

X C I.

Flos in Carduelis formæ piçtissimus.

P Ennigeri, quis credat? habent & Acanthida vepres,
 Vitricus argutam flos sibi adoptat avem.
 Quamquam nulla sonent frondoso Idyllia rostro.

Ex-

Expectes tamen e germine metra suo.
 Naturæ jocus hic sciolos deridet inertes,
 Qui simulant fatu in stipite Luscinias.

X C I I.

In Sardum Veteratoxium vestium Propolam.

Extritam senio Endromidem, tineaſque benignam
 Sardus ut inveſtem vendidit atque novam.
 Mox ubi mendacem ac periurum inceſſeret Emptor;
 Verius eſt vero, inquit, caret illa pilis.

X C I I I.

Ad Eargum militem ignavè timidum.

O Mnia cum timeas, pietas in milite ſumma eſt,
 Large caves Matrem poſſe dolere tuam.

X C I V.

Phylliris herba, cur Lingua dicatur.

P Hylliris irriguos vegetat prope florida fontes,
 Hinc Linguae nomen, quam bene! ne ſitiat.

X C V.

Theologum D. Thoma Aquinatis votum.

N On niſite Domine. O votum laudabile Thomæ!
 Omnia ſi deſ, nil omnia ſunt ſine Te.
 Fac aliud peteret, male ſic ſcripſiſſet, ab ipſo
 Nempe Deo, Deum amant poſcere qui ſapiunt.

Ad

X C V I.

*Ad Æquensem Antistitem D. Franciscum Verde
Insulatam doctrinarum lucem, Civilis,
divinique juris consultissimum.*

Invitum & refugam annuente Cælo
Sacra te Trabea induit, Mytraque
Et Lex, & Pietas onusta magnis
Doctrinæ meritis: sed æqua veller
Æquensi tibi major obtigisset
Sedes ad Fidei decus Quirinæ.
Nam vitæ revocas jubar severæ,
Prisci moris opus; potens disertum
Exemplis Basilion æmulari.
Ornas Pauperiem, rudique cultu
Pomparum omne Choragium perhorres.
Cœnæ fercula Codicum pioſum
Condit lauta fames; aguntque turbam
Virtutes famulam, integrumque censum.
Non decerpis ab Infulis honorem;
A Te dignius Infulæ Virescunt.

X C V I I.

Heliogabali se precipitem daturi apparatus.

Dedecus Augustæ & tumor insanissimus Aulæ,
Fœda sui Cæsar nominis antiphrasis;
Cum sibi vim periturus & improba fata timeret,
Dementi cautos lenijt arte metus.
Sericeos funes, & cocco tortile spartum,
Ad nodos facilem nexuit in laqueum.

Con-

246 EPIGRAMMATON

Concinnosque acuit gladios, auroque micantes;
 Aurea ceu jugulo mitia tela forent.
 Pestiferam Colchim, subitis fartamque venenis
 Scultilis in nitida pyxide clausit onyx.
 Extulit & pictam summa in vestigia turrim,
 Cui suberat strato plurima gemma solo.
 Hæc sibi molitus pretiosa crepundia lethi
 Stultus, & has miseri funeris inferias;
 Carnifices meruit Scurras, taboque cruentum
 Sordida limoso sorbuit unda Tybri.
 Quin residem legeret cineris ne fama favillam,
 Abnuat immundis Manibus ulta rogam.

X C V I I I.

S. Oceanus M. in ignem coniectus.

Despuit vecors odio obluctante Tyrannis.
 An rogos exhaustum absumeret Oceanum.

X C I X.

Ad Elorū Hierodulum, Catellula indecenter amasum.

Subfilit argenteis quæ nexa Lyciscula bullis,
 Famam, si nescis, mordet Elore tuam.


C.

De Diphilo

ex Pðeta, clepsydram opifice.

Carina jam pridem recitabat Diphilus; at cum
 Clepsydram cœpit fingere, non recitat.

EPI-



EPIGRAMMATON

LIBER VII.

I.

*S. Ignatius Loiola S. I. Sator, & Parens, ad Christum ab
Hispana militia sanctissime deficit.*

Dilm regit obsessam Dux Loioleius Arcem,
Unus ubi est hosti murus, & una mora est;
Saucius explosi vi fulminis, & pede claudo,
Cogitur adverso dedere Marte forum.
Fortunæ invidiam fausto sed vulnere rixit:
Cæpit enim Cælum vincere, cum cecidit.

II.

*Idem trigessimum annum natus ad elementares pueros
se discenda grammatica demittit.*

Campi Magister, militumque Dictator,
Ogniadum Avorum oblitus ineluctos Fasces
Loiola, ferulam & litterarium ludum
Subire potuit, semilixa verborum,
Nec segnis hæc arenâ. Se rudem vicit,

Q

Victu-

Victuras arces hæresum, & Erebi-Stoam.
 Quod nam minerval & sibi, & suis, Cælo
 Plaudente meruit? Unum, & alterum Mundum
 Binis Jesu syllabis sacrum Rómæ.

I I I.

*De ejusdem dicto, quàm sordet terra, dum Cælum
 aspicio.*

I I V.

Loiolæ quàm Terra fimo sordescit inani,
 Candida dum superæ prospicit astra plagæ?
 Felix, o nimium felix, quæm lucis amantem
 Divinæ, Astrologum sidera sic faciunt.

I V.

*Idem elatus scintillantibus ad sepulchrum
 stellulis.*

Quæ vitæ Genesis nova funere surgit ab ipso?
 Quæ natalitio mors parit astra rogo?
 Conclamatus adhuc Ignatius ardet, & urnam
 Stellifer æthereis ignibus ambit honos.
 At potuit facili subducere sidera Cælo,
 Qui tot viva dedit sidera Cælo, Animas.

V.

De eodem.

Quæntus erat meritis Loiola, en indicat æther.
 Jacturam redimunt sidera, quantus erat?

VI.

Marinus Cancer patientem in Cruce Servatorem undarum virapum Xaverio restituit.

A Stronomis jã danda fides. COLIT INDIA CANCRUM,
Saberio mersum reddidit ille Deum.
Memnonis o, relegat sic sponte retrogradus undas,
Fida erit æterni pronuba Solis Eos.

VII.


Effigies mortui reviviscens in tabula S. Xaverij.

MOrtuus ut reduci sub imagine spirat Japon?
Penè micat picto in funere vita duplex.
Reddita luminibus sunt lumina, redditaque ori
Ora, genis alix profluere genæ.
Tantum audet pictrix solertia, pendula mens est,
An sit Saberij maior, an artis honor.

VIII.

Idem.

PRodigium viden? e tumulis exanguè cadaver
Vitalem ad lucem linea & umbra trahunt.



I X.

B. Aloysius Gonsaga in margaritifera Concha.

Indulgentem oculis Gonsagam, & dulcemente[m],
 Exprimit exuvijs cœrula concha suis.
 Et nitet, & lacrymæ sunt divitis omnia filus,
 Et gemmas geminî luminis unda parit.
 Non ita Luciferi quâ depluit imber Eoi
 In bacchas Tethys germinat Inda novas.
 Qualis erat, vivo fluere[n]t cum lumina fletu,
 Si dum ficta fluit lacryma, gemmeus est?

X.

Idem in Narcisso depictus.

Mollis ubi ridet tenero Narcissus hiatu,
 Et verno madidas explicat umbre comas.
 Loisfiden rupta sub amœni germinis alvo
 Pinxit Apellæo dædalus arte labor.
 Hac si spectasset iuvenem sub imagine formam,
 Flos hic fatales non timuisset aquas.
 Pellice vel lymphæ vitro deceptus euntis
 Iffet in aligeri Cœlitis ora reor.

X I.

*Idem calcaribus sibi latera compungebat ad velocio-
 rem virtutis cursum.*

Dentatis Gonsaga latus calcaribus urget,
 Æreaque innoquum purpura tingit ebur.

Ne

Ne ruat in præceps, aliis opus adstite fræno est,
Castior huic stimulis acta iuventa sapit.

X I I.

Ad eundem.

F Igis echinato quid membra tenerrima ferro?
Non hæc Virtuti debita pœna tuæ est.
Sed dum Régna fugis; levia hæc tormenta videntur.
Qui regnat, multo pungitur ille magis.

X I I I.

Idem Argumentum.

Quid calcar imas Dive per costas agis?
Nimis citato curris ad Cælum gradu.
Sed adde stimulos, adde mucrones novos;
Ad astra, numquam ad astra properatur satis.

X I V.

Idem curru vectus, in flumine periclitatur conser-
natis equis.

Contrahe lora manu: quò te rapit impetus undæ
Minciade? cautâ contrahè lora manu.
Spumens en vortex rapit esseda; præcipitemque
Turbinibus te te naufraga fata premunt.
Surdus ad hæc, renuit Quadrigam sistere. Num qui
In sua fert stimulos ilia, frænet equos?

X V.

*Honoraria Herma
in solemnī votorum instauratione
a Theologia studiosis.
B. Aloysio Angelorum Symmysta dicata.
Ex Lydio lapide.*

EXplorator opum, & Naturæ divitis index
Fingit Aloysij Lydius ora lapis.
Vota facis quicumque, tuæ vitium exue mentis.
Vota notat lapis hic subdola, vera probat.

X V I.

Ex Ceris.

DIve, laboratæ mollissima munera, Cera,
Ductilibus certant te simulare typis.
Non Hyblam populata, aut florea germina Præsti,
Has tua dum lambit lilia, suxit apis.

X V I I.

Ex Cryſtallo.

Purior e vitro Lodoici vibrat imago;
Vitalisque animæ symbola Candor obit.
Turpis in hoc videat se se Venus indice vitro,
Penè pudicitiam discer & ipsa Venus.

XVIII.

Ex are Corinthio.

Flammivomis sudatum operis, bustumq; Corinthi
 Fluxile, in hæc resides imbuit æra rogos.
 Ludere sic Fatis placitum: nunc arte magistra
 In vultus eadem, Dive, abiere tuos.
 Tanta tibi pietas in moribus arsit, ut ipsas
 Promereat casus parturientis opes.

XIX.

Ex Iride gemma:

Quam bene Mantoï speciem hæc imitatur Ephebi;
 Gemmula quæ grati luminis Irin agit?
 Nempe alios, aliosque trahens sine Sole colores,
 Elicit adversa non nisi nocte jubar.
 Candida Parthenio par est Natura pudori;
 Cui facit arcanum purior umbra diem.

XX.

Ex Succino.

Heliadum fletu cur deflua Succina flavis
 Minciadæ referunt vivida signa genis?
 Gonsagis non ille Aquilis, fastuque curuli
 Præcipites regnorum ausus adire vias.
 Anne suis quæ fixa rubent calcaria lumbis,
 Pallidulis lacrymas elicuisse notis?

X X I.

Ex vermiculatis lapillis.

Multicolor punctim incisus Gonzaga lapillis
 Nobile musivæ sculperis artis opus.
 Ergo age da nitido, da currere solibus annos;
 Ne fera Bistonio sæcula Marte tonent.
 Italix jam dexter ades: tibi plurima fulget,
 Quæ nivos signet lucida gemma dies.

X X I I.

Ex odoratis pastillis.

ÆMula Mantoi quæ Cælitis ora coruscat,
 Ducta per artifices massa, reducta manus.
 Ver Arabum, messemque omnem Gangetidis oræ
 Dives odorati pulveris una fover.
 Lactea Virgineis præijt si lilia votis,
 Fingat Aloysium quis, nisi fingat odor?

X X I I I.

Ex reticulato argento.

Ipsum etiam argentum per fila gracillima ductum
 Quod plicat in tenues dives Arachna plagas;
 Cum tibi crudelis maciem spiraveris ægram,
 Ambijt in vultus ire Loyli tuos.

Ex

XXIV.

Ex lapide Philosophico.

ET Sophiæ lapis in Gonsagæ assurgat honorem,
 Signifer arcani creditus esse Midæ.
 Futile commentum, & mendaci fabula fumo
 Splendida, per vigiles sæpius acta focos.
 Ergo fidem, cupide pretium facturum & arti,
 Transijt in formam Cælitis, ut saperet.

XXV.

*B. Stanislaus Koska ob divini amoris æstum linteolis
 nivata aqua persusis refrigeratur.*

Quam gelidam cordi zonam præcingis adusto,
 Abstulit ex oculis hanc Amor ipse suis.
 Nunc maiora time tibi vulnera: totus in ignem
 Ibis, ubi stricto lumine pugnat Amor.

XXVI.

*P. Ignatius Azobedus a Calvinistis in mare proiectus,
 B. V. Tabellam manu complexus, felicissi-
 mè obiit.*

Fluuat infano quæ Tethys Atlantias æstu,
 Oceani primas nata cieere minas;
 Mænas Asevedum iecit Calvinia Typhin,
 Ne facerent meritum litora surda rogam.
 Seminecem tamen ille manum arduus extulit undis.
 Armarant pictæ Virginis ora manum.

250 EPIGRAMMATON

Felix morte sua. Spectantibus additus astris,
Hæresin hac meritis naufragus in Tabula.

XXVII.

*P. Henricus Garnetus Londini interfectus, sui effigiem in
frumentarijs stipulis impressit.*

OS, animamque tuis Garnetius indicat istis:
Mors Latiam feret hæc, Anglia crede, Fide m.

XXVIII.

*P. Rodolphus Aquaviva in Salseti insula quinquies
Barbarorum telis traiectus, Nobilitatis decus
ad sanctimoniam transtulit.*

MEmnoniis oriens Aquivivius occidit oris;
Exhaustique suum in vulnera quina Deum.
Splendidus fusi nituit tum sanguinis ostrum,
Quàm quod Avum vivis nobile fluxit. Aquis.
Ipsa chlamys Regum minor est, & purpura Solis.
Vesperis hæc patitur, funeris illa vicem.

XXIX.

*P. Marcellus Mastrillus turbinatis in caput aquis
excruciat.*

Tunderis intorta Marcellè rotatilis unda,
Nec, tamen immotam turbinat unda Fidem.
Et meritis multam infractis molita coronam,
Complicat innumeris acta voluminibus;

Par-

Parthenope victrix patrijs emergeret umbris,
Hæc modo si bustum lamberet unda suum.

X X X.

Idem insertos unguibus calamos patitur.

Effera Marcello properet quò Fata satelles,
Exacuit sectis vulnus arundinibus.
Irrita vis. summos cum pœna lacessit ungues
Insonuit calamis altius icta Fides.

X X X I.

Idem Argumentum.

Irue, & indomita mollescere nescius ita
Miles, inhumano vulnere fige fudes.
Imbuet hoc Famæ titulos Mastrillius ostro,
Plus vicit, pœnis cum dedit ipse manus.

X X X I I.

Obtruncato ejusdem capite, incidit solis eclypsis.

Marcello caput abstulerat bis irrita ferri
Cuspis, in immeritam tardior ire necem.
Tum properata repente diem super incubuit nox.
Densa que Japonias terruit umbra plagas.
Plaude minor nato Loiola tibi astra parentans,
Nubilus huic superas Sol dedit inferias.

XXXIII.

Herba Trinitatis, tricolor in folijs.

Verna pijs etiam vegetant mysteria campis.
 Indeprensū oculis prōmicat herba Deum.
 Exprimit una trium frondes induta colorum,
 Cor unum, & triplici in lumine Numen idem.
 Numquam invicta Fides hanc porriget hostibus herbā,
 Dum tibi pro lauro floret amœna Trias.

XXXIV.

*Herba, labrum Veneris nuncupata, ad modum vasculi
 aquam continens, quam sicco Cælo bibunt aues.*

Aligesum pīncerna, urit dum Syrius agros,
 Exhibet in patulo Naiadas herba sinu.
 Germinat in fontem, ceu Chloridos uber amantis;
 Et viridi volūcrem diluit imbre sitim.
 Ah pudet hanc Veneris labrum dixisse. Venenum est,
 Quidquid aquariolis prodigit hausta Venus.

XXXV.

Ad impurissimum Pœtam Cæcilianum.

Quid nos invidiæ insimulas, si poscimus ignem,
 Et Nemesein in musas Cæciliane tuas?
 Fornicem olent, stygioque cientur Erynnies æstro,
 Nec nisi sentinam turpia metra vomunt.
 Villicus immundo censendus an invidus horto,
 Deoveat merito si male nata rogo?

XXXVI.

*Jonctinus Florentia Astrologus, librorum suorum illa-
bente mole oppressus interijt.*

PROfundiorum proxeneta Fatorum,
Mundique Aruspex, abditæque Naturæ,
Jonctinus, omnes dum domos Planetarum
Et signa & Ortum, & Cardines, & Occasum
Lustrat, daturus multa configuratis
Horoscopis commenta credulæ turbæ;
Vivum ac videntem, vindicante se Cælo
Repente lapsa codicum obruit moles.
Pronœa mendacem æqua siderum mystem
Damnavit umbris, & librariæ nocti,
Suis sepultum litterarijs nugis.
Quid eruditum a Vate, quid schola dignum
A temporum Præcone posteri sperent?
Nil capite fracto potuit ille testari.

XXXVII.

De Eodem.

ASTROLOGAM plebem Jonctino est cernere in uno,
Ad tumulum Tabulis poscitur ipsa suis.



Idem

X X X V I I I.

Idem.

I Rritus immensum Cœli Jonctine volumen,
 Et cæcos legis Angulos.
 Manilij effatum recolas. LOCUS OMNIA VERTIT.
 Diversasque trahit vices.
 Nullus Ephemeridum labor umquam noverit, in qua
 Scribæ sede latent Jovis.

X X X I X.

In Bestium inertissimè manduconem.

I Ngenij præ quam credas, & ventris aforti
 Totus amat nomen Bestius esse suum.
 Desidium somni ad medium producere Solem
 Vid eris, & serum sternuere usque diem.
 Evigilat, cœnæ signant si Gnomones horam:
 Sequè hominem sentit vivere, si satur est.

X L.

Rectam
 Rationem.

P Rinceps Stultitiæ Prudentia, Numinis, expers,
 Nam Pietas ἀρδόν suggerit una λόγον,



XLII.


Ad Rullum effusè prodigum in muscos Eunuchos.

Semiviros nimium foveas si Rulle canoros,
Res sensim in modulos effluet hausta breves.
Ah vereor, serò ut sapias expertus, avitas
Quàm facile Clavis musica perdat ope.

XLIII.

*In Martinum Lutherum stercorarium exorcisten,
qui in Templi sacrario, Emergumenam libera-
turus, a malo Genio multatus, alui pro-
fluvio tantum non periit.*

Nititur obsessæ dum solvere vincla Puellæ
Posthabuit fatuo qui sacra Claustra luto;
Allifere solo iratis Cacodæmones umbris;
Os, humeros multò vulnere stigmaticum,
Eiulat infelix, & posticam diabetem
Egerit obscænas sordidus in caligas
Plaude tuo Marti pubes Islebia; plaude
Tàm bene contuso Saxonis Aula popæ.
Stercutij poterit summus jam Flamen ad aram
Ferre Cloacinæ mascula thura Deæ.



XLIII.

*[Expugnato Bellogrado ultra progrediendum ad Tur-
caym exitium.]*

I celer, i faustis Victoria lætior alis,
Præcine Sithoniis arcibus excidium.
Aula ruat Thracum tumido regnata Tyranno:
Aufonijs sese misceat Hebrus aquis.
Ne mora sit: Fortuna pijs favet Austria votis,
Pulchra patet victo jam via Bellogrado.

XLIV.


De eodem, cui nomen, Alba græca.

I nduat imperium jam nominis Alba Latini,
Quæ potuit Romæ fallere Græca Fidem.

XLV.

Ad Serviam, ut se Casari mancipet.

L ibertas hilari jam fausta remurmurat Istro,
Ergo age Threijcium Servia frange jugum.
Te pietas tandem victricibus asserat armis.
Nobile sub miti Cæsare nomen eris.



XLVI.


*S. Nicolai Myrensis Episcopi ossa prodigioso neſtare
diffuſum Barj.*

Quis non neſtaream colat benigni
Utram Nicolei, uberem perenni
Ad plenum ſcatebra, ſiticuloſæ
Potandam Appuliæ, exterisque Regniſ
E nudo liquor oſſe, rorulentis
Exundat ſalientibus; nec æſtu
Areſcunt cineres, nec ullam in annos
Labem concipiunt aquæ, beatis
Signatæ phialis: brevique vitro
Ingens Oceanus natat bonorum.
Merſam hoc Hæreſin imbre ſient Lemaniſ
Stridentes odio Striges lacunis,
Dum Typhis Fidei, Myræ Sacerdos,
Per miracula navigat ſepultus.

XLVII.

Epitaphium Jude ſuſpendiarij.

Perdidit hic nummos, animam, Cælumque Deumque.
Quanta tument uno funera ſub laqueo?



XLVIII.

De Lupio, qui super mensam excreando, salivam identidem gargarizaret.

IN cœna grunnit Lupius, dum morfa requirit
 Per cochleam angusti gutturis offa viam.
 Non secus ac olidi semela ad furta macelli
 Ringitur in socios ira molossa canes.
 Execror hunc morem: non unum crimen in illo est.
 Ut simul ad patinas murmuret os, & edat.

XLIX.

Astræus Aquitania Regi gratiosus, quòd vario oculorum flexu Luna mutationes effingeret.

ASTRÆI quæ vis oculos agit insita? LUNÆ
 Mēstrua designant tempora, puncta, phasēs.
 Quippe tument, pleno graditur cum lucida cornu:
 Deficiunt, cum vel nulla, vel unca globo est.
 Hunc Fortuna jocum repetit; Lunaque labores
 Fert oculis bifrons Aulica turba suis.

L.

In pigmentatum luxum muliebrem.

SCITÈ ter Afer Tullius Kalendarj
 Pendere nuptis doluit auribus censum.
 Comptæ per annum fœminæ dies signant:
 Faciunt profestos, cum domi tegunt vultum:
 Rubrica purpurissat in genis Festos.

L I.

*In N. qui eiurata fide urbem Rhodum dedititiam
Solymano vendidit.*

Qui Rhodon infido clam meruit Amarasus ausu,
Nonne malam meruit degener ille crucem?

L I I.

Ad Aldum.

De Umbra in ortu, & occasu maxima.

Ingenium multis hæret non discolor Umbræ.
Magna oritur, minor hæc ardua, summa cadit.
Transfigitur præceps in crimina firmior ætas:
Integra vix pueris, & pia vix senibus.
Quid nisi virtutis larvam dicemus & umbram,
Extremum vitij quæ tenet, Alde, locum?

L I I I.

Ad Levinum.

Rhopolosis, seu Pica, seu Gorgon Polonæ; crinibus in baculi modum concretis.

Horrendum simplicitis per pendula vincla capillis,
Nexa Medusæo glutine Pica riger.
Irritus extricas; nec ferro impune recidis.
Scilicet & vitæ stamina secta secat.
Gorgonis hanc sædam illuviem evasura Polonæ,
Itala gens emptis pectitur usa comis.
Ut nihil hoc noceat, plus est, Lavine, pudendum.

Cum totidem sint mendacia, quot capita.
 Lascivire etiam Libitinam cogimus ipsam,
 Cæsariemque ornant funeris exuviae.

L I V.

In Classicum ineptè multivolum.

Appetis innumeras numquam idem Classice formas:
 Induis, & vultus exvis usque novos.
 Cumque procax tibi plaudis, & aptus ad omnia, primam
 Effingis graphicè Classice materiem.

L V.

Q. Hortensius Muranam emortuam flevit.

Murānam Hortensi quidni facunde doleres?
 Hæserat ingenio spinea cauda tuo.

L V I.

Idem.

Delictum Muræna, tuumque natatile votum,
 Ocyor ad dociles subfuisse jocos;
 Spirat adhuc defleta; suæ nec posthuma famæ
 Viveret, ignavis ni periisset aquis.

LVII.

Idem.

A Ruit insulsè lacrymans Hortensius; & se
Fecit Murænæ in funere ridiculum.
Tullio in hoc etiam minor æmulus. ore disertò
MURÆNAM vitæ Tullius asseruit.

Orat. pro
Muræna.

LVIII.

Ad Amicum Neomyslam.

P Antheon ingrederis melliti munus Amoris.
Ah cave sit labes moribus ulla tuis.
Nemo magis timeat sibi læsum amittere, quàm quæ
Præ manibus mystes possit habere Deum.

LIX.

*Pertinax Imperator die quo occisus est, nullam in pupil-
lis effigiem habuit.*

S Iqua oculos suffundit inani synchrysis umbra,
Nec species visis pingit imaginibus;
Omina vicini signat funesta sepulchri;
Anteunt cippum lumina surda suum.
Qui nec flammam Erebi, nec Cæli prospicit iram,
Ipse sui peccat pyrphorus exitij.

L X.


*S. Monycha Augustinum filium e Manichaorum hærese,
& libidinum cæno, suis lacrymis emersum Deo
dicavit.*

ANxia diu, nimium Mater, bis Monycha Gnatum
Parturiit luctu nixa precante suum.
Una vices Lucinæ obiit lacryma, una sepultum
Eruit ex Orci Manibus Indigetem.
Divinum hoc nondum pia viderat Africa monstrum
Ex oculis genitam plus viguisse Fidem.

L X I.

*Scenographiam Calvarii montis, columna Venetj's
exhibet, Natura non arte.*

ABruptis immane jugis, terræque tumulu
Mænala iam passo dissiluerunt Deo.
Marmora nunc Solymem Adriacis incisa columnis,
Et varias animant sculpta sine arte Cruces.
Confer utrumque : illud dices, vindicta dolentis
Naturæ, hoc pietas finxit amantis opus.



LXII.

Ad P. Giannettasum heroico carmine Halientica scribentem, de lautis pisciculis, quos vernaculè Rhegini Cicirellos vocant.

Divinam Glauci si forte momorderis Herbam,
 Dic age quæ mænis nomina lacteolis?
 Par tenues vel Acos, Aphyas vel forma colorat.
 Mammula cæruleo in pectore blanda tumet.
 Nec nisi Trinactijs rarò piscamur arenis,
 Quà Thetis angusto fluctuat acta freto.
 Vidi ego, solliciti jacerent cum retia Nautæ,
 Subfultim laxis exiluisse plagis.
 Ac veluti plenis spumarent æquora mulëtris,
 Turgida lactifluo canuit unda sinu.
 Excoquit ad cœnam facilis labor igne brevî, nam
 Abnuit ardentem mollior esca moram.
 Has individuo signas si nomine, partes
 Non mihi tam Vatis, quàm Ciceronis ages.

LXIII.

Flos Apis ab authore visus.

Areolis legeret rorem dum forte maritum,
 Immoriens madidis frondibus hæsit Apis.
 Efflavitque animam; bustoque repente biformi
 Flos in apis faciem degener emicuit.
 Nunc risus viret, & metus; ambiguusque videri,
 Fallit Aristæos mimulus agricolas.
 Ala comis micat, & volucris prope panditur auro,
 Mollis & exerti prominet oris acus.

Sic tibi crediderim extremo plausisse susurro:
Flos simul, & saturi Dædala mellis ero.

L X I V.

De frugifero D. Magdalena fletu.

Si tantùm fluat, arescit citò lacryma: Cælum
Parturit hæc, Domini quæ rigat una pedes.

L X V.

*Ad Eminentissimum Principem Cardinalem Ursinum,
qui motu Terra per horam semisepultus, ac morti
proximus, Averruncum S. Philippum Nerium
expersus, evasit ipsa ruina protectus.*

Vixis io, vivis, murorum emerse ruinis:
Stantia non poterant tecta probare Pium.
Virtutum quæ summa tenet, plus surgere ab ipso
Edidicit casu Religiosa Fides.
Purpura sic Solis collapsum imitata Colossum,
Prodigium est Cæli nobile, quòd cecidit.



L X V I.

Ad Eundem,

*Qui Principis Templi molem in maiorem amplitudinem,
 & elegantiam a fundamentis excitaverat, &
 multorum Sanctorum Reliquias humi diu
 defossas, in publicum, Hierothecis or-
 natas eduxerat. Omnia statim vi-
 brante solo collapsa, patientia
 lucro vertit; & jacturam
 impensa, in virtutis
 compendium com-
 mutavit.*

Quæ feritas, motæ quæ tanta audacia terræ
 Ambijæ Urfini Muricis exitium?
 Splendida divino cur Tempia recentia cultu
 Protinus infano diruit ultæ Chao?
 Invidiam hanc Erebi dicam; namque eruta Divum
 Vidit ut effosso Lipsana Sacra solo;
 Extimuit, tanti ne Præsulis ardua virtus,
 Ipsa etiam Stygij perderet antra Ducis.

L X V I I.

Idem.

*S. Philippi Nerij brevi pileo tectus, e vestigio exulcerati
 capitis crustulas, salva, sacraque cute excussit.*

Pileolum indutus Nerii, quæ sessilis hæsit,
 Excidit illæ sæ faucia crusta cuti.
 Auguror hinc Orbi latissima tempora, præsit
 Tam charum Superis, si tibi Roma, caput.

L X V I I I.

Ad Eundem,

*Qui depositum, deploratumque Medicis videndi sensum
ob infusam oculis pulveream calcem, adito S. Phi-
lippi Nerii Templo, recuperavit, accensum
cereum irretorta acie intuitus. Allu-
ditur ad Philippi nomen, quod
Hebraicè, Os Lampa-
dis, sonat.*

PRæcipites inter lapides, & rudera, merſit
Intita calx oculos, nube ruente, tuos.
At Sacram Nerij subiens ophthalmicus Aedem,
Lux redit obiectas cernere firma faces.
Luminis ingenium bene reddidit Ara Philippi;
Nomine nam sonat, Os Lampadis, ipſe ſuo.

L X I X.

*Ad Eminentiss. Principem D. Fortunatum Carasam
Sacra insignitum Purpura, Septembri mense.*

ORnari jam cæpit Honos, dum cingeris Ostro;
Nempe minor meritis pulchrius erubuit.
Non favor, aut velox emptæ indulgentia Sortis;
Contulit Astrææ Virginis Urna decus.
Purpureum multis affert Fortuna Galerum;
Tu Fortuna Sacri Muricis Ipſe tui es.

L X X.

De eodem.

Post obitum Fratris, simili cum luce rubescas,
FORTUNATE, novo sydere Castor eris.

L X X I.

Ad Eundem.

Nexa tuo pariat Geneti cum Tessera Spinam,
Quin Vaticanis floreat usque Rosis?

L X X I I.

*Officinam proximam Templo deferens Faber marmora-
rius, collapsis murorum fragminibus obtri-
sus periit.*

MArmora cum nitidis Equitum devota sepulchris
Sculperet, industri sedulus ære Faber.
Intremuit Tellus, rapidoque evulsa tumultu
Pulveream merisit, Sole pavente, diem.
Horridus hinc Terror, trepidante per obvia gressu,
Impulit ad Sacrum deproperare Forum.
Infelix fuga: marmoreæ qui septa Tabernæ
Exierat, saxi obrutus interijt.

L X X I I I.

Nobilis quidam Vir Vxorem miseratus, motu Terra sepultam, sed adhuc viventem, bis millibus aureis arpendam curavit, infelici exitu.


O Bruta dum Coniux murorum in strage lateret,
Seminecem Vir adhuc sensit ingemere.
Et quis, ait, mihi servet? erunt duo millia, merces:
Ne celerem, pietas si qua, morerur opem.
Vox pretij auxilium meruit, vel hiant periclo:
Hisque adeo redimunt pinguia lucra metum.
At simul emersam, rapuit mors improba vitæ,
Funerum lux heu debuit emptæ rogum.
Quod Fati genus hoc Superi! vixisse sepultam,
Effossam tumulo dispersisse suo.

L X X I V.

Ad Castricum.

De Jano sepulchrorum ornamento.

Quæ miseris incisa etiam stat pompa sepulchris?
Funeris augusto par nitet urna throno.
Splendidius putrent multi, quàm Castrice vivunt:
Posthumus e busto sumat honor cinerum.
Ah liceat Morti luxum punire superbum:
Ut saltem in latibus terreat ipsa suis.



L X X V.

*Ad Faustinum confiduum conscientia scrupulis
assuantem.*

Tumultuosas inter ambages Fori
Numquam quiesces , Mentis arbiter tuæ,
Ni recta Legum scita consultus probes.
Hinc , inde trepido fluctuat motu bilanx
Faustine; in æquo firma se sistit , pares
Librata partes : si tamen flectat gravi
Vel pressa luero , vel Politicæ dolis;
Pendeat undulata , nec constans sibi .

L X X V I.

Ad Eumdem.

Qui sibi Lex, sibi Consilium est, & Curia , stulto
Assidet: ex aliis discere vera juvat.

L X X V I I.

*Ad Serenissimum Bavaria Ducem, ob expugnatum
celerrime Belgradum.*

Vallatam fluviorum altè obluçantibus undis,
Effera quam Getico milite Mænas obit,
Acropolim assultu Dux imperterritus uno
Cogis inexhausto succubuisse metu.
Quæ per difficiles Mars ipse absolveret annos
Prælia, dimidium conficis ante diem.

Juret in hoc Virtus simul & Fortuna triumpho,
Utra hominem, gladio Numen inesse tuo.

L X X V I I I.

Ad Eundem leviter in vultu vulneratum.

Saucius aspectu, per sibila tela, decoras
Sol Bavarum præfers bellicus & maculas.

L X X I X.

In Scirpulum stultissimè fastosum.

Aut Regem, aut Fatuum nasci dixere necessum est,
Dimidium tantæ, Scirpule, sortis habes.

L X X X.

De Pandaro in negotiis otiosè sollicito.

Ad lites vigil ut statim recenti
Phæbo Pandarus adsit, & forenses
Aptè res agat, explicetque causas;
Vati credite, dormit ocreatus.

L X X X I.

*Ad Christinum Martinellum Nobilem Venetum,
& moribus, & ingenij elegantia Au-
thori charissimum.*

Non tibi venali vatum Christine cothurno
Blandiar, aut fictis aulicus, officijs.

Nul-

Nullus adulandi metus est, ubi deficit omnis
 Inferior meritis laus vel amica tuis.
 Cui mens a teneris didicit præcurrere Solem,
 Cui numerat doctos Palladis umbra dies.
 Ethicem amas, Phœbumque, altæque Matheseos artem,
 Proximus Adriacis erubuisse Togis.
 In Te degeneri rarum hoc decus eminet ævo,
 Nobilium ut princeps Tessera sit, sapere.

L X X X I I.


*Montes Diaboli in Albania, olim Acroceraunia, ubi
 armenta pinguisima.*

NOmen habet stygij, olim naufraga culmina, Ditis;
 Pascit ubi saturo germine gleba greges.
 Nil mirum tamen est: quos ganea destinat Orco,
 Prodigæ deliciis pellicit, & jugulat.
 Quisquis ad has eniteris armentarius alpes,
 Ad eadem properas victima, pinguis Agag.

L X X X I I I.

In Voculam vinosum, & Cauteriatum.

UT biberet Calicum remex impune meracum,
 Consuluit binis Vocula fonticulis.



L X X X I V.

*Ad Pontatum.**In senes imberbes, & comatulos.*

Diffuit in crines Senibus mentita juvenus,
 Cum prope vis superet nulla mesenterio.
 Nostra abavos ridet jam tempora Cincinnatos,
 Ruga quibus canæ jugera frontis arat.
 Pontace, quot numerent umquam non noveris annos,
 Quisque sibi Alcides, quisque simul sibi Hylas.
 Atqui ne Priamis delusa comantibus erret,
 Mors vigilare Metoroſcopa Fata jubet.

L X X X V.

*In Germania fodinis Io: Wacherus armati hominis ex
 argento statuat eruit.*

Praxitelem num Casus agit? num confita Thebas
 Norica Cadmæo semine terra fovet?
 Finxit inaccessis quis militis ora fodinis?
 Horridaque argenti fusilis arma dedit?
 Annē tument etiam Manes ad bella sepulti?
 Naturæ dolus est vindicis, anne dolor?
 Credere fas; scelera prædis cum prælia regnent,
 Hinc trahat armigeras ditior Orcus opes.

LXXXVI.

In Ctesippum improba voracitatis.

GAnca Ctesippo censum, & fundū hauserat omnem;
 Nexaque purpureis terica fila togis;
 Deficeret vacuæ ne tandem annona crumenæ,
 Eruit ex ipso sordida lucra solo.
 Vendere sculpta olim patrij monumenta sepulchri
 Cæpit; & in cineres impius esse pios.
 Proh vesana gulæ ingluvies vel edacior Orco!
 Gutturis ad luxum devorat & lapides.

LXXXVII.

Cælo tonante, nefas olim Roma haberi Comitium.

Comitiiis vitium tonitrus fecere Quirinis:
 Infaustum timuit Curia muta Jovem.
 Putidus hic error: Fas rectum jura loquuntur,
 Si sibi fulmineum sentiat Aula Deum.

LXXXVIII.

In Cinna merobibum.

Non est quod dicunt, Baccho te sæpe litantem,
 Vesuvi lacrymas, Cinna, sitire meras.
 Optimam amas consultus aquam, facilemque levemque;
 Scilicet ad cœnam quæ lavat una manus.

L X X X I X.

*Leo IV. Imperator semper Diadematus etiam in somno,
sibi mortem festinavit.*

Quòd numquam exueret gravem lapillis,
Et gemmis rutilantibus Coronam,
Cessantem Leo provocasse Clothon,
Et funus sibi creditur, superbi
Captus magnificentia pericli.
Dùm Cæsar nimium cupit videri,
Cæsar vivere desit: sub auro
Expertus gelidum latere Fatum.
Verè unus capite emit hic Coronam.

X C.

*De Callippo exclamante: Vellem esse minus rerum
intelligens.*

Sæpe dolet clamans Callippus, & angitur æstu;
Èsse sibi nimium mentis, & ingenij.
Atque etiam Logicam vim mallet hebescere. Votum
Difficile hoc, nisi sit conscius ipse sui.

X C I.

Fortuna Congiaria.

Quæ Sors donat, in æstuario sunt,
Accedunt simul, & simul recedunt.

XCII.

In Nanneium splendide improbum.

Cum vexet omnes, luceatque Nanneius,
Tegat & nocendi subdolam sagax artem;
Nuceam videtur induisse compagem,
Quam multa tortis divitem facit venis,
Ornatque sanies, sectilesque verrucæ.

XCIII.

De Corbilio edacissimo.

Corbilium censent multi cœnare biventrem;
Quippe iterum satur ad cœnam, iterumque redit.

XCIV.

Silentij encomium.

Dignum laude Silentium perenni est:
Huic debent placido otium Camœnæ:
Debent ingenium vel imperiri.
Stulti nam sapiant, nihil loquendo.

XCV.

Ad Charmylum nupturientem.

Unisonis Echo fidibus citharistria ludit,
Promptior alterno concinuisse sono.
Dissitus alliso per & intervalia recursu,

276 EPIGRAMMATON

Hinc aër paribus tinnit, & inde modis.
 Pacta fides voto ut concors sic assonet uno,
 Quod vetus est dictum, Charmyle, Nube pari.

X C V I.

*In Balthassarem Regem, digitorum anigmate lata
 capitis sententia.*

Supplicium Regi (res numquam audita) minantur
 Litterulæ, digito vindice, non calamo.
 Nam patinas inter paries fatalis opimas
 Exeruit nullam ad regia dona manum.
 Libera sacrilegos damnant & jura Dynastas,
 Censores manibus si careant digiti.

X C V I I.

*Alexander Macedo, temulentus in curru, iugalibus as-
 nis vehi solitus. ex Athen. l. I C.*

Regnatorem Asiæ, terraque, marique potentem,
 Advectum bijugis legimus ille asinis.
 Usque adeo Magnos ubi vis rapit ebria, quò quò
 Bruta velint animi vota calentis, eunt.



XCVIII.

*Ad Josephum Vallettam I.C. eruditissimum, ob
insignem domi Bibliothecam magni-
ficè ornatam.*

Palladio splendent quæ maxima fidera Cælo,
Numquam typographis interitura cyclis;
Parthenopæ spectanda aperis, Musisque disertos
Exornas cultu nobiliore lares.
Quamquam aditu maiora in Te miramur amico:
Nam non una tuæ Bibliotheca domi est.
Altera βασιλικῶς pluteis ditissima clamat:
Altera plus clamat prædita mente, σοφῶς.

XCIX.

*Aurum violentissima flamma indomitum, paleis celer-
rimè liquefcit. ex Plin.*

Ardescens paleis liquat ignis edacior aurum,
Excoquit in levibus sic citò luxur opes.

C.

*Ad P. Jo: Baptistam de Benediclis, de Divina Gratia
prælegentem, Antimachum Jansenistis.*

Salve o delictum scholæ disertum,
Aureum Palladis os severioris.
Calvinam premis Eumenifm, cavillis

Pugnacem fatuis , Ducem sequutus
 Augustum ingenio . Doces ut uno
 Sese fœderet obligata nutu
 Libertas , & amica Gratiarum
 Victrix vis sine vi ; trahatque lenis
 Naturæ genium arbitrum volendi.
 Non ad servitium Pronœa cogit
 Obluctantem animum ; ulcerisque primi
 Tabo deciduum excitat medendo .
 Mens individuo marita nexu
 Divinis agitur libens , agitque
 Consors auxilijs ; satumquo semen
 In frugem meritæ foveat Coronæ.
 Quid Jansenia lustra peieraris
 Occulant upupis ; & abnepotes
 Nos fingunt Agaris ? Sumus beatæ
 Proles libera , regisq̃ue matris,
 In censum ætheris a Deo relati .

C I.

*Ad Ruspam abiectissima spei, & pingi cupidum
 in tabula.*

Ruspæ antropographum, ut tua pingeret ora, petisti.
 Excusatum habeas, vel pete Zoographum.

C I I.

In Campanariam Turrim, continenter obstrepentem.

Hactenus hæc : nostro Turris nam proxima Pindo
 Campanis Liparæu ictibus alta tonat .

Ac-

Aërium patimur Nilum per inane strepentem,
Et surdis omnem impendimus invidiam.
Quæque Cyclops boat hora vel intoleranda veternis,
Hora simul noctem malleat, hora diem.
Si Laërtiades iterum nunc viveret, & se
Flecteret emenso ad littora nostra mari;
Non resonis blandam exitiis Sirena timeret;
Cautus ad hæc aures cluderet æra suas.





EPIGRAMMATON

LIBER VIII.

I.

Eucharistia Sacramentum.

Anagram. purum.

Ecce Saturitas animarum.

Nectar adoratum Superis, & Numine plenum,
 Pantheon æterni hoc dapibile symposij est.
 Ex oculis arcete famem : si creditis, uno
Saturitas animarum ecce sub orbiculo.



I I.

*Sanctus Laurentius Diaconus Romanus , &
Martyr.*

Anagramma.

mutato T in S.

*Sicustus morior. versa Tyranne manducans
latus.*

S icustus morior versa insaturabile monstrum
Manducans geminum sæve Tyranne latus.
Littera nam Divo mutata est prima Timoris ;
Una hilari viget in Martyre prima Spei .

I I I.

*Ad Supremum Consilij Praesidentem.
D. Felicem Ulloa.*

V iuida lex legum, Hispanæ virtutis Aruspex.
Austria qui magni munera Regis obis;
Consilij Recti cortinam Ulloa recludis;
Nec dubijs Sphingem litibus esse finis .
Omnia vestigas , & digeris omnia nutu :
Non Favor , aut odium Te stimulat, vel emic.
Quæ dictas , Sinam sapiunt , Tabulasque Tonantis;
Ara simul consors ardet & Aula Deo .

I V.

In Titum Judicem pudicum, sed pecunia avidum.

A Stræam Tite Virginem peroras
 Judex castus, & integer pudoris.
 Vultu semper agis Forum severo;
 Nec luxu caperis voluptuoso,
 Et mores polit elegans Honestas.
 Hanc laudem tamen abnuunt clientes;
 Et te uxorium, adulterumque multis
 Testantur tabulis: amas Chryfillam.

V.

Ad D. Stephanum Carillo a Latere Regentem.

Virtutum quàm dulce cies Carille duellum?
 Inter se certant hinc Rigor, inde Charis.
 Et terras, & amas: ac vindice mitis in æstu
 Regia das nullo iura supercilio.
 Crimina Te quamquam timeant, odisse vetantur,
 Nam quæ tela iacis nubilus, Irin habent.

V I.

Horologium Solare Achaz. Isai. c. 38.

Turris Achazæ Solem dum Cyclades Umbrae
 Signarunt stupido gnomone Retrogradum,
 Visa dies crevisse; sed una crevit in Aula,
 Mentitos finxit linea ducta gradus.

In

In speciem fallunt dominis Sciatherica testis,
Blandior ut Magnis hora stet, hora fluit.

VII.

Ad Auctum ut Adulatores despiciat.

INflamur, Aucte, laudibus licet fictis,
Et credimus vel mentientibus grati.
Tibicinem rarum, unde quaque Flatores
Hæc nostra pariunt sæcula: & probant empti
Etiā improbanda, si qua spes trahat lucri.
Ni tibi severus noveris tui censor
Mensuram agelli, Pulveraticum marcet.
Odisse laudem, honoris est genus summum.

VIII.

In Longurium indecenter bibonem.

Longurius biberit collo cum vina reflexo,
Respirat, ceu magno enatet e pelago.
Frigida cunctanti caleant ne vitra bibenti,
Circinat in gyrum labra per uda scyphum.
Symposij vellem sciret legemque, modumque:
Poscit enim morem, & sobria mensa πείπον.



I X.

Ad Crispani Ducem D. Didacum Soria a latere Regentem, a B. Stanislao Koska S.I. sanitarum redditum.

Iustitia, an Pietas, dubium est decidere Musis,
Ornet an hæc mentem maior, an illa tuam.
Magnificè Regum partes, ac Numinis imple :
Publica, non tua compendia rectus amas.
Hinc voti reus in dubiæ discrimine vitæ,
Æger præonium nactus es Indigetem.
Koskiades Fato eripuit: nempe arbiter Æqui,
A Superis tantum sumere dona cupis.

X.

Ob mariti iacturam Coniux Roma se proiecit in fluvium.

Amissum fletura Virum se Præfica merfit
In Tiberim Coniux. hæc sine dote fuit.

X I.

Ad Oxylum ut a fungis absterneat.

Limosas fungorum animas, atque ulcera terræ,
Quæ parit Autumno ruptilis imbre tumor:
Fac epulis absint; nam funeream Oxyle pestem
Succus acedenti glutine sæpe tegit.
Claudius intrisum hac in fruge liguriæ Orcum.
Stultum est, ancipiti Fata cedere cibo.

XII.

*Ad Pareta Ducem D. Franciscum Moles in Colla-
tèrali Senatu Regentem.*

Zodiacum emensus per singula signa Forenses,
Pergis idem fido lumine Solis iter.
Publica res olim nullam Te Præsides noctem
Palluit, aut dubio nubila jura dolo.
Hispanas inter Siren Campana Curules
Sensit inocciduos Te sibi ferre dies.
Rexit & Insubres populos Epidaurius Anguis,
Cum Themis e nutu splenduit aucta tuo.
Arduum id est, Fisco annonam indulgere sequestro,
Et simul urbanis consuluisse focis.
Tanta operum Moles, tanti decora alta laboris,
Fixa Tibi meritis sidera laudis alunt.
Nunc Regum Latus es, patriisque optabile votis
Solstitium præstas: hoc quoque Solis habes.

XIII.

*Epitaphium Aloysii Puderici strenuissimi, ac piissimi
Polemarchi.*

LOyides jacet hic, Pudericæ gloria Famæ
Ultima, quæ nil quò tenderet ultra habuit.
Canitiem galeæ natam, & victricibus armis
Impetere ausa est Mors, dum timet ipsa mori.
Vidit inexhaustumque animis, Galloque tremendum
Belgicus Alciden exhibuisse Leo.
Hispanæ videre acies per tela, per ignes,
Fulmineum hostili nectere vincla Tago.

In-

Inferamque odiis plebem, Patriæque rebellem,
 Et Guisium stricto subdidit ense Ducem.
 Merfit hydrops eheu! tabo crudelis aquoso;
 Cui detus in pulchro pulvere sudor erat.
 Parthenope tantis ficiat ne Manibus urna,
 Crater in lacrymas defluat usque tuas.

XIV.

*Ad Ducem Campomele D. Troianum Miroballum
 a latere Regencem.*

Heroos Maiorum ausus, & Equestria signa
 Excrescunt in Te maxima, dum sapiunt.
 Strenuus in Legum stadio vicisse Togato,
 Aligeri præfers Cyllaron Ingenij.
 Gloria Avis fuerit bellandi equitasse Magistros;
 Arbitra mens Æqui gloria tanta tua est.
 Dii precor o meritos donent tibi Nestoris annos:
 Melleus eloquio es, melleus & Titulo
 Oeconomus Regnis esses satis unus Iberis;
 Natum ad magna, capax par viget Ingenium.
 Troianus Danaum non perfida dona timeres;
 Nec te venali falleret arte Sinon.

XV.

Cleopatra misere felix.

Ista Paræthonia Nilum quæ navigat Argo
 Thais, & in gemma divite Regna bibit;
 Expertura suis fata ultima surda querelis,
 Aspidei nutrix præfica dentis erit.

X V I.

In Cinnam incontinenter loquacem.

Nulgax ineptit Cinna perdius, perniox,
 Cœnatus, incœnatus, ambulans, fixus;
 Si nullus adfit Socius, & domi solus
 Secum ipse garrat, & Forum agit amicorum.
 Quin captus alto semiebrius somno,
 Sonantiori voce Morpheum ructat,
 Ranarum in uno crederes Magistratum.

X V I I.


*Otho Caesar designatus ad cadem, dum ivet cubitum. Adj-
 ciamus, ait, vita & hanc noctem. Ex Sueton.*

V Nam cui vitæ tanti fuit addere noctem;
 Imperij nullum dic meruisse diem.

X V I I I.

*Ad D. Lucam Jaccam Aragonensem a latere
 Regentem.*

O quem te memorem supremi Jacca Senatus
 Gloria? vox laudes non capit ulla tuas.
 Auspice Te Legum fas regnat, & Austrius Orbi
 Carolus Alphonsos vivit Aragonios.



X I X.


*Ad D. Antonium Caietam post abdicatam Regia Camera
Prefecturam Collateralem Regentem.*

N Il Caieta tibi par solvere Carmina possunt,
Anteuenis Famam celsior ipse tuam.
Ne totus fileam, precor excipe vota, Sacerdos
Justitiæ, Superis nam quoque vota damus.
Redde Solon nostris edicta disertus Athenis:
Parthenio Spartam redde Lycurge Foro,
Quòd raucam exieris Fisci Rationibus Aulam,
Aut labor, in nummos jusserit aut odium?
Consilijs fultam nunc sedulus exere mentem:
Nullus obest Lateris Calculus officio.

X X.

Jezabel a Canibus trucidatur.

R Elliquias horres Calvæ, manuumque, pedumque?
Cholchis Achabæi hæc Jezabel illa tori est.
Supplicium præcepit subijt, caruitque sepulchro;
Ne foret obscænis Manibus ulla quies.
Præda canum quoque cæsa latrat, mordetque videndo;
Exiit haud lacero in funere sævitiem.



XXI.

Initia regnandi, ut plurimum bona, non item exitus.

Quinquenni plaussit lætissima Roma Neroni,
 Quo tandem in cinerem Cæsare versa ruit:
 Imperijs mites aperit lux fausta Kalendas;
 Vix tamen exactis Idibus Umbra tonat.

XXII.

In perditè Muliero sum.

Solvas pudendę cum salarium Mimæ,
 Postquam crumenæ exhausseris miser fundum,
 Serum hæc rependet Lothidis salem stulto.

XXIII.

*Ad D. Nicolaum Gasconem extra numerum a Latere
 Regentem.*

IN terras Astræa redux, & aperta videri,
 Gasco, tuos poterit tuta subire lares.
 Nil quod te fugiat, nisi voti crimen avari est:
 Nil quod non animi sedulioris agas.
Otibi det similes peragendis Curia causis:
 Numquam Fas sacrà desinet ire viâ.

X X I V.

*In illud Hippoc. Medicus est Deo aequalis.
Ad Thomam Quartam Lupiensem doctissimum Hippo-
cratis & Euclidis Nepotem.*

Quem trepidæ dubium vitæ dignatur amico
Lumine Rex Divûm, desinit esse miser.
Proxima laus Medico, lepidum cui multa perito
Ars dedit os; tristem nec sapit Hermocratem.
Frons Liparim febri caperata Machaonis addit:
Fac agrum exhilarent pharmaca; convaluit.

X X V.

*Ad Januarium ab Andrea, Hispana Aula destinatum
a latere Regentem. cuius maior frater R. Consil.
summa eruditionis, & eloquentia.*

Laurigeris Fratrem præceas cum Fascibus, hic est
Ultra annos meriti summus Honoris apex.
I felix salvusque ad Iberas clarior oras;
Et tua lux Gades transmigret Herculeas.
Quid sibi non faustum mirabitur Itala Siren,
Dum videt & Cœlo Castoras esse suo?

X X V I.

*Ad D. Sebastianum Cotes Summi Camerarij
Locumtenentem.*

Fida manus, mens fida vices tibi credidit Aulæ,
Quæ Regum servat serinia, censet opes;
Sci-

Scilicet ambages, & vectigalia fraudum
 Integer ex æqua pendere lance potes.
 Omnibus exactum numeris Fas providus explēs,
 Spongia ne Fiscī plusve, minusve bibat.

XXVII.

Palea in D. Januarij sanguine innatant.

Quam fecunda Fides? vivam ad miracula messē
 Sanguineis serit, & colligit e stipulis.
 Fumantemque in damna vetant mugire Vesuvum,
 Victaque flammæ fomite flamma perit.

XXVIII.

*In Calvinistam, qui recisis Catholicorum auribus, sibi
 corollam intexuit.*

Impie quid truncas inserta recolligis aures?
 Non Calvo hæc capiti consona vitta tuo est.
 Da Fidei, da tale decus, quæ cæsa triumphat,
 Et faustum auriti sanguinis omen amat.

XXIX.

In Eundem.

Quò magis abscissæ Romanis gentibus aures,
 Hoc magis imperium Numinis excipiunt.
 Monstruū hominis, monstrum o Erebi, tot in auribus unā
 Desperes: animis insidet illa piis.

X X X.

Idem.

Auribus intextam quamvis indute Corollam;
Non poteris surdum condere Calvitium.

X X X I.

Ad Pudicitia studiosos.

Et commune trium Veneris genus. Una virū aufert,
Et mentem, & corpus : parcite Grammatici.

X X X I I.

*Ad Petrum de Fusco, in agendis causis, quā patrociniū,
quā Consilio scientissimum.*

Clarior e fusco velut ad pictam exitus umbram
Mixtus Apellæa prominet arte color;
Consilio in lucem dubias educere lites
Niteris, & dictis annuit æqua Themis.
Justus habes, prudensque ex ipso nomine causam,
Petre ligare ream, solvere Petre bonam.

X X X I I I.

Ad Volsum Amico utentem versipelli.

Palpone captus improbo;
Cladem crumenæ amas tuæ;
Tractas supinè prodigus

Cum

Cum vulpe rem pullariam;
 Pascis Cicadam roribus,
 Explora mox, male obstreper;

XXXIV.

*Ad Ianuarium Bisognum Medica Philosophia cum
 primis peritissimum.*

O Mnigenæ Bisogne foves qui Pallados artém;
 Altaque pæoniæ lumina mentis alis.
 Ambiguos primum indagas ab origine morbos,
 Ne qua lues imis repar opera fibris.
 Derides Archæa sciens, panacemque salubrem
 Cautus ab expertis elicis antidotis.
 Janus es ad vitam: si languida, consulis ægræ;
 Si firma, in longum prospicis, ut valeat.

XXXV.

*Ad Avitum
 Speculum caliginis, Amor proprius.*

N Il sincerum oculis spectabis Avite, vel æquum;
 Unum si speculum consulis ipse tuum.

XXXVI.

Asinus officiorum magister.

V Illicus, Urbanos cui mos contemnere mores,
 Scilicet & tectum nulli aperire caput.
 Urbis ad ingressum, multis cum civibus iret
 Obvius, & vultu rusticus ipse suo.

Rem lepidam perstringo: Asinus quem forte trahebat,
Abstulit excusso vertice pilcolum.

XXXVII.

De Momo.

Dum nostra relegit, ore mussat obliquo,
Torvumque ridet Momus: aliquid hic falsi est.

XXXVIII.

Nero ab occisa Matris larva deterritus.

Supplicij strepidat vacuæ Nero territus umbræ,
Umbra hæc elatæ posthuma Matris erat.
Nulla latent commenta dolis impune Tyrannis.

* Spectrum

Funereum sceleri * μορμολικεῖον agunt.

XXXIX.

*In illud Cant. quàm pulchra sunt mamma tua.
Ad Dorum vultuosè liberalem.*

Uberibus laus est etiam concinna Venustas.
Nescio quid præstat dulcius ipse color.
Si terres quem pascis, acescit gratia lacti.
Ni sapiant oculis munera, Dore, negant.



X L.

In Iudices venales.

Cui sunt crimen opes, Cæli fax dira forensis,
A Jove tam procul est, quàm prope Mercurium;

X L I.

*Lapidea corda in Paderbornensi agro eruuntur Natu-
ra artificio.*

Naturæ pietas lapides in corda refoſſos
Induit, & terræ viscera tangit amor.
Quis sua non doleat jam crimina? Limus habet cor;
Obdurata hominum in pectora saxa migrant.

X L I I.

*Ad Flaviū Gurgō inter Advocatos, & scientia, &
methodo eximie doctum.*

I Nter Romulei fascesque, togasque Senatus,
Inclyta adhuc Fabij Gurgitis acta sonant.
Vulsinijs domuit Servos ad fræna rebelles,
Terruit & Latijs Samnia castra tubis.
Quin tralatitio, censor morum, eluit ære
Fœda cupidinæ crimina nequitæ.
Par etiam, Flavi, floret tibi laurea laudum;
Cuius ab illimi Gurgite jura fluunt.
Bella Foro sua sunt, sua litibus alea pugnax.
Nec minus est animos flectere, quàm gladios.

X L I I I.


*Ad Salvinum.**In Saturnales vindemiarum dies.*

Vbi ludit inter ebrias ferax glebas
 Vindemiarum nundinator Autumnus,
 Salvine, Legulos angue peius uvarum
 Monco cavendos Omnibus madent sannis
 Strepente cornu: musteoque sordescit
 Aërtumultu: rusticus latet nasus
 Nugis in ipsis; corbulæque, scalæque
 Turpem Orgiorum ad præla congerunt fæces.
 Æquantur acinis nupta verba Faunorum,
 Inter procaces impudentium rixas;
 Unus Vesevi lacrymis Pudor luget.

X L I V.

In Cotilum impiè conviciatorem.

Cotile habes culicum quòd pungis & usq; sus furas.
 Extinctos quòd amas carpere, vermis habes.
 Quòd blandas Venerum voces imitaris, Hyenæ:
 Quòd Cycni speciem fingis, Onocrotali.
 Quòd sacros etiam ritus, & Numina latras,
 Nullum quem simules Cotile habes, nisi te.



XLV.

Tunchinensium Rex aquis se lavat, in quibus Eclypsim inspicit.

Viderit Eclypsim qua Rex Tunchinus in unda,
 Abluit ipse manus, abluit ipse genas.
 Cæca superstitio, at multis probrosa Dynastis,
 Amphora queis Cæli diluit hausta metum.
 Sidera deficient, & Sol & Luna laborent,
 Lautā parant vitij pocula, non lacrymas.

XLVI.

Ad studiosum intemperanter cœnantem.

Sobria ni vigiles noctu mens transigat horas;
 Pinguius ad musas oscitat ingenium.
 Εγκέφαλον Iovis eructes cœnatus opimum;
 Vagiet haud curis ulla Minerva tuis;

XLVII.

*Ad P. Thomam Sirozza Oratorem, & vatem egregium;
 qui de Cocolate elegans, & quantivis pretij carmen
 edidit.*

Hesperij fecere si tim quæ Mexica terris
 Pocula, vitigenis dulcia præ lacrymis.
 Tam bellè numeris ornas facunde canoris,
 Ut nova jam Pindo Castalis unda fluat.
 Cinnamaque, & sacchar, siliquas libamus odoras,
 Cum legitur nitido pagina lauta stylo.

Hæc si gustasset, non ebrius isset ad Orcum,
 Dum timet adversi Cæsaris arma Cato.
 Unum Strozza tuo vitium in Cocolate fatemur:
 Salsum est, & multum Carmen habet piperis.

X L V I I I.

*Ad Seraphinum Biscardum primi subsellij
 Advocatum.*

V Nus habes Latine vim Suadæ, & schemata Tullij;
 Tela Periclæi fulminis unus habes.
 Facundus non ulla times fastidia; nec Te
 Admonet ad tacitas clepsydra lapsa vices.
 Si vel Romæ olim orasses, vel Rhetor Athenis.
 Ipse tui poterat Juppiter esse Clien.

X L I X.

In Harpalum ambitiosè residentem.

A Rdua si prenas ingentibus Harpale votis,
 Antæcat præcox ardua vota labor.
 Horrueris noctem? Cælum nitida astra negabit;
 Horrueris nubes? nulla sed Iris erit.

L.

*Ad Carolum Citum in causarum patrocinio scitissimæ
 dexteritatis.*

M Aximus ingenio, Cite, consilioque sagaci
 Facundum eloquio vincis Atlantidem.
 Est tua difficilis laus hæc dissolvere nodos;

Litibus invisam corripuisse moram.
 Debentur non una tuis Palmaria curis;
 Cùm causas superat qui citò, bis mereat.

L I.

*In latrunculum suspendiario addictum funi ob Cereum
 ereptum comitanti Divinum Viaticum.*

D illueret dubiam famulo quæ lumine noctem,
 Cerea divinam fax præitura dapem;
 Funeris auspicium misero sublata latroni
 Extremam potuit deproperare diem.
 Improbam ludunt si Lampadiphoria Fures,
 Coguntur tædam tradere Carnifici.

L I I.

Idem.

Q uàm iusta furi iusta carnifex solvit,
 Cui subtulit fax rapta lucis usuram.
 Ausus nefasta fraude Cereum noctu
 Auferre, laqueum ellychnio sibi torfit,
 Quid ni scelus funale plecteret funis?

L I I I.

*Ad Balthassarem Pisanum Advocatum, & vatem di-
 sertissimè elegantem.*

Q uæ te Legiferæ meritum dat Pindaron Aulæ,
 Pieris arguta ludere docta Chely;

Am-

Ambiguo quamquam sit Juris in æquore Siren,
Dictat Ulyssæis auribus illa Themis.

L I V.

Ad Eundem.

THyrreni memorant Fasti, quòd primus ovantem
Pisæus facili fuderit ære tubam.
Historicis Pisane fidem facis. altera Famæ
Auspice Te, Pindo iam tuba, & aucta Foro est.

L V.

Ad Pompilianum otiose vitæ encomiasten.

FRange pugillares: Musis indicere fas est
Exilium, ut valeam, Pompiliane mones.
Ad phthisin hæc libris extrita Diathesis urget:
Læta diu regnant otia: non faciam.
Sollicitis felix caret Ignorantia curis;
Mens labat a studiis pallida: non faciam.
Naumachiam vitæ si vis percurrere victor,
Sidera dent Helicem errantia: non faciam.
Desine: Cornicem vivas longissimus annis:
Ipse breves malim vivere Luscinias.

L V I.

Ad Gallicum.

Snellius putavit Cometas e Sole prorumpere.

Astrorum spurios ignes e Sole revulsos
Afferuit vitro Snellius astronomo.

Flc

Flexeris ad morem, sententia proxima vero est;
Qui nimium lucet, Gallice, monstra parit.

L V I I.

De Thaumaturga Apostolorum Principis Umbra.

ENtis inops, vacuæ prope nulla lacinia formæ,
Triste satellitium corporis, Umbra sequax;
Emicat e Petro, & radijs fœcunda benignis
Diluit exangues pæonis Umbra metus.
Morborum fugat Iliadem, Fatigue premit vim;
Baiulaque est vitæ, pronuba lætitiæ.
Qui vel in exigua molitur Anastasin Umbra,
Hunc agere in terris credite secla Deum.

L V I I I.

Neapoli semper floruit Romana Religio.

PArthenopes si cana Fides numquam excidit Aris,
Ne stupeas. Petri nititur hæc Baculo.

*Inter Sabra
Cimelia
colitur.*

L I X.

*Caria in Asia scorpiones parvunt advenis, incolas
necant.*

SCorpius infidis quem Caria parturit umbris,
Obliquæ præfert symbolon Invidiæ.
Mitior externis silet hæc, & nulla sepultis:
Quæ vivunt, vel sunt proxima, dente ferit.
Crudelem Sacra nequicquam Avertentia flectunt.
Exieris tantum vulnere, si moreris.

L X.

*Aurum somniantibus obiectum, morti præludit.
Ex Artemid. l. i. c. 79.*

O Blinat illuso si somnia Phantafus auro,
Pallida fatalem præcinit umbra diem.
Nugæ: qui nimium raptò vigil excubat auro;
Ille sibi certum scænerat interitum.

L X I.

In Suram Monophilosophum.

V Ni Sura sibi sapiens, sibi discit & uni.
Quod mirum: nulli parturit invidiam.

L X I I.

*In obitu Jo: Baptista Spinelli Fuscaldi Marchionis: cuius
in gentilitia Tessera, Spina & Stella.*

S ummus Justitiæ Præses, reus occidis Urnæ,
Scilicet in cunctos Mors agit æqua forum.
Sidereæ quamquam niteant in stemmate Spinæ,
Urit hiems spinas, sidera mane ruunt.
O cineri dent Fata tuo Spinelle favillam.
Indita Divino quæ dedit astra Rubo.

L X I I I.

Concha oscitando gemmascunt.

Natura Conchis deses oscitabundis,
Et fulgurito rore parturit gemmas.
Imitatur hæc exempla Candidatorum
Iners propago: ad ostiarium fixi
Aulæum, hiantes vota Principum captant.
Sors sæpe desultorio favens ludo,
Supina macris ostrea Titulis implet.

L X I V.

Diocletianus abdicato Imperio, ad hortorum culturam transijt.

Exutus Trabeam post tædia longa Diocles,
Induit hortensem Rusticus agricolam.
Efferus Eumenidum licitor, Mundique Tyrannus
Otia sic saturis cædibus asseruit.
Debuerat tellus in Thebanam hiscere messem:
Auginea hæc fuerat Cæsare digna seges.

L X V.

*Ad Regium Consiliarium D. Fulvium Caracciolum,
omnigena litteratura expositum.*

Nec nomen Tibi laude caret doctissime Fulvi,
Olim in Romanis Nobile Consulibus.
Grande Togæ decus, & Themidis Mens integra, Legum
Æqua jubes vigili sciscere jura Foro.

Altraæ

Astræ lateant si sidera, Curia desit;
Ipsa etiam sileant Rostra, Senatus eris.

L X V I.

Exhortatorium Procillo adolescenti.

Votis nil medium sedet juventæ,
Extremis trahitur periculosis;
Et pravi docilem indolem profligat.
Ni cum mente geras, Procille, vires,
Ad pistoriâ ager molam libido.
Sampsonem recole, Herculem comatum.
Dum fidit male Dalidæ capillum,
Cæco debuit impotens amor
Vitæ ludibrium, probrumque famæ.
Fallunt deliciæ, joeique fallunt;
Et fallit vigilata nox fritillo.
Vix brutos animæ retundit ictus,
Qui somnos etiam timet Ferarum.

L X V I I.

*Cloelia Virgo cum obsidibus ab Etrusco hoste noctu per
Tiberim Romam rediit.*

Sævitiem hostilem, atque adversam fluminis undam
Cloelia victrici eludere visa fugâ:
Castrorumque per excubias tranare tumentem
Virginei ductrix agminis ausa Tibrin.
Nare nec investis voluit; nam nuda, periclis
Obvia semergunt arma Pudicitæ.
Eripuitque metum socijs, sexumque puellis;
Patria remigium præbuit, ira ratem.

LXVIII.


*Ad D. Casarem Natale ex primario causarum Patrono,
Rationarium Praesidentem.*

Cæsaris ingenium sortitus amantibus astris,
In rem vertisti nominis auspiciū.
Omnia vestigans nam commentaria Legum,
Vicisti dubio plurima bella foro.
Et calamum, & gladium pugil exeris omnibus Aulis:
Dat calamum Pallas, dat Themis & gladium,
Cæsaris hoc non Cæsar habes, quòd scribere laudes,
Cum numerum excedant, non potes ipse tuas.

LXIX.

*Ad Antonium Cappellam Archiatrum
praestantissimum.*

Pæoniæ referas dum docta Lararia Divæ,
Te Genium magni credimus Hippocratis.
Acce vel in morbis præfers divinus acutis
Judicium, & certa digeris arte crisin.
Ad tantam duxit labor insuperabilis ætæ;
Cultaque mens doctis ingeniola Sophis.
Memeus urget amor Te semper habere propinquum;
Longinquum ut malim, me tuus urget amor.



L X X.

*Ad Carolum Pignatarum bis Prothomedicum, eruditè
intelligentem, & gratiosum.*

Dulce meæ, fato jam jam properante, senectæ,
Delicium simules Carole, & Auxilium,
Mens Sophiæ, vitæque ingens tutela labantis,
Cæca potes nigræ obtundere tela Dex.
Quid? quod tanta tuæ vis est, & gratia linguæ,
Ægris ut bene sit, vel male cum valeant.

L X X I.


In perditissimum aleatorem.

Prædiaque, & census, rem denique prodigus omnem
Ludo insumpsisti: vis sine lite mori.

L X X I I.

*Ad Neapolim post Terramotum non emendatam
in moribus.*

Territa adhuc peccas; stupidoque Neapolis ausu
Nulla times Erebi fulmina, nulla Chaos.
Ah vereor, Cælo ne vindice tota dehiscas;
Et nova te faciant crimina Necropolim.



LXXIII.

De Branulo solerter provido.

M Vltus agens operum, æstivo cum Sole maderet,
 Lintea nec quis se tergeret, ulla forent;
 Branulus appensum manibus mantile lavandis,
 Sudatus tepidam uertit in interulam.
 Implicuitque humeris medium, mediumquæ revolvit,
 Ne bonus argueret congrua furta dolus.
 Naturæ nam jura docent, ut lina tegendo
 Sint nudo potius commoda, quàm madido,

LXXIV.

Bombyx Avaritia symbolum.

E Gerit ambefas in fila gracillima frondes,
 Vdaque nec Bombyx viscera folliculis.
 Textrinamque suam tacita molitur in umbra;
 Ipse sui bustum velleris, ipse faber.
 Quò tamen hæc ? nimium solers in damna laborat.
 Ac male pectendum deserit ales opus.
 Par etiam cupidos mos obtinet inter Avaros,
 Reficiunt alios, cum sibi deficiunt.

LXXV.

*Ad Florum,
 De Grypho philosopho ebrioso.*

E St locus Illyrico, CALICES, dixere Coloni;
 Hic natum fas est credere Flore Gryphum.

Dolia cui tectum ; cui dum mens devia potu
 Fallitur, Oenophoro surdior ipse suo est.
 Et sapere hoc jactat supra commenta Stagyrae :
 Ceu pecudì natam Sannio mordet aquam.
 Quod sapiat vivens, nulli suadebit amico.
 Dicemus sua post funera Diogenem.

L X X V I.

Ad Albiū in prosperis rebus elatum.

NE nimium fidas opibusque, & fascibus Albi,
 Fortunæ frons est blandula, cauda ferit.

L X X V I I.

In honorario funere Mariae Aloysia Borbonia, Hispaniarum Regina.

Dulce decus, Famæque heroidis inclyta Princeps
 Invida te subiti funeris umbra premit.
 Austriacæ nondum dederas si Phosphoron Aulæ,
 Cur cita nox properis Hesperon urfit equis?

L X X V I I I.

Ob gelidam lactis potionem in extremum incidit morbum.

Læteus ætherio Junonis ab ubere rivus
 Astra dedit Cælo, lilia sevit agris.
 Fabula. Borbonin lac funere misit acerbo.
 Hesperus indoluit, Lilia mors rapuit.

L X X I X.

De Borbonijs Lilijs.

Quæ neque nent; alto neque Lilia flore laborant.
Heu Lachesis fuso vindice neta cadunt.

L X X X.

Mense Februario obiit.

Iurè lucit curæ Februarius omina lucis.
Scilicet Augustam sustulit ante diem.

L X X X I.

Eadem moriens hac ad Regem.

Carole, Fatorum invidiam queror ægra, quod a Te
Dividar, & nullo pignore coniugij.
Æternam cineris tamen experiere favillam.
Gloria nam mihi sat magna, fuisse tuam

L X X X I I.

*Franciscus Navarra Rex,
cognomento Phœbus ob oris elegantiam, hausto per musi-
cam cannam veneno interiit.*

Magna Navarra Rex Gentis gloria, Phœbus.
Hoc nomen pulchri fecerat oris honos.
Dum canit, & resonis ludens agit ora cannis,
Hauit lethiferam proditus inde lucem.

Proh scelus infandum ! hoc bifidæ fraus intulit Aulæ,
Ut Phæbo parerent musica Fata necem.

L X X X I I I.


*Vitellius Caesar designatus ad eadem, Piftoꝛe & Coquo
comitibus fugit.*

Quò properas per tela, per infidiasque Vitelli,
Nulla cohors vigilat ſi tibi fida latus?
Vile ſatellitium cur nam turpiſſime tecum
Piſtoꝛem hinc comitem ducis, & inde Coquum?
Anne tuam obſonas ignominiam? anne Minervæ
In patinis alium cudere viſ clypeum?
I tamen, i lanijs ſeptus: iam poſceris ingens
Beſtia, Tænariorum victima lauta Jovi.

L X X X I V.

*Nero binos e cryſtallo calices fregit, ut ſæculum
puniret ſuum.*

Vlturus Nero vim Procerum, Romamque rebellem,
Nequa ſuos ætas luderet in calices:
Hos freceit præceps in fata, ſibi ebrius uni;
Exacuitque ſui ſanguinis ira ſitim.
Tam fatuè indignatum Aulæ quid mirer? eodem
Ille loco duxit vivere, quo bibere.



L X X X V.

Varia lacrymarum diathesis.

Non eadem lacrymis est gratia, non sapor idem:
 Eliciunt madidis crimina sæpe genis.
 Quàm sordent si mœsta suum flet Cypris Adonis?
 Si queritur refugos indiga mœcha procos?
 Luget avarities pelago damnata rapaci:
 Luget in hostilem tardior ira necem.
 Atra canit longum sibi Desperatio lessum,
 Fellea styx gemitus exprimit invidiæ.
 Una sapit mel, & una sibi venale meretur
 Emptreum, ex oculis lacryma Magdaleis.

L X X X V I.

Argenteos Lychnuchos moriens Episcopus Clinico suo testatus.

Lychnos ab arte divites, & argento,
 Medico, sine sacris, Præsul hoc suo munus
 Legavit, & qua mente? liberè dicam:
 Quod sæpe fallax Pharmaceutrix praxis,
 Ad Cereos, facesque pertrahat vivos.



L X X X V I I.

*In Eunum
domestica Bibliotheca furem.*

E Une trifur, quadrifur, veterisque Nepotule Verris,
 Quin in te vindex Tullius esse velim?
 Verrinus tibi mentis adeps, Verrina novasti
 Mendax ingenio, sacrilegusque manu.
 Doctrinæ in pelagus non uno ductilis hamo
 Ausus es insanum extendere verticulum.
 Quid preceſ o fraudum meritis, atque unguibus istis?
 Pallas inexplata Gorgone te jugulet.

L X X X V I I I.

In Eundem.

I Ngenium acutis Eunus, in digitis habet,
 Voratque libros helluo.
 Adeone sapiens? immo Mercurium supra,
 Fur litterarum est omnium.

L X X X I X.

Idem.

L Atrunculis certasse dixerim Stellas,
 Cum prima vitæ semina hausit ad pestem
 Eunus Sophorum, injuriamque Musarum:
 Collega murium, & voracior blattis.
 Immane librimordicam famem pascens,
 Ipsam eruditis rapere posthumam vitam

Aggressus, expilasset integrè thecas;
 Ni plena furtis arca subdolum fraudem
 Vi Superum aperta Judici resignasset.
 Nulla est Scelestis latebra tuta, se produnt.
 Penus rapinæ destinat Reo cippum.

X C.


In eundem manuscripta depeculantem.

Scripta manu commenta Eunus quò rapta laterent,
 In foricam merfit naufraga. Cacus hìc est.

X C I.

*Tiberius Cæsar
 Contumeliam Cælo dedicavit.*

Tiberium ad hæc portenta compulit terror;
 Ut pollices exiret, & truces sannas
 Populi ac Senatus, execrabilis Mystes
 Fatuè dicavit Contumeliam Cælo.
 Parum Tyranno fuerat, abditis Aulam
 Fœdare Capreis, Cæsaremque secessu
 Mergere nefando, fluctuantibus stupris,
 Incesta scelerum probra ni suam in laudem
 Vertisset, Ara nempe teste famosus.



X C I I.

In Bibulum importunè blaseronem .

Dij melius,quàm cum Bibulo unā demorer horam ,
 Multa diu garrit sominia , multa rogat.
 Ceu pilulas,ac pharmaca de folijs Calapinis
 Hauriat,in segnes egerit usque logos.
 Mœroremque animo,atq,moram simul auribus affert ;
 Diluvij os credam,nam sine fine loquax .

X C I I I.

*Lycidas in naufragio,Patris cadaver amplexatus,pro
 tabula ad portum appulit .*

Cum Lycidas immane furentibus obrutus undis
 Palleret tumido proxima fata mari,
 Incidit in Patrem extincta jam luce natantem,
 Et simul o dixit,commoriamur,amans.
 Amplexus tandem,tabulamque in funere nactus,
 Exijt æquoreas morte juvante minas .
 Obstupuit Natura,diu,nimiumque Parentem,
 Qui gnato vitam redderet exanimis.

X C I V.

*Ad Linum .**Continuis Podagra aciculis asperatum.*

Poti ne vi-
 ni quidem
 odorem to-
 lerant .

Diminues acrem podagræ insanabilis iram,
 Clitorij biberis si Line fontis aquas.

Ad

X C V.

Ad Euctum Ludimagistrum,

Hoc inter Latine discenda crepundia lingue,
 Fac altè pueris hæreat Eucte tuis.
 Esse unum MORIOR non declinabile verbum:
 Pluralis nullam nominis esse Fidem.

X C V I.

Ad Carpum,

*De abruptis Nobilium pallijs ad ostentandum pugionis
 manubrium.*

PAllia cur Equites a tergo scissa fenestrant?
 Quid facit in lacero, Carpe, lacuna sago?
 Scilicet ut capuli tornatum, hinc pugio fungum
 Exerat, ad subitam promptior ire manum,
 O mores! fuerat Cynicis pannosa cicatrix
 Opprobrium; nunc est gloria Patritijs.

X C V I I.

*De tribus pueris obreictam auream Regis statuam,
 in fornace hilariter ludentibus.*

I sacios Pueros quin mirer Olympionicas?
 Risit ubi verno florida rore Fides.
 Geryonem vicere. Minor domito igne triumphus;
 Plus Regem, ipsum aurum plus superasse fuit.

XCVIII.

*In Demadem Græcia Rhetorem catillonem, & lurconem,
ac non nisi ventrem, & linguam. Ex Antiphan.*

Demadis ingluvies, & inextaturabile guttur
Omnia devovit lucra diserta gulæ.
Quot nummos vafer e causis emungeret actis,
Sordidus in Venerem, in pocula, census erant.
Clepsydras, fundosque liguriit; ac sibi præter
Ventrem unum, & linguam, nil superesse dedit.
Dedecus hoc quantum o doctæ doluistis Athenæ?
Vestrum Oratorem vivere ventriloquum.

XCIX.

*Bina Statua e marmore, motu terra incolumnes in Templo
Soc. Jes. altera Davidis, altera Hieremia.*

Iffidæ quæ jam juveni molita triumphos
Funda, Philistæum straverat. Enceladum;
Vim lapidum ingentem eludens, iterum ausa tueri
Marmoreum Templo præcipitante Ducem.
Servant Fata fidem. Victor ne vindice saxo,
Scissa ferat pugnae Saxeus arma sua.



C.

Mœsta canens olim Solymis Epicedia vates,
 In stupidas torva sculptus ab arte genas;
 Radera cum ruerent divulso immania tecto,
 Nulla læcessito in marmore damna tulit.
 Scilicet ad tantæ sterit integer òmina cladis,
 Saxea ne fluxas lumina dent lacrymas.

C I.

De Cippo ineptissimè in aqvi vocis gratioso.

Incogitato Cippus animo, & insulso,
 Argutiarum nosse se putat fontes;
 Ubi verba reddit torta frigido sensu,
 Quæ sub latranti Sole congelent muscas.
 Tardum increpabit, si poposceris Turdum;
 HORTensium te, si perambules Hortum:
 Verremque dicet ambulacra Verrentem.
 Optes Cucumerem æstate, mittit ad Cumas:
 Optes per hyemem liba Mexicanorum,
 Ipso e Cacao ludicros sales lingit.
 Alias perinde putidè vomens nugas,
 Abrumpit otium, & silentium ronchis.

C I I.

*Pervanum argentum non liquescit, si follibus excite tur
ignis, secus si venis. Ex P. Acoſta.*

Potosij argentum, quæ flamma cietur ab Euris,
Non quæ conflatis follibus acta liquat.
Chymicus hinc discat: famulis Natura metallis
Imperat, indomitam Ars irrita tentat opus.

C I I I.


Caules in Belgio ad aspectum purpurei.

Belgica purpureo tellus fert germine caules;
Nec minus herboſo e germine vilet olus.
Haud aliter picto quîsquis se jactat in ostro,
Si radix meriti sordida, caulis erit.

C I V.

*Cicada amputato capite diu ſupervivunt, & cantant.
Ex Cardan. l. 7. de var.*

Cantandi rabies agitat tam blanda Cicadas,
Ut vel conciso diu resonent capite.
Non est quod mirer. Plures nam carmina ructant,
Nulla quibus mentis micula, vel cerebri est.





EPIGRAMMATON

LIBER IX.

I.

*Ad B. Virginem Puerperam, ut nato Deo
lac porrigat.*

Mater, Virginei Mater quæ Numinisatrix,
 Hiberna Superùm gaudia nocte paris;
 Prima tuus, tuus ah suspiria jam dedit Infans;
 Et sitit uberibus pendula cura tuis.
 Laeteolos age pande sinus, age prome papillas;
 Ebibat ut tenero parvulus ore Puer.
 Junge genas amplexa genis, rape & oscula gnato:
 Elice lac mammis largius, elice cor.
 Divino o quantum liquor hic arridet Amori!
 Florem animæ redolet lacteus iste tux.



I I.

Deus recens natus, Ænigma.

Cælicolum flet Ritus, & alget amabilis ardor.
 Indiget ah brutis nudus anhelitibus.
 Naturæque Parens, æternique arbiter ævi,
 Vagit adhuc Puer, & vernula temporis est.
 Astrorum dum regnat, Olympo excelstior ipso,
 Natalem pectori vix habet hospes haram.
 O quis tanta potens molitur adynata Mundo
 Argumenta? Deo in paupere dives Amor.

I I I.

Idem in Prasæpi a Magis adoratus.

Fabula minores sileat Herculis cunas,
 Sectasque vel nulla anguium minas clava.
 Indurus hominem infans Deus, statim pugnax
 Lactente ternos Regulos manu vicit.

I V.

*Ad Buterij Principem Carolum Mariam Carasam, inter
 Hispana Aula Summates, tum generis luce, tum sa-
 pientia laude, in primis Magnum.*

*Ob Ponderationes in D. Bernardi librum
 De modo rectè vivendi.*

Non ego præonias Cressis e vallibus herbas
 Demotor, aut Coi jatrix dona senis.

Car-

Carraſide majora aperis commenta ſalutis,
 Unde bibat morum Sanctior Aula melos.
 Nempe Machaonias nugas dediscere fas eſt,
 Altera dum vitæ Cælitis orſa doces.
 Fleſtat ut heroo vitioſa pathemata vogo,
 Qui colit ingenuo Numina ſumma metu.
 Eludatque vices Fortunæ, Orbemque labantem,
 Mentis honos, caſti ſtrenua mens animi.
 Facundæ Nardum ſtillat vis multa Suadæ;
 Multa ſtylo pietas ubere, multa Charis.
 Ciſterci Indigetem lepidum, doctumque fatemur.
 Mellifluum calamo ſed magis eſſe tuo.

V.

*De Lucillo Oratore, qui ſuis tantum commentariolis
 ſaperet.*

IPſe ſibi Conſul Lucillus, & ipſe Senatus,
 Jura ſuo temerè ſciſcit inepta foro.
 Invidiæ vertit, ſi quid bene Cenſor in aurem
 Præmonet; & falſis laudibus emptus ovat.
 Ergo age ſi cudit monſtroſa vocabula, ſuffla;
 Suffla, ridiculis ſi tumet antithetiſ.
 Panthoidem dicet pelagi gentem, Orphea gryllum;
 Mexiacum potum, ſorbilem Adonin. ad hæc
 Suffla iterum: palpo irriſus gaudebit amico.
 Facta ſtrophis faciet mantica Democritum.

V I.

*Ad Parthenopæum.**Jatrophyticum, ut Selenographia vacet.*

N Oscere vim Lunæ non ultima cura Galenis,
 Ipsa regit menses critica, & ipsa dies.
 Ipsa ciet pelagi refugis in fluctibus æstum;
 Excitat alternas aëris ipsa vices.
 Luminis uberior, cum Solè potitur opimo,
 Ostrea plus succi, plus quoque molis habent.
 Anne superficiem salebris corruget? an oris
 Aggestis labes exoriantur aquis?
 Hæc Telescopijs ultro rimanda relinquo.
 Non facit ad medicas insita forma theses.
 Rheumaticos torquet, pleno si turgida cyclo:
 Multus & hydropem dat tumuisse labor.
 Plena tamen facilem juvat opportuna catharsin.
 Utilis emissio sanguine vena salit:
 Cumque Quadraturis insistit, acerba malignis
 Febribus, & siccam exasperat unca phthisin.
 Si minus hæc variæ explores phænomena Lunæ;
 Non Lucina ægris, Parthenopæe, Hecate est.

V I I.

*Ad Belvederij Principem, Insula in Brutijs, cui nomen
 Adamas, Dominum.*

P Arva hæc Cyclas, Ocellus Insularum,
 Emersit Calabris nitens ab undis;
 Tyrrheni decus Æquoris, voluptas
 Ingens Nereidum, benigna Nautis;


Cui

Cui nomen Thetis indidit venustum;
 Neptunique Adamas amat vocari;
 Ut vel splendida fulguret, suoque
 Vestigalia Principi rependat;
 Vel censu famuletur annulato.
 O Lux Carasidum, recenseas hoc
 Heroum inter Imagines tuorum,
 Quòd vestro Generi ipsa saxa gemment.

VIII.

Ad Eundem Aurei velleris Equitem.

Hispanam si quis Colchon sibi spondet Jason,
 Emeritus velis naviger ille tuis.
 Alta per Europen te Mens circumtulit omnem,
 Impatiens segni ducere Sole dies.
 Moribus hinc novus, & genio decor additus, & se
 Expolijt multis indolis ardor aquis.
 Quamquam summa tui sit gloria sanguinis; unus
 Summa auges veterum stemmata, vincis Auos.
 Commendatque silex tibi pensile pectoris aurum
 Lydius, & Virtus vellera nevit ovis.
 Amplius hoc: Aries Musis præit aureus annos;
 Et cum digna geras Carmine, Carmen amas.



I X.

*Ad D. Martium Orilium, tum generis, tum bellicæ
laudis luce clarissimum.*

Aurea nobilibus cumulans Insignia Fastis,
Visus ad armifonas ferreus esse tubas.
Scilicet assuetum virtutem acuisse periclis,
Te cupijt summum Belgica Nympha Ducem.
Nam prope tot memoras annos, quot prælia; nec Te
Expers præteriit pulveris ulla dies.
Epimetrum diu Fama tuis hoc laudibus addat;
Martius es merito nomine, Mars gladio.

X.

Epitaphium

*Jacobi Capycij Galeota, in supremo Senatu e Latere
Regentis.*

Musèum Famae brevis hæc tegit Urna togatæ,
Et tralatitio παντοφον ingenio,
Capyciæ summum Gentis decus; abdita Legum
Dogmata qui triplici promptit aperta Foro.
Ditæ Patriæ pater, & vindex rectissimus Æqui,
Ipse etiam, cum jus diceret, Hector erat.
Excijt invidiam lux tanta, doloque sequestro
Alter Aristides pertulit exilium.
Invitamque obiit mortem, quòd criminis expers
Nec fictam potuit sustinuisse notam.
Diluit hanc umbram victrix, vertitque triumpho
Posthuma laurigeris gloria fausta tubis.

Or-

Ornamentum ingens, columenque insigne Coronæ.
 Regius emerito lemmate sanxit Honor.
 Epigraphen virtus illustri inscribere sepulchro:
 Heroum laus est maxima, sic cadere.

X I.

*Ad eiusdem filium Julium in Judiciaria Toga
 eruditè doctum, integrè pium.*

SI Curios, veteresque Numas, atque omnia Legum
 Numina vis prudens discere, disce Patrem.

X I I.

*S. Felix Martyr, Mercurij, Diana, Serapidis statuas spu-
 to in pulverem comminuit.*

Mercurium, Triviamque, & olentem cape Serapin
 Ne coleret, stygiis debita signa focus,
 Conspuat hæc Felix; simul ulciscente saliva.
 Obruta pulvereo procubuerunt solo.
 Una Deum furum, nemorumque Deam una Dianam,
 Una tuum merfit guttula, Nile, Deum.

X I I I.

*Canem Roma loquutum expulso Tarquinio Rege.
 ex Plin. l. 8. c. 41.*

Tarquinium cum Roma furentibus expulit armis,
 Humana vox Canem induit.
 Degeneremque odijs, læsique & Juris, & Ostri
 Portenta damnarunt Reum.

Invidiosa Pios tantum allatrat Aula; Superbis
Ipsi obloquuntur & Canes.

X I V.

*Hieronem expositum ut Serva filium fœmina, Apes ad
Regnum nutriunt.*

Servilem fortunam Hiero de matre lucendam
Nactus, & a cunis invida fata suis.
Traditur infelix silvarum amplexibus infans,
Nudulus heu rabidis præda voranda lupis;
At nemori pietas non defuit: Hospitem alumnum
Provida luteolo nectare pavit apes.
Quam variè ludit Genesis scenographa Regum!
Alba nocet, casu verilis atra juvat.
Exitium multis tulit illita gemma veneno,
Huic vitam, & dominum mella dedere thronum.

X V.

*Ad Vatolla Marchionem D. Dominicum Rocca, Vatem
scitissimè lepidum,*

*Qui Metaphrasim etrusco carmine, ex Seneca epistolis
meditatur.*

Rocca tuam subeat Polyhymnia firmior Arcem,
Temporis hostiles non subitura vices.
Fama iterum Senecæ juvenes emergit in annos.
Si tanti recoquas ~~Polymnia~~ ingenium.
Debuit ingrato jam bustum exanguè Neroni:
Vitam aliam Aonio sanguine metra dabunt.

XVI.


*Ad Olmum**De Symmaco Causidico popinone.*

Litibus addictus per Rœstra forensia, debet
 Symmacus Oesophago non nisi jura suo.
 Nil satagit, festosque dies indicit amicis;
 Et sibi pro duplici Codice mensa sapit.
 Villatum revocent si prandia, protinus urbem
 Deserit, & bijugis rura revisit equis.
 Tamquam herciscundis ubi finibus arbiter adsit,
 Sedat inexplætæ jurgia rauca gulæ.
 Vis ramen ut causæ jugulum petat, Olme, clientes
 Fax cœnæ famulos esse, vel esse coquos.

XVII.

*Actius Poëta parva Statura, colosseam sui statuam
 in Musarum Templo posuit.*

Currati segmentum hominis, sub paupere Luna
 Naturæ genitum deficientis opus,
 Actius, exculpi vastumque, paremque Colosso
 Sese Pieridum jussit in æde Mimam.
 Non alia potuit se prodere laude Poëtam.
 Nanus erat, formæ fabula magna suæ.



XVIII.

*Aucupium hominum pulchritudo.
ex Clem. Alex. lib. 3. Padag.*

Formosis male prodimur periclis;
In picto bibimusque Colchin auro,
Pomi filia Mors venustioris,
Fœcundam Herciniam intulit malorum;
Quam sæpit laqueis Avernus Auceps;
Viscoque illecebrosus ominoso
Irretitum oculum rapit, necatque.
Princeps Assyrio superbus ostro,
Vix Berthulidis annuente nutu
Loricæ immemor arsit, ebriumque
Devovit caput, evomens cruento
Libatum jugulo Decoris hamum,
Casta mysogynus fuga triumphat
In tuto Pudor; Innocentiæque
Pars est maxima Cæcitas honestæ.

XIX.

*Domitiani Cœnatio, Aurea Mica dicebatur.
Ad Burrum.*

Asiduus poscis cur cœnula Domitiani,
Aurea sub tenui nomine MICA fuit?
Splenduit emunctis Populi corrasa lucellis.
Ex Inopum micis fercula Fastus agit.

XX.

*Isidis fabula de Mundi molitione, Heuresis, hoc est Inventionis, & industria magisterio. . .
apud Trismegis. lib. Sacr.*

Heurysim genuit coniux Natura laboris;
Isidis o quantum fabula moris habet!
Hinc rudis ad dociles Orbis sese induit artes:
Hinc campis segetum copia, jura Foro.
Una præest cultis princeps Inventio Regnis;
Pronuba Fortunæ dextera, mentis apex.
Tuta per ancipites casus parat otia Paci:
Aligeram docet ad prælia fausta moram.
Nonne novos Mundo Mundos, nova sidera Cælo
E mensa victrix addidit Oceano?
Ingenijs quàm lauta penum largitur acutis?
Quàm vitæ varias parturit illecebras?
Nunc creat heu nimium pellex Inventio Fures:
Isidis o quantum fabula fraudis habet!

XXI.

*Nulla pars terrarum tot Vulcanicos montes habet, quàm
America. 14. in Chilensi Regno, totidem in Peruano, tres formidabiles in nova Hispania.*

Nulla tot igniferas tellus ardescit in Alpes,
Adsita quàm Mundi finibus Ammericæ.
Namque ubi sæcundis aurum defossa fodinis
Gleba parit, stygio fumat anhela rogo.
Divitijs par & vitijs est nomen. Averno
Proximus hinc habitat fundus avaritiæ.

XXII.

*Ad Gryppum,
Vt Adulatores caveat, Fortuna mancipia.*

PAlpones quodcumque jubes audere paratos,
Cryppe fac e laribus longiùs esse tuis.
Turpe quibus lucrum est, aliena vivere quadra:
Numquam eadem, innumeras frons creat una genas.
Non te, sed tua venali poppismate prensant,
Si penus effusas prodiga ructat opes.
Blanditijs constant, ubi spes sublucet agelli:
Glutierint ubi rem, vel sua vota latrant.
Lambere si vetitum, mordent: & semper in ictu
Improba, mel cupidis lingua, fel est saturis.

XXIII.

*Planta malenchelica in India campis, noctu lucet, &c.
flore: sub auroram intabescit.*

ABdita cum medicas fallant hypocondria curas,
Seu tumeant, rugas seu male torta trahant;
Et nihil empyricis Helmontius excoquat ollis,
Nullaque Willisij pharmaca pota juvent.
Mœstitiæ solamen erit, quæ geminat Indis
Planta per alternas hispida, pulchra vices.
Nam noctu ver semper agit lætissima silvæ;
Æmulaque accensis provocat astra comis.
Aurora nictante, hiemes iterum induit, & se
Decolor in vidua tabida fronde tegit.
Visa later, non visa micat. Sic gaudia Cælo
Qui debent, hilari nocte dies redimunt.

Phi-

XXIV.

*Philippo Macedoni a puero in stellas jaculanti, Aster
miles oculum eruit.*

Non impune petis Macedum Cœlestia Princeps.
Impendent capiti quæ jactis arma tuo.
Astra lacessentem jaculis, multabit & Aster;
Cui vindex etiam nominis omen erit.
Eruet hic oculum: culpæ par pœna superbæ,
Unde luas Genij fulmina bruta Cyclops.

XXV.

Divus Franciscus Borgia e Societate Jesu.

Anag. purum.

Custos, ac cauta defensio huius Regis Iberi.

Custos huius es, ac defensio Regis Iberi,
Temporis adversas vincere cauta vices.
Magnus Aragonij pius olim sanguinis Hæres,
Nunc patrocínio Maximus Austriaco.

XXVI.

In Judam Iscariotem.

Horruimus Judæ ad lucra infelicia. Numquam
Pauperior, quàm cum vendidit ipse Deum.

X X V I I.

*In Babium per Villarum delitias excurrentem, genio
semper fastidito.*

Helluo pigritiæ, atque animo morosus omisso
Bæbium, hortensem ruminat esuriem.
Se fugit, & sequitur: vigil ad sua tædia stertit:
Odit, amat nugas ipse, nec ipse suas;
Posset & in rerum natura nullus haberi,
Ni varium hinc ageret Motus, & inde Quies.

X X V I I I.

*Piscis in Frisia littore captus, dorso in concertantium
navium speciem expicto.*

OCeani figmentum ingens (vix sæcula credent)
Squamigeras audax educat unda rates.
Pistrix una vehit pugnacem in tergore classem;
Fictaque velivolæ cæcula bella cutis.
Lineolis virgata suis, reditusque, fugamque
Miscet, & alternas ductilis umbra minas.
In vivas si mostra migrant Neptunia naves,
Jam nova pisces Mors metuenda mari est.

* *
* *

XXIX.

Ad Gaurum.

Hæsimus ad commenta tui facunda Libelli:
 Claudit enim incisum Lunula multa stylum.
 Ut tibi sim similis, da Gaure, parenthesin utar:
 Libera cum fuerint otia, deinde legam.

XXX.

De Bombyce.

IN celeres sese Bombyx tandem induit alas;
 Desinit ut vermis repere, discit avem.
 Optima regnandi lex hæc scitissima: felix,
 Servitium expertis, obvenit imperium.

XXXI.

De Eodem.

SI pereant taciti globulis Bombyces in ipsis,
 Optima sunt facili stamina necda manu.
 Folliculis ubi clam ruptis volucrum otia prensant,
 Textrinarum operis vilia fila trahunt.
 Immoriens bene ni cœptis firmissima virtus
 Hæreat, emeritum cætera, vilet opus.

X X X I I.

De eodem.

Cum satur adrepsit Bombyx, gaudetque genistis,
 Vermineique pudet nominis, ales hiat.
 Ales hiat, nec avis; dubiæ levis infitor auræ,
 Vix tenuem formam papilionis habet.
 A teneris properet Pietas assuescere Cælo:
 Serius in pennas hiscere, ludibrium est.

X X X I I I.

Horologij Umbra Hypocrisin exprimit.

Verfile in Amicorum genium, moresque bilingues,
 Hæc oculos index temporis umbra docet.
 Nam tibi dimensas ad Solem nunciat horas:
 Nulla tibi, cum Sol præterit, Umbra flet.

X X X I V.

Mexicani certantes, pedibus sagittas jaciunt.

Dum ludit, pedibus vibrat, regeritque sagittas
 Mexica Gens, tanta dexteritate viget.
 Usque adeo primis cum robur ab unguibus auctum est,
 Pes etiam discit vincere, non fugere.

XXXV.

In Novitiam Quietistarum haresim.

Ficta fides quamquam ignavis obdormiat umbris,
 Atque animi nullas exerat usa preces;
 Orandi studium docet, & divina recludit,
 Unde frui possit vel sine mente Quies.
 Illuso mendax hæc gannit Hypocrisis ausu,
 Damnatae Siren pronuba delicta.
 Quid sibi non timeat Pietas, si credula peccat?
 Aut ubi fraus non est, si dolus ipsa Fides?

XXXVI.

*Ismenias Nicomachus, Tibicinum manus gemmis ornabat;
 ex Plin. l. 37.*

Ismenias non unus abnepos Aulam
 Tibicinum implet blandientibus buccis;
 Famæ libido insana pascit Hydropem;
 Tumidisque laudum dulcè fallit ampullis.
 Veri alta vox vel nulla, vel sonat raucum.
 Mendaciorum in pretia, qui dolo plaudunt,
 Plenaque palpant Principes manu, gemmant.

XXXVII.

Facile Sapientia compendium.

Ingenium felix aliena infania reddit,
 Utere. Sic sapiens tutius, & citius.

XXXVIII.

Asclepij Mors e potu frigida, cum Pompei Magni Medicus per 72. annos Oceanum enavigasset.

PEr Libycas Syrtes, madidique Ceraunia Mundi,
 Vicerat edomito naufraga monstra mari.
 Rexerat & magnum medicis Asclepius armis,
 Undique piratas dum fugat Encelados.
 Cum secura Senex jam duceret otia, lapsas
 In puteum, placidis occidit haustus aquis.
 Nata domi Scylla est; sitiunt ubi Fata, petenti
 Limpida vel Lymphæ pocula, Mors bibitur,

XXXIX.

*Ad Franciscum Palmerium Chirurgia scientiæ
 insignem.*

DAt meritum decus, & fausti tibi nominis omen
 Palma, triumphales pandere nata comas.
 Tot Fati exuvias igni, ferroque magistro,
 Tabida quot curas vulnera, Victor habes.

XL.

*Romano in Foro Martia Statua cum laqueo, contra
 improbos litigantes. ex Plin.*

EX alijs aliæ erumpunt in jurgia lites:
 Tende minax funem Martia, tende manum.

X L I.

*In Charmum,
ad prandia strenuum, ad reliqua imbecillum.*

I Eiuno poteris parare cippum,
Si Charmum videas jacente vultu
Tristem, pallidulum; indigum bacillo.
Vix respirat anhelitu; manumque
Ægrè paralyfi regit trementem.
Dum prandet tamen, alter, æneusque,
Ac MENSARIUS HERCULES videtur.
Taurum absumeret unus & Milonem,
Thynnumque, Xiphiamque cuspidatum;
Quin & Nereidas voraret ipsas.
Credes ex Samia schola renatum
FLACCUM hoc vivere FERULARIUM xvq.

*Eques Ro-
manus.*

X L I I.

Vnde felix coniugium? ex Alphonso Rege.

Quid auspicatas nuptijs tædas facit?
Sit cæca Coniux, & Maritus surdior.

X L I I I.

*De Aristo,
qui vestium elegantiam affectans, in lutosam foveam
lapsus est.*

L Axior ad talos flueret cum vestis Aristo,
Implicitus cætam decedit in foveam.

Ex L. Te-
lin. C. de
Edil. §. i.

Emersitque paludatus, movitque cachinnos;
Nam Tunicae fundum accedere, ridiculum est.

X L I V.

XII. Kalen. Martij Roma olim Stultorum FERIA.

Quæ paucos semel in dies Quirinis
Stultorum celebres fuere, mirum!
Post tot sæcula Feriæ perennant.

X L V.

In Causarum comperendinationes.

Macrobiz vivunt lites in sæculum & ultra,
Immensumque annum sæpe Platonis habent.
Res eadem arbitrij variat, Legumque tabellas
Sacra vovet Lucio Judicis urna Deo.
Victorem, si sera venit victoria, perdit:
Victrix jacturæ est alea, si properet.

X L V I.

Horologium Solare in myrteto.

Tonfilis in ramos, ferroque edocta sagaci
Myrtea labentem dividit hora diem.
Arcolæ primo vigilant cum mane virentes,
Umbra notat varium cædua Solis iter.
Quisquis ades, fluxæ discas dispendia vitæ.
Inter enim myrtos aurula mortis hiat.

XLVII.

In Pappolum curricænam.

Quò jejuna domi vitet jentacula, solers
 Hac juvat exertam Pappolus arte gulam.
 Pingere se lautis sciatherica spondet Amicis,
 Unde decus villis, ingeniumque venit.
 I, dubias alijs horas; i digere Soles.
 Recta sat est. Umbras non mea cœna capit.

XLVIII.


Ad Lectorem.

Exossis mihi vox Phœbo balbutit inermi.
 Scribimus has Cynico sed sine dente Notas.

XLIX.

De Absalone suspendiario.

Crinibus Absalon pender, Fatigue satelles
 Ipse sui, ad restim palpitat arboream.
 Forsitan ut tanti caveat sibi funeris uncum,
 Comptula venali crine juvena nitet,
 Frustra. non uno sævit Fortuna capillo.
 Novit enim mendax perdere calva caput.



L.

*D. Agatham novis mammis curat Apostolorum
Princeps.*

Cur abscissa Agathæ non reddidit ubera, Cæli
Claviger, Hyblæis floridiora rosis?
Usque adeo formosa sinu patuere bigemmi,
Ut fuerint numero congemina pariter.
Altera dum premerent lac sanguinis, altera lucem,
Visa anceps, quænam lamberet, ipsa Fides.

L I.

*Ad Barisciani Marchionem D. Julium Casarem Ca-
racciolum, urbanum Neap. Pratorem.*

Non Abavum te Fama insignem, armisq; potentem,
Nobilior sed amat dicere Fama, Tuum.
Consilij acrem, ac vigilem Prætura Lycurgum
Suspicit, & famulis Fascibus urbis amor.
Visa uno tecum nasci Prudentia partu.
Est tua jam, quæ laus magna Catonis erat.

L I I.

*S. Eventius adificanda Basilica pecuniam Nerone signa-
tam effodit e terra.*

Eruit e glebis numerosum Eventius aurum,
Splendida quo summo surgeret aula Deo.
Pauperiemque Fides ditavit, & ubere censu
Sensere Indigetem rudera scissa Midam.

Insuper hæc, ingens flavis annona monetis,
 Sculpta quibus sævi forma Neronis erat.
 Optimè & hoc factum, ut qui perdere ferreus Aras
 Cœperat, in nummis aureus erigeret.

L I I I.

In Plexippum ambigui moris, & sætidi oris.

N Il mihi sit tecum. Loqueris Plexippe mephitim.
 Exhalant hircum singula verba suum.
 Altam animi vomitum timeo, pestemque latentem.
 Oris enim gravitas æquivocum quid olet.

L I V.

*Demosthenes in Neptuni Templo hausto
 veneno obiit.*

I Ndoluit cecidisse suam Neptunus ad aram,
 Quem lingua blæsum, lepidè Demosthena Rostris
 Tradiderat facundum, ingens Famæ instar Athenis.
 Exitium bibit ipse suum, Cricoque latentem
 Mortem acuit, magnamq; animam vi tradidit umbris.
 Rhetoris hæc tanti merces. Sic Fata perorant
 Non pauci; & calamis cippumque, & funera portant.

L V.

*Ad D. Ignatium Samblasum litterarum omnium Pry-
 taneum, ut pœtica sua typis mandet.*

P Ierij dare jura potes si musica Mundis,
 Et nova Dirææ condere regna lyræ;

Carmina promeritæ quin tradis Aphelea luci;
 Ut facias Italis vatibus ingenium?
 Carmina Fortunæ elidunt versatilis orbem:
 Temporis elidunt carmina docta metum.
 Magnus Alexander, vigili cum vinceret ausu:
 Maior, cum somno subdidit Iliadem.

L V I.

*Agri genti domum vocarunt Triremem, ubi plures ebrj
 se navigare putarunt. ex Athen. l. 2.*

Qui vates in Olympia recentem
 Scripsit carmine Nauticen venusto,
 Prædonesque recensuit Liburnos,
 Et Prætoria carbasa, & Batavis
 Naupegis onerarias & Anglis;
 Et quæ Tethyn arant inhospitalem
 Monstris navigia, ultimique sulcant
 Fines Oceani; simul Celoces,
 Et natos maris otio phaselos;
 Unam præterijt tumultuantem
 Insanis freta per Falerna Cauris,
 Vinosoque gravem Æolo Triremem.
 Sub tecto temulenter undulato
 Compegere reciprocis in orbem
 Convivæ pateris. Dedere vites
 Antennas Marcorides, metumque
 Scissæ velivolum dedere mappæ.
 Illam non Hyades truces procellis,
 Non Typhon hyemem ferens aquosam,
 Crater turbineo sed unus astro
 Syrtes impulit in voraginosas.
 Cum se naufragio obrui timerent,

Men-

Mensas, stragula, mente fluctuanti
 Hi raptim abijcere: hi meris precari
 Tritones lacrymis, & insepultam
 Votis omnibus amovere mortem.
 Tempestas hodieque Combibonum
 Cœnas hæc cyathis quatit, domique
 Bacchæos male mergit Argonautas.

L V I I.

In illud Pindari.

Δικαιωσύνης τὸ χρύσεον πρόσωπον.

A Urea Justitiæ facies cur picta severæ?
 An quia pragmaticis pallet inusta strophis?
 An quia sat dives niteat sub Judice recto;
 Et pretium sese censeat ipsa sui?
 Si fas vera loqui: cum depluit aureus imber,
 Prostat, venalem degener in Danaem.

L V I I I.

*Ad B. V. semper Augustam Dei Matrem, sine labe
 Conceptam.*

O Quæ Nazareis properat formosa rosetis
 Surgere, divini prodroma Solis Eos?
 Spe placet; & jam jamque tenerrima nictat in ortum;
 Nec dum visa animat gaudia, vota beat.
 Miranturque hilares nova, nec sua stamina Parcæ;
 Albaque festivo pollice pensa trahunt.
 Una luem antiquam, & Colubri genitabile virus,
 Et male Edenæo vulnera merfa fimo,
 Vertit in exuvias, & Cælitis omina vitæ;

Ipſa ſui generis Flos , propiorque Dex.
Ante chaos, rerumque vices Concepta decoris
Auspicijs, potuit dicere, Mater eram.

L I X.

Nascente Minerva aurum Rhodi pluit.

Sidera vix natæ cunis plaufere Minervæ;
Aureaque e pluvia Pleiade viſa Rhodos.
Pallida nunc Latijs canit ad cunabula Muſis,
Pauperies furdo carmine Næniolam,

L X.

*Ad Hermum
de mure inſtituto ad ſuſtinendum accenſum
in cœna ceræum.*

Nefcio quis famulum a cœna manſueſcere murem
Edocuit, flexu ſuplice Lychnophorum.
Dexteritas mihi maior; anhelum ad crimina morem
Siftere, qui menti præferat, Herme, facem.

L X I.

*Ad Theſſalum.
Velificatione detorta in adverſis navigandum.*

Theſſale Loxodromam ſtudeas niſi callidus artem,
Fluctuat ancipiti lubrica vita mari.
Obliquare ſinus vento obluctante docemur:
Nec levis eſt animi flectere vela labor.

Cui

Cui Placitum lex est, & pro ratione libido,
 Multa vel in tacitis Scylla latrabit aquis.

L X I I.

In Judicem nummarium.

TE Juris æquum Judicem nullus negem,
 Nam justa cunctis imperas Clientibus.

L X I I I.

*Alphonsus Rex vetuit e Caietana Ciceronis olim villa,
 explodenda saxa deferri.*

TOrmentis Aragon Princeps, ne Tullia cavit
 Iret in ignivomas diruta villa pilas.
 Quanta fuit Latium in Periclem reverentia Regi?
 Obsequio coluit saxa diserta suo.
 Causidicis decus hoc utinam subsistat in Aulis,
 Ne lites onerent glandibus usque novis.

L X I V.

*Faber & Vormius insignes Medicochymici, margarita-
 rum conchas leprosas vocarunt.*

MArgarides gemmæ sunt divitis ulcera lepræ,
 Sic phisici censent Vormius, atque Faber.
 Danda fides Medicis, non abnuo: sed mihi jurent,
 Quòd scabiem hanc manibus mallet uterque suis.

L X V.

De Antiphilo Pictore .

Humano Antiphilus pinxit sub schemate Gryllos .
 Pingeret hoc multos tempore Gryllosophos .

L X V I.

*Rhallus Morio fatuissimè dormiens super marmoream
 urnam stipulis imbutam.*

Saxea pulvinum cum sterneret amphora Rhallo,
 Imbuit, ut fieret mollior, hanc paleis .
 Sedulitas tam stulta & Avaris assidet, auro
 Quos vigilans angit pellice dura quies .
 Arca tegat quamquam intus opes, ditissima rumpit
 Somnia; quæ menti proxima cura subest .

L X V I I.

Ad Pamphilum de Savino simulatore .

COmica Savini facies actura tragædum,
 Vel Pyladem novit fingere, vel Jonathan .
 Tortianimum nullus rimaberis intus Aruspex,
 Sepiolæ mores Albus, & Ater habet .
 Invidet occultè Socijs, & laudat apertè;
 Nec satis ut constet, quos amat, hâmat & hos .
 Nî protasim vites, supremo flebis in actu;
 Cumque tuum jures Pamphile, *ἡγοροφῆς* .

LXVIII.

Herba, qua Terramotus dicta ab Averroe.

E Motæ spuriam terræ vapor egerit herbam,
 Quam putris efflato sulphure gleba foveat.
 Porrigit hanc Fatis nimium Natura fatiscens.
 Una hominum sterilis Mens, & hiantes solo est.

LXIX.

Thoma Cornelij epitaphium, qui medica Progymnasmatum expolitissima Latinitatis edidit.

Qui jacet hic Cinis ex Celso, Cornelius ille est,
 Præ quo alios Tacitos diximus esse Sophos.
 Commentus medicis quot Progymnasmatum curis?
 Abdita quot calamo scripsit anatomico?
 Quot Latine gemmas Venus indidit Atticæ linguæ;
 Et nitida potuit conseruisse stylo?
 Divinæ Princeps ut Palladis audit Aquinas,
 Unus erit physicæ Tullius ipse scholæ.

LXX.

Iurisperitos esse quis Scholasticos
 Ausit negare? in Dabit is arguunt bene.
 Præ manibus ipsum penitus Aureolum sciunt.
 Quin Orthodoxos dicerem: at sectæ nimis
 Donatianæ munerantium favent,

L X X I.

*Ad Nummulum,
De immortalitate Anima subtiliter
delirantem.*

Ultra Philosopham crepidā quid Acephala garris?
Impie ne pereas Nummule, μηδὲν ἄγαν.
Quò te plus acuis, plus deficis: intima torpet
Vis anime, si te febris acuta premit.

L X X I I.


Ad Cocalum Equitem iracundissimum.

Nobilis es, tamen immodica si ringeris ira,
Tandem expers capitis Cocale, bilis eris.

L X X I I I.

In Byrrhum.

Cum vacuis Byrrhus singultiat otia nugis,
Mexica bis haurit pocula, terque dic.
Accisamque animam studiis excusat acutis;
Ingenio vires addat ut ipse suo.
Grammaticus malus est: rerum genera helluo miscet,
Cum biberit libras, asserit esse libros.



L X X I V.

Crateres inscripti dicebantur Grammatici.

Γραμματίκxς olim calices plena Hellade dixit
 Ganea, quos bibulis sculperet usa notis.
 Merfit in his ferulam, & scuticas potator Erasmus.
 Cum Fidei Scholion præbibilis ambiguz.

L X X V.

In subitariam litterionum plebem.

Raucifonis nulla est Ranis infantia vocum;
 Vix natæ indocili jurgia tulle vomunt.
 Lusinijs vox tarda, hilari suavissima cantu,
 Erudit in melicos plumea plectra modos.
 Pensitet hoc nondum fellas egressa scholarum,
 Per Samios pubes cautior ire gradus.

L X X V I.

Qui nescire velit Naturæ arcana latentis
 Multa libens, animi plus sapientis habet.

L X X V I I.

*Ad Franciscum Rhedi
 Protophyficum eruditissimè sapientem, ob Opus de
 Insectis.*

Maximus in minimis labor est: Natura fatiscit,
 Cum solers lapidum geramea puncta facit.
 Cum

Cum prope jam nullis animam concinnat, & artus;
 Hoc tibi præ reliquis dædala jactat opus.
 Non secus argutæ præfers miracula mentis,
 Dum genesis, & mores exprimis Entomatum.
 Quàm scitè indagas atomos, atque Ouula vitæ
 Prodroma, vel tersis coeca microscopijs?
 Augur es: antiquam tibi debet Hetruria laudem,
 Plus extispicijs clarior ausa tuis.

L X X V I I I.

Ad Eundem.

ob Libellum inscriptum, Bacchus in Hetruria, festivissimè disertum.

Regnat Io, Thuscis Te Præstite collibus Evan;
 Et ciet ingenijs, & levat ipse litim.
 Seu virides blando quâ Thyadas imbuat auro;
 Seu quâ vitigeno nectare Chiantin alit.
 Namque triumphali ramosum tempora ferto,
 Dat tua per festos ludere Rheda dies.
 Et præit illecebras, quas Mexican haurit odoras;
 Quas calidæ miscent Sinica regna Chia.
 Vesuius at tumido ne deflagret invidus Arno,
 Uberius lautas liquitur in lacrymas.

L X X I X.

Idem.

Iuppiter in Semelen uxorius arsit: Jaccho
 Fabula fulmineum hinc credidit esse patrem.
 Te, cum Bacchum iterum edideris sæcundus Etruscis,
 Dicam Medicei Sideris esse Jovem.

Ad

L X X X.

*Ad Nazarium de Caro Jatrophyicum, qui eleganti
libello febres mali moris delineavit.*

M Aligna si laceſſat Eumenin Febris,
Nec ulla maculis ſigna promat in vultu;
Mitesque ſurdis pulſibus micent iſtus,
Totum Galenum, ipſam Æſculapij thecam
Deridet, infectura viſcerum fibras.
Tuo Ars libello ſubdolam indicat peſtem,
Secatque, ſi minus integrè retundit vim.
Genus remedij eſt, noſſe quo cadas fato.
Falli pudendum, non perire Mortales.

L X X X I.

*Cujusdam matrona, in ſiniſtro cordis ſinu, parva
cochlea inventa eſt. Scilla in litteris.*

L Udicra Limacem, an vindex Natura recurvum
Implicuit læva cordis in auricula?
Crediderim turpem ſe turbinat in Cochleam Cor
Præmoriens, quantum fœmina ſi quis amet.

L X X X I I.

*Ad Joſephum Brigantem,
in re medica & pœtica peritiſſimum.*

C Arminibus noſtris non illaudatus abibis,
Docte Machaonia plectere lege lyram.
Pſalteria quæ Solymi cecinit jam Purpura Yatis,

Ad

Ad numeros revocas ingeniose novos.

Ecphrasis hæc miseris narcosin pellet ab Ægris;
Eludetque tuos Hemitritæe dolos.

* Saul
filius Cis.

Effera * Cissidæ potuit deliria Regi,
Diluere arcanis nam melopocia modis.

L X X X I I I.

*De Naptijs Maria Anna Neoburgica cum Carolo II.
Hispaniarum Rege.*

Libemus Horis, Gratijsque libemus.
Hispana nupto Regna Carolo, jam spem
Jubent redire fluctuantibus Mundis.
Felicitas si sera, gratior votis.
Defloruere Lilia, ut ferax Regum
Pietas decora Conjugis Palatinæ
Non defuturam pariat uberem messem.
Benigniorè Heroides Neoburgæ
Nascuntur astro, & Austrio parant Cœlo
Martes triumphis auspices, Joves Aris.

L X X X I V.

Idem.

Hesperiiis subridet Eos Neoburgia Regnis:
Mox dabit Infantes Solibus ire dies.
Germanam cum faustus Hymen præluceat Arcton,
Nulla præmet nuptos Umbra, vel unda thoros.
Carole Te Regem genuit Marianna potentem;
Et Regem facies Te Marianna Patrem.

L X X X V.

*De eadem Augustissima Coniuge Imperatricis
Sorore.*

Aultriacis iterum Fortuna Sororia sceptris,
Splendidius Mundum subdere utrumque parat.
Cæsaris hinc thalamos ornat fecunda triumphis;
Pronuba & hinc Reges parturit Hesperia.
Quid jam Ledæos Fratres in vota vocemus;
Fausta duplex nobis si præit Astra Soror?

L X X X V I.

*De eiusdem ad Coronna portum adventu in Gallia
Regno.*

UNa Cor, Hispanæ simul & spes una Coronæ,
Digna Coronæ littoris hospes adest.
Victricem Oceani nutu cum fecerit Argo,
Prætulit ex oculis astra serena suis.
Et fuit in fatis, ut Iberi gloria Martis
Exciperet magnum Divus ad Imperium:
Gratulor augustum tibi jam Gallæcia Portum:
Gratulor cluso Gallica rostra metu.

L X X X V I I.

Ad Eminentissimum Principem D. Antonium Pignatellum, Purpuratum Neapolitana Urbis Antistitem.

MOs fuit in summis ollas affigere tectis,
Ut procul hinc Oscen noctis abesset avis.

Ne cubet ulla sacris, ululet ne noctua Templis,
 Purpurat ex Ollis tutior Ara tuis.
 Parthenope Delphi mendax jam rideat antrum.
 Divinos in Te Præfule habet Tripodes.

L X X X V I I I.

Novendialis luctus in acerbissimo Caroli Lotharingi obitu, in quo summum robur, ne quis posset vincere; summa pietas, ne quis vellet. Suff. catiis angina faucibus, vix integrum fuit ad Casarem, & Coniugem litteras dare, & de scripto Sacrum Oleum petere.

DA veniam lacrymis Pietas. Immane dolendum est;
 Prima ubi Cæsarei gloria Martis obit.
 Desperat nam Fama parem. Quot Olympia vicit?
 Quot sua Bistonias ebibit hasta neces?
 Loricæ meritis potuit Lotharingius Heros
 Fulminis, & Laurinectere dissidium.

L X X X I X.

CArolus anginx moriens obmutuit Isthmo;
 Abnuit & fatiis ultima verba suis.
 Ne tamen extremæ deessent solatia luctæ,
 Præpropero petijt Chrismata Sancta stylo.
 Non minor est virtus, Lachesi luctante per æstus
 Immites, calamum stringere, quàm gladium.

X C.

Quamquā inensa aditū claufere Paristhmia verbis,
 Vox operum Lotharo perstitit alta Duci.
 Scilicet ad Thracum excidium, Senonesque domandos,
 Una triumphales lingua fuere manus.

X C I.

Sanguinis effluxu periit, flammante Synanchi,
 (Fortunæ magnum hoc crimen, & erubuit.)
 Ipse sui victor, ruptis in prælia venis;
 Tantæ animæ angustum, credite, pectus erat.

X C I I.

Carole servabas Godefridi Principis Hæres
 Legiferam Mentem, belligeramque Manum.
 Austriacis alios invicte daturus & Orbes;
 Othomanum Latio barbara Regna Patri.
 Ingentemque tui spem Rhenus ovantibus undis
 Hauferat, hostiles terrueratque minas.
 Te sine jam luget sectos in flore triumphos,
 Fama pium luget Teutonis Æacidem.
 Oage si Cælo decus adderis alter Orion,
 Europæ redimas Sidere damna tuo.

X C I I I.

Secum alij Veneres ducant ad prælia Mimas,
 Atque capillatos, mœcula philtro, greges.
 At Lotharo virtutem acuit Crux, munus Avorum;
 Cultus adorati Numinis, Ægis erat.

Par Cidari galea, & Lituo par hasta; Theorum
 Præstitit incerti Martis arena Ducem.
 Mira quidem in bello Pietas, sed vera: sub armis
 Inducrat Genios Carolus Austriadum.

X C I V.


ET Deus, & Cæsar, Conjux, Carolo ultima cura
 Hæsit in extremi temporis articulo.
 Sic Animam, Gladium, Calamum, decora omnia Famæ
 Impendit, pius ad funera, fortis, amans.
 Netumeat, si vocis iter Mors improba clausit,
 Quis fuerit, victrix gloria sat loquitur.

X C V.

DEpositum latet in parvo quàm grande sepulchro?
 Umbra tegit Martem Cæsaris, umbra Jovem.
 Non fore mortalem, vel iturum in sæcula numen
 Credidit & Virtus bellica, Fama, Fides.
 In se magna ruunt: nimium ex quo splenduit, arsit.
 Fulmina sic subito fulguris igne cadunt.

X C V I.

NON habet Heroum victrix Epicedia virtus,
 Præfica funereos Gloria verte modos.
 Dignior æternis Lothari nam Laurea fastis,
 Tristitia proscripsit carmina, cum siluit.



XCVII.

*Galilæus post deprehensas in Sole maculas obcæcatus
Cæli aspectu caruit.*

Qui maculas Soli imposuit, motumque negavit,
Ausus fidereos Censor obire globos;
Luminibus captus, vivæque obnoxius umbræ,
Ipsam Mundi oculum cernere non potuit.
Nam Cælum fecisse nocens, ac Principis astri
Stemmata micrologo diminuisse vitro,
Supplicij eclypsin meruit, vultumque sepultum;
Unde reo dixit nox inopina diem.
Vera in se doluit, non debita stigmata Soli:
Ut pœna elueret crimina, cæca fuit.

XCVIII.

De Eodem.

IN Sole labes turbinatim mobili,
Rimante tam longè tubo.
Galilæus arguit, Opticæ lumen Scholæ;
Corrigere quis porro audeat?
Correctioni nullus accedit locus,
Ubi Principes peccant Viri.



X C I X.

*Ad Serenissimum Sabaudia Ducem, Cypri Regem,
ut Gallorum incursiones ab Italia procul arceat.*

S Emideis Dux aucte animis, age fulmina vindex
Exere, & Ausonij Juppiter Orbis eris.
Libertatem assertam Italæ tibi debeat Æther;
Quam sacra divinæ Sindonis umbra tegat.
Hostica jam fraudum vis cædibus obvia nutat:
Bellisonis fugiunt Alpibus Annibales.
Magna quidem petimus, Regi sed digna Sabauda:
Spem poteris nostram vincere, vota nequis.

C.

*Ad P. Dominicum Jameum,
ut Pancratiastes decurso in prælegenda Theologia studio,
commentationes in lucem edat.*

Quid tacitos finis in latebra Jamæ labores?
Divinum nitido lumine lychnon olent.
Et Latij mellita favis altissima Cœli
Sensa, darent tetricæ verba disetta Scholæ.
Ingenij census sese, cum diditur, auget:
Hinc magis in culpa est mentis avarities.



C I.

*Ad D. Nicolaum Federicum inito Sacerdotio, Sacris Con-
cionibus, ac Legalibus studijs sedulè incumbentem.*

GAudeo quod Mensæ post libamenta Theurgæ
Ad Sacra jam properes pulpita ferre gradum.
Ipse etiam Aonidum castris post terga relictis,
Transiliam præ quod publica vota petunt.
Gusmani aggrediar Divi primùm edere Fastos;
Mox alia; iniiciat ni mihi Parca manum.

C I I.

*Ad Joannem Baptistam Bigattum, Rationalis, ac pro-
batissima Medicina cum primis peritum.*

HOc tantum Bombycis habes Bigatte, quòd ægris
In longum vitæ stamina firma trahis.

C I I I.

*Ad D. Franciscum Bombacem Neapolit. inter Canonicos
Ecclesiasten eruditè Theologum.*

VEL tua vis Linguae, vel pectoris integra virtus,
Utraque Mytologæ pondera laudis habent.
Debita si sacram non dum tegit Infula frontem,
Tantus es, ut faciant & merita ipsa moram.

C I V.

*Ad P. Fabium de Vrbe in Theologica palestra primarum
partium Athletam*

*De ijs, qui ementito cognomento superficiariam
Nobilitatem jactant.*

P Atritios inter Fabios duxisse Quirina
Te possem antiquum dicere ab Urbe genus.
Rideres tamen ad palpum. Sapientibus ingens
Stemma facit virtus, mens parat una Rudem.
Qui novus Æsopi plumis se Graculus inflat,
Nobilis æquivoco in nomine, non suus est.

C V.

*Ad Simeonem de Turri
legitimum Hippocratis, & Galeni heredem.*

E Xhibet empiricos nugax Orchestra Choragos,
Mens quibus in bullas fumat hydrargyrias.
Te Ratio addicit semper consulta Galeno.
Hunc relegunt magnum nomina docta Ducem.
Angeris, Hippocrates si Carbonarius audit:
Si Panace furnum consulit, & cinerem.

C V I.

*Ad Carolum Pignatarum Medicorum
Principem.*

I Sacidum congesta olim Colocynthis in ollam,
Miscuit agrestem mortis amaritiam.

Nunc

Nunc alios experta animos, nervosque salubres,
Tuta sub Ollari nomine vita tuo est.

CVII.

Ad P. D. Bonaventuram de Tundis, ex Olivetana Familia Abbatem eruditissima litteratura.

I Bis & in nostros nomen Geniale libellos,
Qui pia facundo nectare præla beas.
Credimus impensum tibi totum Palladis æsem,
Nam tua par Oleæ tempora Laurus obit.

CVIII.

Ad Lectorem,

Hic muscitium indicunt mihi serici. Longum
Ægra vetat choreas ludere ruga : Vale.





EPIGRAMMATON

LIBER X.

I.

*Ichthyopadia ,
Seu Xenia de Piscibus,
Antecineraliis ferijs.
Ad Philytium.*

Proxima cum tenues revocent Cineralia mensas ;
Claudat & exertæ limina Carna' gulæ ,
Hanc tibi non veritæ apponunt obsonia cœnæ
In patinis facili disticha curta stylo.
Ne tamen insulsæ moveant fastidia Musæ ,
Dapilis herbofo carpitur esca mari.

I I.

In Apollinis iconem libello. prefixam.

Pastor ab Amphryso, nunc & Piscator Apollo,
Ne lyra sordescat pulvere, tergit aquis.
Abnuat Admetum, Sebethidis accola ripæ:
Pluris habet muto reddere jura gregi.

Aci-

III.

Acipenser, seu Sturio.

Dives adest Procerum mensis Acipenser opimis;
Si cupias, inopem verte Philycæ famem.

IV.

Acus.

Obruso sis ingenio, stultèque supino;
Hunc comede, & stomachi rem tibi tanget Acus.

V.


Anguilla.

Lubrica Pragmaticis par est Anguilla dolosis;
Vt teneas, digitis effluit uda tuis.

VI.

Mullus, seu Trigla.

Millibus hic octo nummum olim vxnijt. ingens
Luxuries squamæ sæpe facit pretium.

*Idem.*

VII.

Idem barbatulus.

EXimium duplex insignit barbula Mullum :
Nunc decus imberbes est nituisse senes.

VIII.

*Idem miniatis genis expirans multicolori varietate
mutatur.*

Pingitur immoriens squamis variantibus ostrum:
Serus obit rubor heu crimina, dum percunt,

IX.


Idem degener & mollis, saponarius.

Pinguescat cæno, mollique lutarius alga,
Libertis erit, & vilior esca Fabris.

X.

Scorpius, vulgo Scrofanus.

Noxius est terris, & noxius additus astris:
Lautus in Jonio gurgite Scorpius est.



X I.

Sciæna seu Umbrina.

Mitte scholam. Nihil non affidet Umbra jacenti.
Res est. Lautitijis commodar Umbra dapes.

X I I.

De Eadem.

Tetrica ne doleas parvo jejunia victu,
Exhilarer' macros Umbra marina dies.

X I I I.

Lacerti.

Pugnandum tibi credis in Lacertos?
Ictu verriculi trahuntur uno.

X I V.

Scarus, quem Rhegini Paurum coronatum vocant.

Censuit hunc olim cerebrum Jovis Ennius. ergo
Frangere; potes vescæ Palladis esse nepos.

* *
*

X V.

Idem.

Raros in pretio Scaros habemus:
Quod diu quæritur, optimum videtur.

X V I.

Pisciculi in freto siculo, vulgo Cicerelli.

Lacteolos Siculis cum quis piscatur arenis,
Credit in his mammas fugere Nereidum.

X V I I.


Pagrus.

Carpe Dicarchæo faturos in littore Pagros:
Phasides haud succi sunt melioris aves.

X V I I I.

Rhombus.

VT Venetum mensis sapiat par forma rotundis,
Rhombus in expanso mollior orbe tumet.



XIX.

Congrus.

Hoc decus est Congris, amissa vivere cauda.
Longo alijs addit syrmate cauda decus.

XX.

Chrysophrys, Aurata.

Flava supercilijs, & nomine lautior ipso,
Vota etiam saturæ mordet avaritiæ.

XXI.

Piscis Capo e Gallis, scopulis prope Lubram.

Si Capum ad Gallos tibi nassa occludat obesum,
Lucullus fies; oscen Apollinis est.

XXII.

Solea, qua lingulaca.

Plus veterem laudat Soleam censura Culinæ.
Gutturis est, nudos non subit ista pedes.

* *
*

XXIII.

Lampetra.

Intortam Libyæ quamquam exprimat aspida rictu
Lampetra, si fauces mordeat, illecebra est.

XXIV.

Salpa.

Salpa recens gustata sapit, ceu fluxa voluptas.
Mox alvi redolet turpior illuviem.

XXV.

Testudo.

Assa chelenophagis dat plurima fercula cœnis,
Quin abacos levi cortice secta tegit.

XXVI.

Rhombus.

Piscibus e planis jucunda est gratia Rhombo:
Unum hominem fugias moribus usque planum.

* *

X X V I I.

Locusta.

Terra truces segeti, mires alit unda Locustas,
In causa locus est sæpe, fuisse malum.

X X V I I I.

Pisces Canes.

Longior a Cynicis, pelagi contemne Lyciscas
Ne qua laboranti tormina ventre latent:

X X I X.

Citharus.

Mutus hiat, resonat cui nominis aura canori,
Garrula sic Sciolis nomina, sed sine re.

X X X.

Rana.

Iurgia non limosa tuas hæc gannit in aures:
Blanda strepit surdis faucibus ad patinas.

X X X I.

Piscis Aper.

Non opus Herculeæ vim clavæ intèndere, quando
Squamigerum tenuis lancinat hamus Aprum.

X X X I I.

Boax Piscis loquax.

Protheus ut tacitos pelagi compescat alumnos;
Est qui vocali murmuret ore Boax.

X X X I I I.

Rana Piscatrix.

Fluctivagi insequitur pecoris dum vafra faginam,
Capta luit pretium fœnoris ipsa sui.

X X X I V.

Alofa aristulis plena.

Quiscumque flumineas ad prandia poscit Alofas,
Tædia, spinosumque esurit ille metum.

X X X V.

Pholis, Rondoletio Bavosa.

Vix oboli facias: muco se fœda salivat.
Nec dabit emunctis naribus esse Pholis.

X X X V I.

Erithrinus rubicundus.

Dulce rubens oculis Erithini manditur ostrum.
Et gula sit duplex, hinc sapor, inde color.

XXXVII.

Synodon, Dentex ferratis dentibus.

Dentibus ut lautum sapiunt Synodontes acutis;
Sic quoque dentatis scommata falsa jocis.

XXXVIII.

Orphus, qui Cernua.

Aligustâ huic chlamidē, & sacros gula vovit honores,
Nunc etymon vultu vilius Orphos habet.

XXXIX.

Merula, quam alij Rosam appellant.

Cum Merulae Rosa det nomen, res una videtur,
Et terræ soboles concolor, atque maris.

XL.

Tania gracilis, & boni saporis.

Fœmineis auget luxus dispendia vitæ,
Quas simul hæc ornat Tania, pascit item.

LXI.

Coracinus.

Pasceret hic Eliam lumbis si Corvus obesis,
Nullus Achabæis lancibus esset honor.

X L I I.

Piscis Novacula & Petten.

N Idorem patinis ferrugineum afflat & ollis;
Dic age, qui vocat ad fercula, Tonsor erit?

X L I I I.

Sargus.

C Orripe, nam lentè retrahat si linea, solers
Atterit hanc, certum lex citò plecte, nefas.

X L I V.

Blennus, & bulbis, vulgo Cipolla.

S Quamea vel falsis turgent quoque Cypula glebis,
In socios bulbis insidiosa suis.

X L V.

Gobius.

I Nter Neptuni famulos non ultimus erat
Gobius, in Veneto laus sua multa mari est.

L X V I.

Aselli, vernaculè Merluzzi.

C Or quibus imbelli tantum conerescit in alvo,
Quin rudis insulso nomine signet oros?

Aqui-

XLVII.

Aquila.

Quam dispar fortunæ Aquilæ? Jovis armiger ales;
Cum natus, ex unco penſilis ære perit.

XLVIII.

Turdus maximè laudatus a Tralliano;

Iure bono ptisanam dices innare marinam,
Saxea ſi Turdos littoris unda dabit.

XLIX.


Murana in auribus ornata Baulis in piſcina;

Indidit huic teretes auro Drufi uxor in aures;
Ut celer ad dominas diſceret ire manus.

L.

Carpio.

Gloria Benacæ cur Carpio dicitur undæ?
Anne quod e loculis carpat opimus opes?



L I.

*Exocætus, qui & Adonis, tranquillo mari cum fluctu
exilis in terram.*

Si tibi mens non sordet, ab hoc per saxa cubantem
Abstineas hamum cautus, Adonin oler.

L I I.

Phyffalus oculos in ventre habet.

Ventrosis spectantem oculis qui Phyffalon audis,
Non secus omniuioris lumina nata putes.

L I I I.


Perca.

Pæonias succis, & amantes saxea Percas,
Omphaga nil curat Ganca, nempe breves.

L I V.

Piscis Palumbus.

Falleris implumes pelagi venate Palumbos:
Damnatos retrahent retia jacta canes.



L V.

Raia Stellata.

S Tellatam Astrologis caveas apponere Rhaïam.
Ne damnent ipsam ad lubrica fata Thetis.

L V I.

Mormyrus.

Vix refugum capies altis Mormyron in undis;
Exit inexplicitis humida lina dolis.

L V I I.

Pelamys.

Cæcula Pelamydum teneris gens durior annis,
Mollius ad pingues crescit adulta dapes.

L V I I I.

Porcus pelagiæ.

Sus etiam pelago grunnit, cui spina venenum est,
Vulnera sed medico curat aperta fimo.

L I X.

Squilla, locustula, dicta Cantor Jovis Olympici.

Accipe campani quæsitam Lyris alumnam.
Gibba fuit quondam psalteria Squilla Jovis.

L X.

Lucerna.

Lingua per illunes noctes exerta Lucernæ:
Vibrat: ut exinguas, ardeat, adde oleum.

L X I.

Piscis Orbis.

Quam bene fert etymon, vacuique emblemata Mūdi?
Nempe ultra faciem, nil quod edatur, habet.

L X I I.

Remora.

Non oneret mensas lurconum Echeneis amicas,
Ne mora vinosæ sit diuturna gulæ.

L X I I I.

Vulpis marina.

Cenofam, nec vafritiem vulpecula Ponto
Exuit, abrosis transfuga lincolis.

L X I V.

Galeus Bellarus & exitialis.

Syrus hic pelagi, pictis male ringitur astris,
Et vim dentati funeris ore vomit.

L X V.

Loligo, Italica Calamajo.

Humida nox pressæ Loliginis illita chartis,
Et vitam, & tacitis Manibus ora dabit.

L X V I.

*Parva Loligines, quæ Græcis
Teuthides dicuntur.*

Cæruleos en boletos maris excipe, lautas
Teuthidas, & non quod Claudius edit, edes.

L X V I I.


Idem.

Vescere sed teneris, dos est nam summa pusillis.
Infantes sapiunt, desipiuntque senes.

L X V I I I.

Pisces cucullati.

Quæ pietas maris est? aperit sua claustra Cucullis.
Et mirum, nulla religione silent.



L X I X.

Pastinaca cultellato dorso.

H Anc si vadofī filiam maris captas,
Acuminato te laceſſet a tergo.

L X X.

Nautilus.

V Ela facit placidis remex & Nautilus undis.
Piratæ argueris crimine, ſi rapias.

L X X I.

Bæon.

Q Uis nam ſit Bæon, nautis neſcitur ab ipſis.
Fama tamen piſcem præmonet eſſe malum.

L X X I I.

Paſſer.

H Unc levis obſcœnum ſilvis vehit ala, ſalacem
Cum ſoboles Salis eſt, eluit ipſe notam.

L X X I I I.

Muſculus.

P Iſtrices, vaſtaſque præit dux Muſculus Orcas:
Naufraga ne pereant maxima, egent minimis.

Ma-

L X X I V.

Maximus cancer gibbosus , vulgo Fellone .

Immanes etiam Cancros impune vorabis :
Cancer enim perdit viscera, si quis edax.

L X X V.

Paguri, e cancerorum genere .

Edita clam taciti obrepunt in saxa Paguri .
Non nisi præcipiti præda petenda dolo est.

L X X V I.


Thunni .

Elucit Hesperiiis e Gadibus impetus æstri .
Turmatim fatuo hinc agmine dispereunt.

L X X V I I.

Clidia Thynnorum gratissimi saporis .

Pulpamenta alijs Thynnorum appone libenter,
Unus ad Oesophagi vota sat est jugulus.



L X X V I I I.

*Glaucus imbricata asperitatis , cui linea continuo tra-
ctu a capite ad caudam ducta,
Italicè Lecciola.*

L Incaeruleum pinnis tegit aurea Glaucum,
Gastrologis huic insistere, delictum est.

L X X I X.

*Scolopendra se eviscerat, ut deglutitum hamum
eijciat.*

Viscera & ipsa vomēs, quibus hæserit, egerit hamum:
Reddere sic æs raptum Scolopendra docet.

L X X X.

*Aries occulso latrocinio cymbis adnatat;
invertitque.*

Assilit, & tacito piscaria ligna natatu
Mergit: ab hoc nautis Ariete naufragium est.

L X X X I.

Sphyrana , seu sudas.

Si nulli reddas elata fronte salutem,
Oblongas tantum rebimur esse Sudas.

LXXXII.

Piscis gladius.

Æ Quoræ Xiphiam Pugilemque metumque palæstræ,
Missilis intorto fuscina dente necat.

LXXXIII.

Idem.

T Olle animos, gladioque ferox i, fide minaci,
Si repetet te mors nautica, nullus eris.

LXXXIV.

Squatina. Piscis squadro.

A Spera fac epulis Squatinæ lorica supersit.
Lævigat hæc ebeni scrinia, tergit ebur.

LXXXV.

Torpedo, vel Tremula.

P Lus levibus premimur. patiens Torpedo vorari;
Vix se tangentes funerat ultia manus.

LXXXVI.

De eadem.

S I quis emit Tremulam, motu torpescet inertis:
Nautis fas unam hanc vendere paralyfin.

L X X X V I I.

Harengi.

Addimus Oceano compendia multa Batayo.
Namque quadragenam pascimus esuriem.

L X X X V I I I.

Polypus.

Complicat ingenium Polypus versatile fraudum,
Quot cirris ambit saxa, tot ora gerit.

L X X X I X.

Idem.

Oblique natat in caput, arrectisque flagellis
Incautum abripier, si latuisse putas.

X C.

Idem.

Ægre percoquitur, ferulæ nisi vapulet ictu.
Virgæa sic curant pharmaca spermologos.

Bfaterodet

X C I.

Hiatula.

Hiscit hians segni quæ vilis Hiatula rictu,
Instar inexpletæ Mimula plebis agit.

Aphya.

XCII.

Aphya.

Vix lenes Aphya excoquitur si viderit ignes;
 Crudior est, quò plus uritur Invidia.

XCIII.

Sarda.

Si patinam pulsat cauda, pelagique recentem
 Muscum oleat, gustu iudice Sarda mel est.

XCIV.

Pompilus, qui comitatur navigia.

Quis non Pompili fidum miretur amorem?
 Vela docet tutam tantulus ire viam.

CXV.

Cammarus.

Muricis induitur trabeam, cum frigitur: eheu;
 Purpura quam multos ornat, honos tumuli?

XCVI.

Cicada.

Æquoream prorsus tacitam ne crede Cicadam.
 Si minus ad Solem, perstreptit usta Coquis.

X C V I I.

Melanurus, seu Oculata.

Percarum Melanure aciem anteis. aptius ergo
Diceris undivagi Dux Oculata gregis.

X C V I I I.

Laudatissimus lupo, vulgo Spinola.

Scindere nequitiae pedicas, & vincla magistro,
Disce lupo, quem non linea rosa capit.

X C I X.

Idem.

Retibus evadit tacitæ suffossor arenæ:
Cautè, ne desit vivere, se tumulat.

C.

Mugil faeminam insequens fuscina occiditur.

Irruit in venerem dum Mugil, & ardet, ad ictum
Perdit amans vitam ac nomen, acephalus est.

C I.

Sparus.

Pausilypi ad virides si quis Sparus exilit algas,
Ventriculo sanam donat odoratus opem.

CII.

Dracenis, nobis Tracina, lethalem habet spinam,

N Eptuni dicam Sicarium obesse Dracænim,
Cui later in nostrum spinea sca gulam.

CIII.

*Araneus vilissimi generis,
Pesce ragno.*

I Nter & æquoreas obrepit Araneus undas,
Ut ferat a factis retibus exitium.

CIV.

*Spuria Acorum species, vulgo nobis
Castandelli.*

D Egèneres Delphin hos inter aquatile vulgus
Certatim celer in retia cogit acos.

CV.

*30. Librarum in rubro mari captus, est Mullus,
Plin. l. 9. c. 18.*

I N libras si forte excreverit octogenas,
Vixit Erichræo Mullus, an Orca mari?

* *
* *

C V I.

Sepia.

Farra, vel intrito nisi sit conspersa virenti,
 Sepia Convivis non facit ulla famem.

C V I I.

Haleces.

Haleces tēti nē despice mole pusillos.
 Hōs alit in nitida prodiga Doris aqua.

C V I I I.


*Piscis Luna in Roccella visus, qui mortuus
 explendesceret.*

Lumēn in hac discit post funera vivere Luna.
 Hoc precor & busto Thracia Luna tuo.

C I X.

*Diogenes crudo polypo comeso, supremum diem
 obiit.*

Dolioli ob cyncicum qui vixerat incola fastum;
 Cruda vorans & acetabula, disperijt.



C X.

Thracuri, alias Survari.

MAncipia hæc maris insulsiſſima frige patella.
Cum ſpeciem referant Suberis, unge garo.

C X I.

Sturio coronatus in menſalem pompam apponi ſolitus.

FErre coronatum ad convivia lauta Silurum,
Luxuriæ ingenium dixeris, anne gulæ?

C X I I.

Lyra, quam Piſcem furcam vocant.

DUra cutem, multoque madens Lyra glutine mugit;
Non aliter Paphijs ſordida vatibus eſt.

C X I I I.

*Callionymus, ſeu Vranoscopus, cui in ſummo capite
oculi.*

Aſtrologi. hunc metuant. noctu vigil excubar aſtris.
At ſatur immani rumpitur ingluvie.

* *

C X I V.

Chromis, seu Castagnola.

Æ Mula castaneis bellè Chromis ora colorat.
 Anne suum jactat Mænalis unda nemus?

C X V.

Lucius.

L Ucius incautum ne nomine fallat aprico.
 Innatat ignavæ vilior hospes aquæ.

C X V I.

Tinca.

Q Uò vâleas, damnata tuis procul ignibus absit:
 Quippe creat limo deside Tinca febrim.

C X V I I.

Trutta.

P Ræ reliquis unam hanc mallet sibi Tethys alumnam:
 Piscoso invidiam parturit una mari.

C X V I I I.

Pisces Cetacei.

G Lauca maris portenta, Orcas, Pristemq; minacem,
 Nudet ad Endromidas frigida Zembra suas.

Pi-

CXIX.

Pisciculi fusanei.

Phycidas, & Cyprios, Gerres, Scombrosque gregales,
Non tanti est plagulis implicuisse meis.

CXX.

Pisces muratica falsa conditos invenit Neapoli Apicius, ubi Scapeco vocantur, marinati.

Conditam muria molitus Apicius escam,
Mandit inaccessio squamea dona mari.

CXXI.

Concha Nerita, Venerea, Melanides, dactyli, Turbines.

Et lepadas, balanos, solenas, & ostrea, Strombos
Buccina Tritonum si sonet, unda dabit.

CXXII.

Ad Zoilum.

Piscibus his tunicam, & caligas quid Zoile præbes?
Deridet sannas Ichthyopola tuas.

FINIS.

N O T Æ.

Cùm latinè doctis Epigrammata scribantur, non ad vulgi gustum, qui carminum placentulas barbaris conditas, ut intellectu faciles amat, pauca strictè explicare placuit, vel græca, vel multis inscita, ne lectorem aut morentur, aut interturbent.

χειρῶν non κειλῶν. dona manuum non labiorum; factis non verbis exhibita. Ἐγκέφαλον. cerebrum appellavit Diocles apud Athenæ: lib. 12. cum sit in capite. Ἐξιν. habitum seu facultatem expeditam. Δικαιοσύνης τὸ χρύσεον πρόσωπον. Id est, auream Justitiæ faciem. Λευκόσολα. Albis indutas vestibus. Μηδὲν ἄγαν. Ne quid nimis. Μεγαλέμπορος. magnus negotiator. ita irrisus Theagenes. Ὅραῖν & ἐραῖν; videre & amare. θηροτροφεῖς. Feram nutris. ut Augustus Pollioni Asinio dixit. Sen. l. 3. de ira.

Note ad alia, ordine alphabetico.

A Soti, ganæ studio perditæ manduconis. Anomalix, exoticæ varietates. Acrostolix, navium ornamenta. Anastasin, Resurrectionem. Adynata, impossibilia. Aphela, longe a Sole. Avertentia Sacra fieri solita, ne quid detrimenti metuerent. Anthropographum, qui homines pingit. Androgynum, utriusque sexus. Βατορία, in hac nascuntur bardi, stupidi. Βαίαι. Italix nugæ sunt. Brutum fulmen, non ominosum, nec procurandum. Cæna recta, quam Civiliores clientibus dabant. Cæna canina, vilissima e macelli sordibus. Curricænam, qui huc illuc cursitat captandis opsonijs. Calendarium, liber Fœnebris pecuniæ in quo accepta & expensa. Camarina, sterquilinum fœtentissimum. Caligæ, & Galigati milites gregarij, cruribus ferè nudis. Clidia, juguli recentes in Thynnis grati saporis. Carna, Dea Cardinum & viscerum Præfes, cui lardo litabant. Cricum, circulum brachio alligatum, vulgo *smangite*, & veneno imbutū, quo hausto periit Demosthe-

nes. Diphthologi, qui de cœnis disputant. Diabete, medicis est hy-
 drops ad matulam, hic metaphoricus, alvi profluvium præcipi-
 tis ob timorem. Equus Sciani, quem qui emeret, infelicissimus.
 Epimetrum, additamentum. Ectypa, formæ typis expressæ,
 seu copia. Endomydas, vestis hirsutæ genus. Eunomia, rectam
 legum disciplinam. Floralia, ludi meretricijs lenocinijs infa-
 mes. Foricam, locum excipiendis alvi sordibus. Glaucus & Deus
 marinus comesa nescio quam herba, & Piscis, vulgo *Leccio-
 la*. Gerontomania, senum infania. Gaktronomi, qui ventrem pro
 foro habent. Grundules lates, consecravit Romulus in hono-
 rem scrophæ, quæ XXX potcos genuit. Hepthaphona, septies
 vocem repetens. Hercules mensarius, quia eduliorum voracissi-
 mus. Hermocratem Medicum severe vultuosum, Hermogenem, in
 cœvivijs furem, lege Martiale. Hygiæ id est, sanitati. Harpen, gla-
 dium falcatum. Turcis, *Sciabla*. Hydrargyron, argentum vivum. Jovis
 Scribæ diæ sunt Parcæ. Jovem Pappam colebant Persæ ex He-
 rodotio. Jovem lapidem, veteres jurabant ex Gellio. Islebiurn, Lu-
 theri Patria in Saxonia. Laverna, furum Dea. Lamix, scæminæ
 venustæ, quæ amafios necabant. Lampadiphoria, ludi ad Parthe-
 nopes tumulum celebrati soliti, in quibus palmam ferebant cur-
 sores accensa tæda usque ad metam. Lessum, lugubrem eiula-
 tum. Loxodroma, atq; obvertendi vela. Italis. *fare il caro*. Lon-
 gam literam faciunt furcæ additi. Metanœa, pœnitentiæ virtus.
 Methonem. *Modon* in Peloponense. Mysogynus, scæminis in-
 sensus. Metatoscopa, e facie visa divinant. Morologia, stultorum
 sermones. Nauplia vulgo, *Napoli di Romania*. Necropolis, emor-
 tuorum Civitas. Naumachia, ludicrum certamen navale. Parthe-
 neum, locus Sacrarum Virginum. Panthoides, Pythagoras. Poli-
 chronia, in longum tempus duratura. Pleuritis, morbus membra-
 næ inter costas cum lateris compunctione, ex inflammato san-
 guine. Prodromus, prænunciator. Pyrphorus, facem præferens.
 Prytaneum, Athenis Curia. Peristyla, locum columnis circum-
 septum. Pyrotechnia, ars ingeniaria in scititijs ignibus. Phas-
 mata, apparitiones. Pulveraticum, honoratum munus Agri-
 mensoribus datum. Rhodino, id est unguento e rosis. Sala-
 con, sui jactator. Selonographiæ, id est Tabulis lunaribus.
 Symphysis, coniunctio. Synchrysis, confusio. Synthesis, dome-
 sticæ suppellectilis apparatus. Symmysta, ejusdem religionis. So-
 lenæ, Neapoli *Cannolicchi*, genus conchæ. Sphæromaca, pila
 ludens. Strophæ, dolosa excusatio quæstus ex iniquo causis.
 Thyades, Bæchi sacrificulæ. Thanatosophia, mortis commen-
 tatio. Theori, qui oracula scrutantur, & promunt. Theurgi, qui in
 Sacris operantur, Utopia, insula a Thoma Moro politicè con-

Æta. Xenia, dona hospitalitatis. Zoographum, qui bestias pingit.

Ubi leguntur Ventidius Bassus, Flaccus Fercularius, & similes ex Romana historia, in nominum æquivoco ridiculum later. Hæc satis, si alia sunt subobscura, tabulas Onomasticas interrogent.

Menda sic emenda.

C Alvas, pag. 15. calvos. pag. 47. Epigr. XXV. lege. Subrisit fidei plaudens Fortuna maritæ. semisacium, pag. 49. semisaucium. dedicus. pag. 60. deditus. vicies. pag. 64. 101 decies. Thiadas, pag. 86. Thyadas. vita, pag. 87. vitæ. Redorditi, pag. 89. redordiri. hydragyron, pag. 120. hydrargyron. vita, p. 183. vite. admiror, pag. 213. admiror. luminat pag. 217. lumina. suffuras, pag. 246. susurras. *αἰθρον*, pa. 254. *αἰθρον*. tralatitio, pag. 255. mulctatitio. Fortuna, pag. 313. fortuna. magnus, pag. 336. Magnum.

Alijs erratis, Lector benevole, veniam dabis. Multa enim & lynceos oculos effugiunt; multa irrepunt, vel operarum oscitantia, vel Exscriptorum incuria.

UN1
1528253





5. 2
7
-1.



